

**JOHANNIS  
SCHOTANI EXEGESIS  
IN PRIMAM &  
SECUNDAM  
MEDITATIONEM R...**

---

Johannes Schotanus, Joannes  
Gaverus



Ex Bibliotheca  
majori Coll. Rom.  
Societ. Jesu

14-7-E-35

52.6.2.

~~51~~  
~~8~~  
3

~~52~~  
~~6~~  
2.









JOHANNIS SCHOTANI  
E X E G E S I S

IN  
Primam & Secundam  
MEDITATIONEM  
R. C A R T E S I I.

ut &  
QUÆSTIONES METAPHYSICÆ:

In quibus Methodus Cartesii asseritur ; Mentis à Corpore  
realis distinctio ejusque immortalitas demonstrantur,  
variz ex occasione quæstiones, etiam  
Physicæ deciduntur &c.

*Editio nova.*

Cui accessit dissertatio de VIRIBUS RATIONIS,  
EJUSQUE USU:



AMSTELÆDAMI,  
Apud FRANCISCUM van-der PLAATS.

M. DCII.





# AD LECTOREM.



*Vibus inductus potissimum rationibus noster hic Author interpretandi sibi & vindicandi quædam Philosophiæ Primæ capita laborem suscepit, ostendit in monitoria Præfatione, quam ipse quondam libro suo, quum primum prodiret in lucem, præfixit. Movit eum imprimis operis ipsius dignitas & præstantia, quod exquisitissimæ perfectionis nomen mereri omnes uno ore fatentur. Movit eum porro hominum quorundam sive malitia, sive ignorantia, qua præstantissimum hoc opus variis non modo & frivolis objectionibus, sed insuper acerbissimis calumniis proscindere non erubescunt, ut hos, si fieri posset, quodammodo ad saniores mentes reduceret. Accessit præterea elucidandæ & vindicandæ veritatis cupido, quamunicam omnes Proceres & Magistratus doceri volunt; hujus itaque causam agere voluit, hanc Juventuti studiosæ detegere, hanc in arduo hoc opere præmonstrare. Ad primum quod attinet, de operis præstantia; agunt hæ Meditationes de rebus & natura sua scitu dignissimis, & ad universam scientiam stabilendam summè necessariis: in quarum igitur laudem sufficere dixisse, eas esse conscriptas ab acutissimo illo & celeberrimo viro, Renato Cartesio, qui postquam in Mathesi, quidquid veteribus in accessum fuerat, quidquid à coætaneis suis considerari poterat, Philosophiæ fundamenta incussa eruit, quibus plurimas veritates ordine ac certitudine Mathematica superstrui posse, & ipse revera demonstravit, & omnibus, qui illius scriptis nunquam satis laudandis animum sedulo applicuerint, luce meridiana clarius apparet. Alterum, de quorundam hominum sive malitia, sive ignorantia, palam est. Quis enim nescit, quot & quanti hostes has contra Meditationes insurrexerint? à quibus & ipse Cartesius.*

## AD LECTOREM.

*tesus, seculi nostri decus & præsidium singulare, diu multumque vexatus, indignis undique modis laceffit, multo tandem injuriis atque calumniis, qua fieri potuit acerbitate, oneratus sit, atque oppressus. Et quam, quæso, ob causam? profecto non ob aliam, quam quod miserrimam Philosophiæ sortem miseratus, à communi & trita scientias tradendi Methodo recesserit, & aliam de Rebus disserendi viam demonstraverit, novam ac tutam. Tertium denique, quod testatum hic Author legentibus voluit, se nempe suum hoc opus aggressum esse cupidine Veritatis utroque pollice probandum ac laudandum. Omnium enim maximè interest, ut veritas magis ac magis illustretur, & tenebris longè remotis, feriat oculos nostros clarum illud lumen Divinum, ne unquam erremus. Ille vero nonnullos cum Cartesio consentientes, tum veteres, tum novos adduxit hinc inde Philosophos: partim ut Adversarii, qui hæc summi Philosophi Meditationes non tantum inauditas, sed & insuper noxias novitates, imo & hæreses continere identidem clamitent, dediscerent calumniari; partim etiam, ut Studiose Juventuti ad legendos bonos Authores calcar adderet. Placuit autem Bibliopole hoc opus denuo publici juris facere, quod ut in Titulo verè scribi posset auctum (id enim maxime illi in votis erat) cepit me rogare, ut quædam fronti præfigerem: nec molestum id erat munus, scripsi dissertationem de viribus RATIONIS ejusque usu, non quidem elaboratam uti vellem, sed qualem licuit per otium contexere. Hoc te scire volui L. B. ne tibi spurium obtrudendo pro legitimo sætu, illustrissimo SCHOTANO injuriam facere videar voluisse.*

JOANNES GAVERUS.

DISSER-

# DISSERTATIO

DE

## VIRIBUS RATIONIS,



Entis nostræ propria hæc maximè natura, atque vis est, ut quid sit, quid possit, non aliunde, quam ex se sola addiscat. Cogitationes siquidem primum & unicum principium sunt, ex quo tanquam ex fonte, omnis scaturit scientia, cujus capax est genus humanum. Quidquid præter eas in rerum Natura est, ad nostram de rebus notitiam nihil facit, nisi per notiones, quas in sese Mens effingit. Has quippe solas per se ex intima, quæ de iis est, conscientia novimus; reliqua omnia harum ope. Veri itaque cognitio, non tam in rebus, quæ sese habent, prout se habent, sive ego de iis cogitem sive minus, quam in nostris consistit de rebus cogitationibus. Ex quibus clare perspicimus, nihil aut ingenium, aut ratiocinium posse, circa ea, quorum in sese intelligentiam mens invenit nullam. Unde cum omnes, quæ in nobis sunt Ideæ, vel cogitationis sint vel extensionis, patet his duobus rerum generibus omnem nostram scientiam contineri; adeoque, qui ultra hæc duo, tertium quid in rebus ponunt, eos verbo ponere id, cujus nihil intelligunt: dein cum id, quod ponunt, & cujus ideam non habent, oratione explanare student, hoc ipso delabi in verba nihil sensus, nihil significationis habentia. Nec minus evidenter agnoscimus, si notiones quasdam in se inveniat Mens non satis explicatas, ex iis nulla nos formaturos unquam certa ratiocinia. Hæc enim cum consistant in applicatione veritatum per se evidentium, ad has illasve notiones, quid manifestius? quam si quid in his obscuri lateat, si quid non

## D I S S E R T A T I O

accuratè perspectum sit, hoc vitium necessario se intromiscere omnibus, quæ hisce notionibus fundantur, ratiociniis. Scientiæ mater sola scientia est, non ignorantia; cogitatio, non cogitationis defectus. Nullæ igitur certæ emanabunt conclusiones, præterquam ex ideis evidentissimè distinctissimèque perceptis. Quorum hoc præcipuum est, ut ex illis eadem profluant in cogitationibus sequelæ, quæ ex ipsis sequuntur rebus. Nam cum Ideæ rebus, quarum sunt ideæ, conveniant exactissimè (non enim ex rebus ideæ, sed ex ideis res definiendæ sunt) inter quarumcunque rerum ideas idem consequenter nexus erit, quem ipse inter se res habent. Quod attendenti ita perspicuum est, nihil ut clarius percipi queat. Ex his itaque & per has ideas omnis comparatur scientia. Hisce suas vires, suam in ratiocinando efficaciam debet mens nostra. Hæ solæ causæ sunt effectrices, eæque necessariæ omnium consecutionum, quas in sese continent.

Ex his vero ideis, si qui sint, qui tantopere corruptam perditamque rationem nostram censeant, ut verum invenire nequeat, hi, quantum a vero aberrant, vel soli docebunt Mathematicorum filii. Geometræ enim, non verbis, non ut Logici solent, regularum quarundam partim inutilium, partim fallarum præscriptione, sed ipso opere innumeris in exemplis monstrabunt, eam esse rationis nostræ præstantiam, eam ingenii perspicientiam, ut, modo notionibus rite perspectis inhæreat, nec ultra eas divagetur, in rebus etiam difficillimis verum quamcertissimè invenire, plurima & à sensibus remotissima, & non nisi plurium argumentorum coacervatione cognoscenda, quam evidentissimè concludere, & assensum vel pertinacissimo extorquere possit. Quos eo quidem lubentius in hanc rem testes provoco, quoniam rerum ab ipsis ostensarum ea evidentia est, quam agnoscere coguntur harum artium vel imperitissimi. Utinam illi, qui sibi in eo placeant, quod Mentis & Rationis vires infirment, quasi mens nostra ad veri investigationem vix quidpiam valeret, in Geometricis hisce experti essent primum, quid Mens, quid Ratio, modo rectè exulta, vere possit, antequam de ejus viribus tam abjectè loquantur. Verum ita usu venit, ut, qui ipsi vix ulla in se certa ratiocinia deprehendunt, id non tam suæ aut ignorantiae, aut per-



perverſæ inveſtigandi Methodo adſcribant, quam Naturæ, quam Rationi.

Etenim Ratio communis eſt evidentiæ & veritatis; fieri namque omnino nequit, ut animus rei alicujus claritate concutiat, quin illico veluti Lanx impoſitis ponderibus, cedat, & ſpretis omnibus præſtigiis, quibus ab ea depelli poteſt, illam prober, atque ut veram amplectatur. Hinc Platonici rationem vocarunt comprehenſibilem; ſiquidem ratiocinando animus res ipſas perſpicue contemplatur, atque hoc pacto veritatem aſſequitur: Omnium enim animis à natura inpreſſum eſt, ut quoties aliquid clare percipimus, ei ſponte aſſentiamur & verum eſſe judicemus. Pro Criterio igitur & infallibili certitudinis nota tuto recipere licebit: Omne id eſſe verum ac certum, cujus nos claram & diſtinctam habemus intelligentiam, ſeu quod nobis adeo perſpicuum eſt, ut nulla in eo ſit falſitatis ſuſpicio. Cum enim cognitionem noſtram ſequatur judicium, & per Ideas quæ menti inſunt de rebus decernamus; ſit inde, ut quicquid in rei idea clarè & diſtinctè continetur, illud etiam de re dici & verè prædicari poſſit.

Et hoc quidem pacto tollitur ſumma illa dubitatio, quæ ex eo quondam à Cartefio petebatur, quòd nesciret, an fortè talis eſſet naturæ, ut etiam in iis falleretur, quæ ipſi evidentiffima eſſe videbantur? Quin & aliæ omnes cauſæ dubitandi ab eo recenſitæ, facile ex hoc principio tolluntur. Non enim jam nobis Mathematicæ veritates debent eſſe ſuſpectæ, quia ſunt valde perſpicuæ. Certum eſt enim nihil nos unquam falſum, pro vero, admiſſuros eſſe, ſi iis duntaxat aſſenſum præbeamus, quæ clarè & diſtinctè à nobis percipiuntur. Quare cum illa dubitatio, non ex claræ perceptionis defectu, ſed potius à quodam fingendi exceſſu, & quicquid excogitandi libertate, quod Scientiarum certitudini adverſabatur, proſecta ſit; ambigi nequit, quin hujusmodi enunciata adeo dilucida ſint, ut nullæ de iis dubitandi rationes reperiri queant, niſi forte mihi fingam Creatorem, qui me talem eſſe voluit, ut etiam fallar in evidentiffimis: quod eſt abſurdum.

Clara igitur & diſtincta perceptio, unicum & ſtabile eſt principi-

## DISSERTATIO

cipium, quod aliquid de re cognoscibili, non tantum certò & decretoriè statuitur; sed etiam tanquam *Lapis Lydius* haberi potest, quo Veritas exploratur, & quandonam verum iudicium de rebus profertur, detegitur. Enimvero, si sedulò meditemur, accuratiusque examinemus, cur à nobis impetrare non valeamus, ut confusè & obscurè perceptis; quamdiu talia existimamus, assensum præbeamus; à clarè autem & distinctè cognitis; illum cohibere penes nos non sit, statim Intellectus lumen succurrer, insinuatque, id ita à nobis fieri, quoniam in istis falsitatem aut incertitudinem: in his verò veritatem & certitudinem deprehendimus. Sic ut evidens & distincta perceptio causa sit, cur iudicium nostrum verum & stabile esse pronunciemus; obscura autem & confusa, cur dubium & incertum. Fundamentum igitur, cui omnis certitudo humana nititur, in hoc dici potest consistere: Imprimis, ut statim ac aliquid rectè à nobis percipi putamus, sponte naturalique lumine impulsì, verum illud esse nobis persuadeamus. Si vero hæc persuasio tam firma sit, ut nullam unquam possimus habere causam dubitandi, de eo quod nobis ita persuademus, nihil est quod ulterius inquiramus, siquidem omne id habemus, quod cum ratione liceat optare. Quid enim ad nos, si quis fortè fingat illud ipsum, de cuius veritate tam firmiter simus persuasi, Deo vel Angelo falsum apparere, atque ideo absolute loquendo falsum esse? Quid istam, inquam, falsitatem absolutam curamus, cum illam nullo modo credamus, nec vel minimùm suspicemur. Supponimus enim persuasionem plenissimam ac firmissimam, quæ persuasio idem planè est, ac perfectissima certitudo.

Ideas autem, quas clarè distinctèque percipimus, aut nullas esse, aut oppido paucas qui existimat, excutiat quæso, interiores mentis suæ recessus, & multiplicem inveniet idearum quam evidentissimè perceptarum varietatem. Quid in sese geratur, quas cogitationum formas, quas habeat generales rerum imagines, Mens quam clarissimè distinctissimèque percipit, modo nihil illis admisceat corporei, nihil, nisi cuius intimè est conscia. Quibus evidentiæ ne vel minimum cedunt ideæ extensionis, magnitudinis, figurarum, motuum, omnium proprietatum corporalium, modo

modo ab iis, quicquid est cogitationis, accuratissimè segregemus. Nec sensuum hæ sunt ideæ, utut plurimi sensibus omnia propemodum tribuere amant, & ex iis quasi conflare mentem, sed intellectûs. Quod vel ex eo conficitur, quia inter omnes ideas nullæ ad certam scientiam minus valent, quam quæ propriæ sunt singulorum sensuum. Ex ideis Caloris, Frigoris, Colorum, Sonorum &c. nemo unquam evidens efformaverit ratiocinium. Hæ namque nihil corporeum nobis repræsentant, sed mentis affectionem simul cum motibus corporeis productam. Cujus ut sumus conscii, ita inter eam, utpote quæ mentis est, & corpus, nulla concipitur communitas, ex qua, quæ hæc inter se cohareant, ratione investigetur. Unica itaque veri certique materia in ideis est, non quatenus illæ à sensibus, sed quatenus ab intellectu profiscuntur.

Haud me fugit, esse nonnullos, qui uti omnes ideas oriri à sensibus, ita etiam omnium propositionum evidentiam, ab iisdem hauriendum esse sensibus dicunt. Sed quam utrumque hoc falsum sit, paucis jam ostendam. Ut autem hic nihil dicatur, quod indubitatum non sit: Quid, quæso, ipsa cogitatione distinctus concipimus? quæ propositio hac clarior, *Cogito ergo sum*? Jam vero exploratam non possumus habere hujus dicti certitudinem, nisi distinctè noverimus, quid sit esse, quid cogitare. Nec profecto à nobis exigendum, ut hos terminos ulterius explicemus, quia ex iis sunt, quos homines adeo clarè intelligunt, ut uberiori explicatione tenebris involverentur. Si itaque inficiari non potest, quin in nobis habeamus ideas Entis & Cogitationis, etiam atque etiam rogo, per quam demum sensuum januam penetrarint? Lucidæne, an coloratæ, ut per visum? Grævesne sint an acutæ, ut per auditum protuerint intrasse? gratine odoris an foetent, ut per odoratum; cujus saporis ut per gustum: frigidæne an calidæ, ut per tactum aditum tibi ad mentem fecerint? Si autem dicantur ex aliis sensibilibus imaginibus efformatæ, una commonstrandæ erunt sensibiles illæ imagines, è quibus hæ cogitationis, & entis ideæ dicuntur emicuisse? Et ostendendum, quo demum modo emicuerint, an per compositionem, ampliationem, diminutionem, aut similitudinem? Et si

\*\*

his

## DISSERTATIO

his omnibus nihil reponi poterit, quod non sit à ratione alienum, fatendum erit, ideas Entis & Cogitationis, ut sibi mutuo respondeant, nullo modo originem ducere à sensibus, sed mentem nostram in se habere illarum efficiendarum vim, quamvis mens sæpe excitetur ad eas efficiendas, ab aliquo quod fuerit sensus.

Idea in nobis nulla est realior quam ipsius Dei, tanquam Entis summè perfecti, quam in se omnes experiuntur, quotquot sunt, vel unquam fuerunt homines, tametsi ab omni humanitate prorsus alieni. Quis tamē Deum sibi aut aliis unquam repræsentare potest sub aliqua figura? Nec refert quod Deus nonnunquam nobis exhibetur sub habitu venerabilis senis: quia si Deus sub hoc simulacro innotescere fingatur (quæ digna solis Anthropomorphitis sententia est) quodcunque aliud iudicium, de Deo formemus, illud falsitatis arguere cogemur, si Dei ideæ adverteretur, & ei in omnibus non corresponderet. Quia naturali lumine ad credendum adducimur, falsa illa esse iudicia, quæ à rerum ideis, quæ in mente nostra versantur, dissentanea sunt, ac proinde nunquam cum certitudine affirmare possumus, Deum partium esse expertem, non Corpore constare, esse invisibilem, & in omni loco reperiri: quoniam hæc omnia cum venerabilis Senis Idea non conveniunt, imo hæc duo inter sese omnino discrepant. Et quamvis se Deus nonnunquam sub hac specie exhibuerit, non inde sequitur nos aliam ab illa ideam de Deo non habere. Sic namque una nobis fuerit spiritus S. & Columbæ idea, cum ille sub hujus forma apparuerit: concipiendus etiam nobis Deus esset instar Soni, quia sonus quo Dei nomen effertur, Dei ideæ in nobis excitandæ inservit. Falsum est igitur omnes nostras ideas à sensibus proficisci; imo è contra dici potest, nullam idearum quæ menti insunt ab illis esse, nisi per accidens, quatenus scil. motus in cerebro excitati, quos solos efficere sensus possunt, ansam præbent animæ varias ideas formandi, quas aliter non formaret; licet fermè semper, hæc ideæ nihil simile iis habeant, quæ in sensoriis & cerebro peraguntur: imo idearum pars magna sit, quæ nihil corporeæ imaginis admixtum habens, non sine manifestissimo incommodo, ad sensus referri potest.

Alte-

Alterum, quod tamen quidam autumant, omnem nempe certitudinem hauriendam esse à sensibus: ut cum dicunt, hoc axioma, quo nihil clarius evidentiusque optari solet, totum esse majus sua parte, ideo tantum assensum nostrum mereri, quia hoc sensu percipitur, non minus falsum est, quam illud, quod jam refutavimus. Nam si veritas hujus axiomatis, *totum est majus sua parte*, nobis constaret tantum per sensus, quia à prima infantia observavimus, omnem hominem suo capite, domum triclinio, sylvam arbore, cælum sydere esse majora, foret illa solummodo probabilis; cum inductio tunc tantum veritatis cognoscendæ medium certum fit, quando certum est, illam esse perfectam & integram. Cum tamen nihil usitatius sit, quam ejus falsitatem detegere, quod nobis antea verum videbatur, ob inductionem adeo generalem, ut nullam dari exceptionem posse arbitrati fuimus.

Nam haud ita pridem pro re prorsus indubia habebatur, aquam in vase contentam recurvo, (cujus altera pars, altera multo est capacior) ad libellam constitutam non altius in parte exili, quam in repanda absensuram. Hoc enim videbatur factis innumeris experimentis comprobatum, quod tamen nuper falsum esse deprehensum est, modo vasis recurvi pars altera admodum exilis sit: in illam enim aqua altius adscendet quam in majori. Ex quo confectum manet, nullius nos posse veritatis certos fieri solis inductionibus sensuum, sed tantummodo intellectu: atque proinde hanc veritatem, totum esse majus sua parte, unicè dependere ab eo, quòd hoc in claris & distinctis, totius & partis, ideis clarè & distinctè continetur. Quod autem sæpius observavimus hominem capite, domum triclinio majorem esse, nobis solum occasionem potuit porrigere attentius considerandi ideas totius & partis. Nam omnino falsum est, illas observationes absolutam illam, & inconcussam certitudinem, quam de illius axiomatis veritate habemus, generare, ut jam est demonstratum.

Quoniam autem omnis nostra scientia comparatur ope idearum, nec ulla alia datur Regula veritatis, dicendum erit, ita de rebus judicandum, uti earum idearum menti repræsentantur. Sic quia in idea hominis animal continetur, tuto affirmari potest de homine

## D I S S E R T A T I O

mine quod sit animal: & quia in idea circuli diametrorum æqualitas concluditur, affirmari quoque potest, quod habeat æquales diametros. Si autem judicia quæ formamus, dum has ideas contemplamur, cogitationes tantum nostras, non res ipsas repræsentarent, id est, si ex eo, quod nos clarè percipiamus, diametrorum æqualitatem contineri in idea circuli, nobis jus non competeret concludendi omnem circulum revera habere diametros æquales; sed tantum affirmandi nos ita cogitare, evidens est nos nullam habere posse de rebus scientiam, sed tantum de cogitationibus: ac proinde rerum illarum omnium ignari essemus, quarum nos credidimus esse certissimos, & hoc pacto induceretur Sceptsis deridicula, quæ jam diu explosa est.

Sed periculum non est; ne quis serio arbitretur, nos nullius rei, prout in se est, veritatem cognoscere aut falsitatem. Nam quædam adeo simplicia, adeo evidentia sunt, uti cogito ergo sum, totum est majus sua parte, ut prorsus sit impossibile serio & bona fide dubitare an in se ipsis talia essent, qualia illa concipimus. Non tamen ex hoc unico principio statuere possumus quid sit axioma, cum in Ideis quædam contineantur, quæ possunt & debent demonstrari, uti in triangulo æqualitas trium angulorum cum duobus rectis, vel in hexagono æqualitas omnium cum octonis rectis. Sed videndum est, an mediocri attentione tantum opus sit; ut sciamus attributum in idea contineri: an vero alia adsciscenda sit idea, cujus ope connexionem detegamus. Nam si adscititia idea non opus sit, ad hanc detegendam, propositio axiomatis valorem obtinebit, præsertim si ad hanc connexionem cernendam, tantummodo requiratur mediocris attentio, quam etiam infima ingenia adhibere possunt. Sic quia vel minima consideratio institui non potest, quin clarè innotescat ideam attributi (Entis) revera contineri in idea subjecti, (Cogitationis) propositio, cogito ergo sum, erit axioma, nec demonstratione indigebit, quia ex se habebit omnem illam evidentiam, quam poterit habere à demonstratione, quæ aliud nihil præstaret, quam ostendere illud attributum subjecto convenire, ope scilicet tertiæ ideæ, illam connexionem declarantis, quod sine tertiæ hujus ideæ opera jam factum est. Si vero alia idea, præter illam

lam quæ ipsius est rei, sit in auxilium advocanda, propositio illa debet demonstrari. Ut si dicam, mentem esse substantiam spiritualem, necesse est, ut ad elucidationem propositionis adhibeam ideam cogitationis; nec sufficit cogitationis cum solâ mente comparatio, si eadem cogitatio non concipiatur cum quadam relatione ad prædicatum, seu rem spiritualem, per quam dijudicari possit; mentine illud conveniat nec ne. Licet equidem affirmare mentem cogitare, ac proinde existere, non tamen illico concludere eam esse rem spiritualem, nisi innotescat relatio inter rem cogitantem & rem spiritualem.

Iusta autem si compareat relatio inter ideas subjecti & prædicati, sive ut aliis dicam verbis, si ideæ inter se ritè connecti possint, futurum est ut nunquam erremus, si verè nectamus: tamen si multarum rerum fiat coacervatio, si modo ideæ iustè excutiantur, & quod humani intellectus exigit imbecillitas, scorsim examinentur. Sæpe autem contingit (& hinc tot errores) quod præconceptæ rei alicujus ideæ aliam adnectamus prorsus disparatam & incompatibilem, cum falsò illas cognatas & comparabiles arbitremur; ac tum demum primæ ideæ ex hac unione aliquid attribuanus, quod ab illa prorsus est alienum. Ita fit, ut animam contemplantes, quæ substantia est cogitans, sensim aliquid admisceamus ideæ substantiæ extensæ; ut cum imaginamur animam non esse, si non sit in loco, quod corpori est proprium: & vicissim corpus considerantes ei adjungamus id ipsum quod unicè competit substantiæ cogitanti: ut cum dicimus gravia centrum petere; plantas alimenta sibi congrua petere; naturam in morborum crisis velle sese exonerare iis, quæ nocent & sexcenta ejusmodi alia, quæ plane sunt ridicula. Quod si probè cavemus, ne quid uni aut alteri ideæ misceamus, quod ei ex æquo non congruat, quid sit verum, quid sit falsum, continuo patebit. Ita si me quispiam roget, cujus sit mens figuræ, illico respondebo, hanc quæstionem manifestam implicare contradictionem, quoniam ideæ mentis & figuræ, ut substantiæ cogitantis & substantiæ extensæ nullatenus inter sese conveniant, sed quam latè pateant, a se invicem discriminentur. Si vero roger, anne anima sit immortalis? postquam perspexerim nihil in idea attributi contineri, quod non sit in idea subjecti, protinus annum,

## D I S S E R T A T I O

certus, animæ competere immortalitatem, propterea, quod hoc attributum in idea animæ clarè atque distinctè continetur. Animæ enim proprium est cogitare, & in cogitationis idea nihil inclusum est, quod habetur in idea substantiæ extensæ sive corporis: cogitatio nulla partium varietate constat, nullam habet figuram, nullam recipit divisibilitatem, atque proinde hæ corporis proprietates omnes negari possunt & tolli, ipsa cogitationis idea integra remanente. Si vero anima sit res cogitans & indissolubilis, secus ac corpus, cujus partes facilè solvuntur, et si vel omne corpus possit destrui (quod tamen respectu formæ solum dicimus) salva anima, sequitur necessario eam perire non posse atque idcirco esse immortalem.

Vanæ igitur Pyrrhonicorum argutiæ, quæ neque apud eos, qui illas vendunt, res certas sua possunt certitudine exuere. Vana Academicorum subtilitas, qua conantur probare, non magis veritatem quam fugitivum servum posse cognosci, si hic stigmatè, illa criteriis careat. Prout enim ad lucem à tenebris distinguendam, ipsa tantum luce, quæ sese oculis ingerit, opus est; ita etiam ad veritatem dignoscendam sufficit claritas illa, quæ veritatem circumambit, quæque nos nolentes & renitentes rapit in sui agnitionem: adeo quidem, ut hæc scepticorum argumenta non magis impedire possunt, quo minus veritati manus demus, cum illam attentè, & seriò contemplamur, quam eadem potuerint efficere, ne tolis radios videamus, cum illi in sanos & apertos oculos incurrunt. Veritas profecto non usque adeo à nobis remota est, quin eam mens nostra haud dubiè assequi possit, si modo præjudiciis exuta cunctis, debitam adhibeat cautelam, nihilque admittat nisi quod probè perspectum, & quod ab omni parte diligentissimè examinatum sit. Hominum namque communissima culpa est, quod se ipsos de rebus, quas vel affirmant, vel negant, non satis seriò consulant, sed iis fidem habeant, quæ vel fando audivere, vel ipsi olim cogitare; quod verborum sonitum potius attendant, quam veras rerum ideas; quod pro claris & evidentibus ea sumant, quæ omnino concipi nequeant, & vicissim ea pro falsis rejiciant, quorum veritas ab illis non posset non agnosci, si vel tantisper seriò de iis cogitarent.

Unde



Unde enim inter Metaphysicos tanta concertationum seges, nisi quod plurima definierint, quorum argumenta non habebant in promptu; quod eam imbiberint opinionem, ac si nihil turpius foret, quam hæsitare, quam nihil determinare, quam ignorantiam confiteri, quam denique id, quod semel pronunciatum est, non pugnaciter defendere. Si vero Metaphysici Geometras imitentur, asseverent quæ penitus explorata habent, fileant de iis quæ hætenus occulta sunt, hoc ipso eveniet, ut omnes, quæ nunc magnis hinc inde animis agitantur, controversiæ, aut quam certissimè dirimantur, aut tanquam incertiæ seponantur. Si quid enim, hoc certè docet ratio, infinita esse, quæ ab humana mente, finitis ex ideis conflata, comprehendere nequeant. Nam ut in intellectu infinito, eo ipso, quod infinitus est, infinita continentur; sic in intellectu finito, tametsi omnem humanum intellectum longissimè exsuperare ponatur, necessariò defunt infinita. Quod si in ulla scientia, considerari certè meretur in Metaphysicis, in quibus inquiritur natura rei infinitæ; quæque idcirco infinita in se complectitur, ad quæ finito intellectui aditus est nullus.

Quæ tandem omnia huc redeunt denique, in utraque disciplina, Metaphysica pariter ac Mathematica, certa vigere ratiocinia. Utraque enim nititur, non rebus externis, sed solis, quas mens in se habet, ideis. Utraque ideas speculatur clarè & distinctè perceptas, & soli intellectui debitas. Utraque habet certissima ratiocinationis suæ fundamenta. Videndum verò, imprimis in Metaphysicis, ut quam cautissimè progrediamur, omnia diligentissima attentione perscrutemur, donec nexus inter duas pluresve notiones appareat: qui si non sit, sive dependeat aliunde, ex ideis scilicet rerum, quas mens non habet, sive, licet ex iis, quas habet, sequatur, apparere tamen nequeat, nisi per eo usque continuatam argumentorum seriem ut eam absolvere mentis non sit humanæ, silendum prorsus, ac uti ipsa docet Ratio, in hoc silentio acquiescendum, aut externum, si quod sit, cui fidamus, circumspiciendum auxilium. Quod tamen, ita tandem in rationem recidunt omnia, fide dignum esse, ipsa necesse est doceat Ratio. Unde enim sciam, quodnam sit aliud veri argumentum, nisi mens id agnoverit, nisi ratio ostenderit? Omne

au-

## DISSERTATIO &c.

autem id, cui tutò, absque ullo errandi periculo credimus, est vel ipsissima Ratio, vel auctor Rationis Deus; quorum illa certissimam sui fidem facit, hunc vero summè veracem esse per illam quam certissimè evincitur. Quid enim certius ostendit ratio, quam repugnare, ut veritas errorem, ut certissima scientia involvat falsitatem. Deus autem si loquatur absque omni dubitatione illi fidem adhibendam, nec de modo, quo ideæ inter se nectuntur magnopere laborandum esse, eadem disertissimè præcipit ratio; certa utique, hoc quicquid est, humani ratiocinii objectum esse neutiquam. Necesse quidem est, ut concipiam, de quo aliquid dicatur, & quidnam de eo dicatur; quippe hæc si ignorem, ne quidem enunciationi, quæ mihi nulla est, cum nihil ejus intelligam, fidem habere potero, sed verba proferam, quibus vis subjecta erit nulla; quo sanè absurdus nihil fingi potest. Ex ideis quidem, quæ inter se junguntur, si utraque evidentissimè percipiatur, quod in hisce oppidò quam rarissimum est, seorsim ut ratiocinemur; nihil impedit; modo ipsam junctionis rationem, incognitam nempe, tanquam ratiocinii materiam minimè adhibeamus. Quod si verò hæc ideæ concipiantur quidem, non tamen satis clarè distinctèque, in his certæ rationi non relinquitur locus. Ex quibus tandem omnibus, prudentissimum illud juxta, & certissimum emanat Rationis decretum; nimium sapere & ultra divinum testimonium vel tantillum progredi velle, magna profecto insipientia est. Non tamen quid obstat, quò minus sobriè philosophemur, ea spe fore, ut, quod in omnibus scientiis factum est, si via & ordine procedamus, sensim plura & plura temporis tractu detegantur, & cognitio nostra indies magis & magis promoveatur. Quod si pro voto non succedat, hoc saltem proficiemus, ut tandem aliquando intelligamus, pauca nos scire, & multa quæ nescimus, scire nos existimare.

PARA-



PARAPHRASIS  
POETICA  
MEDITATIONIS  
PRIMÆ,

*De iis, quæ in dubium vocari possunt.*

**M**ultos ante dies & longi temporis annos,  
Dum meditans mecum mentis secreta revolve,  
Adverti, quam falsa meam sententia mentem  
Sæpius abduxit; quam sint fundamina primùm  
Quæ posui vana, & quam sint contraria veris:  
Quam dubia his primis quæ stant innixa columnis.  
Hinc ego collegi, quod fas mutare priora  
Mentis sensa foret, siquid cognoscere veri  
Aut certi cupiam, quo firma scientia constet.  
Verum opus hoc ingens, magni & res ardua facti;  
Hinc matura dies, sera & sapientior ætas  
Expectanda fuit, doctis accommoda musis,  
Quaque capeffendis non aptior artibus esset.  
Ergo traho, atque moras tantis concedere rebus  
Jure mihi videor, quò tandem advenerit hora,  
Ut magis haud licitum variis consumere tempus  
Consiliis fuerit; sed opus fidenter agendum.

2  
Ergo, velut Marci prudens sapientia Tullî  
Et cata Socraticæ quondam prudentia mentis  
Priscorumque omnis fecit sacer ordo Sophorum,  
Urbis devito strepitus clamorque plebis  
Murmura, & acceptum quamvis sint agmen amicos.  
Secessum anquisto tacitum, sepositaque curis  
Otia sollicitis, meditati commoda menti:  
Dogmata conabor quævis deponere prisca,  
Quæ præjudiciis mea mens obsessa fovebat.

Non tamen heic opus est Sophiæ dictamina quæque  
Prisca sigillatim palàm convincere falsi:  
Namque id inexhausti fuerit vastique laboris  
Forſan opus, nostris non exsuperabile curis.  
Sed quia jam solida ac dubiis obnoxia nullis  
Quæritur aut vaftris quassanda scientia technis,  
Quam neque Pyrrhonicî convellat lingua furoris,  
Neve Epicurêi confutet pagina Cari.  
Hinc ratio dictat, dubii ut si forte quid adsit  
Atque minus firmi, non huic addicere mentem  
Assensum debere suum; sed pellere sacris  
Hæc procul à nostris, procul omnis ut exulet error.

Ergo rejicio mea quicquid opinior pridem  
Credula suscepit, sensu dictante quod unquam  
Judicium tulit, & veri seducta colore  
Errorum quicquid fuit amplexata voluntas.  
Haud aliter, rectos conantes reddere ramos,  
Semper in adversam spectamus flectere partem.  
Neve opus antiquæ tamen heic ablegmina sectæ  
Dogmataque in longo quævis proponere elencho;  
Nam quod Principium vel quinam finis adesset?  
Sed velut effosso quævis fundamine moles  
Corruit, haud aliter falsis suffulta columnis

Co-

Cognitio certam vetus est tractura ruinam,  
 Si modo principia & penitus suffossa labascant  
 Fundamenta, quibus nixatur vita salusque.  
 Hæc ergo aggredior, juvat hæc convellere prorsus.

Nimirum quodcunque olim me scire putavi  
 Sensibus acceptum retuli dictantibus, illis  
 Ut certis nitens ducibus, verisque magistris.  
 Verum heu quam fallax lusit fiducia mentem!  
 Nam crebrò fallunt sensus, oculique vagantes  
 Mentitas referunt pressâ ratione figuras.  
 Sæpe quidem strepitus nos exaudire putamus,  
 Cum tamen alta quies taciturna silentia reddit.  
 His ergo infidis sapiens prudentia dicat  
 Testibus haud unquam posthac confidere quenquam.

Sed quid ago! quorsum sensus convellere tento?  
 (Sic meditando meæ meditata redarguo mentis)  
 Namque objecta licet nequeant ostendere clarè  
 Et minima & semota nimis, quæ proxima nobis,  
 Quæque propinqua satis sensu discernimus aptè.  
 Quis neget? aut unquam falsi convincere posset,  
 Me residere focum penes, & jam tempore Brumæ  
 Indutum lænâ gelidæ flammante penates  
 Hos adolere domus igni, manibusque calorem  
 Percipere, & puram digitis contingere chartam,  
 Quin & Doctorum studiis evolvere libros?  
 Insuper ecce sciens prudensque hanc exero dextram,  
 Et caput hoc moveo, solidum circumfero corpus,  
 Quis neget esse meum? Quis tam manifesta refellat?  
 Nî cerebella tenax ex atrâ bile redundans  
 Turbârit vapor, & mentis labefecerit arcem:  
 Et quibus idcirco notam dementis inurunt.  
 Scilicet hic rex est folio sublimis eburno,

Purpureâ indutus pallâ, sceptroque superbus  
 Imperat, & leges figit rursumque refigit;  
 Interea cum sit vili de plebe minister,  
 Vix lacero nudum tectus velamine corpus.  
 Hic queritur fragili corpus consistere vitro;  
 Hic vitâ functum comitem se manibus ire;  
 Asserit; hic longum sese promittere nasum,  
 Et timet horrescens ferrato allidere posti.  
 Hic se per vitreum lacrymatur tendere pontem,  
 Quo fracto subtus cedat serpentibus esca.  
 Hic contra plaudens volucris cucurit Eöus.  
 Hic granum Cereris, putat hic sese esse peponem,  
 Et vel ab alitibus vel muribus esse vorandum.

Sed caput, ô lepidum, (sic contra Scepticus urget)  
 Nonne homo sum solitus noctis dormire per horas?  
 O pepo! quam crebrò studiis agitata diurnis,  
 Et narrata tibi somnus nocturnus adumbrat.  
 Scilicet ante focum redimitum corpus abollâ  
 Me residere, libris incumbere, pangere carmen,  
 Muséum transire, & plura similia dictis.  
 Quin insueta magis per somnum nocte recurrunt,  
 Quæ vix vel miseris istis objecta fuerunt:  
 Nunc videor strepitum tonitrus audire frementis;  
 Nunc spectare altas ferientia fulmina turres;  
 Nunc præceps celsæ labi de culmine rupis;  
 Nunc maris undisoni tremulis submergier undis;  
 Nunc vivis corpus cruciandum tradere flammis,  
 Strata inter nudus jaceo dum mollia lecti.

Sed quid! Contueor vigilanti lumine chartam,  
 Commoveoque infomne caput, prudensque sciensque  
 Hanc extendo manum, manifesto sentio sensu:  
 Non distincta adeò per somnum occurrere possent.

Sci-

Scilicet? An mentem non his volitantibus umbris  
 Sæpe meam tacitâ luserunt somnia nocte?  
 Atque hæc attentâ dum cogito mente, rescisco  
 Antiquos Sophiæ signis distinguere nunquam  
 Indubiis myſtas ſtatu à vigilante ſoporem;  
 Ut ſtruceam, lentuſque ſtupor mea membra ſopore  
 Profundat, faciatque meos torpeſcere ſenſus.

Somnia ſint igitur, ſint hæc ſpecialia falſa,  
 Nos oculos aperire, caput motare, manuſque  
 Tendere & his doctos digitis evolvere libros.  
 Nec tales ſint forte manus; nec denique tale,  
 Quale putabamus, corpus: tamen ecce fatendum;  
 Ipſa ea, quæ nobis offert phantaſmata ſomnus,  
 Eſſe velut pictas efformatasque figuras,  
 Quæ res effigiant iſtâ ſub imagine veras.

Atque hinc conſequitur, licet hæc generalia, nempe  
 Brachia, crura, caput, oculos, humeroſque manuſque,  
 Et totum corpus non eſſe efficta cerebro  
 Figmenta, at nobis ſic apparentia tantum  
 Phaſmata, nil ſolidi quicquam nec habentia veri;  
 Sed res has certas alibique exiſtere veras.

Nam quoque pictores, quæcis fingere ſumma poteſtas,  
 Pingentes Satyros, Sirenas atque Chimæras,  
 His nunquam proriſus peregrinas tradere formas.  
 Naturaſque novas penitus valuere, ſed ipſi  
 Ex variis ſaltém conſtant animalibus artus.

Nam Siren monſtrum, cujus pars infera tetrum  
 Deſinit in piſcem, virgo formoſa ſupernè.  
 Crura capri Satyris aptantur, cornua fronti,  
 Cætera dum referunt hominem; quin ipſa Chimæra,  
 Pone leo, poſtrema draco, medioque capella eſt.  
 Et licet haud unquam viſum nuſquamve repertum

Et portentosum possent effingere quicquam,  
 Et quod fictitium planè falsumque putatur;  
 Ad minimum veros debent adhibere colores.  
 Haud aliter licet hæc fuerint generalia falsa;  
 Sint figmenta manus & brachia, crura, caputque,  
 Cumque humeris collum, cum dorso pectus & alvus.  
 Esse tamen nequeunt magè quæ generalia vana,  
 Quæ sunt ceu veri quidam vivique colores,  
 Ex quibus in nobis rerum omnis surgit imago;  
 Ut corpus sumptum generatim, extensio & ejus,  
 Et mensura, quies, motus, positura, figura,  
 Cum numero tempus, locus atque similia plura.  
 Ergo licet dubio stet nixa scientia talo,  
 Quæ Physice est Græcis, & quæ Medicina Latinis,  
 Res ea corporeas, hominumque hæc corpora tractat;  
 Quamque Geographici quamve Astronomique fatentur,  
 Illa docet Terræ tractus, hæc sidera Cœli;  
 Aut siquas alias hominum solertia finxit  
 Artes, compositas quæ res proponere nobis  
 Sunt suetæ; has, inquam dubias quis dicere posset.  
 At quæ de Numeris est dicta scientia Grajis  
 Nomine Arithmetices, & quæ Geometrica dicta est,  
 Quamque Metroscopiam magis aptâ voce vocares,  
 Et reliquæ tales, quæ pergeneralia tractant,  
 Atque parum curant extent an talia, nec ne.  
 Hæc sanè certi quicquam verique fatentur.  
 Namque ego seu vigilem placidâve quiete fruiscar;  
 Cum duo jungo tribus, numerus quinarîus hinc est;  
 Cum tres lineolas, mox inde triangulus extat.  
 Quodque adeò clarè verum cognoscitur esse,  
 Non poterit falsi vel suspitione gravari.

Fixa sed in nostrâ vetus hæret opinio mente,

Esse



Esse Deum, qui cuncta potest, qui cuncta creavit,  
A quo talis ego, qualis sum pendeo totus.

Unde autem novi (nam justè inquirere nondum  
In Sophiæ licuit mihi limine, quanta potentis  
Sit natura Dei;) non effecisse, quod ullum  
Haud extet cœlum, non tellus ulla, nec ignis,  
Non aqua, non aër, non ullum denique corpus;  
Nulla figura, quies, motus, tempusve locusve,  
Non ullæ mentes, hæc quanquam cuncta videntur.  
Judico nam reliquos captos erroribus esse,  
Qui clarè verum se perspexisse putabant.

Unde autem constat (nam conditionis & ipse  
Talis ego natus) quod non deludar iisdem  
Falsus imaginibus, nec veri vanus aberrem,  
Dum duo jungo tribus, triquetrique recenseo triplex  
Dum latus, aut siquid dicatur clarius esse.

Sed Deus assiduò tantis erroribus actum  
Me non vult falli; Summè bonus ille vocatur.  
Verum si bonitas ejus permittat, ut unquam  
Errores foveam vanos, (quod nemo vel effrons  
Inficias ibit) quid nî concederet Ipse  
Delusus semper falsis ut devius errem.

Verum alibi fuerint, Atheos dixere Pelasgi,  
Esse Deum mallent qui fortè negare potentem,  
Quam res aut dubias, aut cunctas credere falsas.  
Hei mihi! quot nodi! quibus argumenta refellam,  
Argutis contorta modis? succurrite Patres,  
(Nam vox Flexiaci σοφίαν docuistis avitam)  
Quid facitis trahitisque moras? succurrite Patres.  
Sed quid ago? temerè quid opem desidero vanam?  
Hos ego nec nodos, nec torta sophismata solvam  
Principiis usus, quæ præscripsere Docentes.

Hinc

Hinc victus cōgor dare, quicquid opinio prisca  
 Numine de summo persuaserat, esse chimæram.  
 Attamen ad tempus, donec meliora, quod opto  
 Principia eruero, quæis dogmata vafra refutem.

Verum seu fatum, seu casum mentis egentem,  
 Æternam aut rerum seriem, vel forte parentes,  
 Aut ipsam terram se produxisse putabunt;  
 Non tamen evincunt res hinc existere certas.  
 Nam cum sit quædam sanè imperfectio falli:  
 Quò placet autorem minus assignare potentem,  
 A quo sim factus, tantò quoque major ubique,  
 Suspicio falsi ac errorum surget origo.  
 Ergo non temerè aut vanâ levitate rejeci  
 Omnia, quæ quondam vera & sat firma putabam,  
 Verum ob sat validas rationes, subdolus olim  
 Quas Pyrrho docuit, vel vafro Prodicus astu,  
 Et quas in præsens nondum sum solvere doctus:  
 Quin jam fas dubia hæc ceu falsa reponere prorsus,  
 Assensumque animi penitus cohibere probantis,  
 Si cupiam certi, siquid deprendere firmi.  
 Quin nondum satis est hæc sic advertere tantum,  
 Conandum ut memori semper sub mente recondam.  
 Nam licet expellam, quævis vetus usque recurrit,  
 Atque vel invitæ subrepat opinio menti,  
 Et me devinctum sibi consuetudinis usu  
 Ducit & ad libitum ferè credulitate propellit:  
 Nec præjudiciis discam diffidere prisca,  
 Si dubia ista quidem, sed nolim credere falsa.  
 Atque ita dum res fert, non sum facturus, opinor,  
 Absona; si flectam planè in contraria mentem,  
 Atque voluntatè penitus convertere nitar,  
 Meque quasi fallam, dum prisca diuque recepta

Ju-

udicia, ut vani figmenta putabo cerebri;  
 ad mentis donec fuerint appensa bilancem,  
 Je præjudiciis mens irretita vetustis  
 iudicet absurdum, vel consuetudine rapta  
 transversim pravâ nequeat discernere verum.  
 Nec tamen hinc opus est quicquam metuisse pericli  
 ut falsi, vel me nimium diffidere posse,  
 Vel quoque Pyrrhonis dubiis accedere castris.  
 Ergo non dicam Dominumque Deumque potentem,  
 Qui veri fons est & qui scaturigo bonorum;  
 sed Genium quendam pollentem robore multo  
 ac impostorem versutâ mente malignum,  
 Iac in re summum semper posuisse laborem,  
 Errorum laqueis ut me constringeret arctis.  
 Cœra cum cælo, terras, rerumque figuras,  
 atque situs, motus, lucemque, sonosque coloresque  
 Omniaque externis quæ sensibus esse videntur,  
 esse nihil vani præter ludibria somni,  
 insidiasque meras, Genius quas ille tetendit.  
 nò velut manibus cum lumine, sanguine, carne  
 ac omni sensu me cassum ad tempus opiner,  
 quin & delusum, quod iis me suspicer uti.  
 Iac in mente meâ remanebit opinio fixa,  
 donec quid veri fuerit certique repertum:  
 ut, si nil unquam potero cognoscere firmi,  
 consequar, ut falsis post non assentiar ullis;  
 et ne me Genius, quamvis sit callidus astu  
 fallendique potens, unquam seducere possit,  
 intento studio & præfractâ mente cavebo.  
 Verum hoc propositum res est operosa labore,  
 et me transactæ vecors ignavia vitæ  
 obstinet, & studio suadet desistere cæpto.

b

Nam

Nam veluti si quis vinclis & carcere clausus,  
 Tempore sub somni jam libertate fruiscens,  
 Cum post suspicio somni subrepat eidem,  
 Connivet, quamvis fuerint fallacia, visis,  
 Atque expergisci timet hæc phantasmata captans.  
 Sic ego jam dudum cæcis erroribus actus  
 Proh! expergisci vereor, vereorque videre,  
 Ne forte inscitæ cum jam sub nocte quiescam,  
 Post vigil ac·impos veram cognoscere lucem,  
 Inter tot nodos, tot difficilesque mæandros  
 Cogar & obscuras posthæc vixisse tenebras.



PARAPHRASIS  
POËTICA  
MEDITATIONIS

SECUNDÆ,

*De Naturâ Mentis humanæ: Quod ipsa  
sit notior quam corpus.*

**H**esterno dum multa die meditando revolvi  
Tanta meæ occurrit dubiorum copia menti,  
Ut velut undarum vastæ submersus abyssò  
Figere nec plantam valeam, nec scandere ad  
oram.

Attamen enitar, tentabo rursus eandem  
audax ire viam, removendo scilicet omne,  
Quod quâdam in dubium possum ratione vocare,]  
Iam secus ac esset convictum crimine falsi.  
Anxius anquiram quicquam cognoscere certi,  
aut hoc si fuerit menti fortasse negatum;  
Id certò noscam, Me nil cognoscere certi.  
Ile Syracusius grandævâ ætate Magister,  
grande Mathematicâ cui nomen claret ab arte,  
Iam patratum se audaci pectore spondet,  
Innum si vellent saltem concedere punctum.  
Res, inquit, quo stare queam, Terramque movebo.  
sic sperare licet, quin & promittere magna,  
Id certè saltem quidquam deprendere possim.

b 2

Er-

Ergo ut supposui, visus objecta rejecto  
 Tanquam falsa mei, & memorem quæcunque recurrunt  
 In mentem species: quin nullo polleo sensu.  
 Non extat corpus, non est extensio, motus,  
 Nulla figura; quies, tempusque locusque chimæra.  
 Ergo quid superest veri? Fortassis id unum,  
 Esse nihil certi: Vetus hoc Academia sensit.

Sed num Socraticæ vox hæc certissima linguæ?  
 Unde scio haud aliud præter memorata quid esse,  
 De quo non possit dubitandi occasio nasci?  
 Num Deus est aliquis? Genius vel forsitán ullus?  
 Aut alius meditata mihi qui suggerit auctor?  
 Sed cur hoc credam; cum per me forte resurgant.  
 Ergo nunquid ego saltem sum denique quidquam?  
 Verum jam sensus omnes, corpusque negavi.  
 Attamen addubito: Nam quid quis colliget inde?  
 Sensibus an adeò vel moli corporis arctè  
 Alligor, ut possim nullatenus hisce carere?  
 Sed mihi persuasi in mundo nil protenus esse;  
 Non cælum, terram, non corpora, nec quoque mentes.  
 Sed num persuasi me non extare vel ipsum?  
 At, sanè ipse eram, mihi dum persuadeo quidquam.  
 Verum est deceptor, Genius qui mente malignus,  
 Robore qui pollet, qui vafro callidus usu,  
 Unica cui semper me defraudare voluptas.  
 Sed licet hic fallat, falso me schemate ludat!  
 At me dum fallit, me sanè extare necesse est:  
 Nam si non essem, non sanè fallere posset.  
 Ergo pro lubitu fallat; non fecerit unquam,  
 Ut non sim, quamdiu quod quid sim cogito mecum.  
 Dum satis ergo animo quidvis volvi atque revolvi,  
 Denique quid certi reperi, Victorque proclamo:

Ite

ite triumphales circum mea tempora lauri:  
 Veri certus eo, nec palabundus oberro:  
 Notio clara meæ radiat certissima menti;  
 Inceptica quam dubiam nunquam dubitatio reddet:  
 Non Athei infringent, nec duri Fata Chryssippi,  
 Non Epicuræus Casus, Seriesve Stagira:  
 Inconcussa manet, non expugnabilis ulli.  
 En ego sum, quoties hoc saltem profero voce.  
 En ego sum, quoties hoc saltem cogito mente.  
 Hoc falsi nunquam poterit convincere quisquam.

Sed me revera quamvis existere norim,  
 Non natura mei tamen est mihi cognita planè  
 Et mihi prudenti posthac est mente cavendum,  
 Ne vice forte mei diversum assumpsero quicquam;  
 Et sic error in hæc quoque cognitione recurat,  
 Quam modò præ reliquis certam claramque vocavi.

Ergo jam recolam, quid me prius esse putarim,  
 Atque hinc subducam quicquid rationibus ullis  
 infirmum poterit reddi falsumque probari,  
 Ut reliquum maneat nulli superabile verum.

Scilicet esse hominem mea mens me credidit olim.  
 Sed quid homo? quibus aut describam vocibus illum?  
 An rationale est animal? sic ante vocavi.  
 Non, sic in plures magè difficilesque mæandros  
 incidere & nodos mihi non dissolvere promptos.  
 Namque quid est Animal? Rationale esse, quid illud?  
 Res sanè obscuras foret explanare necesse;  
 Nec vacat his tempus tetricis insumere tricis.

Verum jam referam, libet heic expendere tantum,  
 Quæ duce naturâ mihi cognovisse videbar,  
 Et quæ mea sunt sponte occurrere menti,  
 Quoties propriam pernôsse studebam.

Nempe occurrebant conspectu plurima primo  
 Os, humeri, atque manus, & brachia, pectus & alvus,  
 Femina, crura, pedes, membrorum denique tota  
 Compages, qualem spectas & habere cadaver:  
 Deinde occurrebat nutriri, incedere gresu,  
 Et sensu pollere, & me perpendere multa,  
 Omniaque hæc animæ tunc assignata fuerunt.  
 Sed minus heu animæ naturam nôsse studebam:  
 Aut hoc cum facerem mihi se sub imagine flammæ,  
 Ætheris, aut rapidi venti, fluidique vaporis  
 Atque vel alterius subtilis corporis offert;  
 Infusumque mei crassis quod partibus esset.

At quantum ad corpus dubium superesse nec ullum,  
 Sed me distinctè naturam nôsse putabam;  
 Et descripsissem sic juxtà mentis ideam;  
 Omne quod est aptum quâdam variante figurâ  
 Mutari, & spatii cujusdam limite claudi,  
 Atque suo quodvis spatio secludere corpus,  
 Nec non percipier nobis quintuplice sensu,  
 Auribus, ac oculis, linguâ, nasoque, manuque:  
 Quodque potest variè, verum non sponte moveri,  
 Accipit at quoties tacto de corpore motum.  
 Namque quod ex sese posset se sponte movere,  
 Vel sentire aliquid, vel quid perpendere secum  
 Induci nunquam potui, quò credere possem.  
 Quin, in corporibus tales reperire quibusdam  
 Me facultates, erat admirabile visu.  
 Quid verò, cum jam Genium fraudare potentem  
 Et pariter (si fas modò dicere) mente malignum  
 Omni suppono me semper ludere nifu:  
 Asserere an possum me quicquam ex omnibus illis,  
 Naturæ ascripsi quæ corporis, esse relictum?

Co-



cogito, perpendo, volvo rursusque revolve,  
 non nihil occurrit, frustra repetendo fatigor.  
 Quid verò ex illis Animæ quæ ascripta fuerunt?  
 Intrinseci, an superest? Superestne, incedere gressu?  
 Corpore sed quoniam careo, periisse necesse est.  
 Sentio, num restat? Non fit sine corpore sensus:  
 Multaque me somno sum perlentiscere visus,  
 Quæ post adverti phantasmata vana fuisse.  
 Cogito, num restat? Restat, nam cogito sanè.  
 Inveni tandem multumque diuque petitum:  
 Cogito; non valet hoc à me divellere quisquam.  
 Cogito; nemo potest illud convincere falsi.  
 Cogito, & existo, sum sanè; nemo refellet.  
 Non Atheus Casu; Dubiâ autem Academia  $\Sigma\kappa\epsilon\iota\psi\mu$ ;  
 ut vel Aristoteles Serie; Fatove Chrysippus.  
 Sed quamdiu? Quamdiu nimirum cogito mecum:  
 Cogito, si cesset; totus mox forte perissem.  
 Nunc nihil admitto, nisi quod verum esse necesse est.  
 Ergo quid constat? Sum res quæ cogito tantum;  
 ut me, si libeat, variatâ voce vocabis  
 Intellectum, Animum, Rationem & denique Mentem:  
 Quæ quidnam exprimerent voces minus ante sciebam.  
 Nec sum figmentum, sum res, substantia vera,  
 et verè existens, meditans, velut antè vocavi.  
 et quid præterea? quærens id imaginor: haud sum  
 machina membrorum, consueto nomine corpus  
 humanum dicunt; non sum vel flamma, vel aër;  
 calidus, aut ventus; nec quicquid denique fingo:  
 falsa ea supposui dudum, nondumque reclamo;  
 hoc manet interea me rem subsistere veram.  
 Forte sed esse potest, ut quæ nunc ante negavi,  
 tum perspecta mihi non sint nec cognita planè,

Con-

Conveniant mecum naturâ prorsus eâdem.  
 Nescio: neve istis vacat heic impendere curas.  
 Quæ mihi nota satis modò sunt, dijudico tantum:  
 Nosco, quod existam; quis sim, magè nôsse laboro.  
 Quatenus existo, & sum res quæ Cogito tantum,  
 Notitiam illius me non desumere posse,  
 Talibus à rebus, quas nondum existere novi,  
 Nec vel ab his ullis, mihi quas sub imagine fingo;  
 Hoc sanè constat nulli dubitabile verum:  
 Meque mei erroris vox Fingo coarguit ipsa:  
 Esset enim certè figmentum mentis inane,  
 Efformata Mei quævis sub imagine forma.  
 Nam proprio sensu vox dicit Imaginor omne  
 Quod cerebro præsens quâdam sub imagine sisto,  
 Et sub corporeâ contemplor mente figurâ.  
 Jamque procul dubio me certò existere novi,  
 Posse tamen fieri, quævis ut talis imago,  
 Et res corporeæ, vel quicquid spectat ad illas,  
 Ficta modò fuerint vani ludibria somni.  
 Quæis animadversis, videor mihi prorsus ineptus,  
 Naturam mentis dum me sub imagine dixi  
 Contemplaturum, quò nôsem clarius illam.  
 Haud secus ac si quis somno fugiente profundo  
 Nunc experrectus, verum quid cernere mente  
 Inciperet, sed se rursus obdormiscere velle  
 Diceret, ut melius declarent somnia verum.  
 Hinc igitur constat, jam nil quod noscere possum  
*φαιδρίας* virtute meæ, concernere ad illam  
 Notitiam mentis, quam purâ intellgo mente.  
 Hinc à corporeis studio revocanda figuris  
 Attento mens est, propriam dum scire laborat  
 Naturam ac clarè à cunctis distinguere rebus.

Se-

Semotis ergo remoris interrogo; Quis sum?

Res ego sum meditans: Sed dic, quid denotat illud?  
 Sum dubitans, sum percipiens, ajensque, negansque,  
 Et cupiens, fugiens, sum res nolensque, volensque,  
*φαιτασι*, & sensu pollens. Non paucula sanè  
 Enarrata mihi; si, me modò singula spectent;  
 Sed quidni spectant? An non sum protinus ipse,  
 Qui jam de multis dubito, ac intelligo quicquam;  
 Affero qui hoc unum tantum, nego cætera quæque.  
 Multa vel invitus pictâ sub imagine cerno,  
 Multaque percipio tanquam advenientia sensu.

Jamque licet jaceam somno de nocte gravatus,  
 Et licet illudat genius me callidus arte,  
 Dicta tamen constant dubiis obnoxia nullis,  
 Certa que sunt adeò, quam me ipsum existere certum.

Distinctumque meo non est à Cogito quicquam,  
 Sejunctumque potest ex his nil dicièr à me.  
 Quippe quid esse potest unquam quod certius hisce?  
 Quod sim qui dubito, qui intelligo, nolo voloque?

Hæc etenim menti tam clarâ luce refulgent,  
 Ut nequeant dictis exponi clarius ullis,  
 Nec Logices possent depingi clarius arte.

Sed quoque sum pictas cerebro sub imagine formas  
 Contueor qui sæpe meo; nam nullibi forsan  
 Res licet existat cujus se ostentat imago:

Facultas sanè mihi quâ quid imaginor ipsi  
 Et datur, atque meum revera ad Cogito spectat.

Sum quoque revera sensu mediante rescisco  
 Res qui corporeas: Oculis lux esse refulget,  
 Auribus adfertur sonitus, sensumque caloris  
 Percipio. Fallor: Nam sunt ludibria somni.

Esto; Videre tamen videor, sonitumque per aures

Ι.Ι.Ι.

c

Exci-

Excipere, ac ignis gratum sentire calorem :  
 Hæc sanè nemo poterit convincere falsi,  
 Hoc in me propriè quod Sensus nomine dico.  
 Sicque meum quinos comprehendit Cogito Sensus.  
 Jamque ex hisce, mihi modò quæ memorata fuerunt,  
 Naturam melius propriam cognoscere capi.

Attamen, heu miserum! seducit opinio dudum  
 Nunc animo suscepta meo, nec cesso putare,  
 Quin res corporeas quas mens sub imagine cernit,  
 Et quas externi possunt deprendere sensus;  
 Quin, inquam, tales noscam distinctius ipsa  
 Parte mei quâdam, quam nescio dicere quæ sit;  
 Cujus nulla tamen menti obversatur imago.  
 Quanquam sit fateor prorsus mirabile dictu,  
 Quod res quas dubias nullâque indagine notas,  
 Ac à me prorsus diversas esse probavi;  
 Quod res has, inquam, distinctius arbitrer à me  
 Cognosci, quam quod nunc verè existere novi,  
 Quod certò notum est, & non dubitabile verum;  
 Imò quàm memet comprehendi denique per me.

Sed video quid sit mens dudum sueta vagari  
 Rursus ab incepto deflectere tramite gestit:  
 Indomitus veluti sonipes, qui mordet habenas,  
 Calcitrat, & putrem cuius quatit ungula campum,  
 Et fremit, & tandem excusso fessore ferocit,  
 Carceribus fractis campo sese arduus infert,  
 Constrictisque negat frenariè ora lupatis.  
 Sic mea mens stricti lacerare repagula veri  
 Gaudet, & his artibus includi nescia metis,  
 Errorum solitâ vult libertate frui.  
 Esto igitur, laxas semel illi demus habenas,  
 Ut melius frenis morem gerat illa reductis.

Haud

Haud aliter frænos domitor generosus equorum  
 Nunc ex arte premit, pressas iterumque relaxat,  
 Ut sic effrænes doceat præfracta Caballos  
 Subdere colla jugo & tumidos deponere motus.

Res expendamus quas cognitione teneri  
 Notitiâ inprimis distinctâ quisque putavit;  
 Corpora nimirum, quæ nos cognoscere sensu  
 Credimus externo; sed nec generalia tantum,  
 Horum namque magis confusa scientia nobis.  
 Sed speciale aliquod corpus spectemus & unum:  
 Scilicet hanc ceram; favis educâta recenter  
 Grato mellis adhuc planè est perfusa sapore;  
 Insuper & florum fragrantem servat odorem,  
 E quibus est apibus gnavo collecta labore.  
 Quin manifesta patet mensura, figura, colorque.  
 Frigore duritiem contraxit, tacta resistit;  
 Et sonitum reddit digito percussa supremo.  
 Quid multis? Adsunt quævis quæ posse requiri  
 Creduntur vulgò, quo Corporis intima cuiquam  
 Perquam distinctè Natura patefcere possit.  
 At quid! Vix nostro vox hæc manavit ab ore,  
 Quin calidis fluidi flammis apponitur ignis;  
 Et quicquid grati superest è melle saporis  
 Aufugit, en exspirat odor, mutatque colorem;  
 Induit ac aliam prorsus variata figuram,  
 Augetur moles, liquida est, recipitque calorem;  
 Neve edit strepitu digito percussa sonorum.  
 Ergo quid heic dices? Eadem num. cera remansit?  
 Nemo negat, sed quisque putat, remanere fatendum.  
 Ergo quid illud erat, quod cognitione prehendi  
 Tam clarâ, tam distinctâ modo quisque putabat.  
 Non color, aut sonitus, nec odor, dulcedo, colorve:

Quin nihil externos quod sensus ante movebat.  
 Hæc mutata vides, dum pristina cera remansit:  
 Hoc fortassis erit, quod jam considero mente:  
 Scilicet haud ea erat mellis dulcedo, nec ille  
 Florum gratus odor, non ista albedo, figura,  
 Nec sonus; at corpus quod sub qualitatibus istis  
 Conspicuum sese paulò mihi præbuit ante;  
 Nunc sub diversis. Sed fas inquirere porrò,  
 Illius quænam, quod nunc sub imagine cerno,  
 Præcisè natura fiet? Longeque remotis,  
 Naturam ceræ quæ non concernere novi,  
 Hoc observabo, quod jam superesse resciscam,  
 Nimirum extensum, mutabile, flexile restat,  
 Nil aliud: Verum mutabile, flexilè quidnam?  
 An quod *παραστά* ceram contempler eandem  
 Possè in quadratì formam mutare rotundam,  
 Et rursus in triquetri torqueri posse figuram?  
 Nequaquam? Innumeras variando assumere formas  
 Posset, at innumeras mea mens comprehendere nescit.  
 Hinc facultatem mihi quâ quid imaginor; hujus  
 Non fas notitiæ genuinam dicere causam.  
 Sed quid id extensum? Num forte extensio ceræ  
 Ipsa latet? Major nam fit dum cera liquefcit,  
 Major ubi fervet, major si bulliat inde.  
 Nec quoque iudicium de Cerâ fecero rectum,  
 Quod si non ausus fuero affirmare, quod ipsa  
 Pluribus usque modis variari extensum possit,  
 Quam quos Communi possum comprehendere Sensu.  
 His ità subductis tandem concludere fas est,  
 Naturam Ceræ me non sub imagine posse  
 Percipere, at puræ captu cognoscere mentis.  
 Hanc inquam ceram, quam nunc considero coram.

De

De Cerâ namque est generali clarius illud.  
 Sed quænam hæc cera est solius acumine mentis,  
 Quam modo percipio? Num forsitan altera quædam?  
 Non: Eadem est prorsus visu tactuque prehensa  
 Quæ fuit, & cujus vidi sub imagine formas:  
 Est ea revera, quam primitus esse putavi.  
 Hinc quæ prima fuit Ceræ perceptio facta,  
 Non dicenda fuit seu visio, tactio sive,  
 Aut facultatis cerebro phantasmata nostro  
 Formantis virtus, quamvis hoc quisque putaret.  
 Solius at nostræ vis ac inspectio mentis.  
 Quæ perfecta minus, magis & confusa vocatur,  
 Ut prior illa fuit dictæ perceptio ceræ;  
 Vel quæ clara magis, magis & distincta vocatur,  
 Posterior qualis nunc est perceptio Ceræ.  
 Mens minus hanc primò, magis at jam perspicit illam.

Miror at interea, quam mens de tramite veri  
 Gestiat en rectum rursus deflectere cursum,  
 Atque per errorum salebras & tesqua vagari:  
 Hæc etenim tacitus quamvis sub mente volutem,  
 Non calami scripto, non linguæ vocibus usus:  
 Attamen heu! verbis mea mens hærescit in ipsis,  
 Et me trita fere seducit forma loquendi,  
 Namque oculis ipsam dico me cernere Ceram;  
 Non ex duritie, vel odore, colore, figurâ,  
 Judicium mentis nobis dictare quod adsit.  
 Hinc præjudicio mea mens concludere prona est;  
 Visu oculi ceram, non solâ mente prehendi:  
 Nî discurrentes jam fors per vitra fenestræ  
 Respexissem homines urbis calcare platéas;  
 Quos oculis æquè ac ceram me cernere dico;  
 Nil ego cum videam vestes & pilea præter,

Sub quibus automaton posset fortasse latere:  
 Et tamen hos homines mea mens dijudicat esse.  
 Atque ita luminibus quod me spectare putabam,  
 Iudicio mentis solo me noscere certum est.  
 Verum prohi pudor est! Dum me sapientia vili  
 Discernit plebi, dubitandi hinc quærere causam,  
 Et fere vulgari seduci more loquendi.  
 En iuvat attentis deinceps attendere curis,  
 An distincta magis fuerit perceptio Ceræ,  
 Cum prius aspicerem, persuasum & firmiter esset,  
 Me satis externo Ceram dignoscere sensu,  
 Communi aut saltem sensu; sic dicere sueti  
 Hanc facultatem cerebro quâ occurrit imago.  
 An verò jam fit perceptio clarior ejus,  
 Attentâ postquam quæsiui indagine mentis,  
 Quæ natura fiet; ac quâ noscamus eandem.  
 Sed foret insulsum dubios heic quærere nodos.  
 Nam quid distincti perceptio prima ferebat?  
 Quod vel non posset cuivis occurrere bruto?  
 Externas verò solerti indagine mentis  
 A Cerâ didici postquam distinguere formas,  
 Exutoque velut quovis velamine nudam  
 Contemplor penitus, mox firmiter inde rescisco,  
 (Error iudicii quamvis fortasse superfit)  
 Mente sine humanâ me non cognoscere ceram.  
 Hâc verò quidnam dicam de mente, vel ipso  
 De me; nam præter mentem nihil hactenus in me  
 Advertisse datum, solam hanc admitto; quid inquam,  
 Ipse ego qui clarè videor cognoscere ceram  
 Distincteque, annon multò me verius ipsum,  
 Certius, ac etiam multò distinctius inde  
 Perspicuèque magis cognosco? Quippè quod esse.

Affir-



Affirmem ceram, quod eandem lumine vultus  
 Conspectiam; certè luculentius inde patescit,  
 Me, quod eam videam, non non existere posse.  
 Nam quod se nostris spectandum præbet ocellis  
 Esse potest species ceræ, non cera sed ipsa.  
 Quin fieri possit, desint ut lumina vultus,  
 Queis quicquam videam! fieri sed posse negatum,  
 Ut, modò, dum video, vel (quod mihi prorsus eodem  
 Nunc recidit) saltem de visu cogito mecum,  
 Non essem quicquam, nec sim substantia vera.  
 Et ratione pari, mihi si, persuadeo ceram  
 Esse, quod hanc tangam, sanè hinc inferre necessum,  
 Me, qui contingo digitis, existere certò.  
 Sic quoque, dum cerebro formata occurrit imago  
 Quædam forte meo, fas est inferre quod extem.  
 Et par iudicium reliquis de sensibus esto.  
 Sed quod de Cerâ modò mens advertit, id omne  
 Extra me positum nôris concernere corpus.  
 Porro si distincta magis perceptio ceræ  
 Visa fuit, quod non ex solis sensibus illam,  
 Sed simul ex aliis esset jam cognita causis,  
 In præsens quanto majori jure fatendum,  
 Me nunc cognosci multò distinctius à me.  
 Namque ex allatis ratio non profuit ulla,  
 Ex quâ clara magis perceptio reddita ceræ  
 Atque vel alterius cujusquam corporis esset,  
 Quin illâ melius mentis natura probetur.  
 Verum quid nimium diu causis immoror hisce?  
 Nam sunt præterea rationum pondera menti  
 Infra, plura meæ, mihi queis distinctior ejus  
 Cognitio fiat, vix ut sint digna relatu,  
 Notitiam illius quæ claram ex corpore reddunt.

Es

Et mea diuturnum mens delassata vagando,  
 Quò pridem volui, propriâ est jam sponte reversa.  
 Namque fatis cum sit solidâ ratione probatum,  
 Non propriè externo cognosci corpora sensu,  
 Neve ex vi cerebro quæ fert phantasmata nostro,  
 Nec quod tangantur, vel quod videantur ab ullo,  
 Sed puro tantum solius lumine mentis;  
 Hinc constat quod mens sit corpore notior ipsa,  
 Atque magis facili quoque cognitione notescat.  
 Sed quia tam subitò mens consuetudine priscâ  
 Exsolvi nescit, libet heic consistere paulò,  
 Ut nova cognitio multum meditando diuque  
 Altius hærescat memori sub mente reposta.



PRO-



PROOEMIUM  
DE  
METHODO  
MEDITATIONUM.

**Q**Uandoquidem Methodus, quâ utitur Philosophus, multos offendit, & vel ex ignorantia vel ex malitia impingere facit, adeo ut quidam proprias ipsius Cartesii hypothesas & sententias esse opinentur, quas ex aliorum opinione tantummodo refert & ad tempus admittit, donec ordine legitimo philosophandi eò devenerit, ut easdem refutet; vel etiam ut conclusiones quasdam, quæ ipsis minus veræ videntur, à reliquo demonstrationum corpore & concatenatâ veritatum serie divellant, quas impugnant, nullâ factâ mentione rationum quibus à Philosopho in antecessum demonstrantur: exempli causâ, has à Cartesio ex aliorum sententiâ positas hypothesas, *Genium aliquem malignum, eundemque summè potentem & callidum omnem suam industriam in eo posuisse, ut nos falleret: Cælum, terram, aërem, colores, figuras, sonos, cunctaque externa nihil aliud esse quam ludificationes*

A

nes

*In Notâ  
ad pro-  
gramma  
Regii, cir-  
ca finem.*

*nes somniorum, quibus insidias nostra credulitati deceptor ille  
tentendit: Fidem omnem prorsus sensibus esse denegandam, &  
his similes; has, inquam, hypothèses traducunt, tanquam  
sententiæ essent; quas Cartesius ipse doceat & suis sectato-  
ribus instillare nitatur; quod falsissimum esse cuilibet ex ip-  
so Cartesio variis in locis, modò ne introspicere detrectet,  
dilucidissimè patebit. Ut igitur, si fieri posset, hos homines  
ad saniores mentem reducamus, & præcipuè ut Lectori  
discendi cupido satisficiamus, de Methodo Philosophiæ  
Cartesianæ quædam prætanda esse necesse duximus. De-  
monstrandi autem ratio duplex est alia Synthesis, alia Ana-  
lysis. Synthesi solâ veteres in scriptis suis usi sunt, non quod  
Analysin ignorarent, sed (quod vero simile omnino) quia  
ipsam tantum faciebant, ut sibi solis, tanquam arcanum quid,  
reservaverint. Recentiores autem Mathematici & Geome-  
træ Analysi plerumque utuntur propter insignem illius usum,  
& hinc illa methodus Analytice Geometrarum non rarò ap-  
pellatur. Maxima autem pars Analytices Geometricæ Zete-  
ticæ & Poristicæ exhauritur: harum autem opus atque pro-  
fessio illud est, ex ignotis ad notiora animum deducere,  
unde per syntheseos regressum possint ex adverso ignota à  
notioribus concludi. Nempe accidere hoc sæpissimè norunt  
ii, quicunque in Problematis solvendis aut Theorematis de-  
monstrandis versari solent, destitui eos plerumque mediis  
eis quibus ipsi possint problema syntheticè construere, aut  
Theorema propositum ostendere, quare viam capeunt re-  
trogradam, & naturali demonstrationis viâ adversam: ini-  
tium sumunt ab ignotâ quantitate aliquâ, vel ex problema-  
tis ipsius tanquam soluti suppositione, factâque per con-  
tinuas (quantitatum variis modis comparatarum) conse-  
quentias resolutione, veniunt tandem ad æquationem inter  
datas duas aliquas sive notas quantitates: hoc quidem ha-  
bet omnis Analytice Geometrica. Proponuntur aliquando  
quædam Propositiones sive Theoremata, dum adhuc nes-  
citur an vera vel falsa sint; sed id inquitur. Supponuntur  
igitur sive vera sive falsa, eruuntur ex positione istâ con-  
se-*

sequentiar, si in vera deducunt, plerumque vera; si in falsa, semper esse falsa concluduntur illa enunciata, unde orta est resolutio, quæ quidem Analytices pars Poristice vocatur: verbo, hoc habet utraque Analytice, ut ab ignotis ad notiora deducat, unde possit synthesis (quia convertibilia sunt Geometrix axiomata) ab istis notioribus, ubi desinit Analysis, incipiendo, ad eorum sive Theorematum demonstrationem, sive Problematum solutionem, quæ fuerant quæsitæ, assurgere. Hæc jam paucis ad Meditationes Philosophi applicemus, in quibus non solam demonstrandi rationem, sed & ordinem accuratè observare oportet. Ordo in eo consistit, quod ea quæ prima proponuntur, absque ullâ sequentium ope cognoscantur, & reliqua deinde omnia ita disponantur ut ex præcedentibus solis demonstrantur, qui ordo in scribendi genere Geometrico requiritur. Demonstrandi autem ratio est per solam Analysisin, ab ignotis nempe ad notiora, quæ vera & optima via ad docendum est. Hunc itaque ordinem, hanc demonstrandi rationem secutus Philosophus, ut *ὡς ἐν τῷ πρώτῳ* leviter utrumque adumbrem) præmittit præcæmium in quo necessitas dubitandi, præsertim de rebus materialibus, quamdiu non habemus alia scientiarum fundamenta, proponitur; & deinde ad ostendendam & demonstrandam necessitatem dubitationis, rationes, quantum fieri potest, gravissimæ conquiruntur & exaggerantur, à Scepticis & Atheis præsertim usurpatæ; & quoniam illæ rationes tantæ sunt, ut solvi nondum possint à Philosopho, antequam firmiora quam antehæc fundamenta obtinuerit, hinc solæ illæ rationes & deductæ exinde consequentiæ, quæ sunt Scepticorum & Atheorum hypotheses & sententiæ, ad tempus, sive in se veræ sive falsæ sint nullo habitu respectu, admittuntur & supponuntur; sed non alium in finem, quam ut quales sint revera, an veræ nempe vel falsæ iusto ordine requiratur. *Modus enim scribendi analyticus, quem sequutus sum, inquit Cartesius, id patitur, ut quadam inter se supponantur, quæ nondum sint satis explorata, ut patuit in prima Meditatione, in quâ multa assumpseram, quæ deinde*

Resp.  
Quati.

*in sequentibus refutavi. Tales autem hypothesēs sive propositiones inter alias hæc sunt: Sensibus omnem fidem esse dene-gandam: Somnum à vigiliâ non posse distingui: Infixam men-ti veterem opinionem de Deo esse falsam. Genium malignum in omnibus nos eludere. Calum, aërem, terram, colores, fi-guras, sonos, cunctaque externa nihil aliud esse, quam lu-dificationes somniorum. Falso opinor me habere manus, o-culos, carnem, sanguinem, sensum; & cæteræ aliæ id ge-nus. Hæc autem omnes esse tantum hypothesēs sive conse-quentias ex rationibus Atheorum & Scepticorum eductas & ad tempus admissas, non autem sententias ex ipsius phi-losophi mente vi firmæ demonstrationis probatas satis uni-cuique attentè meditationes perlegenti conspicuum fiet; quod etiam satis indicant formulæ loquendi, quibus præmissis, vel additis, à Philosopho hæc enuntiata proponuntur: nam illæ enim satis ostendunt ea effata ad accuratius examen nimirum an vera an falsa sint, esse revocanda; præsertim in methodo, ubi tanta exactitudo requiritur, & ubi nihil nisi quod firmissimè demonstratum est pro indubitato ad-mittitur. Formulæ autem illæ inter alias hæc sunt: Age er-go somniemus: Demus hoc totum de Deo esse fictitium. Pu-tabo calum, terram, aërem &c. omniaque externa nihil esse. Suppono omnia, quæ video esse falsa. Nescio, de hoc iam non dis-puto, & cæteræ id genus philosopho usitatæ. Hypothe-ses autem illæ sive propositiones tamdiu & in eum finem à Philosopho supponuntur ut falsitatis per firmissimas ratio-nes convictæ explodantur; sunt enim tales (quod ipse phi-losophus alibi affirmat,) ut nemo sanæ mentis eas, ut ve-ras, amplectatur, sed ut tantum ab Atheis & Scepticis ef-fingantur & nullâ solidâ ratione propugnentur. Ut itaque & hos convinceret & omnem tam enormium dubitationum vesaniam ex omnium hominum mentibus eradicaret eisdem proposuit & adduxit. Atque hanc ob causam videmus om-nes illas antedictas opiniones ad tempus, ut dixi, admissas per solidissimas rationes refutatas negari, & contrarias veri-tates, sublatâ omni dubitatione, indubitato assertas, affir-mari,*

mati, ut ex. gr. Deum omnino existere. Med. III. Certissimas notiones de extensione, figurâ, motu &c. dari. Medit. IV. Nos in omnibus non falli, nec à genio maligno deludi. Medit. ead.. Nos corpus cateraque membra habere. Alia extra nos corpora, calum, terram, aërem &c. existere. Sensus circa ea, quæ ad corporis commodum spectant, multò frequentius verum indicare, quam falsum. Somnum à vigiliâ satis clarè posse distingui, Medit. VI. Cæterum ut majorem adhuc lucem fœnerentur & dilucidius confirmentur ea quæ diximus, audiamus ipsum philosophum de naturâ & discrimine utriusque methodi, uti & de ordine quo usus est differentem: *Duas, inquit, res in modo scribendi Geometrico distinguo, ordinem scilicet, & rationem demonstrandi. Ordo in eo tantum consistit quod ea quæ prima proponuntur, absque ullâ sequentium ope debeant cognosci & reliqua omnia deinde ita disponi ut ex præcedentibus solu- In Resp. ad Object. secundas ad num. 7.* dentur. Atque profectò hunc ordinem quam accuratissimè in Meditationibus meis sequi conatus sum.

Demonstrandi autem ratio duplex, alia scilicet per analysin, alia per synthèsin. Analysis veram viam ostendit per quam res methodicè & tanquam à priori inventa est, adeò ut si lector illam sequi velit, atque ad omnia satis attendere, rem non minus perfectè intelliget, suamque reddet, quam si ipsemet illam invenisset. Nihil autem habet, quo lectorem minus attentum, aut repugnantem, ad credendum impellat; nam si vel minimum quid ex iis quæ proponit non advertatur, ejus conclusionum necessitas non apparet, sæpeque multa vix attingit, quia satis attendenti perspicua sunt, quæ tamen præcipue sunt advertenda.

Synthèsis è contra per viam oppositam & tanquam à posteriori quæsitam (etsi sæpe ipsa probatio sit in hac magis à priori quam in illâ) clarè quidem id quod conclusum est demonstrat, utiturque longâ definitionum, petitionum, axiomatum, theorematum & problematum serie, ut siquid ipsi ex consequentibus negetur, id in antecedentibus contineri statim ostendat, siquæ à lectore quantumvis repugnante ac pertinaci

assensionem extorqueat : sed non ut altera satisfacit, nec discere cupientium animos explet, quia modum, quo res fuit inventa, non docet.

Exponit autem ipse quam methodum in conficiendis Meditationibus suis adhibuit, & quibus rationibus impulsus id egerit; ita enim procedit: Ego verò, inquit, solam *Analysin*, qua vera & optima via est ad docendum, in *Meditationibus* meis sum secutus; sed quantum ad *Synthesin*, etsi in rebus *Geometricis* aptissime post *Analysin* ponatur, non tamen ad has *Metaphysicas* tam commode potest applicari. Hac enim differentia est, quod prima notiones, quae ad res *Geometricas* demonstrandas praesupponuntur, cum sensuum usu convenientes, facile à quibuscumque admittantur; ideoque nulla est ibi difficultas, nisi in consequentis rite deducendis quod à quibuscumque etiam minus attentis fieri potest, modo tantum praecedentium recordentur: & propositionum minuta distinctio ad hoc est parata, ut facile citari, atque ita vel nolentibus in memoriam reduci possint. Contra verò in rebus *Metaphysicis* de nullâ re magis laboratur quam de primis notionibus clarè & distinctè percipiendis: Etsi enim ipsa ex naturâ suâ non minus nota, vel etiam notiores sint, quam illa quae à *Geometris* considerantur, quia tamen in multis repugnant sensuum praesudicia, quibus ab ineunte aetate assuevimus, non nisi à valde attentis, & meditantibus, mentemque à rebus corporeis, quantum fieri potest avocantibus perfectè cognoscuntur; atque si sola ponerentur, facile à contradicendi cupidis negari possent. Et hinc interjectionis quibusdam infert. Ideoque non modo meritò singularem attentionem in lectoribus meis desidero, illumque scribendi modum praecateris elegi, quo illam quam maxime conciliari posse putavi, & ex quo mihi persuadeo lectores plus utilitatis esse percepturos, quam ipsimet sint animadverturi; cum è contra ex modo scribendi *Synthetico* plura sibi videri seletant didicisse, quam revera didicerunt. Sed etiam aequum esse existimo ut illorum, qui mecum meditari noluerint, anticipatque suis opinionibus adhaerebunt, iudicia, quae de  
meis



neis ferent, prorsus recusem, & tanquam nullius momenti contemniam. Perfectissimo autem hoc ordine & incomparabili demonstrandi ratione simplicissimas veritates, quæ ob uam infallibilem certitudinem & indivulsam seriem, quam inter se constantissimè servant, detexit adeo firmas, ut solidiores & meliores ab humano ingenio reperiri posse credibile sit. Audite hæc ipsa authorem ipsum cogente necessitate & gloriâ Dei (ad quam hæc omnia referuntur) liberius quidem, quam ipsius fert consuetudo, profitentem. *Primus, Dedic.*  
 Inquit, & *præcipuas tantum* (rationes pro Existentiâ Dei *In Epist. Meditat.*  
 & reali mentis à corpore distinctione) ita sum prosecutus, ut jam pro certissimis & evidentissimis demonstrationibus illas usum proponere: Addamque etiam tales esse, ut non putem illam viam humano ingenio patere, per quam meliores unquam venire possint. Cum verò tales sint, non tamen mirum aliis videri debet, cur toties ab adversariis impetita & opugnata sint; quippe à libidine contradicendi impugnari, non mirum est? cum ex solâ ignorantia & repugnandi perniciâ, vel ob alias plurimas rationes in antecedentibus affinitas, id fiat à plerisque, qui clumbibus suis telis hæc ipsa audia-  
 us rursus philosophum, modo allegatis enim hæc mox adjungit: Atqui, inquit, quantumvis certas & evidentes res (veritates) possem, non tamen ideo mihi persuadeo, ad unum captum esse accommodatas, sed quemadmodum in geometriâ multa sunt ab Archimede, Apollonio, Pappo, & ceteris scripta, quæ etsi pro evidentibus etiam & certis ab omnibus habeantur, quia nempe nihil planè continent, quod rursus inspectatum non sit cognitum facillimum, nihilque in quo sententia cum antecedentibus non accuratè cohæreant, quia ita longiuscula sunt, & valdè attentum lectorem desiderant, nisi ab admodum paucis intelliguntur. Ita quamvis eas, quibus hic utor, certitudine & evidentia Geometricas æquæ vel etiam superare existimem, vereor tamen ne à multis aspercipi non possint, tum quia etiam longiuscula sunt, & ab aliis pendent: tum præcipue, quia requirunt mentem à præ-

à præjudiciis planè liberam, & quæ seipsam à sensuum consortio faciliè subducatur. Nec certè plures in mundo Metaphysicis studiis quam Geometricis apti reperiuntur. Ac præterea in eo differentia est, quod in Geometriâ cum omnibus sit persuasum, nihil scribi solere, de quo certa demonstratio non habeatur, sapius in eo peccant imperiti, quod falsa apprehendunt, dum ea videri volunt intelligere, quam quod vera refutent. Contra verò in Philosophiâ cum credatur nihil esse de quo non possit in utramque partem disputari, pauci veritatem investigant, & multo plures ex eo quod ausint optima quæque impugnare, famam ingenii aucupantur. Atque hæc jam rationes satis evidenter, ut judico, ostendunt, cur animis adeo fer ventibus in Philosophum omni tempore invec ti fuerint ad versarii & cur etiamnum hodiè tot patiatu r antagonistas, qui rem se Deo gratam facere opinantur, quod adversus eum omni impetu insurgant. Cæterum hic aliquis, qui modestioris ingenii videri vult, quærat fortassis. Quid igitur præ cæteris philosophis in his suis Meditationibus præstitit Cartesius? Vixerunt ab omni ævo sapientissimi viri, an ne hi, inquirentes omnibus animi viribus veritatem eruere, semper devii à scopo aberrârunt? an in ipsorum scriptis nihil sani, nihil veri? Nihil æquabilius inter homines esse distributam à Deo quam bonam mentem seu rectam rationem, aded ut illa omnibus æqualis innata sit, & omnibus vis incorruptè judicandi & verum à falsò distinguendi æquè vivida à naturâ concessa sit, ipsa Cartesii modestia & veritatis amor fatentur. Hoc tamen nihil impedit quò alter præ altero veritatem magis eruat, quoniam hic suas cogitationes per meliores, quam ille dirigit vias: qui autem rectum perpetuò insistent viam etiam lentissimo tantum gradu incedentes, celerius pergunt, quam qui sæpe aberrantes citatiori cursu feruntur. Jam verò profiteri non veretur *Noster* se singulari deputare felicitati, quod à primis annis in eas cogitandi vias inciderit, per quas non difficile fuit, pervenire ad cognitionem quarundam regularum sive axiomatum, quibus constat methodus, cujus ope gradatim augere scientiam

tiam, illamque tandem, quam pro ingenii sui tenuitate & vite brevitate maximam sperare liceat, se acquirere posse confideret? Hanc igitur legitimam veritatis inveniendæ viam attentis meditationibus magis magisque detegens, ad illam tandem perfectionem eandem perduxit, ut per eam solidissimas & evidentissimas contexuerit Metaphysicas Demonstrationes. Non quod in his congesse-<sup>rat</sup> rationes, quæ nunquam à magnis viris allatæ essent, sed quod ex omnibus optimas studiosè conquisierit, & Methodo aliis minus usitatâ, sed ad quaslibet difficultates in scientiis resolvendas expeditâ & felici, quam in Philosophiâ non invenit, sed duce veritate fecit, in unum concinnum corpus artificiosissimè redegerit, adeo ut nil nisi mera certissimarum & evidentissimarum demonstrationum concatenatio sit. Cæterum audiamus ipsum Philosophum modestè hæc profitentem: *Non est dubium, inquit, quin omnes ii, qui alios docent, In Epist. veritatem pro viribus querere, atque inventam doce-* ad P. Dr-  
*re teneantur. Sed nempe non creditur eam fore in no-* nat.  
*vâ illâ Philosophiâ quam promitto: Non verisimile est me unum plus vidisse, quam sexcenta millia ingeniosissimorum virorum, qui opiniones in scholis vulgò receptas sequuti sunt: Via trita ac cognita novis ac ignotis sunt semper tutiores; Præsertim propter Theologiam, cum quâ veterem & vulgarem Philosophiam optime consentire, multorum annorum experientia jam docuit: de novâ autem incertum est: Ideoque ne forte imperitam multitudinem novitatis avidam ad se alliciendo paulatim crescat, & viresumat; Scholarumque sive Academiarum pacem & quietem perturbet; vel etiam in Ecclesiâ novæ hæreses adducat, maturè prohibendam atque extinguendam esse quidam contendunt. Ego verò contra respondeo me quidem mihi nihil arrogare, nec profiteri me plus videre quam ceteros; sed hoc forte mihi profuisse, quod cum proprio ingenio non multum fidam, planas tantum, & faciles vias sim sequutus: Nam si quis per ipsas magis promoveat, quam alii multo maiori ingenio præditi per salebrosas & impenetrabiles illas quas sequuntur non est mirandum. Addo*

B

me

*me nolle ut mihi credatur de veritate eorum quæ promissa, sed ut ex iis speciminibus quæ jam dedi iudicetur: Non enim ibi unam aut alteram, sed plus sexcentis quæstionibus explicui, quæ sic à nullo ante me fuerunt explicata; ac quamvis multi hæcenus mea scripta transversis oculis inspexerint, modisque omnibus refutare conati sint, nemo tamen quod sciam, quicquam non verum potuit in iis reperire. Fiat enumeratio quæstionum omnium, quæ in tot sæculis, quibus alia Philosophiæ viguerunt, ipsarum ope soluta sunt, & forte nec tam multa nec tam illustres inveniuntur. Quantum autem ad scripta sapientissimorum veterum, methodus in illis confusa, obscura, salebrosa, hiulca & male cohærens, defunt tibi demonstrationes solidam, evidentem & infallibilem scientiam parientes, sed opiniones tantummodo probabiles, ad eò ut si totum eorum ipsorum philosophematum in genere spectes, jure dicas, ibi nihil sani, nihil solidè veri esse; sed omnia ambigua & perpetuis dissidiis esse obnoxia: ad eò ut huc respiciens philosophus de universâ omnium veterum Philosophiâ non minus liberè, quam verè pronunciaverit: De Philosophiâ, inquiens, nihil dicam, nisi quod, cum scirem illam à præstantissimis omnium secularum ingenii fuisse excultam, & nihil tamen adhuc in eâ reperiri, de quo non in utramque partem disputetur, hoc est, quod non sit, dubium & incertum; non tantum ingenio meo confidebam, ut aliquid in eâ melius à me quam à cæteris inveniri posse sperarem. Et cum attenderem quot diversa de eadem re opiniones sæpe sint, quarum singula à viris doctis defenduntur, & ex quibus nunquam plus una vera esse potest: quidquid ut probabile tantum affertur, propemodum pro falso habendum esse existimabam. Quantum autem in particulari ad Philosophiam Peripateticam, quatenus talis tantum est, attinet, de eâ judicium quoque Philosophi exponamus: Philosophia ait, illa vulgaris, quæ in Scholis & Academiis docetur, est tantum congeries quedam opinionum, maximâ ex parte dubiarum, ut ex continuis disputationibus, quibus exagitari solent, apparet; atque inutile, ut longa experientia jam docuit; ne-*

mo

De Metho-  
dodo  
part. I.

Adversus  
Voetium  
part. I.

mo enim unquam ex materia primâ, formis substantialibus, qualitatibus occultis, & talibus aliquid in usum suum convertit. Quinimò, ut alibi loquitur, profiteor ne unius quidem questionis solutionem ope principiorum Peripatetica Philosophia peculiarium, datam unquam fuisse, quam non possim demonstrare esse illegitimam & falsam: Fiat periculum, proponantur, non quidem omnes, neque enim opera pretium puto multum temporis eâ in re impendere, sed pauca aliqua selectiores; stabo promissis: Et moneo tantum, ne captioni locum relinquam, loquendo de principiis Peripatetica Philosophiæ peculiaribus, me. excipere illas questiones, quarum solutiones desumptæ sunt, vel a consideratione figurarum, & motuum, quæ Mathematicorum propria est; vel denique in Metaphysicis à communibus illis notionibus, quas à me admitti, ut & præcedentia, ex Meditationibus meis apparet. Non tamen diffitemur veritates quasdam in philosophematis veterum hinc inde sparsas, si eas separatim & singulas seorsim spectes, contineri, sed illæ ipsæ ita detortæ & contaminatæ atque inter se invicem impeditæ erant, ut remedia errorum & alimenta veritatis veneni naturam induerint, ne possint usui esse nisi perito pharmacopœo, qui arte & igne purgatorio adhibitis noxium ab utili separet. Hanc curam impendit, hanc manum medicam admovit Cartesius & veritates per lacinias in veterum scriptis sparsas & clanculum delitescentes prudenti artificio detexit, selegit, & in unum saluberrimarum veritatum corpus concinnâ methodo digestit. Fatetur sanè philosophus vix ullas dari posse (pro existentia Dei & reali animæ à corpore distinctione rationes) quæ non prius ab aliquibus aliis fuerint inventæ: Nihil tamen utilius, addit, in Philosophiâ præstari posse existimo, quam si semel omnium optima studiosè querantur, tamque accurate & perspicuè exponantur, ut apud omnes constet in posterum eas esse demonstrationes. &c. Ideoque officii mei esse putavi nonnihil hac in re conari. Quicquid autem præstare potui totum in hoc tractatu continetur. Et has ob rationes nostri propositi est in posterum in hoc opere nostro Exegetico

tico consentientes cum veritatibus à philosopho congestis aliorum doctorum virorum tum recentiorum tum præcipue veterum sententias quandoque allegare, ut ita pariter & Philosophum nostrum illustremus, cum aliis eruditis utcumque conciliemus, & novaturiendi pruritum toties ipsi ab adversariis objectum prosligemus. Nec est, quod quispiam putet id fieri contra mentem ipsius Cartesii, ut perperam opinantur quidam ex ipsius asseclis. Nam licet ipse in suis operibus aut nunquam aut saltem rarissime alios consentientes adducat viros eruditos, ea erat ratio, quod suam philosophiam solâ demonstrandi per rationes evidentiam & certitudine, non autem ullâ hominum autoritate, niti ostenderet; sed hoc nihil impedit quo minus suam philosophiam per aliorum eruditorum scripta velit illustrari, aut saltem cum eisdem conciliari. Ipse enim suo nobis præit exemplo, cum enim primus Opponens unum ex Philosophi argumentis cum aliquo ex Thomâ Aquinate contulisset, fatetur se nullâ illic in re ab illo Doctore dissentire. Alio etiam loco ad conciliandam suam loquendi formulam cum aliis Philosophis adducit Franc. Suarem secum consentientem. Imò cum *negat Deum mentiri, vel esse deceptorem*, ad omnium Theologorum & Metaphysicorum unanimum provocat consensum. Quin & gratissimam sibi suæque Philosophiæ stabilendæ operam locari dilucidè ostendit, dum disertis verbis gratias agit quarto OppONENTI, *quod Augustini auctoritate se adjuvârit, rationesque suas ita proposuerit, ut timere videretur, ne non satis fortes aliis apparerent.* Ex quibus satis patet, quam apprimè cum mente Philosophi conveniat, si quis ipsius philosophiam dilucidius explicare, cum aliis conferre & institutâ accuratâ *συμμετρώσει* conciliare allaboraverit. Sed hic denuò regeret fortassis quispiam, difficile id factu esse, imò vix ac ne vix quidem fieri posse, siquidem nova sunt omnia & modò nata quæ meditatus est Rénatus. Si methodum species quæ contexta sunt, nova sunt; si modum, quo proposita sunt, consideres, nova sunt; si denique tempus, quo in lucem protracta sunt, innuas, nova sunt: si res ipsas

*In Resp.*  
*ad pr.*

*Object.*

*In Resp.*

*ad Ob-*

*ject. 4.*

*In Resp.*

*ad Ob-*

*ject. 2.*

*num. 75.*

ipsas intuearis, antiquissima sunt, veritate enim nihil antiquius. Sed an revera nova sint, & pro talibus hæc venditet Philosophus; an verò vetera esse agnoscat; & anne è contra Philosophia Peripatetica nova sit, facundo rursus ore Philosophus edifferat.

De Principiis, quibus usus fuit in rerum materialium naturâ explicandâ hunc in modum loquitur: *Velim etiam notari, me hic universam rerum materialium naturam ita con-* Principi. P. 4. §. cc.  
*tum esse explicare, ut nullo planè principio ad hoc usus sim, quod non ab Aristotele, omnibusque aliis omnium seculorum philosophis fuerit admissum: adeo ut hæc Philosophia non sit nova, sed omnium maxime antiqua & vulgaris. Nempe figuras & motus, & magnitudines corporum consideravi: & secundum leges Mechanicæ, certis & quotidianis experimentis confirmatas, quidnam ex istorum concursu sequi debeat, examinavi. Quis autem unquam dubitavit, quin corpora moveantur, variasque habeant magnitudines & figuras, pro quarum diversitate ipsorum etiam motus varientur, atque ex mutua collisione, quæ majuscula sunt in multò minora dividantur & figuras mutant? Hoc non uno tantum sensu, sed pluribus, visu, tactu, auditu deprehendimus; hoc etiam distinctè imaginamur & intelligimus. Metaphysicas autem quod attinet demonstrationes, illæ ex claris & notis deductæ etiam sunt principiis: Non autem video, inquit, causam ullam esse posse, cur nec ipsi nec ulli alii viri docti, quod sciam, quicquam hactenus in rationibus meis reprehenderint, nisi quia sunt omnino veræ ac certæ, cum præsertim ipse ex nullis obscuris ignotisve principiis, sed primum à summâ rerum omnium dubitatione, ac deinde ex iis, quæ menti præjudiciū libera omnium evidentissima & certissima esse apparent, gradatim deductæ sint. Et hinc conferens suam cum Peripateticâ Philosophiam, hanc illâ longè antiquiorem esse ex rei veritate scribit. Addo etiam, inquit, quod forte videbitur esse paradoxum, nihil in eâ Philosophiâ esse, quatenus censetur Peripateticâ, & ab aliis diversa, quod non sit novum: nihilque in mea quod non sit vetus; Nam quantum ad Principia, nec.* In Epist. ad P. Di-

ea tantum admitto, qua omnibus omnino Philosophis hactenus communia fuere, suntque idcirco omnium antiquissima; & quae deinde ex iis deduco, jam ante in ipsis contenta & implicita fuisse tam clarè ostendo, ut etiam antiquissima, utpote humanis mentibus à naturâ indita, esse appareat: Contra autem principia vulgaris, eo saltem tempore, quo ab Aristotele aliisque inventa sunt, erant nova, nec iam meliora putari debent quam tunc fuere; nihilque ex iis deducitur quod non sit contrarium, & ex more Scholarum à singulis Philosophis mutari possit, ac proinde quod non sit maxime novum, cum quotidie adhuc renovetur. Sed esto quoque Cartesii Philosophia nova, annè propterea illic mala, damnanda & proscribenda? Odiosum quidem est circa religionem aliquid velle innovare; quia cum quisque illam, quam amplectitur, dicat se credere institutam esse à Deo, qui errare non potest, nihil ex consequenti credit in eâ posse novari, quod non sit malum: sed circa Philosophiam, quam ultro fatentur omnes nondum ab hominibus satis sciri, ac multis egregiis inventis augeri posse, nihil laudabilius est, quam esse Novatorem. Cæterum acrius rursus instabunt alii, criminantes Philosophum ipsum talem esse novatorem, qui orthodoxæ Theologiæ contraria, Scholarum pacem perturbantia, & hæreses pestiferas fovendi proculd & docet dogmata. Hæ enim sunt criminationes jam à primâ nascentis hujus Philosophiæ horâ Philosopho objectæ, & quæ, vel centies refutatæ, denuò subinde ingeminantur, nempe coccygum sætus cantu æmulantur parentes. Sed quod hujus generis lugillatoribus olim repositum est à Philosopho, & nos iis reponamus, adeoque Philosophum sibi ipsi patrocinantem adducamus. *Quantum ad Theologiam*, inquit, cum una veritas alteri adversari nunquam possit, esset impietas timere, ne veritates in Philosophiâ inventa iis quasunt de fide adversentur; Atque omnino profiteor nihil ad religionem pertinere, quod non æquè, ac etiam magis facile explicet, quam per ea quæ vulgo recepta sunt: Jamque hujus rei mihi videor specimen dedisse satis luculentum, in fine meæ responsionis ad quartas Objectiones, circa quæstionem in quâ omnium diffi-



difficillimè Philosophia cum Theologia solet conciliari: Et idem in aliis quibuslibet, si opus sit, præstare sum paratus; At etiam ostendere multa è contra esse in vulgari Philosophiâ, quæ reverà pugnant cum iis quæ in Theologia sunt certa, etsi id vulgò à Philosophis dissimuletur, vel ob longam in credendi consuetudinem non advertatur; &c. Non etiam metuendum est, ne Scholarum pacem perturbent: sed contra cum omnes Philosophi tot controversiis se mutuò vexent, ut nunquam majori in bello esse possint, quam jam sunt, nulla melior ratio est ad pacem inter illos conciliandam, Hæresesque etiam quæ quotidie ex istis controversiis repullulant minuendas, quam si veræ opiniones, quales meas esse jam probavi, recipiantur: Earum enim clara perceptio, omnem dubitandi ac disputandi materiam tollet. Atque ex his patet, nullam reverà esse rationem, ob quam nonnulli tanto studio reliquos homines ab iis cognoscendis velint avertere; nisi quod nimis evidentes & certas eas esse existimantes, vereantur ne obsint fama doctrinæ, quam ipsi ex aliarum minus probabilium cognitione quasiverunt. Adeo ut hac ipsa illorum invidia non exiguum sit veritatis meæ Philosophiæ argumentum.

Novi quam avidè arrepturi sunt hujus responsionis verba antagonista; regerent enim: Imo ex hoc ipso specimine, quod citavimus ex Respp. ad Quartas Objectiones, satis manifestum esse cum Reformata Theologiæ contraria, Pontificiam verò stabilitatæ docuisse Principia, ex iisdem enim cum Transsubstantionem, palmarium Papismi dogma, acriter eo loco defendere. Ut autem videamus & liquidò appareat, quam felix patrociniū præbuerit Transsubstantiationi, & an reverà illud ex animo defenderit, ascribamus & examinemus ipsa, licet prolixiora, Philosophi verba, & ex iisdem Philosophi mentem eliciamus. Verba sic se habent: *Sed cum forte*, inquit, *primi Theologi; qui hanc questionem Philosophico more explicare conati sunt, tam firmiter sibi persuaderent* I. Respp. *accidentia illa quæ sensus movent esse quid reale à substantiâ* Quart. *diversum, ut ne adverterent quidem ea de re posse unquam du-* circa fin. *bitari: sine ullo examine ac sine iustâ ratione supposuerunt spe-*  
cies

- cies panis esse accidentia ejusmodi realia: totique deinde in eo fuerunt ut explicarent, quomodo ipsa sine subjecto esse possint. Quâ in re tot difficultates invenerunt, ut vel ex hoc uno (quemadmodum viatores cum forte ad salebras & loca nullo modo pervia devenerunt) se à vero itinere deflexisse judicare debuissent.
2. Inprimis enim non videntur sibi constare, saltem ii qui omnem sensuum perceptionem per contactum fieri concedunt, cum objectis aliquid aliud, quam ipsorum superficies variè dispositas, ad movendos sensus requiri supponunt: quia per se notum est, ad contactum solam superficiem sufficere: si qui verò id non concedant, nihil eâ de re asserre possunt quod ullam
  3. habeat speciem veritatis. Deinde non potest humana mens cogitare accidentia panis esse realia & tamen absque ejus substantiâ existere, quin simul illa per modum substantia concipiat: Adeo ut implicare videatur, ut tota panis substantia mutetur, quemadmodum credit Ecclesia; & interim ut aliquid reale, quod primò erat in pane, remaneat: quia nihil reale potest intelligi remanere, nisi quod subsistat, & quamvis verbo vocetur accidens, concipiatur tamen ut substantia. Ideoque in re idem est ac si diceretur totam quidem panis substantiam mutari, sed tamen illam ejus substantia partem, que vocatur accidens reale remanere: quod si non in verbis, certe in conceptu contradictionem involvit.
  4. Atque hac præcipua ratio esse videtur ob quam nonnulli hæc in parte ab Ecclesiâ Romanâ dissenserunt.
  5. Quis autem neget, ubi liberum est; & nulla ratio, nec Theologica, nec quidem Philosophica, cogit nos ad aliquas opiniones amplectendas, quin illa potissimum sint amplectenda, quæ nullam aliis occasionem nec prætextum dare possint à veritate fidei deflexendi? Quod
  6. autem opinio quæ realia ponit accidentia, cum Theologicis rationibus non conveniat, puto hic satis perspicuè ostendi: quodque Philosophicis planè adversetur, spero me in summâ Philosophiâ, quam jam habeo in manibus, clarè esse Demonstraturum; ibique quo pacto color, sapor, gravitas, & reliqua omnia quæ sensus movent, à solâ extrema corporum superficie dependant ostendam. Denique non possunt accidentia
- realia

realia supponi, quin miraculo transubstantiationis, quod solum ex verbis consecrationis concludi potest, aliud novum, & quidem incomprehensibile, gratis addatur, per quod accidentia ista realia, absque panis substantia ita existant, ut ipsa interim non fiant substantia: quod non modo pugnat contra humanam rationem, sed etiam contra axioma Theologorum, qui dicunt verba ista consecrationis nihil efficere nisi suum significatum; & quæ per rationem naturalem possunt explicari miraculo nolunt ascribi. Quæ omnes difficultates per meam huius rei explicationem planè tolluntur: nam tantum abest, ut juxta ipsam opus sit aliquo miraculo ad conservanda accidentia post sublatam substantiam; quin potius sine novo miraculo (per quod scilicet dimensiones mutantur) tolli non possunt. Hocque aliquando contigisse memoria proditum est, cum loco panis consecrati caro vel puer in manibus sacerdotis apparuit: Non enim id unquam per miraculi cessationem, sed omnino per novum miraculum accidisse creditum est. Præterea nihil est incomprehensibile aut difficile in eo quod Deus creator omnium unam substantiam in alium mutare possit, quodque hæc posterior substantia sub eadem planè superficie remaneat sub qua prior continebatur. Nec etiam quicquam rationi magis consentaneum dici potest, nec vulgò apud Philosophos magis receptum, quam non modo omnem sensum, sed generaliter omnem corporis in corpus actionem fieri per contactum, huncque contactum in solâ superficie esse posse: unde sequitur evidenter eandem superficiem, quantumvis substantia quæ sub eâ est mutetur, eodem semper modo agere ac pati debere. Inquirendo autem penitius consideremus, quæ in hoc discursu proponat Philosophus, & in hunc finem eundem quasi in capita digeramus: Primò carpit eos Theologos, qui primi aggressi fuere dogma Transubstantiationis Philosophico more explicare, propterea quod adeò firmiter sibi persuassissent accidentia illa, quæ sensus movent, esse quid reale à substantiâ diversum, ut existimarent illud omni prorsus carere dubio. Et propter hanc ipsorum imprudentiam & stupiditatem, primùm suppoluerunt sine ullo examine & iustâ

C

ratio-

ratione species panis esse accidentia ejusmodi realia sine pane ut subjecto, cui insint, subsistentia; & deinde illud ita supponentes in eo toti fuerunt, ut explicarent quomodo ipsa sine subjecto esse possint. Detexit autem ipsam eorum stupidam imprudentiam, quod cum jam in eo allaborarent ut hoc explicarent, innumeras difficultates deprehenderint, ex quibus nisi prorsus stupidi fuissent, facile agnoscere potuissent se à veritate naufragium fecisse, ut norunt viatores se à verò itinere deflexisse ubi in salebras & loca impervia pervererunt. Primò itaque heic ridet eos, qui accidentia panis sine pane ut subjecto, cui insint, subsistere posse statuerunt. Secundò redarguit & inconstantia convincit eos, qui rectè quidem statuunt omnem sensuum perceptionem fieri, per contactum, & tamen perperam accidentia realia admittunt, ut faciunt quidam ex Peripateticis & Transsubstantiationis Patronis: nam hi in objectis, ut ait, aliud, quam ipsorum superficies variè dispositas, ad movendos sensus requiri supponunt; cum lumine naturali notum est ad contactum solam superficiem sufficere; & porrò, qui ad contactum solam superficiem sufficere negant, nullo modo cum quâdam veritatis specie explicare possunt, quomodo fiat contactus. Tertiò ex professo refutat accidentia realia: Docet enim fieri non posse, ut mens humana cogitet accidentia panis esse realia & absque panis substantiâ existentia, dum interim ea non concipiat ut veras substantias per se subsistentes. Quod posterius tamen, nempe quod accidentia illa realia sint substantia per se subsistentes repugnare dicit fidei Ecclesiæ Romanæ; nam illa credit, totam substantiam panis mutari; & contra, illi qui docent aliquid reale sive accidentia realia, quæ prius erant in pane, remanere, revera docent aliquid quod per se subsistat sive substantiam remanere; nam licet voce illud quod remanet in pane nuncupent accidens concipiunt tamen ut substantiam; reipsâ igitur repugnantia & contradictionem involventia docent, nempe totam quidem panis substantiam mutari, sed tamen partem substantiæ remanere. Et porrò quartò ostendit propter illam de accidentibus realibus doctrinam repugnantem

tem ipsi doctrinæ fidei in Ecclesiâ Romanâ de Transsubstantiatione, multos recessisse ab illâ Ecclesiâ: Cum enim viderent accidentia realia acriter à Doctoribus Pontificiis propugnari nec unquam in dubium trahi, & simul ab iisdem doceri dogma Transsubstantiationis per hæc sola accidentia posse defendi, jure meritò ab Ecclesiâ Romanâ secessum fecerunt Reformati. Quintò in genere affirmat, (provocando ad omnes, qui sanæ mentis sunt,) illas opiniones præ cæteris esse amplectendas, quæ non præbent occasionem nec prætextum recedendi à veritate fidei, uti facit opinio de accidentibus realibus, quæ proinde meritò est explosa; quia nec cum sanâ Theologiâ, nec Philosophiâ convenit! Sextò autem ostendit non modò rationibus Philosophicis & Theologicis, sed & ipsi Transsubstantiationis mysterio & placitis Theologorum Pontificiorum contrariari doctrinam de accidentibus realibus: nam si illa opinio admittitur duplex miraculum statuendum erit in Transsubstantiatione: primum, totalis transmutatio substantiæ panis; alterum, quod accidentia panis sine pane subsistant, ut interim non sint ipsæ substantiæ. Prius miraculum solummodò admittere Pontificios Theologos scribit; posterius autem non tantum cum Theologorum eorundem sententiâ; qui dicunt verba consecrationis, *Hoc enim est corpus meum*, nihil efficere nisi suum significatûm; sed etiam cum humanâ ratione pugnare asserit. Nulla igitur hæctenus approbatio istius dogmatis Pontificii; saltem assertio quod cum accidentiûm realium opinione pugnet; quod, uti explicuit Philosophus, neminem Reformatorum jure offendet, sed gratâ mente illud amplectentur, quod Philosophus ostenderit Pontificios sanæ non tantum philosophiæ, sed & propriam Religionem & fidem evertentia docere dogmata, quale illud de accidentibus realibus, ob quod Reformati jure recesserunt ab Ecclesiâ Romanâ. Sed & hoc probè notandum, Philosophum asserere; quod solum ex verbis consecrationis dogma Transsubstantiationis possit concludi, unde, patet ipsum omnia reliqua Pontificiorum argumenta, quæ pro illo dogmate solent af-

ferri rejicere & pro nihilo ducere, & interim an secus ex consecrationis verbis illud dogma concludatur non exprimit, multò minus igitur affirmat. Septimò dicit antecedentes illas difficultates, quibus per sententiam de accidentibus realibus premitur dogma Transsubstantiationis, per suam de accidentium naturâ explicationem planè tolli. Nec mirum; nam Philosophi sententia cum prorsus contraria sit alteri de accidentibus realibus non potest eisdem difficultatibus premere illud dogma; sed interim non dicit hanc suam opinionem nullas habere difficultates adversus illud Pontificium placitum. Cæterum videamus octavò quomodo suam sententiam difficultates tollere ostendat & quâ ratione se hâc in parte explicet. Dicit autem secundum suam sententiam novo non opus esse miraculo ad conservanda accidentia post sublatam substantiam priorem; sed contra accidentia illa non posse tolli nisi novo miraculo à substantiâ illâ posteriore, in quam prior transmutata est; nempe novâ rursus transmutatione opus esse, per quam dimensiones posterioris substantiæ, cui accidentia illa inhærent, denuò mutantur: quam novam transmutationem sive Transsubstantiationem in mysterio illo missatico contigisse à Pontificiis scriptoribus memoriæ proditum esse ait, cum nempe caro vel puer loco panis in manu sacerdotis apparuit. Rectè dicit ad accidentia tollenda dimensionum substantiæ mutationem per miraculum debere fieri; sed non dicit se credere in missâ Transsubstantiationem aut unicam aut duplicem unquam fieri; nec dicit per suam de accidentibus doctrinam ullo modo Transsubstantiationem defendi aut stabiliri, passim enim in suis scriptis inculcat res fidei rationibus è naturâ petitis demonstrari non posse. Nonò porrò inquit, facile concipi posse, Deum Creatorem omnium unam substantiam in aliam posse mutare, adeò ut posterior substantia sub eâdem planè superficie remaneat, sub quâ prior continebatur. Quod, ut suspicor, nemo Reformatorem negabit; præsertim cum per superficiem (uti decimò asserit se eam vocem sumere) nihil nisi terminus dimensionum ejus corporis, quod sentitur, intel-

intelligitur, uti ipse seipsum explicat & se juxta cum aliis Philolophis sentire aserit. Et sanè quis Reformatorum est, qui non libentissimè concedit & omninò aserit Deum per omnipotentiam suam corpus unum in aliud transmutare posse, adeò ut posterior substantia sub eodem dimensionis termino conservetur, id est exactè æqualis sit longitudinis, latitudinis & crassities, quam fuit prior, imò ut contactu visu cæterisque sensibus externis posterius corpus à priori non possit tecerni. Sed interim illud in misâ fieri non aserit Philolophus, simpliciter enim dicit Deum corpus unum in aliud posse transmutare: Et positò quod fieret, certissimum tamen est hoc corpus ità transmutatum ex alio corpore. ex. gr. ex pane missatico, non esse corpus Christi, nec ejus figuram referre; cum enim corpus Christi alterius sit figuræ quam panis missaticus, certissimum est corpus ipsum, etsi ex pane fieret, non esse corpus Christi, nisi hic rursus novum incomprehensibile effingatur miraculum, nempe ut corpus Christi sub aliâ dimensione creetur, quam revera fuit in terris aut est in cælis; ut præterea alias rationes propter quas id fieri prorsus nequit. Adeò ut accuratè consideranti satis apparere existimem Philolophum, cum Pontificium Transubstantiationis dogma quasi explicandum & defendendum suscipit, revera illud penitus evertere & ludibrio exponere. Nam sanè Philolophus accidentia realia, quibus universum dogma Transubstantiationis innititur, & quibus sublati illud dogma corrui ipsi Doctores Pontificii statuunt, penitus evertit. Et præterea disertè ait corpus Christi *non adesse proprie sub panis superficie, tanquam in loco, sed sacramentaliter* id est sensu spirituali & mystico sacramentorum naturæ conveniente, & eâ, uti pergit, *existendi ratione, quam etsi verbis exprimere vix possumus, possibilem tamen esse Deo, cogitatione per fidem illustratâ assequi possumus, & constantissimè credere debemus.* Quæ sana verba sano sensu intellecta nemo Reformatorum non lubenti animo amplectitur; adeò ut omninò Reformatorum causam hic agat Philolophus contra

Pontificios, quod etiam magis perspicaces observantes Pontificii rotundo ore confessi sunt, neminem qui revera Pontificiis esset, Cartesianum esse posse, id est, principia Philosophiæ Cartesianæ admittere posse. Quod si quis tamen contendat Cartesium ex animo defendisse μετρίως Pontificiæ dogma & heic ἐπεροδοξίᾳ Ecclesiæ Romanensium patronum egisse, quod factum ab eo fuisse nimio istius religionis zelo, utpote cui ab ineunte ætate innutritus erat, non negavero; præsertim cum ipse non semel ad hanc istius dogmatis defensionem provocet; illi respondeo infelix admodum esse illud patrocinium quod illi præstitit opinioni, & quod neutiquam cum propriis principiis convenit; nam in ipsis verbis modò allegatis acriter impugnans accidentia realia, dum tamen ipse conatur inducere superficiem, quæ non sit pars ullius corporis, sed modò terminus inter corpora, & particulas corporis intermedius, quique nullam habeat entitatem nisi modalem, in quo contactum fieri existimat, ejusdem erroris, quem tantopere & meritò impugnat, se reum facit. Dum enim talem superficiem fingit, quæ non nisi modus sit, quem intercedere dicit inter corpora ambientia & particulas alicujus corporis, & in quo contactum fieri asserit sine corpore subiecto, revera fingit modum qui non insit corpori, sed per se subsistat, adeoque qui substantia sit, & quidem adeò crassa, ut per se sit palpabilis; quæ asserta directè contradicunt propriæ ipsius Philosophiæ; disertè enim ait, *quod si modos velimus concipere sine substantiis, quibus insunt, hoc ipso nos illos, ut res subsistentes esse spectaturos, atque ita ideas modi & substantia esse confusuros*; atque ita asseruerat quoque *modum nullum sine substantiâ, cui insit, posse cognosci*. Et proinde quoque de loco agens externo, quem superficiem corporis ambientis definit Aristoteles, ipse quidem explicat, inquit, *per superficiem heic non intelligi ullum corporis ambientis partem, sed solum terminum, qui medius est inter ipsum corpus ambiens, & id quod ambitur; quique nihil aliud est quam modus*: sed cum satis videret hanc superfici-

Art. LXIV.  
par. I.

Art. LXI.



ciei significationem à se propositam rei explicandæ non satisfacere, cum revera talis superficies, quæ non sit in se pars corporis, ambire aliud corpus non possit; hinc mox emendat seipsum, & agnoscit superficiem revera partem corporis esse: *vel certè, inquit, intelligi superficiem in communi, qua non sit pars unius corporis magis quam alterius, &c.* Fatemur itaque Philosophum hæc in parte humani quid fuisse passum id est errasse; nos autem veritatem amamus, sectamur illiusque patrocinium suscipimus, errores neutiquam adoramus; neque adeò deliri sumus, uti quidam ex Aristoteleis, qui imprudenter & impudenter professi fuerunt *se cum Aristotele errare, quam contrà Aristotelem cum aliis benè sentire malle.*

Nequis verò suspicetur nos per mendacium hæc obijcere Aristoteleis, audiant velim testem, cujus fidei ipsi multum tribuunt, Cassendum inquam, qui acriter satis increpat hanc ipsorum nimiam in Aristotele confidentiam & securitatem: *Cogitanti mihi, inquit, sæpenumero ex quo fonte derivari ac fluere jam tamdiu potuisset corrupta hæc ratio Philosophandi (Aristotelea) quæ Scholas implevit: nihil aliud subire potuit, quod quidem satisfaceret, præter examinatam illam, ignavamque diffidentiam, qua Philosophi Aristotelei, veritatem olim occupatam ab Aristotele plus nimio securi, illius seriò inquirenda non fuere amplius solliciti. Sic enim cum suspicerent antecessorem Aristotelem, ut Deum quendam è calo delapsum, à quo fuisset veritas occupata, non sunt ausi vel latum unguem ab ipso deficere: sicque diffisi viribus suis, rerum ipsarum abiecere studium, & inanem solum garrum circa Aristotelis verba retinuerunt. Nihil impono, id norunt omnes, quotquot ipsorum vel scripta, vel disputationes, & Scholas trivèrè. Quotusquisque enim ille est, qui jactare sapius illos non audierit, malle se errare cum Aristotele, quam benè sentire cum aliis? Novi certè celebrem Philosophia simul ac Theologia Professore, qui asseruerit se existimare magnum iri Deo præstitum obsequium, si proprio sanguine obsignasset,*

con-

Exerc. 2.  
adv. Arist.

*confirmâſſetque veriffima eſſe quacunque Ariſtotelis operibus continentur. &c.*

Denique nihil magis ægrè ferunt & in quod majori impetu inſurgunt, quàm in Dubitationem, quam omnis hæreſeos fomitem & impietatis ſentinam eſſe vociferantur. Sed de eâ heic nihil attinet dicere, utpote quam paſſim in hoc opusculo ſatis, ut quidem exiſtimo, ab ipſorum obtrectationibus vindicaturi ſumus.



EPI-



EPIGRAPHE.

# MEDITATIONES

*De Primâ*

*PHILOSOPHIA;*

*In quibus*

*Dei existentia & animæ à corpore distinctio demonstrantur.*

*Ad Inscriptionem Nota.*



*Meditationes*] Hoc nomine opus suum mole quidem exiguum, at rerum pondere sat grande inscripsit Philosophus, non saltem propterea quod integra Philosophia studiosa & attenta consideratio & meditatio sit, agnoscere id ipsum Clemente Alexandrino, dum scribit: Ἐστὶ μὲν ἡ φιλοσοφία ἀπὸ τῶν θεῶν, quâ mentem à corpore & rebus sensibilibus abducentes eandem ad Divina & intelligibilia convertimus. Unde Plato in Phædone Philosophiam *meditationem mortis* nuncupavit, ipsamque Philosophorum *meditationem* dixit esse, *animam à corpore abducere & separare*. Quo respiciens & Platonis mentem interpretans Alcinous Philosophiam definiit, λύσιν καὶ περὶ αὐτὴν ψυχῆς ἀποσάματον, ὅτι τὰ νοητὰ ἡμῶν περιέχων, ἡ κατ' ἀλήθειαν οὐκ ἔσθι, inquit, *solutionem animæ à corpore & conversionem quan-*

*I. Strom.*

D

*dam*

dam ad intelligibilia & ea quæ verè sunt. Sed præcipuè quidem has attentas circa Principia Cognitionis Contemplationes Meditationum nomine nuncupavit, ut mox in limine Lectori aurem vellicaret, ut hæc sacra intacta relinqueret, nisi se-

Respp. ad  
secund.  
Object.  
p. 83. riorè meditando secum philosophari propositum haberet. Non autem Disputationes, Dissertationes sive Exercitationes, in quibus Scholasticorum more in utramque partem differi solet, quod ad veritatem eruendam sæpe plus obest, quam prodest: Non Problemata, sive Quæstiones dubias; Non Theoremata, sive Propositiones, quarum veritas adhuc demonstranda est; sed Meditationes appellavit, quoniam profundâ & attentissimâ meditatione demonstratas in se continent veritates, de quibus dubitare amplius fas non est, quin in Scepticismum & Atheismum inevitabiliter præcipientes ruiturimus. Sex autem illæ sunt, sive quod materię natura hunc

Respp. ad  
Object. 2.  
circa initium. numerum exegerit, sive quoque quod juxta numerum sex dierum, quos placuit Deo primæ rerum γενέσει impendere, hanc Operis sui partitionem fecerit, quoniam heic prima fundamenta Cognitionis humanæ, tum respectu Dei ipsius, tum omnium operum ab illo creatorum à Philosopho jacta reperiuntur; juxta eum certè sex dierum Creationis numerum alios eruditos viros Commentarios suos de Operibus Dei creatis Ἐξαήμερον vel Ἑπταήμερον titulo inscripsisse lætitamus.

De primâ Philosophiâ] Philosophia natura satis superque ab aliis descripta est, ut huic explicandæ immorari non sit opus; unum tamen monendum videtur, nempe observandum esse discrimen inter Philosophiam & Σοφίαν sive sapientiam, in quibus ab ipsis antiquis Philosophiæ antesignanis confusio nonnunquam facta fuit: Stagiritæ sanè errat hunc errorem definiciens Πρῶτον καὶ ἀρχαίως.

2. Metaphys. c. 1.  
In Euthydemō. & ante eum Plato, inquit: Ἡ δὲ φιλοσοφία κτῆσις ὑπὸ σοφίας. Nec desunt hodiè qui cum antiquis in eodem luto hærent, definientes Philosophiam, quod sit sapientia sive cognitio rerum humanarum & divinarum. Cæterum non ἀκριβῆς; nam Philosophia non est ipsa veritatis cognitio sive scientia, nec possessio vel acquisitio sapientiæ, sed studium,

amor

amor & affectatio illius. Unde alii animadverso hoc errore confusionem illam evitantes Philosophiam & Sapientiam à se invicem distinxerunt. Clemens Alexandrinus loco mox citato, Ἔστι δὲ ἡ μὲν φιλοσοφία, ἀπὸ τῆς δυνάμεως· ἡ σοφία δὲ, ἀπὸ τῆς μετῴης καὶ αἰσθητικῆς, καὶ τῶν αἰτίων. Est enim Philosophia, studium & meditatio; sapientia autem, scientia divinarum humanarumque rerum, & quæ earum sunt causæ. Eadem penè habet Cicero, scribens: Nec quidquam aliud est Philosophia præter studium Sapientia. Sapientia scilicet & 4. autem cognitio & scientia rerum Divinarum & humana- Tusc.  
rum, causarumque quibus hæres continentur. Et hanc, uti in cæteris, ἀρετῆων noster quoque observavit, asserens Philosophia voce sapientia studium denotari, & per sapien- In Epist.  
tiam non solum prudentiam in rebus agendis intelligi; verum præfix.  
etiam perfectam omnium earum rerum quas homo novisse po- Principiis.  
teest scientiam, quæ & vitæ ipsius regula sit, & valetudi- P. 1. & 2.  
ni conservanda, artibusque omnibus inveniendis inserviat; utque hæc scientia talia præstet, necessarium esse ut ex primis causis deducatur, ita ut ei, qui hanc acquirere studet (quod proprie Philosophari vocatur) inchoandum sit ab investigatione primarum istarum causarum, quæ Principia vocantur. Et non longè abhinc, homines ad Sapientiaæ studium exhortans, Sapientiam dilertè quoque à Philosophiâ distinguit, dum ait, Cognitio veritatis per primas suas causas est sapientia; cujus studium Philosophia est. p. 3.  
Quinimò homines absolute Sapientes dici non posse, sed saltem relatè ad se invicem, affirmat his verbis: Solus Sanè Deus perfectè sapiens est, perfectâ omnium rerum notitiâ præditus; p. 2.  
sed tamen homines magis aut minus sapientes dici possunt, prout de rebus maximè momentosis plures paucioresque veritates cognoscunt. Hujus autem modestiæ ex antiquis Pythagoram ferunt fuisse primum, qui cum cæteri ante ipsum & cum ipso Philosophi se jactitarent σοφοί, sapientes, ille se sapientem dici recusavit; Philosophum dici voluit: ex eo quod nemo mortalium consummatam adipisci valeat Sapientiam, unde & in Sacris Deus solus sapiens dicitur.

Hæc *ὡς ἐν παρόδῳ*, ut minimè tamen ἀπεσδιόνηται, annotâsse operæ pretium visum fuit, quanquam non hic de Philosophiâ in genere, sed de *primâ Philosophiâ* in specie sermo sit. Hæc autem *prima* dicitur respectu latitudinis objecti, quoniam prima & universalissima cognitionis humanæ principia exhibet, & ordine Philosophari docet. *Prima* quoque dicitur respectu dignitatis & eminentiæ, quoniam Ulu, Evidentiâ, Certitudine & Præstantiâ super omnes alias scientias primas tenet, & cæteris Philosophiæ partibus, & inprimis Physicæ, sua objecta & principia suppeditat, eademque suam certitudinem & evidentiam, quâ nituntur, hinc trahunt; unde quodammodo hæc scientia in cæteras imperium obtinet, cæteræque ab hæc dependent, unde etiam non immeritò κατελιχωτήν καὶ δεχηπικτονικωτήν à Stagiritâ nuncupatur.

6. *Meta-*  
ph. c. 2.

tur. Dicitur porro *prima* respectu ordinis, qui in Philosophando observandus, quoniam seriò philosophaturus ab hæc initium capere debet. Circumferuntur quidem varia alia hujus Scientiæ nomina, sed nulla adeò apta, quam primæ Philosophiæ. Modò enim Ὀντοσφία, sive Ὀντολογία audit, modò τὰ μὲν τὰ φυσικὰ, unde *Metaphysica* appellatio efficta est; ex omnibus autem illis, & cæteris ejuldem farina, satis apparet, omnium Scholasticorum hæc in parte doctrinam mutilam, mancā & erroneam esse, quippe nomina hæc vel nimis angusta vel falsa sunt. Angusta sunt nimis Ὀντοσφίας & Ὀντολογίας vocabula; nam non saltem de Ente in genere ejulque affectionibus, sed de omnibus cognitionis humanæ principiis, sive de primis initiis & fundamentis omnis nostræ Scientiæ, quam ex naturæ lumine possumus haurire, hæc prima Philosophia agit; & præterea voces illæ abominandum illum Scholasticorum errorem, de Univoco Entis quoad Deum & creaturas conceptu, videntur involvere. Τὰ μὲν τὰ φυσικὰ appellat Aristoteles, unde barbari ipsius afflectæ barbarâ voce *Metaphysicam* procuderunt: Sed & hæc nomenclatura satis arguit defectum; nam licet verum sit, quod circa nobilius & eminentius versetur objectum, quam Physica, falsum tamen est, quod post illam, ut

ut illi contendunt, discenda sit; an inventa quoque, maxima dubitandi ratio est: de Aristotele quidem credo, quippe ille *mordicus sensibilibus rebus inharens* ægrè ad Divina & intelligibilia mentis oculos sustulit. Sed nec hoc prætereundum hanc scientiam ab Aristotele *θεολογικὴν* appellari, quoniam in hâc omnem (uti gentiles in suâ Philosophiâ facere assueverant) suam de Deo doctrinam congeffit, ex hâc distinctissimâ ab aliis disciplinis Scientiâ farraginem plurium Scientiarum conficiens, uti & omnes cum eo Scholastici.

*In quibus Dei existentia & anima à corpore distinctio demonstrantur.*] Non quod aliæ veritates in his Meditationibus non sint demonstratæ, plurimæ enim sunt, ut in processu patebit; sed quia omnes illæ ceteræ ad hunc scopum collineabant, ut Dei existentiam & animæ realem à corpore distinctionem demonstrarent, utpote quæ duo longè præcipua harum Meditationum erant argumenta, quorum gratiâ ceteræ omnes, quæ eruuntur & deteguntur veritates, tanquam ex occasione videntur tractatæ. Quæ diximus variis in locis inculcat & docet Philosophus; quædam delibemus: *Semper existimavi*, inquit, *duas quæstiones de Deo & de Animâ, præcipuas esse ex iis, quæ Philosophia potius, quam Theologia ope sunt demonstranda.* Et postea rursum: *Quoniam scio plerosque impios non aliam ob causam velle credere Deum esse, mentemque humanam à corpore distingui, quam quia dicunt hac quoque à nemine hætenus potuisse demonstrari: Etsi nullo modo iis assentior, sed contrâ rationes fere omnes, quæ pro his quæstionibus à magnis viris allata sunt, cum satis intelliguntur, vim demonstrationis habere putem, vixque ullas dari posse mihi persuadam, quæ non prius ab aliquibus aliis fuerint inventæ: Nihil tamen utilius in Philosophiâ præstari posse existimo, quam si semel omnium omnium optima studiosè quarantur, tamque accuratè & perspicuè exponantur, ut apud omnes constet impofterum eas esse demonstrationes. Adeo ut hic ipsius fuerit finis & scopus primarius ac quasi unicus, ut posset efficere, ut nemo amplius esset in mundo, qui vel Dei existentiam, vel*

In Epist.

Dedic.

Medita-

tionum

p. 1. &amp; 2.

Ibidem

Pag. ultim.

realem humanæ animæ à corpore distinctionem ausit in dubium revocare. Unde & alibi disertè quoque affirmat sibi non, ad eò menti sedisse materialium rerum existentiam demonstrare, quam ostendere rationes pro istarum veritate adductas non tantæ evidentiz & roboris esse, quantæ sunt illæ per quas in Mentis nostræ & Dei cognitionem pervenimus; audiamus profitentem hæc ipsum disertis verbis:

*In Synops. Rationes omnes, ex quibus, rerum materialium existentia  
Medit.vi. possit concludi, afferuntur, non quod eas valde utiles esse putarim ad probandum id ipsum quod probant, nempe revera esse aliquem mundum, & homines habere corpora & similia, de quibus nemo unquam sane mentis serio dubitavit; sed quia illas considerando agnoscitur non esse tam firmas, nec tam perspicuas, quam sunt ea per quas in Mentis nostræ & Dei cognitionem devenimus, adeo ut hæc sint omnium certissima & evidentissima quæ ab humano ingenio sciri possint. Cujus unius rei probationem in his Meditationibus mihi pro scopo proposui. Nec idcirco hic recenseo varias alias quæstiones de quibus etiam in ipsis ex occasione tractatur. Jam ut existimo sole meridiano clarius est & neminem fugere potest, quare Philosophus Meditationes hæc suas saltem circa Dei Existentiam & Animæ humanæ à corpore distinctionem occupari scripserit in hac suâ Ἠμερᾶ. Accedat jam quilibet qui odii & iræ causas procul habet, & judicet, anne atrocissima sit calumnia quorundam sugillatorum Atheismi & Scepticismi authorem insimulantium. Quid? Anne ille, qui in Operis sui titulo se Dei Existentiam & realem Animæ à corpore distinctionem demonstrare profitetur? Anne ille, qui omnium certissimas & evidentissimas rationes, quæ ab humano ingenio sciri possint, in eum finem studiosè conquisivit? Anne ille, cujus votum est ut nemo amplius mortalium sit in mundo, qui vel Existentiam Dei vel realem humanæ animæ à corpore Distinctionem ausit in dubium revocare? Anne ille, cujus primarius & quasi unicus scopus est dictas veritates firmissimè stabilire? Anne ille, qui profitetur se totum hoc Meditationum cor-*



corpus ad gloriam Dei exarâsse? Anne ille, qui laudes Dei passim in suis operibus deprædicat? Qui in eisdem Religionis Christianæ professionem non semel publicè agit? an, inquam, ille Atheismi vel Scepticismi sine manifestissimâ injuriâ reus agi potest? Sanè nisi omnis omnium scriptorum fides vacillet, imò vana sit: nisi publica omnium & singulorum hominum suspecta sit veracitas: nisi omnis à quocunque homine facta de Religione sua professio dubia sit: nisi denique de hominum mente & conscientia ex dictis & factis judicandum non sit; ingenuè fateor me non videre quâ fronte hunc virum Atheismi & Scepticismi reum perstringere audiant. Sed de his, Deo volente, passim fusius.



**E X E-**

## EXEGESIS

In

## MEDITATIONEM

## PRIMAM.



*Nimadverti* ] Longè abfuit Philofophus, quem, favente Numine, explicandum aggre-  
dimur, à barbarâ illâ Scholafticorum ve-  
laniâ, quâ Philofophiam Latini sermonis pu-  
ritate contaminari autumant; quippe dubium  
ſæpe an rerum an verborum pondere gravior ſit, in hoc  
imitatus ſummos Reip. Græcæ pariter & Romanæ Philoſo-  
phos & eloquentiæ antiſtites, Platonem, Ariſtotelem, Tul-  
lium, Senecam alioſque, qui ſæpe haud minus de vocum  
puritate, quam de rerum veritate ſolliciti fuerunt. *Anim-*  
*adverti*, inquit, voce admodum emphaticâ utens, ac ſi  
diceret, animum meum ſeu mentem attento ſtudio in ſeipſam  
convertens & mecum meditans, ac plura animo con-  
gerens, atque quæ reipſâ didiciſſem perpendens & cogitans  
obſervavi & expertus ſum, quam multa falſa pro veris ad-  
miſerim. Nam ſanè mens humana in ſeipſam quali conge-  
ſta, nullis aſcitiis aut aliunde accerſitis viribus, ut oblita  
omnium externarum vacet ſibi, & ita collecta ac inſpirata  
Deo, rerum veritatem clariffimè percipit illâ ſui Divinâ  
congeſtione. Atque ita in ipſo Philoſophiæ ſuæ limine in-  
culcat, licet teſtius, quænam vera Philoſophandi cauſa &  
& ratio ſit, nimirum ut mens ſibi vacans res rerumque  
naturas attentiffimè contempletur.

*ſam ante aliquot annos* ] Quamprimum maturioris ju-  
dicii vis acceſſit, poſt decurſum, ut fieri ſolet, in Scholis ſtu-  
diorum

diorum curriculum cum in longâ novem annorum peregrinatione vastum mundi librum animo attento pervolveret, & postea intentâ meditatione in secessu rerum veritatem assiduè indagaret, uti prolixè in Dissertatione de Methodo legere est; pauca exinde seligamus & nonnulla ex probatæ fidei Scriptoribus adjiciamus. Natus autem erat Renatus Cartesius Hagæ Turonum, in urbe populosâ, ex antiquâ & nobili Pictonum prosapiâ, anno *παραγενετοκίας* *κ' ι' ι'ο* xcv. Parens ejus fuit Nobilis Picto, Perronii Dominus &c. qui postquam aliquamdiu Limoni, in urbe magnificâ & magnitudine Lutetiæ Parisiorum secundâ, privatus egerat, à Rege suo evocatus est in conventum Juridicum (Galli Parlamentum vocant) Redonensem in Britannia, in quo Præsidem egit, quamdiu fato functus est. Hic in filio ingenium animadvertens ad politiores Musas aptum, ipsum maturâ jam ætate Patribus Societatis Jesu Regii Collegii *de la Fleche*, à Christianissimo Galliarum Rege Henrico iv. fundati, erudiendum tradidit. Horum disciplinæ commissus Renatus nihil prius habuit, nihil antiquius, quam ut exspectationi Parentis de se conceptæ omninò similis evaderet. Itaque incredibili discendi desiderio flagrans, & Præceptoribus docentibus assiduam operam navans, brevi illud studiorum curriculum absolvit, quo decurso mos est in eruditorum numerum cooptari. Omnibus iis, quibus alii ibidem imbuebantur tinctus erat; aliorum de se judicia audiebat, nec videbat se quoquam discipulorum inferiorem æstimari, quamvis jam ex eorum numero nonnulli ad Præceptorum spartas exornandas destinarentur. At omnes discendi conatus nihil aliud sibi profuisse videbat, quam quod Socraticum illud, *Nihil sciri, præterquam illud, quod nihil scias*, verissimum esse tandem expertus sibi videretur. Quapropter relicto illo Collegio, ubi primum per ætatem licuit, è præceptorum custodiâ exiit, literarum studia profus relinquit, consiliumque cepit, nullam in posterum quærendi scientiam, nisi quam vel in seipso vel in vasto mundi volumine reperiret; atque ita ad pere-

E

gri-

grinandum animum adjecit, sequentes annos variis peregrinationibus, per Gallias, Belgium, Daniam, Germaniam, Italiam impendens. Atque interea temporis exercitus, urbes, aulæque exterorum principum invendo, cum hominibus diversorum morum & ordinis conversando, varia hinc inde experimenta colligendo, & seipsum in diversis fortunæ casibus probando, sic ad omnia quæ in vitâ occurrebant attendebat, ut nihil ex quo eruditior fieret, omitteret. Agebat autem, cum Gallias primum relinqueret, vigesimum primum ætatis annum, & toto insequentium novem annorum peregrinationis tempore semper scientiam verum à falso accurate dignoscendi summo studio quærebat, ut rectum iter vitæ clarius videret, & majori cum securitate persequeretur. Et peractis tandem longis illis peregrinationibus in animum induxit seipsum quoque seriò examinare, & omni ingenii vi quidnam omnium à se optimum fieri posset inquirere. Atque ita errores pristinos magis magisque detexit, & ad veritatem percipiendam animum indies aptiorem reddidit.

Quam multa ab ineunte ætate falsa pro veris admiserim ] Non commissos in vita civili errores, non patrata adversus Dei præcepta quoad fidem & morum doctrinam peccata, sed deviantes à verò in contemplatione rerum Philosophicarum opiniones indigitat. Et sanè multi, imò infiniti à præjudiciis admissi errores, & quidem præcipuè ac primò circa res sensibiles: de rebus enim Physicis, de terrâ, cui potissimum mente & cogitationibus adhærescimus, de cælo, sole, stellis, aëre, aquâ & igne; de brutis, plantis, metallis, de coloribus, sonis, saporibus, odoribus, doloribus, varia ab ineunte ætate erronea tulimus judicia & anticipatas opiniones hausimus, quia ad vitæ quam ingressi eramus conservationem omnia referentes, hæc modò recensita ad eandem maximè facere observabamus, quinimò omnia illa à Deo solis vitæ commodis condita esse ac creata existimabamus. Audiamus Philosophum: *Mens nostra omnia tantum referens ad utilitatem corporis, cui eras immer-*

mersa, eo plus aut minus rei esse putabat in unoquoque ob-  
 jecto à quo afficiebatur, prout plus aut minus ab ipso afficie-  
 batur. Unde factum est, ut multò plus substantia seu cor-  
 poreitatis esse putaret in saxis aut metallis, quam in aqua  
 vel aëre, quia plus duritiæ & ponderositatis in iis sentie-  
 bat. Quin & aërem quamdiu nullum in eo ventum, aut fri-  
 gus, aut calorem experiebatur, pro nihilo prorsus ducebat.  
 Et quia non plus luminis à stellis, quam ab exiguïs flammis  
 lucernarum ipsi affulgebat, idcirco nullas stellas flammis  
 istis majores sibi representabat. Et quia nec terram in gyrum  
 versi, nec ejus superficiem in globum curvatam esse notabat,  
 ideo proclivior erat ad putandum, & eam immobilem, &  
 ejus superficiem planam esse, &c. Cum verò putamus nos  
 percipere colores in objectis, etsi revera nesciamus quidnam  
 sit, quod tunc nomine coloris appellamus, nec ullam simili-  
 tudinem intelligere possimus, inter colorem quem supponimus  
 esse in objectis, & illum quem experimur esse in sensu, quia  
 tamen hoc ipsum non advertimus, & multa alia sunt, ut  
 magnitudo, figura, numerus, quæ clarè percipimus, non  
 aliter à nobis sentiri vel intelligi, quam ut sunt, aut saltem  
 esse possunt in objectis, facile in eum errorem delabimur, ut  
 judicemus, id quod in objectis vocamus colorem, esse quid  
 omninò simile colori quem sentimus, atque ita ut id, quod  
 nullo modò percipimus, à nobis clarè percipi arbitremur.  
 Atque hoc modo iudicia nostra de sapore, odore, sono, ca-  
 lore, frigore, lumine & similibus contingebat esse falsa.  
 Hicque primam & precipuam errorum omnium causam li-  
 cet agnoscere. Et quandoquidem mens nostra dicto modo  
 omnia ad utilitatem corporis referebat, & in infantili æta-  
 te organis corporeis malè utebatur, iisdem tenacius affixa  
 erat, adeò ut nunquam se ab illis abduceret, & purò in-  
 tellectu quid cogitaret; sed semper cogitationi imaginatio-  
 nem admisceret, hinc intellectum purum & imaginationem  
 à se invicem non distinguebat, sed pro uno eodemque ha-  
 bebat, atque ita omnes ideas & notiones rerum intellectu-  
 alium in mente, cum corporeis imaginibus confundebat &

In Resp.  
Sextis  
num. X.

permiscebatur, putabatque omne ens corporeum esse, ipsumque Deum sub corporeâ figurâ instar venerandi senis, lucisve fulgentis vel alterius corporis subtilis & tenuis; angelum instar juvenis formosi alati, animam instar venti, ignis vel ætheris sibi repræsentabat. Sed libet iterum verba Philosophi addere: *Cum mens, inquit, illâ ætate, (in infantia) minus rectè organis corporeis uteretur, iisque firmitus affixa, nihil absque illis cogitaret, res tantum confusas advertebat; & quamvis propria sua natura sibi conscia esset, nec minus apud se ideam cogitationis, quam extensionis haberet, quia tamen nihil intelligebat quin simul aliquid imaginaretur, utrumque pro uno & eodem sumebat, notionesque omnes, quas de rebus intellectualibus habebat, ad corpus referebat.*

Et quam dubia sint quæ istis postea superextruxi] Veluti autem unda undam premit, ita error errorum fecunda parens est; —

— *Primus mox causa sequentis Principiumque novi.*

Et velut debili ac instabili fundamento vacillans & ruinosa superextruitur moles, ita ex falsis principiis non nisi dubiarum & fluctuantium opinionum ilias enata est. Quum enim recensitis modis & mille aliis ejusmodi erroribus & præjudiciis, à primâ infantia mens imbuta, deinde in pueritia non observaret à se sine sufficienti examine fuisse recepta, sed tanquam sensu cognita, vel à naturâ sibi indita, pro verissimis evidentissimisque ea admisit. Proveciori porro ætate præjudiciorum istorum memoriam, cognitâ etiam melius veritate, deponere non potuit; sed delassata mens meditando res à sensibus & imaginatione sejunctas, relabatur semper ad ideas rerum sensibilibus & per eas ad judicia ex præconceptâ opinione in antecessum lata. Hæc quoque fusiùs exponentem audiamus Cartesium: *Et quamvis, inquit, iam maturis annis, cum mens non amplius tota corpori servit, nec omnia ad illud refert; sed etiam de rerum, in seipsis spectatarum, veritate inquiris, permulta ex iis, quæ sic antea judicavit, falsa esse deprehendat; non tamen*

Pr. p. I.  
art.

LXXII.  
LXXIII.

tamen ideò facile ipsa ex memoriâ suâ expungit, & quamdiu in eâ hærent, variorum errorum causa esse possunt. Ita exempli causâ, quoniam à primâ etate stellas imaginatisimus perexiguas, etsi jam rationes Astronomica perspicuè nobis ostendant, ipsas esse quam maximas, tantum tamen præjudicata opinio adhuc valet, ut nobis perdifficile sit, ipsas aliter quam prius imaginari.

Præterea mens nostra, non sine aliquâ difficultate ac defatigatione, potest ad ullas res attendere; omniumque difficillimè ad illa attendit, quæ nec sensibus, nec quidem imaginationi præsentia sunt; sive quia talem ex eo quod corpori conjuncta sit, habet naturam; sive quia in primis annis, cum tantum circa sensus & imaginationes occuparetur, majorem de ipsis quam de cæteris rebus cogitandi usum & facilitatem acquisivit. Hinc autem fit ut jam multi nullam substantiam intelligant, nisi imaginabilem, & corpoream, & etiam sensibilem. Neque enim norunt ea sola esse imaginabilia, quæ in extensione, motu & figurâ consistunt, etsi alia multa intelligibilia sint; nec putant quidquam posse subsistere, quod non sit corpus, nec denique ullum corpus non sensibile. Et quia reverà nullam rem, qualis ipsa est, sensu solo percipimus, ut infrâ clarè ostendetur, hinc accidit, ut plerique in totâ vitâ nihil nisi confusè percipiant.

Atque his recensitis errorum causis aliæ insuper accedebant, quæ eadem præjudicia & anticipatas opiniones magis quotidie incrustabant & corroborabant, parentum quippe præceptorumque autoritas, imò & universæ hominum multitudinis voces, conceptibus exprimendis minus aptæ, & confusæ loquendi formulæ erroribus ab instantiâ contractis patrociniū præbent, & hinc judicia nostra quotquot sunt perversa & falsa ferè sunt, & ægrè quoque emendantur.

Quoniam enim infantes omnes amemus, quam viri, & De Me-  
diu vel cupiditatum vel præceptorum consilia sequuti sumus, thodo  
quæ ut plurimum inter se pugnant, & fortè neutra quod pag. 8.  
optimum erat semper suadebant, jam fieri vix posse, ut ju-

*dicia nostra tam recta sint & firma, quam si ratio in nobis  
 æquè matura atque nunc, ab ineunte ætate existisset, eique  
 Princip. soli regendas nos tradidissemus. Et denique propter loquela  
 loc. cit. usum conceptus omnes nostros verbis, quibus eos exprimimus,  
 art. alligamus, nec eos nisi simul cum istis verbis memoria man-  
 LXXIV. damus; cumque facilius postea verborum quam rerum recor-  
 demur, vix unquam ullius rei conceptum habemus tam di-  
 stinctum, ut illum ab omni verborum conceptu separemus; co-  
 gitationesque hominum ferè omnium, circa verba magis,  
 quam circa res versantur; adeò ut per sepe vocibus non in-  
 tellectis assensum præbeant, quia putant se illas olim intellexisse,  
 vel ab aliis qui eas rectè intelligebant accepisse. Atque ita faci-  
 le liquet quomodo universa Philosophia quasi mera præju-  
 diciorum & temere concumulatarum opinionum sit conge-  
 ries. Vidit ex hâc opinionum anticipatarum præjudiciorum-  
 que colluvie jam suo tempore conflata esse Philosophiam,  
 lumenque naturæ obrui & restingui, & conquestus est  
 Tullius: adeò ut nequaquam Philosopho objectandum sit,  
 quod temerè has querelas de corruptâ Philosophiâ institue-  
 rit. Ascribere libet verba summi Oratoris magnique  
 Tuscul. Philosophi: Parvulos nobis (natura) dedit igniculos, quos  
 Quest. celeriter malis moribus; opinionibusque depravatis sic restin-  
 lib. III. guimus, ut nusquam natura lumen appareat. Sunt enim in-  
 geniiis nostris semina innata virtutum: quæ si adolescere li-  
 ceret, ipsa nos ad beatam vitam natura perduceret. Nunc  
 autem simul atque editi in lucem, & suscepti sumus in om-  
 ni continuo pravitate, & in summâ opinionum perversitate  
 versamur: ut penè cum lacte nutricis errorem suxisse videa-  
 mur. Cum verò parentibus redditi, deinde magistris traditi  
 sumus, tum ita variis imbuimur erroribus, ut vanitati veri-  
 tas, & opinioni confirmata natura ipsa cedat. Accedunt  
 etiam poëta: qui cum magnam speciem doctrinæ sapientiæ-  
 que præ se tulerunt, audiuntur, leguntur, & inhaerescunt  
 penitus in mentibus. Cum verò accedit eodem, quasi maxi-  
 mus quidam magister, populus, atque omnis undique ad vi-  
 tia consentiens multitudo, tum planè inficimur opinionum  
 pra-*



*prævitæ, à naturâque ipsâ desciscimus.* Vidit, inquam, Tullius, & conquestus est de Philosophiæ omnimodâ corruptione, sed quâ ratione succurreret & medelam adhiberet, non vidit.

Cæterum dicat hic quispiam, uti Gassendus olim: Non opus est tam operoso molimine errores eorumque causas conquirere, sufficit humanæ mentis caliginem, solamve naturæ imbecillitatem causari. Sed noverit ille id hoc loco *Vide* minimè sufficere, illud enim nihil prodest ad errores nostros *Resp.* emendandos quod dicatur nos errare, quia mens nostra ca- *Quinquas* ligat, vel natura est imbecilla, idem enim est ac si tantum *adea que* diceretur nos errare, quia sumus erroribus obnoxii; & ma- *in primam* nifestè utilius est attendere, ut fecimus, ad omnia in qui- *Medit. ob-* bus potest contingere ut erremus, ne ipsis temere assentia- *jecta sunt.* mur.

Sed quæ igitur tandem medela adhibenda, quæ via feligenda est, ut veritatis compotes olim evadamus? Sanè in hac densâ errorum caligine in compitum amplissimum incidimus, ubi multarum quidem viarum capita, nullius exitum videmus; in tantâ difficultate, cum, quam pergere debeat, sciat nemo; vix tamen ullus est, qui se doctorem & magistrum viæ apud cæteros profiteri non audeat. Clamat hic ad dexteram, ille ad lævam, hic per montes, ille per campos, omnes æquè ferè certi, incertique viæ; quo fit ut plerique post multos anfractus, quo plus in itinere, eo se longius à rectâ abreptos tandem sentiant. At enim cui mirum, quod cæci aut ducibus cæcis extra viam ferantur? Nulli igitur credulas adhibeamus aures, nullius consilia sequamur, cum ubivis tanta sit confusio, tanta falsarum opinionum moles ab ineunte ætate concumulata, & tot tantisque dubiis in progressu ætatis incrustata. Quis non videt?

Proinde funditus omnia semel in vita esse evertenda ] sive, ad seriò Philosophandum veritatemque omnium rerum cognoscibilem indagandam primò omniâ præjudicia esse deponenda: sive accuratè esse cavendum, ne ullis ex opinio-  
nibus

nibus olim à nobis receptis fidem habeamus, nisi prius, iis ad novum examen revocatis, veras esse comperiamus. Veluti enim dominus qui ædes præ vetustate jam fatiscen-tes habet, quæque infirmis fundamentis superstructæ ruinam minantur, easdem ipsis everfis fundamentis diruit. Haud aliter oportet eum, qui ad philosophandum se accingit, opiniones veteres, quas in eum usque diem amplexus est, omnes simul & semel è mente excutere, ut deinde vel alias meliores vel certè easdem, sed postquam maturæ rationis examen subierint, admittat; hac ratione enim longè melius ad veritatem perveniet, quam si iis principiis tantum innitatur, quibus olim juvenilis ætas, nullo unquam examine adhibito, an veritati congruerent, credulitatem suam

*Objec. & adduxit. Ut si quis fortè haberet, corbem pomis plenam, & Respp. vereretur, ne aliqua ex pomis istis essent putrida, velletque Sept. pag. ipsa auferre, ne reliqua corrumpere; quo pacto id face- 95. Lit. 3. ret? Annon in primis omnia omnino ex corbe rejiceret; ac deinde singula ordine perlustrans, ea sola quæ agnosceret non esse corrupta, resumeret, atque in corbem reponeret; aliis relictis? Eadem ergò ratione ii qui nunquam rectè philosophati sunt varias habent in mente suâ opinio- nes, quas cum à pueritiâ coacervare cæperint, meritò ti- ment ne pleræque ex iis non sint veræ, ipsasque ab aliis separare conantur, ne ob earum misturam reddantur om- nes incertæ. Hocque nullâ meliore viâ facere possunt, quam si omnes simul & semel, tanquam incertas falsasve rejici- ant; ac deinde singulas ordine perlustrantes eas solas resu- mant, quas veras & indubitatas esse cognoscant.*

Multiplex autem & varia est utilitas & necessitas hujus uni- versalis omnium veterum opinionum everisionis sive abdi- cationis, quæ fit per dubitationem de omnibus, illâ enim corrupta ratio quasi repurgatur. Mens enim nostra ab om- nibus præjudiciis liberatur, ità ut omnem in judicando præ- cipitantiam & anticipationem sollicitè evitet. Deinde per eandem viâ facillima sternitur ad mentem à sensibus abdu- cendam, quod tam ad rerum materialium ac sensibilem, quam

quam ad Mentis ac Dei cognitionem, & in universum ad omnem rerum scientiam necessarium est, quoniam evidentia & certitudo in scientiis non tam à sensu quam à intellectu pendet. Insuper quoque efficit illa universalis Dubitatio, ut ordine philosophari possimus: quod aliter nunquam fieri posset, quæcunque tandem adhibeatur diligentia & attentio; nam nec unde initium esset capiendum, nec ubi esset subsistendum appareret. Nam etsi fortassis aliquas veras opiniones, antequam seriò philosophamur, habeamus, eæ tamen multis aliis, vel falsis, vel saltem dubiis ita permixtæ sunt, ut, quæ veræ, quæ falsæ sint, secerni non possit, nisi initio omnes rejiciantur, & omnes omnino abdicentur, ut postea commodo & decenti ordine, quæ veræ fuerunt agnosci, vel novæ inveniri, ac solæ veræ admitti possint. Ac denique præstat, ut de iis, quæ ita vera esse comperimus, postea non amplius dubitare possimus. Atque ita dubitatio ab initio facta remedium est ne dubitatio in infinitum progrediatur, sed ut aliquando finiat, ubi prima veritas se dubitando manifestaverit.

Et quoniam ob hanc dubitandi, quam urget Philosophus, necessitatem & utilitatem multi adversus eundem insurrexerunt, & Atheismi ac Scepticismi reum perstrinxerunt paulò latius de eâ agendum nobis erit, Inprimis autem observent illi, qui tanti criminis insimulant auctorem, quanta inter Dubitationem Pyrrhonorum & hanc à Philosopho præscriptam intercedat differentia. Est dubitatio quædam ex animi temerarii impetu & feritate, ex cæcâ ignorantia & malevolentia profecta, vel etiam ex phantasticâ quâdam imaginatione ob id tantum, quia volumus dubitare, & ut semper dubitemus, in assuetudinem adducta. Alia autem est Dubitatio ex prudentia ex circumspectâ diffidentia, ex sapientia & perspicacia mentis admissa, in eum finem ut ex dubitatione certa scientia oriatur. Priori modo Sceptici & Athei dubitant: posteriori modo Philosophi & genuini sapientiz affectatores. Prior dubitatio est dubitatio tenebrarum & ignorantiz, non ad lucem addu-

F

cens,

cens, sed ab illâ abducens perpetuò illos, qui eâ utuntur. Posterior dubitatio & luce quâdam rationis exorta ad eandem magis excitandam conducit. Hoc discri-men cum inter dubitationem ignorarent quidam, omnem dubitationem noxiam esse putârunt, & Cartesium proinde Atheismi & Scepticismi insinulârunt, cum tamen ipse passim inculcet, se non dubitare cum Scepticis & Atheis, ut dubitet, sed ut firmissimam veritatem, per & post dubitationem se intellectui offerentem, detegat & amplectatur, & exinde catenam solidissimarum demonstrationum & veritatum connectat. Academici verò & Sceptici in utramque partem de unaquâque re differebant, ut cohiberent assensum, neque unquam aliquid certi statuerent. Græci ἀπειρίαν vocant, quod scribit Galenus lib. de optimo genere dicendi: περὶ μὲν τοῦ ἀπειροῦ, μὲν δὲ ἀπερίανου βέλαιος.

Resp. ad  
2das Ob-  
ject. pag.  
69.

Cæterum non pauca sunt quæ adversarii contra objiciunt. Ajunt primò de rebus omnibus dubitandum esse Academici & Sceptici integris voluminibus scriptum reliquerunt. Fa-teor, & dudum eosdem libros & quidem complures viderat & evolverat Philosophus, istamque cramben non sine fastidio recoxerat; necessitas tamen exigebat, ut integra illis Meditatio daretur, tum ut illa quæ admodum confuse & latè in ipsorum scriptis permixta & sparsa erant, in commodum lectoris contraheret, & ut unâ Methodo suo satisfaceret. Et magni fanè momenti est ea probè pernoscere, unde petit Philosophus, ut non saltem lectores breve illud tempus quod ad ipsam evolvendam requiritur, sed menses aliquot vel saltem hebdomadas in iis de quibus tractat considerandis impenderent, antequam ad reliqua progredierentur; ita enim haud dubiè ex ipsis longè majorem fructum capere possent. Interim & hoc omninò tenendum est contrarium planè finem propositum habere Philosophum, quam Scepticos; hi enim ut perpetuò dubitare doceant, ille ut dubitationes refutet & tollat de eis scripsit. Porro objectant; Rem impossibilem postulat Philosophus cum omnia præjudicia exui vult. Si præjudicii vox contra genuinum suum usum.

usum extendatur ad omnes animæ notiones, lubentes agnoscimus fieri non posse, ut universas deponamus: Sed si præjudicia appellentur omnes illæ opiniones, quas judicia ante rectum rationis usum facta animo impresserunt; has exuere possumus: nam cum judicare vel non judicare sit voluntatis actio, eam in nostrâ potestate sitam esse liquet. Ut enim omnia quis præjudicia exuat, nihil aliud requiritur, nisi ut apud se statuatur nihil eorum quæ antea affirmavit vel negavit, antequam id rursus ad examen revocârit, affirmare vel negare, etiamsi interea omnes notiones animo retineat. Nonnihil tamen difficultatis est, in sic excutiendis ex animo nostro iis quæ ante ab ipso assumpta & approbata fuerant; partim quia dubitandi aliquam rationem habere oportet antequam dubitare velis, ideoque in primâ meditatione præcipuæ, quæ horum facere possent, expositæ sunt rationes: partim quia, etsi statuerimus nihil affirmare, decreti tamen istius faciliè obliviscimur, nisi profundè memoriæ infixum sit; ideoque de hoc negotio attentè subinde cogitandum est.

*In Resp.  
ad Object.  
57as pag.  
142. &  
143.*

Insuper instant; Præjudicia non possunt à quoquam exui, quin alia magis noxia induat. Sed hæc manifestè falsa est hypothesis. Etiam si enim annitendum est, ut ea negentur, quæ antea nimis cum fiduciâ affirmata fuerunt, hoc tamen cum illâ limitatione intelligendum est, quod nempe illo tempore saltem fieri debeat, quo in aliquid certius quam id quod ita negatur, investigando occupamur; eo autem tempore nullum noxium præjudicium indui posse manifestum est.

Præterea inquirunt; Methodum de omnibus dubitandi nulli veritati utilem esse. Sed est mera cavillatio. Nam licet dubitatio sola in se spectata ad veritatem aliquam stabilendam non sufficiat, ad isthuc tamen præparandum animum utilis est; & in hunc finem tantum adhibetur.

Has & alias ejusdem farinæ adversus dubitationem seu eversionem præjudiciorum efformant objectiones, quas porro in progressu diluemus. Summoperè autem miror hos

homines adeò importunè in Philosophum nostrum invehì, propterea quod de omnibus dubitandum esse in limine philosophiæ suæ præscripserit; nisi vel ex malevolentia vel ex ignorantia eorum, quæ de hac re ipse Aristoteles ejusque sequaces præceperint, id ab illis factum fuerit. Quippe ipsorum Magister Stagiritæ ad veritatem inveniendam dubitationem utilem esse & de quibus sit dubitandum docet in initio Metaphysicorum Lib. 11. cujus caput primum hoc modo inscribitur.

Ἀπειρίας χρεῖσις, καὶ ὅτι ὧν ἀπορῆσαι δεῖ πρῶτον. Inter cæteras autem quas afferunt rationes de necessitate dubitandi in Metaphysicis & hæc à Thomâ assignatur, quia cum prima Philosophia in universali rerum veritate versatur, conveniebat ante hujus universalis veritatis determinationem universæ proponi quidquid dubii in eâ se offerebat, & veritatis cognitionem impedire poterat. Et sanè si Thomæ & ejus Præceptoris Alexandro Alensi, cum quo & ex quo hæc asserit Thomas, inspicere licuisset & legere Meditationes Cartesii, nonne omninò in Philosopho probâissent & laudâissent, quod tam sedulò & tam artificiosè conquississet & digessisset omnes Dubitationes, quæ ante primam veritatem agnitam se offerunt, eandemque maximoperè impediunt. Sed operæ pretium erit, ut ipsos antagonistas magis confundamus, ipsius Stagiritæ verba ascribere: Ἀνάγκη πρὸς τὴ ἐπιζητησίῳ ἐπιστήμῳ ἐπελθεῖν ἡμᾶς πρῶτον, ὅτι ὧν ἀπορῆσαι δεῖ πρῶτον. ταῦτα δὲ ἐστὶν ὅσα ὅτι αὐτῶν ἀλλῶς ὑπεκλήφασι πνευκαὶ ἐν πτωχεῖς τῶν τυγχάνοι πρῶτον παρεωραμένων. Ἐστὶ δὲ πῶς εὐπορῆσαι βουλομένοις πρῶτος τὸ ἀπαρτῆσαι καλῶς· ἢ ὅτι ὕστερον εὐπορία λύσις τῆ πρότερον ἀπεκλήμων ἐστὶ. λύσις δ' ὅσα ἐστὶν ἀγνοῦντα τὸν δεσμόν· ἀπὸ ἢ τῆ ἀγνοίας ἀπορία δηλοῖ τὸ τοῦ ὅτι τῆ πρῶτος· ἢ ὅτι ἀπορεῖ, ταύτη παρεκλήσιον πέπονθε τοῖς δεδεμένοις· ἀδύνατον ὅτι ἀμφοτέρως παρελθεῖν εἰς τὸ ἔμπροσθεν. Διὸ δεῖ τὰς δυσχερείας θεωρηκέναι πᾶσας πρῶτον, τῶν τε χᾶραν καὶ ὅτι τὸ τῶς ζητήσεως ἀνευ τῆ ἀπαρτῆσαι πρῶτον, ὁμοίως εἶναι τοῖς ποῖ δεῖ βαδίζειν ἀγνοῦσι. Καὶ πρὸς ταῖς, ἐὰν εἴ ποτε τὸ ζητούμενον εὕρηκεν ἢ μὴ, γινώσκουσιν. τὸ ὅτι τέλει τῶν τετάρτων ἢ δὴλον. ἐπὶ δὲ βέλτιον ἀνάγκη πρὸς τὸ κείναι, τὸ ἀπορῆσαι

δικαι

διὸν καὶ τὴν ἀμφισβητήσαντων λόγων ἀκηκόετα πάντων. id est;  
*Ad illam, quæ quæritur, scientiam necesse est in primis nos  
 percurrere, de quibus primò dubitandum est. Hac autem sunt  
 & quæcunque de eis aliter quidam existimârunt, & siquid  
 ultra hac prætermisum sit. Est autem opera pretium eis qui  
 certam & indubitatam scientiam adipisci volunt in antecessum  
 benè dubitare. Nam firma qua deinde acquiritur scientia solu-  
 tio eorum est, de quibus antea dubitatio fuit insisuta: Solve-  
 re autem non potest is, qui nodum ignorat: sed intellectus du-  
 bitatio manifestum hoc de re facit. Quatenus enim dubitat,  
 alienus simile quid ligatis patitur. Neuro enim modo fieri  
 potest ut ad ulteriora procedatur. Quapropter omnes difficul-  
 tates primò speculari oportet, tum propter illas ipsas, tum  
 propterea quod illi, qui quærunt, nisi primò dubitent, similes  
 illis sunt, qui quonam eundum sit, ignorant. Et præterea,  
 utrum invenerint nec ne, quod quærunt, cognoscere non pos-  
 sunt. Finis etenim huic quidem non est manifestus, illi verò,  
 qui antea dubitaverit, cognitus est. Insuper necesse est, ut me-  
 lius se habeat ad iudicandum, qui tanquam adversarios om-  
 nes, utrinque rationes oppositas audierit. Ex modò allegatis,  
 etli non omnimodum, magnum tamen inter utrumque Phi-  
 losophum circa dubitationem advertere licet consensum, qui  
 ex sequentibus articulis ex antecedenti discursu deductis pa-  
 lam fit: 1. Oportet eum, qui certam adipisci cupit scientiam, in  
 antecessum dubitare. 2. Scientia autem illa, quæ per dubita-  
 tionem acquiritur, solvit omnes difficultates, de quibus  
 antea dubitatum est; estque firmissima 3. Quamdiu autem quis  
 non dubitavit difficultates solvere non potest, quoniam ead-  
 dem ignorat; sed intellectus dubitans illas manifestas facit.  
 4. Quamdiu dubitatum non est in veritatis cognitione pro-  
 gredi non possumus. 5. Ignoramus enim legitimam methodum  
 & ordinem, quo progrediendum est. 6. Qui non dubitârunt,  
 ignorant, an veritatem, quam quærunt, invenerint nec ne.  
 7. Qui dubitat iudicium suum aptius reddit, ut legitimè  
 de rebus iudicet. Ex his jam luce meridianâ clarius est A-  
 ristotelem & Cartesium utilitatem & necessitatem dubitandi*

ob eandem rationes commendare & defendere. Agnoscant igitur hæc & desinant Cartesium traducere Peripatetici, nisi præceptor suo & ipsi veritati in os contradicere susque deque habeant. Cæterum si hoc adeò luculentum de usu & necessitate dubitandi testimonium nondum sufficere existiment, audiant alium ex Priscis disertis verbis profuturum;

*Eustath.*  
*in Homer.*  
*A.*

*In Me-*  
*none*

ὡς εὐπορίας γνωστῆς μητις ἢ ζητητικῆς ἀπορία. *Quod omnis firma cognitionis contemplatricis mater sit inquisitrix dubitatio. Quod si necdum acquiescant, legant & Platonem de utilitate dubitationis disserentem: Soc. Advertis iterum o Meno, quo sit reminiscendo iam progressus. Nam ab ipso principio disputandi nequaquam noverat quæ sit octo pedum spatii linea, quemadmodum nec in præsentia novit: verum tunc se nosse illam arbitrabatur, & audacter nimium, quasi sciens respondebat, nec deesse sibi quicquam putabat: nunc autem egere se jam existimat, & ut ignoraret, sic se ignorare fateatur. Men. Vera dicis. Soc. Nonne rectius nunc ad id quod ignorat affectus est? Men. Hoc quoque arbitror. Soc. Cum ergo dubitare ipsum compulerim, & piscis illius more stupidum fecerim, num aliquid obfuit? Men. Non ut mihi videtur. Soc. Opera pretium itaque fecimus ad veritatem inveniendam: nunc enim utpote ignorantia sua conscius libenter & sponte perquirere: at tunc sine controversiâ, & sape, & adversus quam plurimos recte se loqui arbitrabatur. Men. Videtur. Soc. Num censeres ipsum studuisse unquam, ut id vel inveniret vel disceret, quod cum ignoraret nosse rebus; priusquam in hanc dubitationem incideret, quò & suam ignorantiam redeprensit, & scientiam appetere cepit? Men. Non videtur o Socrates. Soc. Profuit igitur ipsi stupor ejusmodi? Men. Videtur. Ex quo discursu Platonis patet hoc ipsius de dubitatione iudicium esse, quod ad veritatem inveniendam utilis sit, ignorantiam detegat & scientiam appetere doceat. Atque ita primum illud confectarium, quod ex pristina nostra ignorantia deduxit Philosophus, nempe Omnia semel funditus esse evertenda id est omnia vetera præjudicia & anticipatas opiniones simul esse abdicandas, satis demonstratum,*



tum, ejusque utilitatem & necessitatem dilūcide ostensas esse existimo, nisi quis datā operā cæcutire velit. Addit porro:

Atque à primis fundamentis denuò inchoandum.] Quandoquidem enim fundamenta sive principia veteris ædificiū Philosophici infirma, caduca, ruinosa & fallacia sunt, quibus nihil stabile inædificari potest, planum est illa esse diruenda & nova in horum locum esse substituenda & jacienda. Nullæ enim conclusiones certæ ex Principiis incertis deduci possunt, etiamsi evidentissimè inde deducantur. Unde liquidò patet nulla ratiocinia veteribus Principiis innixa quemquam vel ad unius rei certam notitiam perducere. Cæterum nemo nobis felicius expediet, in quo consistat omnis ea hætenus acquisita scientia, & ad quem ulque sapientiæ gradum perventum sit, quam ipse noster Philosophus, qui quatuor Sapientiæ hætenus obtentæ gradus facit. *Primus*, inquit, *non nisi notiones continet, adeò luce propriâ claras ut absque meditatione acquiri possint. Secundus* completitur illud omne quod sensuum experientia nobis distat. *Tertius* illud quod consuetudo cum aliis hominibus nos docet. Cui quarto loco addi potest lectio librorum non quidem omnium, sed eorum speciatim qui conscripti sunt ab hominibus, qui nos bonis moribus imbuere possunt. Hac enim est instar consuetudinis quam cum illorum auctoribus habemus. Omnisque Sapientia qua haberi solet, solis quatuor hisce mediis acquisita mihi videtur: Revelatio namque Divinaiis à me non accensetur, cum non gradatim, sed simul & semel ad fidem insatibilem nos evehat. Fuerunt quidem omnibus seculi viri magni, qui quantum ad sapientiam gradum quatuor illis longè sublimiorem acquirere sunt conati; hoc unum videlicet agentes ut primas causas veraque principia investigarent, ex quibus rationes eorum omnium quæ sciri possunt deducerentur; Et qui in hoc operam collocarunt, Philosophi speciatim vocati sunt. Nulli tamen hætenus quod sciam, propositum illud feliciter successit. Primi & præcipui quorum habemus scripta, sunt Plato & Aristoteles; inter quos non alia fuit differentia, nisi quod primus præceptoris sui Socra-

in vestigia secutus ingenuè confessus sit, se nihil adhuc certi invenire potuisse, & quæ probabilia ipsi videbantur, scribere sit conatus; hunc in finem principia quadam fingens per que aliarum rerum rationes reddere conabatur. Aristoteles verò minori ingenuitate usus, quamvis per viginti annos Platonis discipulus fuisset, nec alia quam illius Principia habuisset, modum ea proponendi prorsus immutavit, & ut vera ac recta ea obrufit, quæ verisimile est, ipsum nunquam pro talibus habuisse. Viris autem his duobus bona mentis & sapientiæ quatuor præcedentibus mediis acquisita satis erat; atque exinde magnam auctoritatem nacti sunt, ita ut posteri opinionibus eorum acquiescere, quam meliores querere maluerint. Præcipua autem qua inter illorum discipulos vixit disputatio, hæc inprimis fuit, Utrum de omnibus dubitandum, an verò aliqua pro certis habenda essent? Atque hoc ipsum utroque in enormes errores præcipitavit. Quidam enim eorum qui pro dubitatione stabant, eandem etiam ad actiones vitæ extendebant, ita ut prudentiâ ad vitæ regimen necessariâ uti negligerent; alii verò qui certitudinem defendebant, à sensibus eam dependere supponentes iis fidem prorsus habuerunt; adeò ut dicant, Epicurum contra omnes Astronomorum rationes ausum fuisse asseverare, Solem non majorem esse, quam apparet. Hæc ille. Cum itaque Platonis Schola à morte ipsius in duas hæreses secta fuit, in Academicam nempe & Peripateticam, illa docuit sensus esse fallaces, judicia infirma, res ipsas inexplicabilibus obductas difficultatibus, ita ut nihil sit verum, aut siquid est, id certè à nobis animo cerni & comprehendere non posse; atque ita de omnibus dubitabatur & omnimoda æxtatæφία inducebatur. Sed hæc secta, uti & Scepticorum huic affinis, non admodum diu vixit, sed ab hominibus sanæ mentis merito explosa est. Peripatetica autem secta ab Aristotele condita sensus certos & infallibiles ad veritatem ejusque cognitionem magistros & duces esse statuebat, & judicia per sensus firma & certa esse pronuntiabat. Hæcque Philosophia in Academiis & Scholis Christianorum introducta est. Sed quoniam nec hujus fundamenta & principia

vera

vera & indubitata sunt, quoniam sensus in plurimis nos fallere à viris eruditis dudum observatum fuit, non ab omnibus quoque illa Philosophia approbata fuit, quamvis defectu melioris, & quia plurimi illà à juventute imbutierant, publicè doceri non desierit; cum interim nunquam defuerint, qui firmiora principia quærenda esse judicaverint; sed ea tamen detegere ad tempora usque Philosophi nostri non potuerunt, aut saltem scriptis suis in publicum non edidère; nemo enim (quantum constat) post tempora Aristotelis ex professo docuit aut demonstravit, non sensibus, sed intellectui soli res distinctè percipienti certitudinem inesse, quod Philosophus noster dilucidè in progressu evincit.

Siquid aliquando firmum & mansurum cupiam in scientiis stabilire? Hic finis, hic scopus ob quem tantà industriâ & tam attentâ sedulâque meditatione nova principia indagavit, nempe ut firmi & certi quid in scientiis stabiliat, omnem dubitationem tollat, certitudinem evidentem intellectus demonstret, cum antea omnis cognitio Philosophica dubiis & incertis innixa principiis fluctuaret, & revera nihil stabile in scientiis esset, quæ à Philosophiâ suâ principia mutantur: quomodo enim aliquid valdè solidum & firmum instabilibus fundamentis superstrui posset? Atque hinc liquidò rursus apparet, quam iniqua sit criminatio in Philosophum, quâ ipsum cum Academicis & Scepticis facere, & ad Atheismum viam sternere impudenter asserunt: nam revera contra eosdem quam maximè philosophatur ostendens certi & firmi quid à mente nostrâ posse cognosci, & Dei existentiam lumine naturali evidentissimè posse demonstrari; adeò ut quam maximè Dogmaticis accensendus sit.

Sed ingens opus esse videbatur? Arduum, difficile & magnæ molis, ad quod perficiendum solers ingenii acumen, prompta judicii perspicacia, magna memoriæ felicitas & multæ immensi laboris lucubrationes requirebantur. Quippe in scriptis eruditorum virorum, præsertim si à rebus sensibilibus remotiora sint, mentem ipsorum assequi non levis negotii res est; errores autem eorundem emendare majoris

G

longè

longè momenti: sed suoptè ingenio veritatem latentem sine duce eruere operis longè maximi: & præcipuè quidem cum nulla quæ sequaris vestigia appareant, imò cum ne viam quidem, quâ eundum est, invenias, sed quam ipse lacere debeas.

Hesiod.  
ὅς ἔστ.

Οὐκ ἔστι πανάρετος, ἐς αὐτὸς πάντῃ νοήσι.

Ἐσθλὸς δ' αὖ κακῶν, ἐς ἐν ἑπὶ πῶν τι.

Cic. pro  
Cluent.

Quæ Suada Romana excerptisse & transulisse videtur, in-  
quiens: *Sapientissimum esse dicunt eum, cui quod opus sit, ipsi veniat in mentem: proxime accedere illum, qui alicuius bene inventis obsempret.* Quoniam verò veritas adhuc, saltem maximâ ex parte, in Democriti, ut ajunt, puteo latebat, & siqua forte appareret, ea perpetuis dissidiis & altercationibus dissentientium partium, ut primum exorta, mox rursus, si non extincta & suffocata, ad minimum suppressa fuit. In tantis itaque tenebris lucem adeò vividam excitare & accendere, ut falsitatem & caliginem dispellat, & adversus insultantium impetus facta tecta persistat, nō opus ingens fuit. Et proinde non sine ratione subdit;

Eamque ætatem expectabam, quæ foret tam matura, ut capeffendis disciplinis aptior nulla sequeretur: Quare tam diu &c.] Infantia enim & pueritia imbecillis & ad res ratione regendas prorsus inepta est, ludicris plerumque transigitur; adolescentia & juvenus effrænis & luxui dedita; virilis ætas cum & corporis & mentis vigor ad *ἀκμῇ* pervenit rebus agendis & veritatibus feliciter indagandis & eruendis soli ferè idonea: hanc itaque ætatem (quamvis jam à multis annis præter sortem communem humani generis sapientiâ polleret) expectandam sibi ratus est Philosophus; quantum enim ex ipsius scriptis & fide dignâ aliorum relatione colligere licet circa quadragesimum præter propter ætatis annum aureum hoc Meditationum opus orbi erudito exposuit. Vigesimalium enim primum ætatis annum agens è præceptorum custodiâ egressus, novennium studiis militaribus & peregrinationibus impendit, quo peracto triennium Lutetiz Parisiorum degit: inde in Belgium Fœderatum se contulit,

tulit, ubi cum octennium hæsisset Dissertationem de Methodo, Dioptricam, Meteorologica & Geometriam in lucem edidit anno hujus seculi septimo trigesimo, & non longo post Meditationes de primâ Philosophiâ; tandemque Philosophiæ Principia. Non exigit nec patitur instituti nostri ratio de singulis his scriptis prolixius dicere, ab aliis id jam actum, & nos alio tempore, ubi se, Deo volente, commoda magis occasio obtulerit, idem acturi sumus: id requirit commentationis nostræ filum, ut paulò penitius patefaciamus cur ad tam maturos ætatis usque annos moram trahere consultum duxerit. Ipse jam dixit ingens opus esse, hinc ætatem maturam, & adeo aptam capeendis disciplinis, ut aptior nulla sequeretur, fuisse expectandam; ultiores igitur moras necdere non potuit, si id unquam aggrederetur: nec tamen maturius scripta sua publici juris fecit, imò in perpetuâ ignorantie nocte latuissent, nisi viri eruditi & toto orbe doctrinæ famâ inclyti indefinenter ipsum precibus sollicitâssent. Nempe noverat ille Reip. Literaræ archegetes inficetorum hominum affanias & apinas intempestivo scripturiendi pruritu in lucem protrusas læto applausu passim excipi; reconditoris sapientie scripta è contra in parum æquos sæpè incidere rerum æstimatores & limis ut plurimum aspici oculis, quinimò omnigenis iniquorum iniuriis & opprobriis esse exposita. Et præterea quum probè gnarus esset Philosophus, quam infirma esset natura humana, metuit ne inter suas opiniones (quanquam magno, ut ipse ait, studio semper curavit, ne ullis novis fidem adhiberet, quarum demonstrationes certissimas non haberet;) aliqua inveniretur, in quâ à vero aberrâssent; legitimas existimavit se habere rationes illas nunquam evulgandi. Ne tamen publico commodo deesset, credidit se eas occultas detinere non potuisse, absque gravi peccato adversus legem, jubentem, ut quantum in nobis est, generale omnium hominum bonum procuremus; atque ita consummatissimos suos fœtus prudenti diffidentia suppressos aliquamdiu, & in dies magis magisque

*Methoda.**p. vi.*

accuratori mentis limâ expolitos tandem orbi exposuit. Haud secus ut milites generosi dubiam fortunæ bellicæ aleam experti non temerario impetu se periculis involvunt, sed omnia prius consilio quam armis tentant. Scilicet,

*Hic magnus sedet Aeneas secumque volutat  
Eventus belli varios.*

*Virg.*

*Æneid. 1.*

Opportunè igitur hodiè mentem omnibus curis exsolvi, securum mihi otium procuravi, solus secedo.] Quoniam autem arduum illud opus sine ulteriori deliberatione propter maturitatem ætatis & opportunitatem temporis aggredendum erat, omnibus remotis obstaculis & necessariis administriculis ac mediis assumptis præparat se & strenuè accingit operi subeundo. *Opportune*, inquit, *hodiè mentem curis omnibus exsolvi*. Curæ enim animum distrahunt, mentisque cogitationes in diversas partes rapiunt, nunc huc nunc illuc dividendes; turbida enim his affectibus mens fluctuantis Euripi instar — *Cæcæ curarum voluitur æstu*; has igitur cæterosque affectus, uti sapientem decet, seposuit & excussit: *haud facile enim animus verum pervidet, ubi illi efficiunt, ab his igitur qui de rebus dubiis consultant, vacuos esse decet*. Et insuper securum otium sibi procuravit, nempe literarium: vivere enim Philosophi cogitare est. Vitam itaque tranquillam à negotiis Reip. & forensibus litibus vacuam, intelligit, ut mens sibi soli id est cogitationibus suis vacet: nunquam enim sapientis animus magis negotiolus, quam cum otiosus esse vulgo videtur: quippe profundis contemplationibus & seriis expiscandæ veritati intentus meditationibus; utque id tanto felicius succederet sine ullis perturbationibus *solus secessit*, secessum solitarium elegit, interpellationes amicorum, commercia hominum & turbas populi, in quantum studiis noxia sunt, declinans & evitans. In hoc imitatus omnis ævi sapientes, qui in loca à vulgi turbis remota studiorum exercendorum causâ semper secessere; hanc enim ob causam Athenis & in Græciâ plurima fuere gymnasia: Academia, Lycæum, Prytanæum, Stoa, Cynosarges. In *Prytanæo* philosophatus fuit Socrates: in *Academia*

*Sallust.  
Catil.*

*demia* docuit Plato, unde asseclæ ipsius *Academici* audiunt in *Lycéo* obambulans disseruit Aristoteles, unde à *περιπατητικῶν* auditores ipsius *Peripatetici* dicti sunt: In *Stoá* id est *porricu* Zeno Cittieus sapientiam professus est, *Stoicorum* sectæ conditor: in *Cynosargi*, gymnasio in Atticâ, à cane albo dicto, Antisthenes discipulos exercuit, quos à loco *Cynicorum* nomen contraxisse quidam affirmant. Sileo alia ubi-vis terrarum sacra musis gymnasia. Et ad horum exemplum Cicero villas & prædia sua habuit otio & secessui destinata: in Tusculano enim, hodiè *Grotta Ferrata*, in viâ ab Averno lacu Puteolos tendente, *Academiâ*, unde *Academicarum* & *Tusculanarum Quæstionum* nomen quædam ex ipsius operibus præferre vides. In villas enim illas post forensia negotia animi recreandi gratiâ se recipiebat; ubi aut cum doctis aliquibus, quos eò abduxerat, se declamando exercere, aut Philolophica studia intermissa revocare solebat. Tantorum igitur virorum vestigia cum presserit incomparabilis noster Philosophus; facessant inopie calumnix adversariorum, lucifugam ipsam facientium & obscura latibula quærentem, ut ejus vitia eò magis in occulto delitescerent. Hæc enim objecta illi crimina satis manifestè produnt balathronum istorum virulentiam & Philosophi è contrâ innocentiam. Obturet os ipsorum sapiens Romanus, qui de Otio aut Secessu Sapiientis integrum conscribens librum (cujus proh dolor parva hodiè superlunt fragmenta!) nervosè & disertè ut ipsi mos est, secessus Philolophici utilitates & laudes congestit, ex cæteris hæc selecta audiant: *Quo animo, inquit, ad otium sapiens secedit? ut sciat secum quoque alturum per qua posteris profut. Nos certe sumus, qui dicimus & Zenonem & Chrysippum majora egisse quam si duxissent exercitum, gessissent honores, leges tulissent, quas non uni civitati, sed toti humano generi tulerunt. Quid ergo est, quare tale otium non conveniat bono viro, per quod futura secula ordinet, nec apud paucos concionetur, sed apud omnes omnium gentium homines, qui que sunt, quique erunt? Ad summam quæro, an ex præceptis suis*

vixerint Cleanthes, & Chrysippus & Zenon? non dubiè respondebis, sic illos vixisse, quemadmodum dixerant esse vivendum. Atqui nemo illorum temp. administravit. Non fuit illis, inquis, aut ea fortuna aut dignitas, quæ admissi ad publicarum rerum tractationem solet. Sed iidem nihilominus non si quem egere vitam. Invenimus, quemadmodum plus quies illorum hominibus prodesset, quam aliorum discursus & sudor. Ergo nihilominus hi multum egisse visi sunt, quamvis nihil publicè agerent. Illustria quoque Marci Tullii Ciceronis in hanc rem verba, Lib. v. de Fin. bon. & mal. Itaque, ut quisque optimè natus institutusque est, esse omnino nolit in vitâ, si gerendis negotiis orbatus, possit paratissimis vesci voluptatibus. Nam aut privatum aliquid gerere malunt: aut, qui altiore animo sunt, capeunt temp. honoribus, imperiisque adipiscendis, aut totos se ad studia doctrina conferunt. quâ in vitâ tantum abest, ut voluptates consecantur; ut etiam curas, sollicitudines, vigilias perferant: optimâque parte hominis, quæ in nobis divina ducenda est, ingenii & mentis acie fruuntur, nec voluptates requirentes, nec fugientes laborem. Nec verò intermittunt aut admirationem earum rerum, quæ sunt ab antiquis repertæ, aut investigationem novarum: quo studio cum satiari non possunt, omnium ceterarum rerum obliti, nihil abjectum, nihil humile cogitant: tantaque est vis talibus in studiis, ut eos etiam, qui sibi alios proposuerunt finis bonorum, quas utilitate, aut voluptate dirigunt, tamen in rebus querendis, explicandisque naturis atates conterere videamus. In quibus depictus mihi videtur Philosophus; quippe qui optimè natus institutusque, non voluptates consecutus est, sed totum se ad studia doctrinæ contulit; curas, sollicitudines, vigilias creberrimas pertulit: optimâ sui parte, quæ divina est, ingenii & mentis acie sine intermissione usus est: res ab antiquis repertas non tantum admiratus est, sed earum cognitionem exhaustit, & quod caput est, novarum rerum investigationem indefesso labore scrutatus est & feliciter eruit; quo studio saturari non potuit, sed omnium rerum oblitus, nihil



nihil abjectum, nihil humile cogitavit; sed in rebus quar-  
rendis explicandisque naturis ætatem contrivit. Legant hæc  
& perpendant lycophantæ, & maledicæ eos pœniteat lin-  
guæ. Sed & illud addere ex re videtur, ubi in secessu illo  
potissimum tempus transegerit, non enim in uno substitit  
loco, sed perpetuis fere votis & iteratis petitionibus Vi-  
rorum doctrinæ famâ celebrium relictis Parisiis, relictis  
Parentibus, Fratribus & Sororibus, relictis denique cha-  
rissimis Amicis, è Galliâ in Belgium concessit & aulæ de-  
licias cum Otio Philosophico commutavit. Atque ita præ-  
cipuè in Bataviâ, nunc Egmondæ, mox Endegeestæ, mox  
Amstelodami, mox Leovardæ in Frisiâ hâc nostrâ, mox  
Daventriæ in Transitalaniâ, rursus propè Harlemum in  
villulâ, iterum Harderovici in Gelria, mox Ultrajecti,  
rursus Lugduni Batavorum, potissimum verò in villulis  
solitarius egit, & hoc pacto viginti circiter annorum spa-  
tio auro penè plusquam humano solidissimam Philosophiam  
condidit. Cæterum quæ ipsum causæ præter vota & desi-  
deria summi ingenii Virorum in Belgicas hæc regiones,  
tanquam in solitudinem Philosophicam, evocaverint, ipse  
exponat: *Ante octo annos impulsus, ut omnibus me avoca-*  
*tionibus, quæ inter notos & familiares degentibus occurrunt,*  
*liberarem, secessi in hæc regiones (Belgicas) in quibus diu-*  
*turni belli necessitas invexi militarem disciplinam tam bo-*  
*nam, ut magni in eâ exercitus non aliam ob causam ali-*  
*deantur, quam ut omnibus pacis commodis securius incolæ*  
*frui possint: Et ubi in magna negotiosorum hominum turba,*  
*magis ad res proprias attendentium quam in alienis curio-*  
*sorum, nec earum rerum usu carui, quæ in forentissimis &*  
*populosissimis urbibus tantum habentur; nec interim minus so-*  
*lus vixi & quietus, quam si fuisset in locis maxime desertis*  
*& incultis.* Ex his liquido apparet, cur urbes frequenti  
multitudine hominum populosas desertis & incultis locis  
posthabuerit, & quare crebras familiarium visitationes &  
interpellationes evitaverit, ut scilicet in majori tranquillitate  
sapientiæ studio incumbere & Reip. literaræ uberes soli-

*Methodo*  
part. III

*circæ*  
nom.

solitariarum secessionum fructus communicaret. *Solitudine Cic. Epist. enim. nihil jucundius potest esse erudito, qui semper aliquid lib. v. 14. ex se promat, quod alios deleat, seipsum laudibus illustret.*

Et has ob causas,

Seriò tandem & liberè, *inquit*, generali huic mearum opinionum everfioni vacabo.] Prudentiæ regula est; Priusquam incipias consulto, ubi consulueris maturè factò opus est. Hinc architectus computat an sumptibus terendis sit, antequam ædificare aggreditur. Hinc peritus rei militaris vires suas probè considerat priusquam cum hoste in arenam descendit. Haud secus & noster antequam arduum illud generalis everfionis opus aggreditur, quid humeri ferre valerent, probè perpendit, omnibusque se mediis ad tantum opus subeundum instruit, instructusque maturè & alacriter operi se applicat, & non datariâ, nec velitariâ, sed statariâ pugnâ cum inveteratis hostibus manus conserit; Magna enim protectò res est omnes opiniones longo usu confirmatas abdicare & ex animo rejicere. Faciundum tamen si qua spes veri afflura sit: *Quemadmodum enim cum*

*Cic. Tuscul. 15. sanguis corruptus est: aut pituita redundat aut bilis in corpore, morbi agrotationesque nascuntur: sic pravæ opinionum conturbatio, & ipsarum inter se repugnantia, sanitatem animi spoliât morbisque perturbat. Accitis igitur omnibus animi viribus, remotis omnibus externis & internis impedimentis, liberum curarum & affectuum se universali opinionis omnium suarum veterum everfioni vacaturum esse profitetur. Nec sine gravi ratione: Difficile enim est quidquid firmiter nobis ab ineunte ætate perluasimus postea et si falsum esse rationibus ostendatur, ab opinione nostrâ delere, nisi diu & frequenter ad rationes istas attendamus.*

*Resp. Quart. p. 126.*

Ad hoc autem non erit necesse, ut omnes esse falsas ostendam: quod nunquam fortassis assequi possem; sed quia jam ratio persuadet, &c.] Expectat jam procul dubio Lector prolixam omnium & singularum veterum opinionum recensionem & refutationem; sed instruit & melius edocet

au-

author lectorem, inquires primò, adeò prolixâ & operosâ refutatione opus non esse, cujus hanc rationem assignat, quia forsan, ubi singulas evolveres, quadam inter illas occurrerent, quæ revera falsitatis convinci non possent. Sed meritò quis denuò regerat: Ergò nec illas jure potes rejicere. Respondet; Philosophus imò verò in præsens persuadet ratio, ut non minus accurate ab iis, quæ non planè certæ sunt atque indubitata, quam ab aperte falsis assensionem esse cohibendam. Quæ autem illa ratio? Philosophus quidem dicit sibi id ratione quâdam esse persuasum, sed quænam illa sit non aperit. Imo hoc loco non detegit, sed erudito lectori indagandam relinquit. Ne tamen putes Philosopho rationem defuisse, hæc est: Nempe author non saltem in præsens moralem, ut loquuntur Philosophi, inquirebat certitudinem, id est, istam quæ tanta est, ut nemo sanæ mentis de iis, quæ ita cognoscuntur, dubitare posse videatur; uti ex. gr. an habeat ipse corpus? an cælum, terra, aer &c. existant? quæ tamen à Scepticis seriò in dubium revocantur: sed inquirebat Metaphysicam certitudinem id est tantam quæ suâ evidentia omnes convinceret, de quibus ne Scepticus quidem, nisi omnem rationem ejurare velit, dubitare potest; & hinc proinde meritò infert, satis igitur in præsens esse ad omnes opiniones rejiciendas, si aliquam saltem rationem dubitandi in unaquaque repererit. Si enim aliqua sit adhuc dubitandi ratio aut aliqua excogitari possit adeò valida, ut quâcunque ratione nos dubios reddat, nondum Metaphysica certitudo, qualem quærit Philosophus, inventa est, & proinde æquè de dubiis quam de falsis assensio est cohibenda. An verò tales rationes unquam ab aliis excogitatae sint vel excogitari possint, ut res omnes dubias reddant in primâ & secundâ Meditatione inquirat Philosophus, & ostendit ab Atheis & Scepticis tales esse meditatae & propositas; has autem in eum finem adducit, ut contrarias rationes & veritates investigaret, (uti revera fecit,) quibus dubitandi istas rationes non tantum refellit, sed insuper veritates adeò certas demon-

H

stra-

stravit, quibus ipsi Athei & Sceptici convincuntur; atque ita revera Atheismum & Scepticismum profligavit.

Nec ideo etiam singulæ erunt percurrentæ, quod operis esset infiniti.] Ostenso itaque opus non esse, ut singulæ & omnes veteres opiniones refutentur, pergit jam & probat non necesse quoque esse, ut singulæ quoque recenscantur, quoniam id operis infiniti esset. Ab absurdo itaque argumentum deducit & ab impossibili, ut loquuntur. Et sanè quâ methodo uteretur? A quibus principium caperet? Ubi finem reperiret in tantâ farragine? Catalogus in immensum excresceret, & nulla exinde utilitas redundaret. Sed quid igitur agendum in tantâ confusionum mole & multitudine?

Sed, *inquit*, quia suffossis fundamentis &c.] Ipsa principia aggredienda esse docet & illa falsitatis esse convincenda; ubi enim illa falsitatis convicta fuerint, universa illa veterum opinionum moles principiis illis innixa corrui. Qualia enim principia, tales exinde deductæ conclusiones. Si principia falsa, falsæ exinde vel saltem dubiæ opiniones. Contra si vera, conclusiones exinde deductæ etiam veræ sunt, certamque pariunt scientiam. Principia autem esse aggredienda, illustrat & declarat simili ædificii subruendi, in quo non opus est singulas minutatim particulas divellere & discipere, quoniam dirutis fundamentis tota superstructa moles collabitur; haud secus cum scientiis se res habet, si principia sint falsa vel infirma, adeò ut convelli & dirui possint, universa vacillat, dubia imò inanis est scientia, & non opus est singulas in eâ recensitas opiniones & conclusiones aggredi. Eleganter autem scientiam comparat domui. Veluti enim Architecti, ut solida ædificia construant, in locis ubi saxum, vel argilla, vel aliud quodcumque firmum solum arenosâ superficie contactum est, fossas primum excavant, omnemque ex iis arenam & alia quævis arenâ nixa aut permista rejiciunt, ut deinde in solo firmo ponant fundamenta, ex. gr. saxum ingens substrato cæmento, deinde lateres, mox calcem cum aquâ & fa-

fabulo fermentatam, deinde ligna, ferramenta, & quæ præterea ad construendum ædificium requiruntur: ita in scientiâ legitimè fundandâ omnia dubia instar arenæ primum rejicienda, & deinde ea quæ remanent firma tanquam fundamenta & principia locanda; porro rationes tanquam lapides, ligna & ferramenta adferendæ, & denique transitionum & connexionum vincula, instar cæmenti & calcis interferendæ. Et hinc exordium hujus Meditationis concludit, inferendo igitur sola principia esse aggredienda, ut corruant omnes veteres opiniones ipsis innixæ.

Nempe quidquid hætenus ut maximè verum admisi, vel à sensibus, vel per sensus accepi.] Indicat autem citra ambages, quæ sint illa *Principia*, quibus innititur inveteratarum illa ilias opinionum & universa ex iis conflata *ᾠσις ψευδώνυμος*. Nempe *sensus* sunt. His acceptam tulimus, & etiamnum plurimi ferunt omnem ab omnibus seculis perceptam scientiam, quæ ab illis defluxit & per illos advenit. Communi autem illo errorum cataclysmo, quo universus Orbis Christianus erat obrutus, in præceps quoque abreptus fuerat Renatus, *quidquid hætenus*, inquit, *ut maximè verum admisi, vel à sensibus vel per sensus accepi*. A Patribus enim in Collegio Flexiaco Aristotelicæ Philosophiæ Principiis innitatus erat & illa avidâ mente imbiberat. Scilicet dixit Stagirita: *Sensus sunt veri*. Sed quid adeò parvus es Magister? liceat tuis asseclis impunè quid oraculis tuis adjicere, largiores enim te sunt, etiam Alexandri donis ditato; nam non tantum, *Sensus veri sunt*; sed omnis veri cognitio è sensibus dependet: *Nihil est in intellectu, quod non prius fuerit in sensu*. Tritum illud in ore ipsorum effatum; id personat quotidie in Scholis eorum; pro eo acrius quam pro religione dimicant; Atheus & Scepticus est, qui negare audet. Sed quo magistro id ipsum didicerunt? Cæci sunt, siquid per se vident. Ab Epicuro hausere. Dignus nempe discipulis Doctor. Præit ille: *Quidquid animo cernimus, id omne oritur à sensibus*. Sequuntur illi, sed ut manifestum faciant se mentem Docto-

Epicurus  
apud Ci-  
cer. Tusc.  
IV.

ris percepisse, mutant parum subinde ingeminantes: *Nihil est in intellectu, quin prius fuerit in sensu*. Exulat igitur omnis cognitio Dei, intellectus enim cæcus est, spirituales essentia percipi nequeunt; sensus sunt certissimi ad veritatem cognoscendam duces, imò unici, *semper vera nuntiant, quidquid videtur, tale est, ut videtur, perceptio ex iis certa & indubitata*. Optimè sanè; omne erroris periculum evanuit: non Epicurus id tantum; sed & accerrimus ipsius defensor voluptuarius Lucretius strenuè illos hæc defendere docuit.

*Invenies primis à sensibus esse creatam*

*Notitiam veri neque sensus posse refelli.*

Heu subita mutatio! Aristotelei facti sunt Epicurei; Transfugæ è Lycéo in Hortos, capti sunt mollicelli florum fragrantia; umbram fastidiunt, apricari amant. Sed heus! re-vocate gressum, priscus vos vult Magister: Resipiscite, inquit: *Intellectus semper verus est*. Elto inquit, id dictum vis quoad res agendas, sensus semper veri quoad res contemplandas. Salva res est, impunè pergite. Sed quod si in rebus contemplandis errent sensus, palabundi vagabimini. Nullum periculum, regerent; sponsores se sistit Epicurus, *cum habemus autorem, is vel cum magno suo periculo causam agat, eò enim rem dimittit: si unus sensus SEMEL in vitâ mentitus est, nulli unquam esse credendum*. Sed ridet eum Cicero: *Hoc est*, inquit, *verum esse, considerare suis testibus, & importune insistere*. Rideat, inquit; Juratus tamen adest testis Timagoras Epicureus, *negat sibi unquam cum oculum torssisset duas ex lucernâ flammulas esse visas, Qui sic Timagora? Opinionis enim est mendacium, non oculorum flammularum ista geminatio*. Ridet iterum Tullius: *Quasi queratur quid sit, non quid videatur. Sed hic quidem majorum similis est*. Rimas quæ-runt, unde elabantur. Sed norunt præterea patrocinantem sibi Lucretium; sensus non fallitur, sed animus qui judicat: Audiamus Apollineum cantum:

*Cætera de genere hoc mirando multa videmus:*

*Quæ*

*Qua violare fidem quasi sensibus omnia querunt* Lucret.  
*Nequicquam: quoniam pars, horum maxima fallit* Lib. IV.  
*Propter opinatus animi, quos addimus, ipsi:*  
*Pro visis ut sint, qua non sunt sensibus visa.*

Refellat eum Aristotelæ fautor Philosophiæ, sed satis æquus sapè veritatis quoque iudex. *Ridiculum prorsus est, Naraius inquit, quod in opinionem culpam regerat, que tamen à in locum sensibus sedusitur. Quisne prior disfractum in aquâ conspicatus est remum, visus an animus perperam opinans? Si animus, superflua est sensuum opera, si potest animus immediate percipere sensibilia. Cur igitur cæcus palpat? non gustat pes? manus non audit? jam enim per se supervacanea sunt organa, horumque functiones in parte corporis quâvis exerceri valebunt. Si autem sensus fractum animo repræsentat remum, qui tamen integer, fallitur ille, falsamque rem animo suggerit; hic verò si valens, de re malè perceptâ rerum, verumque proferet tandem iudicium. Fallitur igitur reverà sensus & animo occasionem, quo fallatur, præbet. Et hoc est quod contra sensus, Principia Peripateticæ Philosophiæ infert, quo ostendit eos non esse genuina Principia, quoniam fallaces sunt. Inquiens:*

*Sed eos interdum fallere deprehendi.] Diximus Peripateticos Philosophiæ suæ principia facere sensus, & statuere eos non esse erroneos, sed certos veritatis rerum, ut in se sunt, esse indices, & formata secundum eos & per eos judicia firma esse contendere, imò omnem nostram cognitionem ab eis esse arcessendam, tam quoad res intellectuales, quam sensibiles: Ipse enim Cicero de his asserit: Ita tractari ab eis Philosophia partem, qua erat in ratione & discurrendo, ut à sensibus oriretur: inde enim, ut ajunt, omnis cogitatio nostra incipit, ac nihil in intellectu, quod in sensu non præexisterit. Sed si contra jam evincamus sensus esse fallaces & incertos, tota mox ruituta sunt fundamenta, quibus nixatur vita salusque; & Philosophia quæ ipsis innititur falsa esse apparebit. Sensus autem inidonea ad veritatem percipiendam esse organa, multâque incertitudine laborare &*

*I. Academic.*

erroribus esse obnoxios, ratio & experientia quotidiana distant; Viri sapientiæ famâ clari testantur, imò & ipsi sensuum patroni experientiâ & ratione exinde deductâ convicti, vel inviti fuere confessi. Experientiam & rationem primò consulamus: Hæ doceant finem sensuum, propter quem nobis à Deo concessi sunt, quatenus ex mente & corpore compositi sumus, eum esse, ut dicent quæ commoda vel incommoda sunt, non autem ut per eos veritatem rerum extra nos positarum, ut in se sunt, inquiramus & cognoscamus; finem igitur, propter quem sensus Deus nobis largitus est, pervertunt, qui eis ad indagandam & eruendam veritatem utuntur; & hi seipsos & alios in plurimos errores præcipites agunt. Fallitur igitur Aristoteles suosque affectus seducit, scribens; *per se visum conducere ad cultum ingenii capeffendum, auditum ex accidenti*. Nam visus sane τὸ διόν sive essentiam & intimam naturam rerum sapientissimè detegere nequit, τὸ ὄν quidem suppeditat, ut ex. gr. quod sol, cælum, stellæ existant: & si interdum quoque detegant τὸ διόν sive ut res naturales in seipsis sunt, hoc tamen interdum fit & ex accidenti. Finis igitur & usus ordinarius, & qui per se illis competit, ut quid humano composito proffit vel obsit doceant, distinguendus est ab eo qui rarus & extraordinarius est, & per accidens tantum iis convenit, nempe ut doceant quid revera sit in rebus seu quæ sit absoluta & intima corporum essentia: Quæ distinctio solet negligi & non observari ab iis, qui sensus Philosophiæ suæ Principia faciunt.

Deinde si sensus veritatis sint indices, si fenestræ, nuntii & satellites sint animæ, ut jactant ipsorum patroni; cur illorum, quæ clarissimè sentimus, naturam obscurissimè intelligimus, uti lucis, coloris, doloris &c? Imò cur è contra, quæ nullo modo in sensus incurrunt, optimè tamen & clarissimè ac distinctissimè percipimus, ut mentis quisque suas cogitationes, dum affirmat, negat, vult, odit, amat &c. quamvis nunquam ullis externis signis eas sibi aliquis repræsentat.

Por-



Porro quâ ratione contingit, ut ii, qui sensus duces sequuntur, sæpe sint stolidissimi & ab omni penè humanâ naturâ alieni; & contra, qui mentem à sensibus abducunt, sint sapientissimi?

Qui sit præterea, ut qui sapientiâ & intellectu excellentissimi sunt, puta Deus & Angeli, omni sensu corporeo destituantur.

Et denique si sensus soli sint ad essentiam rerum & existentiam percipiendam duces imò authores, Dei igitur nulla cognitio in homine; sed omnes Athei sumus, in tantum etiam ut nunquam in cognitionem Dei pervenire possimus, quippe qui ope sensuum nullatenus innotescit. Hæ rationes satis evincunt eam sensuum non esse prærogativam, quam ipsis, uti vidimus, Peripatetici, Epicurèi & Stoici ascribunt.

Sed quam fallax quoque fides sensuum sit, experientia evincat. Ea nos docet in plurimis illos nos decipere, in multis prorsus deficere. Decipit nos visus, sensuum nobilissimus & qui se latissimè extendit, in rerum magnitudine, figurâ, motu, distantia, numero, luce & colore id est in objectis communibus & propriis. Solem & lunam ad latitudinem sesquipedalem extendi acies oculorum videtur dictare; & tantæ præcisè magnitudinis esse Epicurus asseruit; quod tamen dictante ratione & experientiâ falsissimum. Luna omnium stellarum, excepto sole, maxima apparet, cum revera sit minima. Et ne de remotis saltem loquar, ipsa satis propinqua, quantæ sint exactè magnitudinis, visus non satis accuratè indicat, sed ratio decidere debet. ex. gr. An duo nummi æqualis circiter vel exactè æqualis magnitudinis sint non valet visus præcisè judicare nec determinare, etiam si nec ab oculis nec à se invicem longè absint. Oportet ut manu apprehendamus, alterum alteri applicemus & ita metiendo conferamus, ut ita exactiori medio, quam visus est, experiamur, an æqualis præcisè sint magnitudinis nec ne. Nec minor hallucinatio visus circa figuram. Solem & lunam repræsentat nobis  
non

non sphæricæ nec globosæ, sed planæ instar circuli figuræ. Lunam faciei humanæ figuram exprimere judicat. Linea an exactè recta, præsertim si paulò longior sit, oculi decidere nequeunt. Eadem in motu dijudicando visus est fallacia: Cum cursorem videmus & simul etiam videmus terminum ad quem properat, non tamen exactè determinare possumus, quo temporis articulo ad eum sit perventurus, quia visus nec exactè distantiam termini, nec cursus celeritatem determinare valet. Et licet quoque distantia termini exactè esset cognita, nondum tamen exactè definire posset, quo momento ad eum cursor esset perventurus, quoniam motus illius celeritatem non exactè novit. Oportet ut tum distantia, tum cursus celeritas & motus probè sint cognita, antequam exactè determinari potest, quantum præcisè temporis requiratur ad spatium illud absolvendum; & istam determinationem non visus, sed ratio facit. Et non modò absolutam celeritatem vel tarditatem motus ignorat visus, sed ne quidem respectivum probè discernit; jaculum enim vel globum per aërem missum longè citius ipso sole procedere judicat. Imò in quo corpore sæpe sit motus ignorat. ex. gr. cum circa marginem navis in navi sedemus, quæ admodum æquali motu fertur, & ad terram & urbes prospicimus, videntur urbes & terra recedere. Ut poëta cecinit:

*Provehimur portu terraque urbesque recedunt.*

In distantia objecti pariter errat visus; Turris aliqua si nobis appareat interjectis multis agris & ædificiis, longè distita & satis magna apparebit; contrà autem si eadem turris vel alia paris distantia & æqualis magnitudinis sine interjectis agris & ædificiis à nobis videatur longè minor & propinquior esse putabitur. Stellæ omnes æquali distantia à nobis distare visus judicat. Seducit quoque visus cum in corpore tot præcisè partes esse existimat, quot oculis intuetur. Circa lucem & lumen itidem labitur visus: Stellæ non plus luminis emittere, quam lucernas docet. Cælum statuit esse cærulei coloris. In dolore quoque perversè judican-

randi occasionem intellectui visus exhibet. ex. gr. Cum aculei laeduntur homines non judicant dolorem esse in acu, quæ pungit, sed judicant tamen calorem inesse igni, qui urit; quæ ratio? illa ejusque operationes visu dignoscuntur, minutæ verò particulæ quæ ex igne effluunt & quæ manum feriunt non conspiciuntur. Cum itaque nihil videatur quod manus nostras afficit & ferit, & tamen calorem persentiscimus, judicamus juxta naturæ impulsu, cum calorem revera inesse igni, quoniam nihil aliud oculis observamus. Atqui tales in odore, sapore &c. quoque committuntur errores; nam ea est nostra consuetudo, ut sensationes nostras ipsis tribuamus objectis, quoties motu insensibilium partium nos afficiunt & tangunt.

Interdum verò deficit planè & destituit nos visus, & nihil prorsus de corporibus præsentibus percipit. ex. gr. Atomos sive pulvisculos minimos nonnisi ad radios solis splendide micantes deprehendit, nubilo aëre non observat, cum tamen æquè adsunt. Arbor crescit ex particulis alimenti, quas suæ moli adjungit, sed particulæ istæ visum fugiunt. Ethî pulvisculi & hæ particulæ suas figuras & motus habent, visus nihil agnoscit. Sol sive Tellus movetur, progressionem ipsam visus non deprehendit, progressum esse Solem aut Tellurem videt. Umbra in scioterico movetur, motionem ipsam non observat visus, motam esse agnoscit. Crescit arbor, ipsam crescendi actionem non videmus, crevisse resciscimus. Quæ ratio? Omnis sensus fit mediante tactu. Verè enim cum & ex Aristotele Cartesius: *Non modo sensus ille, qui specialiter tactus vocatur, sed & alii* In Resp. Quart.  
*sensus tactu sentiunt, fatente Aristotele, Lib. 3. de Anima cap. 13. ἡ γὰρ τὰ αἰσθητικὰ ἀπὸ αἰσθητῶν.* Quælibet autem objecta tactum nostrum non afficiunt, sed requiritur certa affectio notabilis, ut sensibilis sit. Nam cum nervi, quæ omnium sensuum sunt organa, sint certæ alicujus magnitudinis, à corpusculis, utcunque exiguis, agitari non possunt, quia majus extensum in quiete positum majorem resistendi vim habet, quam ut possit à minus extenso mo-

I

veri,

veri, ideoque nullum sensibilem motum experitur; & istum cum sensus non experiuntur, etiam non deprehenditur obiectum extra nos, & judicantes juxta hos sensus existimamus quoque obiectum esse nullum.

Aliquando autem contrarium planè accidit, ut visus nempe judicet adesse obiectum ubi non est. ex. gr. visus judicat adesse ignem, cum nervus opticus eo modo afficitur ab aliquo corpore, quo cum ignis aut lucidum corpus afficere solet, uti fit in vehementi sternutatione, cum scintillæ se visui nostro offerre videntur propter vehementem, quo nervus opticus afficitur, motum.

Longius hæc extendere possem & pariter cæterorum sensuum errores ostendere, sed quia visus præcipuus & maxime infallibilis cognitionis magister à sensuum patronis habetur, satis erit scopo nostro ipsius errores breviter attigisse.

Et tam dilucidè se produnt sensuum errores, ut ab omni ævo extiterint viri, alienâ autoritate prorsus non occæcati, sed rationis dictamine freti, qui de incertitudine eorundem conquesti fuere eosque falsitatis reos egerunt. Primus prodeat Plato magni nominis omni ævo Philosophus; hic Socratem inducit ita loquentem: *Cognoscunt viri scientia cupidi, quemadmodum Philosophia ipsorum animam ita constitutam suscipiens, paulatim instruit solvereque aggreditur, ostendens, quam fallax oculorum, quam fallax aurium cæterorumque sensuum sit iudicium, suadens ab his discedere, quatenus habere illis summa non cogit necessitas, seque in seipsam revocare, atque colligere, nec ulli credere præterquam sibi &c.* Suffragatur quoque dictæ veritati Augustinus, Theologus & Philosophus citra controversiam summus. *Abste, inquit, ut his (Platonicis) comparandi videantur, qui posuerunt iudicium veritatis in sensibus corporis, eorumque infidis & fallacibus regulis omnia que dicuntur metienda esse censuerunt; ut Epicuræi, & quicumque alii tales (Peripatetici) ut etiam ipsi Stoici.* Et de Platonicis quoque Cicero asserit: *Mentem volebant esse rerum iudicem,*

In Phæ-  
dorc.

De C.D. l.  
viii. c. 7.

dicem, solam censebant esse idoneam, cui crederetur. Ubi Turnebus: *Ad veri nomen duo comparata sunt quæ κατὰ φύσιν dicuntur, sensus & mens. Plato tamen sensui quam minimum tribuit, ac prope nihil, plurimum menti. Quam Philosophiam Platonice approbans F. L. Coquéus, ait: Et certe intellectus est corrigere ipsum sensum, non enim sensus iudicat solem esse maiorem totâ terrâ, quod tamen vere iudicat intellectus. Iudicat sensus baculum esse fractum, qui partim est in aëre, partim in aquâ, quod intellectui falsum est. Magno, itaque errore asseritur, ut ait Verulamius, sensum esse mensuram rerum, quoniam* (uti & nos ex experienciâ ostendimus) *nos aut decipiunt aut destituunt. Et hæc veritas adeò manifesta est, ut non saltem viri Philosophiæ ex professo operam navantes, sed & ipsi Poëtæ aliud interim agentes eandem in transcurso præ fulgore suo radiantem conspexerint. Propertius:*

*Fallunt nos oculi vagique sensus*

*Suppressâ ratione mentiuntur.*

Et Claudianus: *Corporis hic damnat sensus verumque videri Pernegat.*

In quæ Claudiani verba Cl. Barthius eruditè annotat: *Sup-lat. Probi*  
*putando eò facile devenit humana ratio, ut quæ sensibus com- & Olybrii.*  
*prehenduntur, incertò sciri & cognosci, perspicere valeat.*  
*Scitè autem corporis sensus dicit ab Anima Rationalis pers-*  
*picacitate eorum captum distinguens; non enim nobilitas ea*  
*sensuum, ut apud quos omnia sint incerta, vix ipsi idonei in-*  
*strumenta esse ad res vitæ communi objectas. Eleganter quo-*  
*que Augustinum audivimus sensus corporis appellentem,*  
*ut stuporem & omnem veræ cognitionis defectum inesse*  
*eisdem indicaret, uti & ob eandem causam Claudianus Mam-*  
*mertus Sensus Elementares nuncupat. Sed nec illud silen-*  
*tio prætereundum est, sed omni observatione dignum,*  
*quod Cl. Barthius ad veritatem rerum perspicendam pro-*  
*fus ineptos esse affirmet sensus & vix idoneos ut sint in-*  
*strumenta ad res vitæ communi objectas. Sed de hac re po-*  
*stèa, Deo volente, ex professo.*

Quinimò de incertitudine sensuum adeò plena sunt omnia, ut ipsi sensuum patroni & Peripatericæ Philosophiæ additissimi eandem vel inviti agnoverint. E Stoicis Seneca, qui pro sensuum in veritate rerum indagandâ necessitate sæpè militat, inter cætera inquit: *Erit vera ratio sensibus insita, & capiens inde principia. nec enim habet aliud unde*

*De Vita Beata* Cap. viii. *conetur, aut unde ad verum impetum capiat, & in se revertatur. Et rursus: Acies nostra aperit sibi investigando*

*De Otio Sapientis* Cap. xxxii. *viam, & fundamenta veri jactit. Experienciâ tamen & veritate convictus multorum errorum causas esse sensus rotundo ore proclamat: Non longè à terrâ sit talis effigies*

*Natural. Quest. Lib. 1. cap. 2.* (Halo): *quam visus noster solitâ imbecillitate deceptus, circa ipsum fidus putat positum. Imò & aliquos, quos nos antea enumeravimus, nonnullosque alios à vilu provenientes errores recenset: Nihil, inquit, acie nostrâ fallacius, non*

*Cap. III. l. cit.* *tantum in his à quibus subtiliter pervidendis illam colorum diversitas summovet, sed & in his quoque quæ ad manum cernit. Remus integer in tenui aquâ fracti speciem reddit. Poma per vitrum aspicientibus multò maiora sunt. Columnarum intervalla porticus longiores jungunt. Ad ipsum solem revertere: hunc quem toto orbe terrarum maiorem probat ratio, acies nostra sic contraxit, ut sapientes viro pedalem esse contenderint. Quem velocissimum omnium esse scimus, nemo nostrum videt moveri: nec ire crederemus, nisi appareret isse. Mundum ipsum præcipiti velocitate labentem, & ortus occasusque intra momentum temporis revolventem, nemo nostrum sentit procedere. Sed Epicureus ipse Lucretius dum sensuum certitudini patrocinari studet, prodit sensus eorumque fallaciam manifestè detegit: Audiamus enim, licet aliquanto prolixius, canentem; hoc enim sensuum antesignano se ipsum suis ratiociniis jugulante, omnis suspecta erit meritò omnibus sensuum fides, ita*

*Lib. IV.* *Nec possunt oculi naturam noscere rerum: Proinde animi vi ium hoc oculis affingere noli. Quâ vehimur navi, fertur, cum stare videtur: Quæ manet in statione, ea præter creditur ire:*

*Et*

Et fugere ad puppim colles campique videntur:  
 Quos agimus præter navim, velisque volamus.  
 Sydera cessare ætheriis affixa cavernis  
 Cuncta videntur: & assiduo sunt omnia motu:  
 Quandoquidem longos obitus exorta revisunt:  
 Cum permensa suo sunt calum corpore claro.  
 Solque pari ratione manere, & luna videtur  
 In statione: ea quæ ferri res indicat ipsa.  
 Extantesque procul medio de gurgite montes,  
 Classibus inter quos liber patet exitus: iidem  
 Apparent: & longè divulsi licet; ingens  
 Insula conjunctis tamen ex his una videtur.  
 Atria versari; & circumcursare columna  
 Usque adeò fit uti pueris videantur: ubi ipsi  
 Desierint verti: vix ut jam credere possint,  
 Non supra sese ruere omnia tecta minari.  
 Jamque rubrum tremulu jubar ignibus erigere altè  
 Cum cæpiat natura: supraque extollere monteis:  
 Quos tibi tum supra sol monteis esse videtur,  
 Cominus ipse suo contingens fervidus igni:  
 Vix absunt nobis missus bis mille sagittæ:  
 Vix etiam cursus quingentos sæpe veruti.  
 Inter eos solemque jacent immania ponti  
 Æquora, substrata ætheriis ingentibus oris:  
 Interjectæque sunt terrarum millia multa:  
 Quæ varia retinent gentes, & sæcla ferarum.  
 At conjectus aquæ digitum non altior unum  
 Qui lapides interfistit per strata viarum:  
 Despectum præbet sub terras impete tanto:  
 A terris quantum cali patet altus hiatus:  
 Nubila despicere, & calum videre videre,  
 Corpora mirando sub terras abdita calo:  
 Denique, ubi medio nobis equus acer adhasit  
 Flumine: & in rapidas amnis despeximus undas:  
 Stantis equi corpus transversum ferre videtur  
 Vis: & in adversum flumen contrudere raptim.

Et quocunque oculos trajecimus : omnia ferri ,  
 Et fluere assimili nobis ratione videntur .  
 Porticus aequali quamvis est denique ductu ;  
 Stansque in perpetuum paribus suffulta columnis :  
 Longa tamen parte ab summâ cum tota videtur :  
 Paulatim trahit angusti fastigia coni ,  
 Testa solo jungens , atque omnia dextera laevis :  
 Donec in obscurum coni conduxit acumen .  
 In pelago nautis ex undis ortus , in undis  
 Sol fit uti videatur obire , & condere lumen :  
 Quippe ubi nil aliud nisi aquam , calumque tuentur .  
 Ne leviter credas labefactari undique sensus .  
 At maris ignavis , in portu clauda videntur  
 Navigia aplustris fractis , obnitier undis .  
 Nam quacunque supra rorem salis edita pars est  
 Remorum , recta est : & recta supernè gubernacula ,  
 Qua demersa liquore obeunt , refracta videntur  
 Omnia converti : sursumque supina reverti .  
 Et reflexa propè in summo fluitare liquore  
 Raraque per calum cum venti nubila portant  
 Tempore nocturno : tum splendida signa videntur  
 Labier adversum nimbos ; atque ire supernè .  
 Longè aliam in partem , quàm quò ratione feruntur .  
 At si fortè oculo manus uni subdita subter  
 Pressit eum : quodam sensu fit , uti videantur  
 Omnia , qua tuimur , fieri tum bina tuendo :  
 Bina lucernarum flagrantia lumina flammis :  
 Binaque per totas adeis geminare supellex :  
 Et duplices hominum facies , & corpora bina .  
 Denique cum suavi devinxit membra sopore .  
 Somnus ; & in summâ corpus jacet omne quiete ;  
 Tum vigilare tamen nobis , & membra movere  
 Nostra videmur ; & in noctis caligine cacâ  
 Cernere censemus solem , lumenque diurnum :  
 Conclusoque loco , calum , mare , flumina , monteis ,  
 Mutare : & campos pedibus transire videmur :

Et



*Et sonitus audire: severa silentia noctis*

*Undique cum consent: & reddere dista tacenteis.*

Rectè adhæc verba notavit Nardius: Longa, ne dicam ta-  
dioſa, atque superflua excursione intentum, puta sensuum cer-  
titudinem probare nititur, in medium adductis exemplis va-  
riis, quæ fidem sensibus derogent potius, quam concilient. Va-  
cillat proinde ex Auctoris incuria sensuum dignitas: quin adi-  
mitur illorum certitudo, si quæ de oculo inter sensoria præstan-  
tissimo, nunc dicuntur à Lucretio, attentius observaveris. Au-  
dimus itaque hic Peripateticæ Philosophiæ non infimum ſe-  
ctatorem disertè profitentem, quod sensuum certitudo non  
tantum vacillet, sed prorsus sublata sit per hæc exempla à  
Lucretio allata. Et quanquam culpam erroris in animum  
reſcit Lucretius, quam insulſè & ridiculè id fiat, supra à  
nobis dictum. Sed si quis necdum acquiescat, adjungamus  
insuper & alium Aristotelicæ Philosophiæ summum fauto-  
rem & asseclam, Franciscum de Raconis, qui quinque  
enumerat modos, quibus sensus errare asserit. Tres recitan-  
tur in propositione primâ. Etenim, inquit, primò in ge-  
nericâ ratione decipitur visus, cum indicem horologii quiescere  
judicat, cum tamen moveatur, sic enim unum genus sensibilis  
communis pro altero accipit, nempe quietem pro motu: pec-  
cat etiam in ratione specificâ, quando ingentem solû magni-  
tudinem tanquam parvam & pedalem tantum dijudicat.  
Et in secunda propositione. Fallitur, inquit, sensus  
circa sensibile proprium, in ejus applicatione ad locum &  
subiectum: nam visus nonnunquam colorem rubrum in vitro  
existentem dijudicat esse in pariete, quod est falli in applica-  
tione objecti ad locum & subiectum. Et in tertiâ propositi-  
one: Fallitur, inquit, quoque sensus circa objectum propriam  
in ratione specificâ objecti. Siquidem visus sæpe (verbi gra-  
tiâ) unam speciem coloris pro altera apprehendit, rubrum  
pro viridi, vel flavo; item gustus judicat dulcia esse amara,  
ut cernitur in agrotantibus: idemque pluribus aliis exemplis  
potest demonstrari. Unicus tantum modus in propositione  
quartâ recitatur, quo sensus non fallere ait: Sensus,

Philos.  
part. 3.  
Disp. 3. de  
Anima  
Sensit.  
membr. 3.  
art. 2.

in-

inquit, *nunquam fallitur circa suum objectum, spectatum secundum rationem genericam objecti*, id est (ut idem explicat in sequentibus) *Visus sonum, auditus colorem percipere nequit*. Quinque ergo modis fatente hoc ipso Peripatetico fallit sensus, unico saltem modo infallibilis est, quæ tamen infallibilitas est penè ridicula; est enim idem ac si dicas ignem esse infallibilem, sive non posse errare; quia nunquam urit, nisi materiam utilem. Cum itaque à tot tantisque iudiciis, tam numerosis & ponderosis suffragiis, non tantum eorum, qui partium studio nullo dicuntur; sed & ab ipsis fautoribus erroris & fallaciæ condemnantur; summæ profectò temeritatis est, ne quid gravius dicam, testibus adeò infidelibus & fallacibus magistris, qui tam sæpè decipiunt, fidem adhibere. Meritò igitur pergit Philolophus:

Prudentiæ est, nunquam illis planè confidere, qui nos vel semel deceperunt] Audivimus in antecessum ipsum Epicurum hanc prudentiæ regulam totidem pene verbis exprimentem: *Si unus sensus SEMEL in totâ vitâ mentitus sit, nulli unquam esse credendum*. Et Romanæ Eloquentiæ & Philosophiæ princeps Tullius prorsus astipulatur Philolopho nostro, inquiens: *Neque nos contra sensus aliter dicimus ac Stoici, qui multa falsa esse dicunt, longèque aliter se habere, ac sensibus videantur. Hoc autem si ita sit, ut unum modò sensibus falsum videatur; præsto est qui neget rem ullam percipi posse sensibus*. Ex quo Ciceronis loco patet Stoicos ita pro sensuum certitudine militare, ut revera eandem potius labefactent & evertant, uti è Senecâ suprâ ὁφθαλμικῶς ostendimus. Et profectò si unum falsum admittitur perit certa fides reliquorum, quia quâ ratione erratum est à veritate unius, pari ratione potest error committi in alio. Jam autem sensus non semel, non aliquando; sed sæpissime errant, anne horum igitur suffragio verum judicabimus? Absit. *Summa enim amentia est in eorum fide*, inquit Tullius, *spem habere, quorum perfidiâ toties deceptus sis. Nam primo quidem decipi incommodum est: iterum*

*stul-*

Acad. IV.  
De Invent.  
Lib. I.

*stultum: tertium turpe.* Cæterum repræsentemus integrum Ciceronis locum, ut ex eo dilucidè appareat; quam ap-  
positè & verè Philosophus asserat, *Prudentia regulam esse  
eis non assentiri, qui nos vel semel deceperunt;* ut quam in-  
victâ ratione, ex eo quod sensus sæpius nos fallant, eis prorsus  
omnem fidem esse denegandam concluderimus, hoc ar-  
gumento enim apud iudices Romanos Carthaginiensibus fi-  
dem non esse adhibendam evincit: *Qui sæpenumero nos per  
fidem fefellerunt,* inquit, *eorum orationi fidem habere non  
debemus. Siquid enim perfidiâ illorum detrimenti acceperimus,  
nemo erit, præter nosmetipsos, quem iure accusare  
possimus. Ac primum quidem decipi incommodum est: item  
rum stultum: tertium turpe.* Carthaginienses autem persapè  
jam nos fefellerunt. Summa igitur amentia est, in eorum fi-  
de spem habere, quorum perfidiâ toties sis deceptus. Post  
commisos autem errores in seipsum culpam conjicere, se-  
ipsum accusare quid proderit? nisi propriæ stultitiæ, &  
detrimenti exinde percepti ignominiâ confundi, dampnum  
autem nunquam refarcire. Ut itaque omninò cauti & pru-  
dentes simus, evitemus errores, antequam in illos incideri-  
mus, alieno docti exemplo: *Felix, quem faciunt aliena  
pericula cautum.* Imitemur prudentiam vulpeculæ, quæ in  
fabulâ est, & cum Horatio ex eâ errata effugiamus; ita  
enim Venulinus:

*Quod si me populus Romanus forte roget; cur  
Non ut porticibus, sic iudiciis fruor iisdem.  
Nec sequar aut fugiam, qua diligit ipse vel odit?*

Lib. I.  
Epist.

*Olim quod vulpes agroto causa leoni  
Respondit referam: quia me vestigia terrent,  
Omnia te adversum spectantia nulla retrorsum.*

Imitemur, inquam, hæc exempla, & cum poëtâ, quan-  
tum necessitas & ratio exigunt, cum vulgo quidem conver-  
semur, sed stolidi ipsorum iudicia non sequamur, neque  
à falsis cognoscendi principiis, uti sunt sensus, scientiæ ori-  
ginem arcesamus, ne in ineluctabilem errorum aby-  
sum præcipites ruamus. Et quia fieri nequit, ut omnes

& singulas à sensibus deductas opiniones in perpetuum abdicemus; sed quædam judicia ex iis facta admittenda à nobis sint; quid agendum restat, nisi ut primò detracta omni sensibus fide omnem illis assensionem denegemus, & opiniones ac judicia juxta eisdem formata ut falsa & imaginaria rejiciamus, donec examine accurato instituto per rationem certam cognoverimus, quænam ex iis opinionibus & judiciis vera vel falsa sint, ut ita vera tandem admittamus & amplectamur, & ex iis solidam scientiam nanciscamur.

Sed forte quamvis interdum sensus circa minuta quædam &c.] Cæterum adversus illa, quibus sensus incertitudinis convicimus, argumenta, & sua Peripatetici aliique sensuum Patroni in contrarium afferunt ratiocinia. Illi enim non adeò imbelles neque ad pugnam imparati, ut non & sua arma expedita & in procinctu habeant, quibus suas partes acriter defendant, aliosque à se dissentientes aggrediantur, quippe in *γυμνασίῳ* illâ palæstrâ jam à teneris exercitati impetentium ictus declinare docti sunt: Excipiunt itaque contra ea exempla à nobis allata, nos errores sensuum circa objecta vilia & remota tantummodò evincere; sed circa res majoris momenti & nobis propinquas & proximas eandem sensuum incertitudinem non ità faciliè posse ostendi; sed circa eas sensuum dictamina satis esse veracia & sine ullâ dubitatione admittenda. Ut ex. gr. Nonne, inquit, satis manifestè & veraciter indicant sensus, me heic loci præsentem esse, foco assidere, calorem per sentiscere, lænâ indutum esse, literas has pingere, chartam manu contrahere & similia. Quinimò si & illa, quæ adeò clarè sensus docent & dictant, de rebus nobis propinquis, forte ab aliquo indubium revocarentur, ab aliquo etiam negarentur. Anne sanè quispiam se ipsum habere corpus, caput, collum, humeros, brachia, manus, lumbos, ventrem, crura, pedes & reliqua membra res sibi proximas inficias ire ausus fuerit vel etiam potuerit? Nemo sanè: nisi qui in profundissimam *μελαγχολίαν* aut *φρένεσιν* delapsus fuerit; qui res  
sen-

sensibus perceptas, etiam verissimas, quales sunt modò recensitæ, & similes negare sustinent, & contra res absurdissimas & falsissimas asseverant, ut se esse reges, cum sunt pauperrimi, vel purpurâ indutos cum sunt nudi, vel caput habere fictile, vel se totos esse cucurbitas, vel ex vitro conflatos. Plena enim de hujusmodi melancholicorum & phreneticorum deliriis medicorum, historicorum & Philosophorum monumenta. Hispani cujusdam servi mentionem facit *Johan. Huartm*, qui se Regem arbitratus prudentissimos de regimine faciebat discursus. Nonnulli ex vitro sibi inflatas esse nates; alii se capite carere putabant. Animam se putabat quidam, granum milii alter: rursus alius tam vastum imaginabatur sibi se habere nasum, ut nullæ portæ sibi perviæ essent, referente *Lemniæ*. Burgundus quidam Lutetiæ ad ædem S. Juliani mortuum se affirmabat: Mox Medicos, ne amplius animæ, quo minus evolarèt è purgatorio ad cælum, impedimento essent, rogabat: Mox moribundos imitabatur. Mulier apud *Trallianum* medium suæ digitum constringebat; ac si in ipso totum gestaret orbem: plorabat eadem vereri se dicens, ne, si inflecteretur, tota mundi interiret machina. Quidam apud *Montanum* existimabat totam mundi superficiem ex subtilissimo esse vitro, subtus serpentes latere, se in lecto tanquam in insulâ morari, unde si egrederetur, facile in serpentes vitro fracto incidere posset. Sed longum nimis foret melancholiâ laborantium mira recensere phantasmata; absit autem à sanæ mentis Philosopho, ut dementium horum deliria imitetur, ut verissima negans, absurdissima & falsissima affirmet & constanter asseveret, nisi & ipse, horum exempla imitans, jure demens dici velit. Hæc autem patrocinantium sensibus ratiocinia, à nobis paulò fufius deducta, ex suâ personâ, utpote quia nihil hæcenus existere ordine philosophandi cognovit, meditabundus hunc in modum proponit Philosophus: *Sed forte quamvis sensus interdum circa minuta quedam & remotiora nos fallant, pleraque tamen alia sunt de quibus dubitari planè non potest, quam-*

*In scrutin.**Ingenio-**rum.**Lib. 2. de  
Complex  
cap. 6.**Scholiogr.  
ad cap. 17.  
L. 1. Hol-  
ler. de  
morb. in-  
ternis.**Confil. 25.*

vis ab iisdem hauriantur: ut jam me hic esse, foco assidere, hyemali rogâ esse indutum, charitam istam manibus contrahere, & similia: manus verò has ipsas, totumque hoc corpus meum esse, quâ ratione posset negari? nisi me forte comparem nescio quibus insanis, quarum cerebella tam contumax vapor ex atrâ bile labefactat, ut constanter asseverent vel se esse reges cum sunt pauperrimi, vel purpurâ indutos cum sunt nudi, vel caput habere fictile, vel se totos esse cucurbitas, vel ex vitro constatos; sed amentes sunt isti, nec minus ipse demens viderer, siquod ab iis exemplum ad me transferrem. Observa autem insanos appellari melancholicos, quos enim perturbationum mentis species, totidem quoque insanix; sed addit nescio quos insanos, quia quâ insanix specie laborent melancholici nondum inquirat, necdum enim constat an ullæ res & proinde quoque an melancholici, quos saltem imaginatione sibi repræsentat, revera existant, eodem tamen ut sibi præsentis silit & à causâ morbi & insanix, quâ agitantur describit; quod sint tales, quorum cerebella contumax vapor ex atrâ bile labefactat. Contumacem autem vaporem dum causam facit melancholix, eundem morbum ab iracundiâ aliisque affectibus, qui atræ bili quoque originem debent, distinguit. Aptissimis autem vocibus insanos, amentes & dementes nuncupat melancholicos; nam & ipsa melancholia ab Hippocrate *μανία* audit. Eteruditè ad mentem Soicorum aliorumque Philosophorum explicat Tullius, cur morbi perturbationesque mentis insanix nomine veniant. Quia nomen insanix significat mentis agrotationem & morbum id est insanitatem & agritudinem, quam appellârunt insaniam. Omnes autem perturbationes animi, morbos Philosophi appellant: negantque, stultum quenquam his morbis vacare: qui autem in morbo sunt, sani non sunt; & omnium insipientium animi in morbo insunt; omnes igitur insipientes insaniunt. Sanitatem enim animorum positam in tranquillitate quâdam constantiâque censebant. His rebus mentem vacuum appellârunt insanam, propterea quod in perturbato animo, sicut in corpore, sanitas esse non potest. Nec mi-

nu

Tuscul.  
III.

nam illud acutè, quod animi affectionem, lumine mentis carentem, nominaverunt amentiam, eandemque dementiam. ex quo intelligendum est, eos, qui rebus nomina imposuerunt, sensitse hoc idem, quod à Socrate acceptum diligenter Stoici retinuerunt, omnes insipientes esse non sanos. Qui enim animus est in aliquo morbo (morbos autem hos perturbatos motus, ut modo dixi, Philosophi appellant) non magis est sanus, quam id corpus, quod in morbo est. Itaque, ut sapientia sanitas sit animi: insipientia autem quasi insanitas quedam que est insania, eademque dementia. Quoniam autem hic sumus, ut de melancholiâ breviter quædam perstringat nostra oratio, libet adicere Aristotelis de atræ bilis viribus & efficacîâ sententiam. Afferit ille naturæ cujuslibet hominis atram bilem se illicò immiscere; eandemque pro ratione temperiei, quam offendit, & quæ vel calida vel frigida est, calidissimam vel frigidissimam fieri: si autem atra bilis quæ naturâ penitus & non leviter tantum frigida est modum excedat in corpore, efficit stuporem, aut pusillanimitatem, aut formidinem. Sed si contra at a bilis incalescat, animi hilaritatem cum cantilenis conjunctam parit, & mentis alienationem & fervidas ulcerum eruptiones, & cætera ejusmodi. In plerisque verò hominibus è victu quotidiano proveniens, eosdem quoad indolem & mores nihil immutat, sed tantum morbum quandam melancholicum producit. Sed quorum naturæ tale temperamentum inest, hi illicò quoad mores omnibus modis mutantur, alius secundum aliam temperiem. ex. gr. Quibuscunque multa & frigida bilis atra inest, ignavi sunt & stolidi: quibus contrâ plurima eaque fervida inest, iræ obnoxii, & generosi, & ad amorem proclives, & proni ad excandescentiâ & cupiditates sunt: quidam autem loquacissimi quoque: multi etiam, quoniam calor ille prope adest mentis sedi, vesaniâ vel furore lymphatico corripiuntur; unde Sibylla & Bacchæ, & omnes qui instinctu Divino loquuntur; quum scilicet tales non morbo, sed naturali temperie fiunt. Maracus sanè Syracusanus præstantior erat poëta, quum mente alienaretur.

tur. Quibuscunque autem efferbuerit intensus calor circa medium, hi quidem melancholici sunt, sed prudentiores; & minus quidem insolenter agunt, ad multa tamen aliis præstantiores & aptiores sunt, alii ad studia literarum, alii ad artes, alii ad Remp. gerendam; insuper & magnum hic habitus ad subeunda pericula parit discrimen, ut prorsus dissimiles quoad metum sunt multi homines &c. Cæterum ipsum Aristotelem propriâ suâ linguâ loquentem audiamus, ex quâ non mentem saltem illius fideliter eruimus, sed quam verbotenus penè expressimus; ex Interpretis enim translatione vitiosâ, ut Oedipus quidem Philosophi illius mentem assequeretur; hæc sunt verba: "Οἱ ἐν τῇ φύσει εὐχρὲς ποῖται χυμὸς ὁ μελαγχολικὸς κερσίνυλαι. θερμὰ δὲ καὶ ψυχρὰ κρῆσις ἐστίν. ἐκ τούτων γὰρ τὸ δύο ἢ φύσις συνέστηκε. διὸ καὶ ἡ μέλαινα καὶ θερμότερα καὶ ψυχρότερα γίνονται. καὶ ἡ χολὴ δὲ φύσις ψυχρὴ ἢ μέλαινα, καὶ ὅσα θηπιόλαια ὄσα, εἰάν ὑπερβάλλει ἐν τῇ σώματι, ὑποπληξίαν, ἢ ἀνάγκας, ἢ ἀθυμίας ποιεῖ, ἢ φόβους. Ἐάν δὲ ὑπερθερμανθῇ τοῖς μετ' αὐτῆς εὐθυμίας, καὶ ἐκτασεις καὶ ἐκτασεις ἐλαύν, καὶ ἀπὸ τοῦ σώματος. τοῖς μὲν ἔν πολλοῖς δὲ τοῖς κατ' ἡμέραν τοφῆς ἐγγινομένη; ἔδεν τὸ ἥθος ποιεῖ ἀφ' ὧν, ἀλλὰ μόνον νόσημα τι μελαγχολικὸν ἀπειργασάτο. ὅσοις δὲ ἐν τῇ φύσει κρῆσις συνέστη τοιαύτη, εὐχρὲς ὅτι τὰ ἥθη γίνονται παντοδαπά, ἀλλὰ κατ' ἀλλῶ κρῆσιν. οἷον, ὅσοις μὲν πολλὴ καὶ ψυχρὰ ἐνυπάρχει νοσθεὶ καὶ μικροί. ὅσοις δὲ λίαν πολλὴ καὶ θερμὴ, μαρνητοὶ καὶ εὐφραῖς, καὶ ἐρωτικῶν, καὶ ἐκίνητοι πρὸς τὰς θυμὸς καὶ τὰς θηπιμίας. ἐνίοις δὲ καὶ λαλοὶ μάλλον. πολλοὶ δὲ καὶ ἀφ' ὧν τὸ ἐγγυρ εἶναι ὁ νοσθεὶς τόπος τὴν θερμότητα τῶν τῶν, νόσημα πιν ἀλίσκονται μαρνητοῖς, ἢ ἐνθυπασθητοῖς ὅθεν σίβυλαι καὶ βακχίδες, καὶ οἱ ἐνθεοὶ γίνονται πάντες, ὅταν μὴ νοσήματι γίνονται, ἀλλὰ φυσικῇ κρῆσει. Μαροκὸς δὲ ὁ Συρακῆσι καὶ ἀμείνων ἦν ποιητής, ὅτ' ἐκταῖ. ὅσοις δ' ἂν ἐπανθῇ τὸ ἄλαν θερμότης πρὸς τὸ μέσον, ὅτι μελαγχολικοί μὲν εἰσι, φρονιμώτεροι δὲ, καὶ ἡτίον μὲν ἔκτοποι, πρὸς πολλὰ δὲ ἀφ' ὧν φέροντες τ' ἄλλων, οἱ μὲν, πρὸς παιδείαν οἱ δὲ πρὸς τέχνας οἱ δὲ, πρὸς πολιτείαν. πολλῶν δὲ καὶ πρὸς τὰς κινδύνους ποιεῖ ἀφ' ὧν ἢ τοιαύτη ἔστι, ὅ ἐνίοτε ἀνὰ μάλας ἀνὰ μὲν τοῖς φόβοις πολλὰς τ' ἀνδρῶν. Οἰονεμ itaque

Probl.  
sect. 30.  
4. 1.

in-



ingenii acrimoniam & stupiditatem, omnes bonos malosque mores, omnes virtutes & vitia, scelera & præclara facinora, scientias & artes, prudentiam politicam & militarem, sapientiam & insipientiam, sanitatem & morbos temperamento humani corporis & exigua in eodem peccantibus humoris portiuncula, atræ, inquam, bili alligat, quorum tantas vires tantamque efficaciam esse asserit, ut universum vitæ humanæ regimen ab eis dependeat. Ad questionem enim hanc in principio hujus Problematis propositam; *Cur homines qui ingenio claruerunt, vel in studiis Philosophia, vel in Republicâ administrandâ, vel in carminibus pangendis, vel in artibus exercendis melancholicos fuisse videamus?* respondit inter cætera, illa quæ adduximus. Adcò mordicus enim, rebus sensibilibus & mediis naturalibus effingendis defixus inhæret, ut nuppiam ad providentiam Divinam oculos attollat; imò ut eoulque impietatis heic loci deveniat, ut non saltem geniorum malorum in hominibus operationes, sed etiam oracula omnia & vaticinia Divina a Sanctis Dei hominibus instinctu Sp. Sancti prolata, corrupto temperamento & fædæ atræ bilis materiæ in corpore humano effervescenti attribuire non vereatur, Deum nullatenus agnoscens, naturæ autem, quæ ipsi loco Dei est, omnia ascribens, atque ita Dei potentiam & providentiam & cognitionem, quantum potest, opprimens. Hinc verè de eo magnus Calvinus: *Videmus quosdam ex summis Philosophis adeo fuisse malignos, ut nullâ in re magis laboraverint, quam in sepeliendâ Dei providentiâ, vel saltem in excudendis mediis causis, quibus se & alios neglecto Deo affigerent. Aristoteles tam ingenio quam doctrinâ maximè excelluit, ut tamen profanus homo erat, pravique animi, semper hoc habuit propositum, ut Dei providentiam involveret multis vagis speculationibus: imò quidquid perspicacia in eum Deus contulerat, sacrilegus ille nebulo ad extinguendam omnem lucem applicuit. Stolidam autem hanc Aristotelis opinionem ipse risit & explosit Tullius: Aristoteles quidem, ait, eos etiam, qui valetudini vitio furerent,*

In Ps.  
137. 43.

De Divi-  
nat. Lib. I. *Et melancholici dicerentur, censebat habere aliquid in ani-  
mis prasagiens atque divinum. Ego autem haud scio, an nec  
cardiacis hoc tribuendum sit, nec phreneticis; animi enim in-  
tegri, non vitiosi corporis est divinatio.*

De Men-  
te Human.  
cap. 18.

Causas verò actionum & imaginationum, quibus Phrenetici & Melancholici sunt obnoxii ex fundamentis Philosophiæ Cartesianæ hunc in modum exponit Forcéus: *Quantum, inquit, ad verba Et actiones phreneticorum extravagantes, illa tantum mihi videntur tales apparere, propterea quod ignoramus id, quod eo tempore in cerebro ipsorum accidit, nobisque persuademus, eos agere, Et loqui debere conformiter iis, quæ ipsis dicimus: quod ipsis impossibile est, aut quia nos non intelligunt, cum imaginationem ab alia specie nimis occupatam habeant, quam ut nostrorum verborum species recipere possint; aut, quia, si nos intelligunt, perturbatio, quæ in ipsorum spiritibus animalibus est, non finit impressionem verborum nostrorum diutius quam uno momento super glandulâ manere, primâ autem specie, quæ eam occupabat, redeunte simul ac loqui cessamus, respondere nequeunt convenienter ad illa, quæ dicta sunt, quia ea non amplius percipiunt; verum tantum convenienter isti idea, quæ tum menti eorum prasens est. Credo huius generis homines non esse phreneticos, nisi quia motus glandula ipsorum animæ non subijcitur, sive propter violentiam Et inæqualitatem cursus spirituum, qui sine modo, ac mensurâ eam exagitant, Et infinitas species super eâ excitant, quæ non nisi ad momentum durant, sive etiam quia cursus ille pertinaciter eam applicat quibusdam vestigiis memoria, Et semper eandem speciem excitat, à quâ anima sese expedire nequit. In utroque casu dicere possumus miseram eam animam judicare secundum id, quod idea, quæ istis speciebus junctæ sunt ipsi repræsentant, eamque agere secundum id, quod judicat, neque eam se ipsam hac in re posse cohibere; non enim abstinere potest à judicando, Et agendo conformiter ei, quod ipsi videtur, quando nullam dubitandi rationem videt; nullamque in eo statu habere potest rationem, cum non sit tum temporis magistra suarum cogitationum, verum ad species corporeas attendere cogatur.*

Maxi-

*Maximus autem imaginationis error est, quando nos ipsos imaginamur esse aliud quid, quam sumus: in hac specie non nisi quasi excessus quidam est tertia speciei, si enim per aliquam pertinacem dispositionem spirituum & memoria glandula forte vertatur ad eam partem cerebri, ubi pori inveniuntur, per quorum aperturam forte species galli gallinacei, exempli gratia, reduci potest, quin etiam ab ipso momento formatur, anima se ipsam tandem considerabit tanquam unitam non specie galli (species enim se ipsas non representant,) sed ipsi gallo gallinaceo, & tanquam unum totum cum ipso constituentem, eodem plane modo, quo unita est cum suo corpore, & cum ipso non nisi unum totum constituit ac prout voluntas quantum potest, fertur ad imitandum cantum, reliquasque omnes galli gallinacei actiones. Quod verò hac in re maximâ admiratione dignum occurrit, est, quod miseri isti aliquando admodum bene sapiant in aliis rebus, præterquam in iis, quæ ad objectum amentia eorum pertinent; quando autem id accidit, & iusto modo ratiocinantur, dicere possumus cursum spirituum, qui antea secum trahebat glandulam, tum temporis in cerebro cessasse, & quando nihil ipsis dicitur, quod denuo possit eum excitare, ipsos esse debere admodum sapientes, donec ipsorum paroxysmus, & accessio, quemadmodum in febribus fieri solet, redeat. Cæterum longius nos abduxit veritatis amor, redeamus in viam, & quid ad exceptiones eorum, qui pro sensuum certitudine militant, reponat Philosophus videamus. Respondet autem:*

*Præclare sanè tanquam non sim homo, qui soleam noctu dormire, & eadem omnia in somnis pati, vel etiam interdum minus verisimilia, quam quæ isti vigilantes: quam frequenter verò usitata ista, me hic esse, togâ vestiri, foco assidere quies nocturna persuadet? cum tamen positis vestibus jaceo inter strata. Vidimus sensuum patronos obliquâ quâdam concessione eorundem errores circa res quasdam minutas & remotas concessisse, eos tamen acriter contendere circa res propinquas & proximas eosdem satis esse certos & veraces, ut nos heic esse, foco assidere, nos habere cor-*

L

pus,

pus, manus & similia. Eum autem qui hæc aut in dubium revocare vel negare ausit ad incommodum conantur deducere, ostendendo ad quam absurda, qui fidem sensibus derogat, eosque erroribus esse obnoxios statuit, necessariò prolapsurus sit, nempe ut insanorum & melancholicorum instar res verissimas & certissimas neget, & falsissimas pertinaciter affirmet, quod maximè ineptum esse nemo, nisi quis ipse, non minus quam illi amentes, demens esse velit, inficias ire potest. Cæterum his objectionibus nihil movetur Philosophus, sed contra ridet, *præclare sanè*, inquit; & novâ exceptione ostendit sensuum eam nequaquam esse infallibilitatem, ut res certitudine metaphysicâ id est tali quæ in dubium nullatenus trahi potest revera & actu existere probent; posse enim per somnum occurrere homini non tantum res illas à sensuum vindicibus recensitas, sed etiam longè magis insolentes, & ipsis melancholicorum phantasmatis, quæ illi vigilantes vident, minus verosimiles; sæpissimè verò res illas usitatas, ut se vestibus esse indutum, foco assidere, mox per musæum ambulare, & reliqua ejusmodi, quis per somnum ipse non est expertus, quum tamen nudus lecto decumberet. Et quandoquidem ipsi sensuum patroni distinguere æqueunt somnium à vigiliâ, an dormientes igitur an vigilantes res supra enumeratas videant ignorant, nec plane certi esse possunt, quamvis sibi certissimi videantur, an res illæ revera existant. Objectionum enim; circa quæ de die homo versatur, & negotiorum agendorum, quæcunque proponit, imagines per somnum recurrere nemo ignorat. Audiamus tamen aliquos non minus eruditè, quam venustè hæc edifferentes: Agmen eorum ducat magnus naturæ Apollo Hippocrates: Τὸ μὲν γὰρ σῶμα καθεύδον οὐκ αἰσθάνεται, ἢ ὅ (ψυχὴ) γιγνομένην γινώσκει, καθερᾶν τε πιάσσει, καὶ διακίνει τὰ αἵματι, βαδίζει, φάνει, λυπᾶται, ἐνθυμίζεται, ἐν ὀλίγῳ, ὅσον ἢ σώματι παρερῆσαι, ἢ τῇ ψυχῇ, ταῦτα πάντα ἢ ψυχὴ ἐν τῷ ὕπνῳ ἀπεργάζεται. Succedat Nonnus:

Αν-

Ἀντίτηπεν ᾧ

Ἔργον, ὅπερ τελέει πρὸς ἡμᾶς, νυκτὶ δοκεύει.  
 Βύκολος ὠπώνων κερθεύς βοῶς εἰς νόμον ἔλκει,  
 Δίκτυα θρηνητῆρι φαίνεται ὄψις ὄνειρα.  
 Γεωπόνους δ' ὄδοντες ἀροτρώσιν ἀρέρας.  
 Αὐλακα ᾧ σπείρασι φερέσασχυν' ἀλάζει ᾧ  
 Ἄνδρα μεσημβριζόντα κατὰχρον αἴθοπι δίφῳ  
 Εἰς ῥόον, εἰς αἰμάριον ἀπατήλιος ὕπνῳ ἐλάυνει.

Lib.  
XLII

Adjungat se locium Lucretius, Romanus Græcis:

*Et quo quisque ferè studio defunctus adheret:  
 Aut quibus in rebus multum sumus ante morati:  
 Atque in quâ ratione fuit contenta magis mens:  
 In somnis eadem plerumque videmur obire,  
 Causidici causas agere; & componere leges.  
 Induperatores pugnare; ac praelia obire.  
 Nauta contractum cum ventis degere bellum:  
 Nos agere hoc autem; & naturam querere rerum  
 Semper; & inventam patriis exponere chartis.  
 Cetera sic studia, atque artes plerumque videntur  
 In somnis animos hominum frustrata tenere.  
 Et quicumque dies multis ex ordine ludis  
 Assiduas dederint operas, plerumque videmus,  
 Cum jam destiterint ea sensibus usurpare.*

Lib. IV.

Succinat huic Petronius:

*Somnia, quæ mentes ludunt volitantibus umbris,  
 Non delubra Deum, nec ab æthere numina mittunt,  
 Sed sibi quisque facit. Nam cum prostrata sopore  
 Urget membra quies, & mens sine pondere ludit;  
 Quicquid luce facit, tenebris agit. Oppida bello  
 Qui quatit & flammis miserandas sevit in urbes  
 Tela videt versasque acies, & funera Regum,  
 Atque exundantes perfuso sanguine campos.  
 Qui causas orare solent, legesque forumque,  
 Et pavido cernunt inclusum corde tribunal.  
 Condit avarus opes, defossamque invenit aurum.  
 Venator saltus canibus quatit, eripit undis.*

L 2

, Aut

*Aut premit eversam periturus navita puppim.  
Scribit amatori meretrix, dat adultera munus.  
Et canis in somno leporis vestigia latrat.  
In noctis spatio miserorum vulnera durant.*

Nec fileat musa Claudiani:

In vi.  
Consulat.  
Honor.

*Omnia, quæ sensuvolvuntur vota diurno,  
Pectore sopito reddit amica quies.  
Venator defessa toro cum membra reponit,  
Mens tamen ad silvas, & suas lustra redit.  
Judicibus lites, auriga somnia currus,  
Vanaque nocturnis meta caveitur equis:  
Furto gaudet amans, permulat navita merces,  
Et vigil elapsas querit avarus opes.  
Blandaque largitur frustra sitientibus agris  
Irriguus gelido pocula fonte sopor.  
Me quoque Musarum studium sub nocte silenti,  
Artibus assuetis sollicitare solet.*

Ita histrioniam facit somnus eorum noctu, quæ diu verè fiunt inter homines; & per somnum visa, nec visa simul. Sed non usitata tantum & quotidiana, sed & rariora, imò & minimè verosimilia ac rerum naturæ repugnantia per quietem se imaginationi repræsentant; quis enim & hæc propriâ non edoctus est experientia. Hinc Aristoteles: Οἰονταί τε κεραινοῦσθαι, ἢ βροντᾶσθαι ἐν τοῖς μικρῶν ἤχων ὥσι γεννομένων καὶ μέλιτ' καὶ γλυκέων χυμῶν ἀπολαύειν, ἀκαρπείας φλέγματ' καταρέοντ' καὶ βαδίζειν διὰ πυρὸς, ἢ θερμαίνεσθαι σφοδρὰ, μικρᾶς θερμότητος περὶ πνῶ μέρη γεννομένης. Arbitrantur enim fulgura cadere ac tonitrua fieri, cum parvi in auribus sonitus sunt; & se melle & dulcibus saporibus frui, minimâ pituitâ defluente; & incedere per ignem, & admodum incalescere, exiguo calore partes quasdam afficiente.

Nec Lucretio hæc intacta:

Loc. cit.

*Porrò hominum mentes magnis quæ motibus edunt;  
Magna etenim sæpe in somnis faciuntque geruntque:  
Reges expugnant; capiuntur; praelia miscent;  
Tollunt clamores, quasi si jugulensur ibidem.*

Mul-

De Divi-  
nar. per  
Som. cap.  
cap. 1.

De Divi-  
nar. per  
Som. cap.  
cap. 1.

*Multi depugnant, gemitusque doloribus edunt.*

*Et quasi panthera morsu, saviue Leonis*

*Mandantur, magnis clamoribus omnia complent.*

*Multi de magnis per somnum rebus loquuntur;*

*Indicioque sui facti persape fuere.*

*Multi mortem obeunt: multi de montibus altis*

*Se quasi precipitant ad terram corpore toto.*

Cæterum *ἐμφανὴς* dicit Philosophus, ac si non sim homo, qui soleam noctu dormire. Cum enim somnus (in cujus naturam ejusque à vigiliâ distinctionem post penitus inquisitionem) sit status, in quo sensus quasi ligati & immoti à suis functionibus feriantur, Aristotele id benè observante, dum ait: Ὁ δὲ πᾶσι πᾶσι καὶ ἀνθρώποις καὶ ζῴοις ἐστὶν, τὸν δὲ σῶμα καὶ ἀνθρώπου πρ. Quoniam itaque animalia tantum sentiunt, & propriè ac verè tantum homo, hinc maximè propriè homo quoque dormire dicitur; bestię autem rarius, homines frequenter insomnia patiuntur. Sunt autem insomnia phantasmata à spiritibus animalibus per somnum in cerebro humano excitata. Excitantur autem sæpius eorundem objectorum & actionum imagines, quibus de die intenti fuimus, quia partes cerebri, quæ de die per objecta & actiones nostras commotæ fuerunt, vestigia earundem rerum impressa adhuc retinent, unde facilius à spiritibus animalibus commoveri possunt, quam aliæ cerebri partes, quæ in quiete remanserant: unde evenit, ut spiritus animales illos cerebri meatus, in quibus vestigia rerum diurnarum impressa referantur, percurrentes, eosdem quoque propter nuperam imaginationem vel adhuc apertas vel saltem ad aperiendum faciliores offendentes, levi negotio per eorundem meatum aperturam diurnas imaginationes menti referant, quas vigilando ei impresserant. Et hinc satis patet, cur in sano homine & à noxiis humoribus non perturbato non alia penè insomnia & cogitationes, quam de rebus, quibus per vigiliam operam dederit, observentur. Si autem spirituum animalium vel cursus fuerit concitator vel etiam copia solito major à sanguine malè temperato, eidemque cerebri pli-

*De somno & Vigiliæ. cap. 1.*

cas percurrento eadē fortius, quam in placido somno fieri solet, commoverint, imaginationes validas & insolitas de rebus minimè verosimilibus menti imprimunt; & hæc levi negotio & frequenter contingunt, quia quæ per somnum cerebrum afficiunt, fortius illud movent, & raro sanguinis temperies omninò sincera & sana est. Quam levi autem negotio in somno imaginatio satis efficax in cerebro fiat, apparet, ut si pituita in ore abundaverit nobis dormientibus, videmur certos aliquos cibos manducare; si pituita palato grata sit, atque ita lenem in cerebro motum peregerit, cibos ut gratos nobis imaginamur; si pituita sit corrupta ac amara ut ingratos: si fervida sit pituita ut inde fauces aresiant, de siti somniamus; si humor pituitosus porro in fauces defluxerit; isque dulcis fuerit, liquore grato frui videmur; si contrà, ingrato. si spiritus animales ex ferventiori & inflammato sanguine prodeuntes cerebrum affecerint, nos fulmina videre vel per ignem ambulare quandoque somniamus. Ejusmodi quoque spiritus è sanguine turgido effervescentes varios alios in dormientibus effectus cient, prout eam imaginatio de die varia fuit, ita & operationes, prout imaginatio de nocte varia rursus reexcitatur ab illis spiritibus, variae sunt, hinc aliqui è cubili de nocte surgunt & operationes diurnas peragunt. Alii etiam majora aggrediuntur & perficiunt, quam de die ausi fuerunt tentare, adeò ut domuum & arborum fastigia ascendant, & alia admiranda peragant, quia nempe imaginatio de die altè menti impressa per eos spiritus è turgido sanguine effervescentes efficacissimè, imò longè fortius, quam de die fuit, recurrit, & proinde facultatem motricem etiam vehementius, quam de die impellit; & dicta opera homines peragere impellit, quæ interdum subire non audent.

Ceterum an homines reperiantur, qui integro vitæ cursu nullis insomniis afficiantur inter Philosophos controversum est. Plutarchus de quodam Cleone è Danlia suo ævo vivente memorat, eum nunquam somniasse. Idemque de Medicinæ quodam doctore Londini narrat le Grand, qui, quo-



quoniam familiariter illo utebatur, sapius ipsi protestatus fuerat, se nunquam per quietem quidquam vidisse. Fieri id posse asserit Aristoteles, licet rarius: Ἡ δὲ δέησι συμῆκεν, *De In-* inquit, *ὥς μὲν ἐνύπνιον ἰωρῶκεναι καὶ τὸν βίον, πᾶν ἄνθρωπον μὲν* *som. sub fi-* τὸ τοῦτον ἐστὶ, συμβαίνει δ' ὅμως. *Jam vero quibusdam acci-* *nem* dit, ut nullum in vitâ somnium viderint, rarum id quidem, contingit tamen. Et causam suæ assertionis conatur reddere, dum ait: Ὅστις γὰρ τῶν τῶν τῶν συνέστηκεν ἡ φύσις, ὥς πολ- λὴ ἀναφέρεται ἀναθυμίασιν πρὸς τὸν ἄνω πᾶν ἢ πάλιν κατα- φερόμεναι πρὸς τὸν κάτω, εὐλόγως τὰ πρὸς ἑδὲν φαίνεται Φαινόμενα. Quibuscumque enim hoc modo constituta est natura, ut multa ascendat in superiorem locum evaporatio, eadem- que rursus descendens faciat plurimos motus, rationi conso- num est illi nullum apparere insomnium. Et ob eandem rationem mox à cibo dormientibus & pueris nulla insomnia fieri existimat. Cæterum fallitur in eo quod putet quibus- dam per universam vitam nulla evenire insomnia; nam quan- quam ipsi illi homines id affirmant, in causâ est eorum obli- vio, non quod omnino somniorum expertes fuerint. Mens e- nim nunquam omni cogitatione destituitur, corpore licet so- pito, quoniam essentiam suam nunquam amittit. Ratio autem cur homines nocturnarum cogitationum non meminerint hæc est, quod à spiritibus animalibus leviter tantum species cerebro imprimerentur, quæ mox rursus oblitteratæ sunt, a- dedò ut nulla earum memoria remanserit; quod & de die usu venit cum nempe cogitationes nostræ liberius & dissolutius vagantur, omnis ilicò earum memoria evanescit, quamvis tamen revera cogitationes habuerimus.

Causas autem insomniorum non tantum, sed & omnium omnino cogitationum, simulachra & reduvias, εἰδωλα καὶ ἀπορροίας, ut loquitur Aristoteles, è corporibus effluentes & per aërem volitantes Democritus facit; cuius delicta Epi- curus ejusque sectator Lucretius amplectuntur. Exsistent enim hi reduvias & subtiles imagines ubivis vagari & ferri animosque movere & vigilantium & dormientium. Quoniam autem Democriti nec Epicuri ad manum sunt opera, audia- mus Lucretium:

Nunc

*Nunc æge quæ moveant animum res accipe & unde,  
 Quæ veniunt, veniant in mentem, percipe paucis.  
 Principio hoc dico, rerum simulachra vagari  
 Multa modis multis in cunctas undique partes;  
 Tenuia quæ facile inter se junguntur in auris,  
 Obvia cum veniunt, ut aranea, bracteaque auri:  
 Quippe etenim multo magis hæc sunt tenuia textu:  
 Quam quæ percipiunt oculos visumque laceffunt.  
 Corporis hæc quoniam penetrant per rara cientque  
 Tenuem animi naturam intus, sensumque laceffunt.*

Et deinde:

*Nec ratione aliâ, cum somnus membra profudit:  
 Mens animi vigilat; nisi quod simulachra laceffunt  
 Hæc eadem nostros animos, quæ cum vigilamus:*

Simulachra itaque multa variis formis ubivis vagari  
 somniat; quæ prout variis modis, quoniam tenuissima sunt,  
 in aëre coeunt, ita & varias in mente rerum figuras cient;  
 quâ ratione Centauros & Scyllas nobis repræsentant.  
 Junguntur autem inter se, facillimè ut aranearum filamenta  
 & bractearum auri subtilissimæ particulæ, quoniam illa  
 ipsis auri bracteis & aranearum telis longè sunt tenuiora, imò  
 etiam simulachris visum cientibus, quæ tamen sistuntur in o-  
 culo. Quantæ autem tenuitatis sint ex eo perspicuum, quod  
 poros corporis ad lubitum transeant, animumque ac sensus  
 moveant. Atque ab his simulachris laceffitur mens non ali-  
 ter in somno, quoniam & ipsa eo tempore vigilat, quam  
 dum vigilamus, excusso penitus somno. Cæterum per-  
 cunctetur quis quâ ratione mentis cogitationes tantâ cer-  
 titudine in somno à simulachris excitentur, cum res re-  
 vera ità se non habet:

*Usque adeò certè, ut videamur cernere eum, quem  
 Reddita vitæ jam mors, & terra potita est.*

Respondet hæc evenire ob sensuum in somno quietem:

*Hoc ideo fieri cogit natura; quod omnes  
 Corporis affecti sensus per membra quiescunt.  
 Nec possunt falsum veris convincere rebus.*

Et

Et insuper ipsa memoria somno sopita, neque reluctatur, animove refricat diem jam obiisse hominem, cujus spectatur modo simulachrum:

*Præterea meminisse jacet, languetque sopore;  
Nec dissentit eum mortis letique potitum  
Jam pridem; quem mens vivum se cernere credit.*

Et profectò si simulachra illa ficta constarent, (quæ post refutaturi sumus) in his à vero non delirat Carus.

Sed porrò curiosus quispiam interroget; Cur gesticulentur simulachra, concinnæque brachia moveant, & cætera membra? Refert ille causam in jugem imaginum successiorem; momentanea namque illarum est duratio; quo fit, ut nova dum occupat abeuntis locum gestum mutasse videatur: qui tamen gestus momentaneus non est, præ affluentium imaginum inexhaustâ copîâ:

*Quod superest non est mirum simulachra moveri;  
Brachiaque in numerum iactare, & cætera membra.  
Nam fit, ut in somnis facere hoc videatur imago.  
Quippe ubi prima perit: alioque est altera nata  
Inde statu: prior hic gestum mutasse videtur.  
Scilicet id fieri celeri ratione putandum est:  
Tanta est mobilitas, & rerum copia tanta:  
Tantaque sensibili quovis est tempore in uno  
Copia particularum, ut possit suppeditare.*

Sed tempus est ut è diverticulo in viam redeamus, & ea quæ sequuntur videamus:

*Atqui nunc, scribis, vigilantibus oculis intueor hanc char-  
tam, non sopitum est hoc caput, &c.* Quanquam enim Philosophus in modò dictis asseruit & ostendit sensuum patronos non indubitato certos esse posse, an res, quas adesse firmissimè persuasum habent, revera actu præsentis sint nec ne, quoniam, quamdiu somnium à vigiliâ accuratè distinguere nequeunt, certi non sunt an res præsentis revera sentiant, an verò dormientes imaginentur quidem se sentire eas præsentis, cum tamen non sunt, nec easdem sentiunt: idque non tantum de rebus solitis & quotidie obviis,

M

sed

sed etiam de insolitis & minus verosimilibus, quam sunt phreneticorum & melancholicorum deliria posse accidere experientiâ comprobatum est. Neutiquam tamen se victos fatentur sensuum antesignani, neque per illa Philosophi responsa sensuum certitudinem profligatam esse concedunt; sed se in contrarium novo responso & *εἰσπνοῇ* muniant, affirmantes se omninò certos esse quod hæ actiones, hæ exercitia vigilantium sint & per sensus certissimè, non autem per solam imaginationem, efficiantur, ideoque prorsus vera esse & eo præcisè modo, ut percipiuntur, se habere; asserunt enim se externo oculorum exercitio uti, se caput commovere, in quo liberi & soluti sensus sanctiones suas obeunt nullo somno obruti; imò se externorum & internorum sensuum prorsus esse compotes, quæ dormientibus non ita eveniunt, nec de iis affirmari possunt; ita enim ex ipsorum personâ & hypothesi loquitur author: *Atqui nunc certè vigilantibus oculis intueor hanc chartam, non sopitum est hoc caput, quod commoveo; manum istam prudens & sciens extendo, & sentio, non tam distincta contingerent dormienti.* Verum Philosophus è contrâ denuò regerit & ostendit hæc ipsorum argumenta esse elumbia & nequaquam probare, quod vigilant & res extra se positas revera sensu percipiant, ad experientiam enim testem provocans ostendit has ipsas cogitationes de sensuum illo vigore & eorum exercitiis posse esse somniorum phantasmata & ludibria, adeò ut indubitato certi esse nequeant, an à se vigilantibus sensuum actiones & exercitia proficiscantur, an verò tantum per quietem proficisci imaginariò videantur; *quasi, inquit, non recorder à similibus etiam cogitationibus me alias in somnis fuisse delusum.*

Quinimò dum attentius hæc considerat, & animò volvit ac revolvit, convictus his meditationibus & rationibus fateri cogitur, vigiliam à somno, nî firmiores, quam hætenus fuerunt traditæ, distinctionis notæ exhibeantur, non posse unquam certis indiciis distingui; *quæ (modò dicta) dum cogito attentius, ait, tam planè video nunquam certis indi-*

indiciis vigiliam à somno posse distingui. Nam licet vulgò dicatur & verum sit, somnum esse statum, quo sensus ligati & impediti à suis functionibus feriantur; vigiliam è contra statum, quo sensus liberi ac soluti functiones suas obeunt: Hæc tamen dicere non sufficit, nec satis dilucidè distinctionem inter somnum & vigiliam indicant, quoniam in somno æquè vividè, imò sæpe magis vivida sensuum exercitia videntur esse, quam in vigiliâ. Atque has difficultates dum observarent aliqui è Philosophis affirmârunt somnum à vigiliâ &ensione verâ nullo indicio certò posse dignosci. Unde Hobbesius: *Satis constat, inquit, ex iis In Ob-*  
*qua dicta sunt in hac Meditatione nullum esse* *κατασκευασθέν, ject. 3.*  
*quo somnia nostra à vigiliâ &ensione verâ dignoscantur: circa*  
*& propterea phantasmata, qua vigilantes & sentientes ha-* *initium.*  
*bemus, non esse accidentia objectis externis inherentia; ne-*  
*que argumento esse talia objecta externa omnino existere.*  
*Ideoque si sensus nostros sine aliâ ratione sequamur, meritò*  
*dubitabimus an aliquid existat, nec ne. Veritatem ergò hujus*  
*meditationis agnoscimus.* Ex quâ confessione Hobbesii satis patet extra Philosophiæ Cartesianæ principia vigiliam à somno non posse distingui, nec Scepticorum argumenta, quæ hic à Cartesio proponuntur, per veterem Philosophiam refutari posse, sed ut irrefutabilia & proinde ut vera esse admittenda, adeò ut nihil certi pro verâ rerum existentia per sensus evinci possit. Cum tamen Philosophus has rationes dubitandi, per quas vigiliam à somno distingui non posse è Scepticorum hypothesi contendit, nequaquam ut omnino veras, sed ut verisimiles tantum proposuit, iisque usus est, partim ut lectorum animos præpararet ad res intellectuales considerandas, illasque à corporeis distinguendas, ad quod omnino necessariè videntur; partim ut ostenderet, quam firmæ sint veritates, quas postea proponit, utpote quæ ab istis Metaphysicis dubitationibus labefactari non possunt; & partim etiam ut ad ipsas in sequentibus Meditationibus responderet. Nam quod eas ut inexplicabiles & indissolubiles in præsens admittat, ideò fit, quod illas per antiquæ

Philosophiæ principia refutare nequeat, & nondum ordine Philosophandi nova detexerit, per quæ eas falsitatis convincere possit; inventis enim novis principiis veram inter vigiliam & somnum, inter sensationem veram & imaginariam distinctionem ostendit, putà circa finem Meditationis sextæ; ibidemque hanc quam ut indissolubilem heic loci admittit dubitandi rationem ostendit revera in se indissolubilem non esse, sed saltem propter infirmitatem veteris Philosophiæ talem fuisse visam, cujus fundamentis dum adhuc inhæret, nullam rationem sufficientem licet volvat ac revolvat meditando reperire valet, sed *fateri cogitur nunquam certis indiciis vigiliam à somno posse distingui*; & interim summopere admiratur eam suam hominumque cæterorum ignorantiam, *ut obstupescat, & fere hic ipse stupor opinionem somni confirmet*. Stupor autem qui sensuum hebetudo est, factus è spirituum ἀκίνησις sive movendi impotentiâ, alius est ex metu, ut est apud Poëtam: *Obstupui*. Alius ex summâ admiratione, quo coercentur ita spiritus, ut ad ulteriorem rei intellectionem nulla fiat progressio: nam subitanea novi & insoliti objecti oblatio efficit ut mens objectum illud tanquam gratum considerans, in illius contemplatione se totam detineat, unde quoniam spirituum motus, qui ab illâ impressione mentis disponuntur, & magno impetu cursum suum dirigunt versus eam cerebri partem, in quâ primum formata est, & in quantum ab eâ determinationem accipiunt, ad transeundum in musculos, qui interserviunt ad sensuum organa in eadem positione retinenda. Stupor autem si validius incumbat, & diutius infideat, ἐκστασις dicitur à Græcis, à Latinis excessus mentis. Hoc affecti immoti manent, ac rigent: absistit enim mens à suis functionibus spiritibus quasi stagnantibus & in intimos cerebri sinus receptis; adeo ut apertis oculis nil videant, auribus nil audiant, naribus nil olfacciant, imò transfixi nil sentiant, dicitur etiam à Græcis ἐκπληξις, quæ est θαυμασιότης ὑπερβάδου id est *admiratio modum excedens*. Intelligit autem Philosophus stuporem non quo prorsus sensus obri-

ge-

gescunt, sed hebetescunt, quippe profundis meditationibus multum diuque attentè inquirens in discrimen vigiliæ & somni, quod tamen detegere nequit; rapitur in summam admirationem percussus rei novitate, quod res adeò vulgares, & quotidie obvias Philosophiæ ope, etiam dum attentè considerat, penetrare nequeat, earumque naturas perspicere, adeò ut propter hanc suam ignorantiam penè in somni suspicionem incidat & semisomnis stupeat. Unde pergit:

*Age ergo somnietur.*] Vi igitur rationum, quibus sensuum patronos convicit, quod nempe dubium sit an somnient an vigilent, & ex sensuum hebetudine ac stupore, quem ex profundâ & diurnâ attentione & admiratione rei insolitæ contraxit, somniantes introducit personas, & porro inquit an non ex ipso somno certi quid & firmi per sensuum judicia pro rerum existentia erui possit. Hac autem procedit methodo, ut quidem ex suâ & patrocinantium sensibus personâ (quoniam ipse æquè ac illi sensationem veram per vigiliam ab imaginariâ per somnum factâ nondum distinguere valet, aut saltem distinguere nondum se posse fingit) primò concedat particularia forsitan illa, nempe nos oculos aperire, caput movere, manus extendere, vel etiam nos habere tales manus, vel tale totum corpus, posse esse falsa; adeò ut actiones forsitan nostræ quas hoc vel illo modo determinamus, & exercitia, quæ his vel illis membris ascribimus imaginaria & vana imò nulla esse possint, uti etiam dispositiones membrorum tum singulorum tum eorundem inter se compages & connexio, quam corpus constituere opinamur. Urget tamen deinde è contra membra illa recensita in generali, etsi non eo uti existimabamus modo, existere & in rerum naturâ dari, neque omninò ficta, aut imaginaria esse, uti oculi, manus, caput, totumque corpus; nam etsi somnia res uti revera in se sunt non exhiberent phantasie, phantasmata tamen ipsa per quietem occurrentia esse veluti pictas effigies & imagines res veras adumbrantes & exprimentes, quoniam nunquam illa

vel per somnum excogitari vel fingi potuissent, nisi res veræ alibi existerent, ad quarum similitudinem effinguntur. Nam sanè mens humana, sive dormiat sive vigilet homo, nunquam tantâ pollet virtute & excogitandi acumine, ut res omninò novas, quæ nunquam, ne ex parte quidem in rerum naturâ extiterint, effingere valeat, sed semper res visas aut auditas sibi repræsentat; alioquin enim creandi quâdam potentiâ polleret, quod affirmare ἀνθρώπων.

Hæc autem in antecessum dicta illustrat & declarat exemplo à pictoribus desumpto: *Nam sanè pictores ipsi, ne tum quidem, cum sirenas & satyriscos maxime inusitatis formis fingere student, naturas omni ex parte novæ iis possunt assignare, sed tantummodo diversorum animalium membra permiscent.* Nullis major fingendi licentia, quam pictoribus eorumque ductoribus & doctoribus poetis; nam *Pictoribus atque Poëtis Quidlibet audendi semper fuit aqua potestas.* Nulli quoque qui enixius huic studio incumbunt; hi tamen ipsi, licet diu multumque profundis cogitationibus aliquid omninò novum excogitare studeant, nunquam tamen valent: Nam licet Sirenas, Satyriscos, Hecaten, Gorgonas, Chimæras, Cerberos, Argos, Ægronas, Cyclopas, Empusas, Proteos aut alia id genus portentosa monstra inusitatis quidem formis expriment, non tamen naturas omninò novas effingere valent, sed tantum ex diversis animalibus mutuata permiscent & sibi invicem conjungunt membra. *Sirenes* enim canora illa monstra marina, poetarum fabulis celebratissima, superiori parte virgines, inferiori volucres finguntur. Ita Servius: *Sirenes secundum*

In  
Æneid. 5.

*fabulam tres, in parte virgines fuerunt, in parte volucres, Acheloi fluminis, & Calliopes Musæ filie. Harum una voce, altera tibiis, altera lyrà canebat. Et primò juxta Pelorum, post in Capreis insulâ habitârunt, &c. Secundum veritatem, inquit, meretrices fuerunt, quæ transeuntes, quoniam eos ducebant ad egestatem, hic fictæ sunt inferre naufragia.* Sirenes enim illecebrosas voluptates denotant, quæ blandis præstigiis irretiunt homines, atque evertunt.

Hinc



Hinc Socrates apud Stobaeum: Δεῖ ὡς περ Σειρήνας τοὺς ἰθὺς ἀπαγελαίνειν τὸν ἀνένδοτον ἢ ὁρπετῶν ἰδεῖν ὡς περ πατερίδα. Et pulcrè ad Res Cælestes μυθελογεῖ Nicol. Clemangius Epist. 1. In mari magno ac spatioso mundi hujus, cantu Sirenum dulcisono obdormiscimus. Hoc est, si quis metaphoram intelligit, dum rerum temporalium blandâ & fallaci suavitate nimium capimur atque illicimur, in iisque patria obliti, requiem requirimus: quasi in molli strato languido inertique otio torpescimus, & qui vigili ad patriam cursu tendere debueramus, dulciâque sirenum carmina, perniciose blandientia, surdâ velut aure vitare atque declinare, illi capti & consopiti, tum patriam fugimus, tum in periculum exitiale pertrahimur. Satyri live satyrisci ex superiori parte humanâ effigie, nisi quod in fronte cornuti, manibusque aduncis essent, ex alterâ capri exprimuntur. Unde & Cornuti ac Capripedes à Poëtis dicti. Hos non fictos, sed feros esse homines, qui revera in rerum naturâ dentur, quidam contendunt. Nituntur imprimis testimonio D. Hieronymi in vitâ Pauli Eremitæ scribentis, S. Antonium in quâdam saxosâ convalle incidisse in quendam baud grandem bomunculum, aduncis naribus, fronte cornibus asseratâ, cujus extrema pars corporis in caprarum pedes desinebat. Interrogatum, quis esset, respondisse: Mortalem esse, & unum ex accolis eremi, quos vario delusa errore gentilitas Faunos, Satyrosque & Incubos vocans colat; legatione fungi gregis sui, precarique, ut pro eo communem Dominum deprecetur, quem pro salute mundi venisse cognoverint, &c. Finitâ narratione subjungit Hieronymus: Hoc ne cuiquam ob incredulitatem scrupulum moveat, sub rege Constantino, universo mundo teste, defenditur. Nam Alexandriam istiusmodi homo vivus perductus, magnum populo spectaculum præbuit, & postea cadaver ex sanguine, ne calore æstatis dissiparetur, sale infuso, ut ab Imperatore videretur, allatum est. Hæc ille.

Cæterum rectè Calaubonus statuit, quidquid de satyris legimus, ex Poëtarum pictorumque fingendi licentiâ originem ducere; nihil hujus revera in rerum

Lib. 1.  
de Pœsi  
Satyrica  
cap. 2.

na-

naturâ existere: aut siquid visum hujusmodi fuerit vel illudentis Dæmonis phantasma, vel Naturæ lusum fuisse. Nam ut est procax Natura, potest quandoque hominem cornutum, forte & capripedem producere: sed totos greges & genus hujusmodi legitimum creare, de quo Antonianus ille Satyrus referebat, verisimile non est. Atque si dentur maximè, non voce humanâ tamen, sed belluinâ, ut ille à Sylla captus Satyrus, loquerentur, nec nostrum sermonem intelligerent, degentes perpetuò inter feras. Jam remoti ab omni consortio penitus & literarum disciplinâ, quam Dei, quam humanarum rerum habere possunt notitiam, ut sciant, quid Christiani credant ac sperent; quid erret, colatque Gentilitas? Profecto aut figmento inani deceptus Hieronymus fuit, temerè credens; aut spectro illus Antonius. Jam ille ad Constantinum allatus Satyrus, procul omni dubio monstrum fuit, in quo lusit natura. Plutarchus autem non affirmat, sed refert famam: *φαρι* enim ait, id est *dicunt*, vel *ferunt*: quo fere uti solent Historiarum conditores, cum de iis loquuntur, de quibus ipsi dubitant. Plutarchi autem narratio in Sylla sic se habet: *Revertente*, inquit, *Syllâ in Italiam contra Marium, dormientem Satyrum, qualem plastæ pictoresque adumbrant, captum, adductumque ad Ducem: tentatumque per interpretes varios edidisse vocem ex hinnitu agni balatuque hirci confusam*. Qui verò à Græcis Satyri, à Latinis Fauni dicti sunt. Hi igitur sive fuerint animalia, sive dæmones crediti à superstitiosâ gentilitate pro Diis culti fuere. Rationem figmenti exponit Comes: *Quoniam non nisi per novas & admirabiles, aut etiam formidandas figuras Deorum metu multitudo imperitorum teneri poterat, idcirco & cornua & cornei pedes, & terror ille Panos non dissimilis, Faunis additus est: quippe cum multa fuerint ad terrorem excogitata ab antiquis, ut qui ad cultum Deorum rationibus adduci non possent, rerum terribilium mirabilitate demum ad metum cultumque eorum impellerentur*. Paulò latius hæc deducta vides lector, ut palam faceremus Philosophum non sine ratione Sirenas & Satyri-

Lib. v.  
C. IX.

tyriscos Poëtarum & pictorum figmentis accensere. Infinitus talium est numerus è quibus pauca pro instituti & scopi ratione breviter adjicimus. *Harpyias* virgines fingunt volantes, urforum auribus, vulturum corpore, virginum facie, manibus uncis. De his Maro:

*Tristius haud illis monstrum, nec seivior ulla  
Pestis & ira Deum Stygiis sese extulit undis.  
Virginei volucrum vultus: sedissima ventris  
Proluvies: uncaque manus & pallida semper  
Ora fame.*

Æneid. 3.

Chimæram quoque pinxit antiquitas è leonis capite & pectore, draconis caudâ & capræ ventre conflatum monstrum, ore flammam eructans;

Hom.  
Iliad. 3.  
Hesiod.  
Theog.

Πρόθε λέων, ὅπισθεν δὲ δράκων, μέσση δὲ Χίμαιρα  
Δεινὸν ὅσοι πνέουσιν πύρος μὲν & αἰετμόοιο.

Id monstri genus & cætera ejusmodi in rerum natura dari rectè negat Lucretius:

Lib. 4.

*Qui fieri potuit, tripliei cum corpore ut una  
Prima leo, postrema draco, media ipsa Chimæra,  
Ore foras acrem flaret de corpore flammam?*

Est autem revera Chimæra mons Lyciæ ignivomus, in cuius cacumine leones habitant; in medio autem ubi, pascuis abundat, capræ; in radicibus autem serpentes. Interdum verò Poëtæ eorumque sequaces Pictores membra animalium ejusdem speciei in uno individuo multiplicant: *Cerberum* tricipitem, inferorum custodem faciunt; de quo Virg.

Æneid. 6.

*Cerberus hac ingens latratu regna trifauci  
Personat, adverso recubans immanis in antro.*

Sophocles in Trachiniis: *Τρίκερνον σκύλακα, ἀπείσμαχον πέγξ.* Hesiod. in Theog. quinquaginta illi attribuit capita:

\* Δεύτερον αὐτῆς ἐπικτεν ἀμήχανον ἢ φατειὸν  
Κέρκερον ὠμησὴν Ἰδεω κύνα χαλκιδόφωνον  
Πεντηκοντοκάρῳον, ἀναιδέα τε κρεττερόν τε.

Venusinus eum centum capitum fuisse vult:

— *Demittit atrus bellua centiceps aures.*

N

Un-

Unde sententiarum illa discrepantia alterius loci est inquirere. *Argum* centoculum fabulantur, unde πανόπμις Græcis, quod totis oculis scateret. Hinc Ovidius, fabularum architectus:

*Centum luminibus cinctum caput Argum habebat;  
Inque suis visibus capiebant iniquitatem,  
Cetera servabant, atque in statione manebant.*

Briareum seu Egæon centum manibus, quinquaginta capitibus, mole corporis omnes homines superantem,

*Æneid. x.* ignemque ex ore ejaculantem describit Maro:

*Ægaon qualis, centum cui brachia dicunt  
Centenasque manus, quinquaginta oribus ignem  
Pectoribus arsisse. Jovis cum fulmina contra  
Tot paribus streperet chlypeis, tot stringeret enses.*

Nonnunquam verò animalia mutilant, & membris truncant; Cyclopes enim unico oculo orbicularis figuræ in mediâ fronte, cetera corporibus vastos fabulantur. Fabulam inter alios Apollodorus brevibus refert. Μετὰ τὰς ἡαὐτῶ τεκνῶι Γῆ Κυκλωπες, Ἀρπίυ, Στερόπτιυ, Βρόντιυ, ὧν ἕκαστος ἔχον ἓνα ὀφθαλμὸν ὅπτι δ' μετώπῃ. De forma oculi eorum-

*Throgon.* que exinde nominis origine Ascræus.

Κυκλωπες δ' ὀνομῇ ἦσαν ἐπώνυμον, ἅντις ἄρσι σφέων  
Κυκλοπὴρς ὀφθαλμὸς εἷς ἐνέκειτο μετώπῳ

Empulam uno pede incedere comminiscuntur. Hesych. Ἐμπύσα φάσμα δαίμωνιῶδες ἐκ τῆς ἐπιεμπύμενον, ἢ ὡς ἴνες, ἐνὶ ποδὶ χρωόμενον. *Empusa spectrum Diabolicum ab Heccate immisum*, & ut ajunt quidam, uno pede utens. Quinimo fabulantur, ficta illa monstra se in varias formas transmutare; eam enim facultatem Thetidi, Periclimeno, Empusæ & Erisichthonis filix concessam fingunt; De Periclimeno Hesiodum consule. De Empusæ Epicharmus:

Ἐμπύσαι δένδρον, βῆς, ἔχοντα γένεαι,  
Λίθος τε, μυῖα ἔχοντα δ' ὡς ἑστία ἴς,  
Καὶ πάντ' ὁπίσσω λῆ' ἢ ἔσσω σὺμφέρει.

Sed præ cæteris formarum varietate mirabilis Proteus, de quo Poëtarum Triumviri; Homer.

ΑΛ.

Αἶψ' ἤτοι πρῶτα λέων γένετ' ἠυγένει<sup>Θ</sup>,  
 Αὐτὰρ ἐπειτα δράκων, καὶ παρδαλὶς, ἡ δὲ μέγας σὺς,  
 Γίνετο δ' ὕχρον ὕδαρ καὶ δένδρεον ὑψιπέτηλον.

Cujus sententiam sic expressit Virgilius:

*Fiet enim subito sus horridus, atraque tigris,  
 Squamosusque draco & fulvâ cervice leana  
 Aut acrem flammia sonitum dabit, atque ita vinclis  
 Excidet, aut in aquas tenues dilapsus abibit.*

Georg. 4

Ovidius Metamorphi. lib. 8.

*Nam modo te juvenem, modo te videre leonem:  
 Nunc violentus aper, nunc quem tetigisse timerent  
 Anguis eras: modò te faciebant cornua taurum:  
 Sape lapis poteras, arbor quoque sape videri:  
 Interdum faciem liquidarum imitatus aquarum  
 Flumen eras; interdum undis contrarius ignis.*

Fabulæ originem dedisse videtur gestamen Regum Aegyptiorum, cui regno & Proteus præfuit; illi enim referente Diodoro Siculo diademata sua vel leonis, vel arboris, vel draconis, vel arboris vel etiam ignis effigie incisa capite gestabant, tanquam principatus insignia. Luciano Proteus histrio aut saltator est, ejus hæc sunt verba: Δοκεῖ γάρ μοι ὁ πάλαι<sup>Θ</sup> μῦθ<sup>Θ</sup> καὶ Πρωτεῖα τὸν Αἰγυπτίων σπεῖν ἄλλο τε ἢ ἐρχομένῳ πῃ γένεσθαι λέγειν, μιμητικὸν ἀνθρώπων, καὶ πρὸς πάντα σχηματίζεσθαι, καὶ μεταβάλλεσθαι δυνάμειον, ὡς καὶ ὕδατ<sup>Θ</sup> ὑγρότατα μιμνέσθαι, καὶ πρὸς ὀξύτητα ἐν τῇ τ' κινήσει σφοδρότητι, καὶ λέοντ<sup>Θ</sup> ἀγριότητα, καὶ παρδαλεὺς θυμὸν, καὶ δένδρ δένημα, καὶ ὅλως ὅ, καὶ καὶ θελήσειεν. Quæ à nobis ita accipe translata. Antiqua mihi videtur hac esse fabula, indicans Proteum Aegyptium non alium nisi saltatorem fuisse, hominem mimum, & qui se in omnia transformare & convertere posset, adeo ut & ignis humiditatem & ignis ardorem motus celeritate imitaretur, ut & leonis feritatem & pardalis iram & arboris concussionem, & in universum quodcumque vellet. Cæterum exemplorum satis superque, plura qui desiderat, & horum prolixiorum explicationem mythologorum libros consulat; hæc allata nostro scopo sufficiunt,

Lib. 2.

ostendunt enim satis dilucide poëtas & pictores, etiam si monstra inusitatis formis effingere & adumbrare studeant non novas omni ex parte essentias sive naturas posse assignare, sed tantummodo vel diversorum animalium membra permiscere, vel ejusdem speciei animalium membra in uno individuo multiplicare, vel quædam abstrahere; vel denique varias essentias sive formas successivè quibusdam ex suis portentis tribuere; quicquid tamen moliuntur aut quacunque ingenii & mentis acie utuntur, non nisi imagines rerum verarum excogitare vel exprimere valent, ad quarum similitudinem finguntur. Atque hinc satis evinci videtur, ut supra dictum est, res illas sive archetypa illa, quorum imagines & ectypa sunt pictorum & poëtarum figmenta revera in rerum natura existere, & res quasdam generales dari. Sed regeter quispiam, pictores & poëtas non semper res veras & quæ actu in rerum naturâ dantur adumbrare, & effingere, sed sæpe etiam prorsus novas & nunquam visas; quæ nuspiam reperiantur & prorsus effectæ sunt, ut ex. gr. dum mortem fingunt & depingunt, ut scæminam fuscâ facie, pendens oris hiatu, alis nigris, veste stellatâ atrii coloris: ita Seneca:

*Mors atra avidos oris hiatus*

*Pandit, & omnes explicat alas.*

Et Horatius: *Et mors atra caput fuscis circumvolat alis:* & dum somnum describunt ut sororem Lethes & mortis, fulvis alis, blandâ facie, qui admirandam habitat civitatem, quam eleganter à Poëcis & à Luciano descriptam vide. Tibullus in secundo elegiarum alas & inopinatum ejus adventum expressit:

*Postque venit tacitus fulvis circumdatus alis*

*Somnus & incerto somni nigra pede.*

Cicero de Aut cum Epicuri Deos delineant, quos nugator ille *monogrammos* finxit, *sanguinem non sanguinem, corpus non corpus* habentes, in intermundiis suis, seu mavis in utopiâ habitantes. Respondet Philosophus; Esto pictores quædam omnino nova & nunquam visa effingere & pingere posse, ne-

Verar.  
Histor.  
Lib. 2.

Lib. 2.

necesse tamen est, ut in illis adumbrandis & delineandis veris utantur coloribus, ex quibus ista sua figmenta consilient, ita enim scribit: *Vel si forte aliquid excogitent adeò novum ut nihil omnino ei simile fueris visum, atque ita plane fictitium sit & falsum; certe tamen ad minimum veri colores esse debent, ex quibus illud componant.* Atque hinc igitur infert; licet illa modo dicta generalia, oculi, caput, manus, cæteraque membra & res reliquæ ejus naturæ actu in rerum natura non essent, sed solâ imaginatione effingantur, neutiquam tamen negari posse, quin res adhuc magis simplices & universales dentur, quæ sint, veluti colores illi veri pictorum, ex quibus in nostrâ cogitatione, rerum illarum ideæ & imagines effinguntur & depinguntur; quoniam enim omnis idea sive cogitandi modus suam non saltem causam efficientem, sed & exemplarem requirit, & nihilum nec causa efficiens nec exemplaris esse possit, necessàriò igitur sequitur quod secundum res veras à mente nostrâ effingi debeant, & proinde res illas etiam dari. Recenset autem illas res simplices & universales, ex quibus & secundum quas ideas, conceptus, formas & imagines rerum cogitando solemus efformare, quæ videntur negari non posse, quin dentur: *Cujus generis, inquit, sunt natura corporea in communi, ejusque extensio; item figura rerum extensarum, item quantitas, sive earundem magnitudo; & numerus: item locus in quo existant, tempusque per quod durent, & similia.* Primo loco ponit naturam corpoream in communi consideratam, utpote rem maximè universalem; hæc aliàs substantia corporea, corpus & materia generaliter sive absolute considerata, & ut vulgus loquitur, materia prima appellatur. Addit *ejus extensionem*, quoniam dum naturam corporis in genere spectati mente perpendimus, mox eandem ut extensionem concipimus, & ne minimum quidem quod extensione hæc sit prius, excogitare possumus, modo clârè & distinctè materiæ naturam cognoscamus: unde patet extensionem, utpote à corpore sive materiâ inseparabilem ejusque naturam constituentem rectè

immediatè naturæ corporeæ adjungi. Et hinc descendit ad cæteras res corporeas sive extensas & in certas classes sive species quidem distinctas, sed quas in genere itidem considerat, & in quibus ita consideratis certas quoad extremitates earum determinaciones id est *figuras* faciliè concipimus; quæ resultant ex definitâ extensione sive magnitudine, quæ alias quantitas continua seu *trina dimensio* appellatur. Unde natum illud: *Non datur penetratio dimensionum*, id est, unum corpus sive unum extensum non potest idem *spatium* occupare, quod occupat aliud extensum; cum extensum esse nihil aliud sit, quam habere partes extra partes. Et quoniam res extensæ singulæ suam habent determinatam naturam quâ à se invicem sejunctæ sunt, faciliè percipimus eas divisim à se considerari atque ita numerari posse, qui numerus *quantitas discreta* solet dici; levi item negotio agnoscimus illas res corporeas in aliquo *ubi* sive *loco* esse debere, quoniam id quod nusquam est, ne est quidem; hinc igitur suum locum seu spatium in quo sunt, requirunt: & siquidem sunt, quamdiu modò sunt, certam quoque existentia suæ durationem requirunt, quæ *duratio temporis* nomine venit; & quoniam eædem res certo ordine constitutæ sunt variam inter se dispositionem & *situm* habeant necesse est. Et cum situs ille variari potest & mutari, intelligimus *motum* quoque dari posse, qui nihil nisi mutatio situs est, quem corpora inter se habent; & pariter percipimus res illas posse permanere in eodem loco & situ id est *quiescere*. Ut insuper, alia rerum corporearum communissima attributa, quæ rebus intellectualitybus quoque conveniunt, considerantes, clarè percipimus unicuique rei suam propriam *essentiam* seu naturam competere, per quam res est, & est id quod est; item *existentiam* vel actualem, per quam revera est in rerum naturâ; vel possibilem, quâ aliquo tempore esse potest. Observamus itidem rem unamquamque esse *unam*, id est in se indivisam; *veram* id est debitam sibi habere essentiam, *bonam*, id est in se appetibilem: & si plures res inter se conferamus,



mus, alteram alterius esse *causam* vel *effectum*; res alias esse *subjecta*, alias *adjuncta*, alias sibi invicem *similes* alias *dissimiles*, & id genus alia.

Et quandoquidem hæc quæ de maximè simplicibus & universalibus disseruimus inconcussa videntur esse certitudinis; prorsus enim indubitatum videtur esse, quod natura corporea sit res aliqua, quippe cui tria hæc, in longum, latum & profundum extensum esse, tantâ evidentia inesse percipimus: pariter certissimum quoque esse videtur rebus extensis figuras, situs, motus & similes proprietates verissimè attribui; & quoniam has proprietates & attributa clare in rebus extensis percipimus, quâ ratione res extensas ipsas aliquid esse negari possit? Dato itaque res particulares & compositas, ut compagem membrorum, quam corpus appellamus nostrum, non dari, nec manus meas, pedes & similia membra; imò etiam res universales, ut manus, oculos, caput & cætera actu non existere, quoniam ex somni & vigiliæ difficili distinctione id dubium esse, supra probatum est; res tamen adhuc magis universales magisque simplices certissimè videntur existere earumque certissima esse scientia, ex dictis enim hanc format Philolophus conclusionem, inquit: *Quapropter ex his forsitan non male concludemus Physicam, Astronomiam, Medicinam, disciplinasque alias omnes, quæ à rerum compositarum consideratione dependent dubius quidem esse; hæ enim omnes disciplinæ circa res compositas & particulares versantur: Physicæ specialem intellige, circa corpora specialia, Astronomia circa stellas fixas & erraticas, Medicina circa corpus humanum in sanitate conservandum & eadem amissâ curandum, Jurisprudentia circa personas, res & actiones, ut justum & æquum observetur; Ethicæ circa mores probè dirigendos, & cæteræ quæ sunt hujus generis disciplinæ circa alia objecta particularia occupantur; & quoniam, ut vidimus, incertum est, an harum disciplinarum objecta existant nec ne, facile liquet dubium quoque esse an dictæ disciplinæ, quæ de illis objectis tractant aliquid veri, solidi & certi contin-*

tineant nec ne. Sed contra facilè perspicimus & cognoscimus cum Philosopho, *Arithmeticam, Geometriam, aliasque ejusmodi, quæ non nisi de simplicissimis & maximè generalibus rebus tractant, aliquid certi atque indubitati continere*: Res enim illas simplicissimas aliquid esse & non prorsus nihil jam ostensum, quoniam tot de illis proprietates & affectiones recensuimus, quæ in nihilo seu simpliciter non ente nullæ reperiuntur; & hinc sequitur idcirco eas etiam disciplinas, quæ circa res illas simplicissimas & maximè generales versantur, aliquid veri & certi includere, quales sunt Arithmetica & Geometria, quæ circa quantitates continuas & discretas in abstracto consideratas, ut ajunt, putà circa magnitudines, figuras & numeros versantur; quibus adde Physicam Generalem, quæ in genere de naturâ corporeâ ejusque extensione cæterisque attributis disserit; nec non primam Philosophiam, quæ universalissima Cognitionis humanæ Principia & attributa rerum maximè generalia contemplatur. Cæterum dicat aliquis! sed utrum res illæ simplicissimæ actu dentur in rerum natura nec ne controversum est. Nec id magnoperè curant dictæ disciplinæ, modo constet res illas non esse prorsus nihil, ut suprà evicimus; si enim aliquid sunt & non omnino nihil, aliquid quoque veritatis habent, aliquid certi & indubitati; id vult Philosophus, dum hæc verba interserit: *utrum ea sint in rerum naturâ nec ne parum curant*. Nam si res illæ actu existant, sive existere tantum possint, quoniam illa, quæ de eis cognoscuntur, clarè percipiuntur, indubitata & inconcussa sunt certitudinis & veritatis. Rursus quis objiciat! Sed incertum est an vigiles an dormias, & proinde cum forsàn dormis & somnias, omnia illa sunt vana quoque & nulla, aut saltem incerta, uti supra patuit de rebus particularibus. Imò obtendat quis cum Sexto Empirico omnium externorum subjectorum nuda saltem dari phantasmata, à sensibus sive externis sive internis excitata, cum interim res externæ nullæ existant neque ulla earum veritas vel certitudo sit, quoniam per somnum res imaginamur, quæ,

quæ, dum vigilamus, nullibi existunt, & contrà per vigiliam eas, quæ in somnis nullæ sunt. Audiamus Empirici ratiocinationem: *Ex somno autem aut vigiliâ, diverse fiunt, inquit, phantasiæ, quia quas phantasiæ in somnis concipimus, non easdem vigilantes; nec rursus quas vigilantes, easdem in somnis.* Itaque existentia earum sit non simpliciter, sed ad aliquid, ad somnum videlicet aut ad vigiliam. Merito igitur ea in somnis videmus quæ, dum vigilamus in existentia sunt quum alioqui per se nequaquam sint in existentia: existunt enim in somnis &c. Nullam itaque rerum putat esse existentiam, nisi in quantum ab imaginatione effinguntur; concludit enim ex hoc modo allato cæterisque, quæ loco citato adfert, argumentis assensum de naturâ sive essentiâ & existentia externorum subjectorum esse retinendum, inquit: *Itaque inferitur hoc etiam modo assensus resensio de naturâ externorum subjectorum.* Cæterum fallitur Scepticorum antesignanus, quod de rerum extra nos existentia ex solis phantasiis nostris iudicandum existimet, ut apertè dicit libro secundo capite septimo; adeò ut iuxta ipsum res propter phantasmata illa & quamdiu phantasmata illa durant quasi existere tantum opinaremur, cum tamen in se nullæ sint & nullius veritatis; & quod itidem pro phantasiarum varietate res ipsæ mutantur, & cessantibus phantasmatis res ipsæ existere desinant; sed falsa hæc sunt omnia; quoniam phantasmata nostra non ipsas res nec earum essentias efficiunt, utpote quæ à solo Deo pendent; sed illa à rebus ipsis dependent & desumuntur, si enim prorsus nullæ res essent materiales aut nunquam fuissent, nulla rerum phantasmata mente conciperemus. Deinde non omnes res earumque veritates per phantasiam à nobis cognoscuntur, sed multæ puro intellectu percipiuntur, quæ nunquam sub alia ratione, quam quales in se sunt, clarè & distinctè percipi possunt; unde satis quoque patet illas non ab intellectu, nec ab imaginatione dependere, sed habere suas immutabiles, æternas verasque naturas, quæ neutiquam variantur, aut falsæ sunt, sive dormiamus sive vigilemus, quales sunt res illæ universales

Pyrrhon.  
Hypot.  
Lib. 1.  
c. 14 §. 4.

fales & earum attributa ac veritates, quæ de illis dilucidè percipiuntur, ut quæ nulli prorsus dubitationi obnoxia sunt. *Nam sive vigilem sive dormiam*, ut inquit Philosophus, *Duo & tria simul juncta sunt quinque, quadratumque non plura habet latera quam quatuor*. Quicquid in longum, latum & profundum extensum est, corpus est. Omne quod debitam sibi essentiam & omnia ad eam requisita obtinet, id verum, bonum & perfectum est. Omnis effectus dependet ab aliquâ causâ: Quod factum est infectum fieri nequit, & similia. Et quoniam hæc axiomata adeò clarè & distinctè *intellectui* patent, ut nulla suspicio falsitatis in sanæ mentis hominem cadere possit, *fieri enim non posse videtur*, inquit Philosophus, *ut tam perspicua veritates in suspicionem falsitatis incurrant*. Hinc igitur omninò concludendum videtur dari aliquid veri & certi, si non ratione sensuum, nam de eo nihil adhuc constat, saltem ratione intellectus, utpote qui dictas veritates adeò perspicuè cognoscit; nec proinde omnia in dubium esse revocanda, licet quoque sensuum externorum & internorum fallacia nobis sæpe imponat & illudat.

Poterat jam Philosophus, nisi certitudinem vulgari sive morali firmiorem quævisisset, contentus fuisse, quod ostendisset aliquid certi & indubitati ratione intellectus dari & reperiri, & quod hæc ratione demonstrasset sanæ mentis hominibus non omnia in dubium esse revocanda, nihilque opus fuisset amplius addere ad certitudinem illam demonstrandam, quia vulgò res omnes eodem modo se habere judicamus in ordine ad ipsam veritatem, quo se habent in ordine ad nostram perceptionem. Sed quoniam certitudinem vulgari majorem, quam Metaphysicam & Mathematicam appellant, quæ talis est, ut ne quidem dubitatione maximè hyperbolicâ, quales à Scepticis solent proponi, labefactari possit, ulterius inquirat, anne apud Scepticos inveniri vel ab iisdem excogitari possint rationes quædam, quæ dictam intellectus certitudinem de veritate istarum rerum simplicissimarum & maximè universalium videantur reddere dubiam,

biam, præsertim cum natura, vis ac perfectio intellectus nondum penitus perspectæ sint. Circumspiciens itaque occurrit primum, ut cogitet de causâ efficiente omnium rerum, quas existere credimus. *Veruntamen, inquit, infixa quædam est mee menti vetus opinio Deum esse, qui potest omnia, & à quo talis, qualis existo sum creatus.* Appellat autem illam, quam de Deo in mente habet cognitionem, *opinionem* id est scientiam dubiam & infirmam, quoniam ordine Philosophandi legitimo nondum eò devenit, ut firmis rationibus Dei essentiam & existentiam demonstraverit, quod sit in Meditatione tertiâ. Appellat eandem *opinionem veterem menti infixam*, quoniam non tantum ex auditu & relatu aliorum Deum esse à teneris accepimus; sed etiam quoniam ab ineunte ætate menti inditam & ingentam habemus Dei aliquam notitiam, cujus tamen notitiæ certitudo, cum nondum satis clarè per sufficientem investigationem & considerationem perspecta sit, nec quam firmiter ex eadem Dei existentia concludatur & evincatur satis perspicue notum sit, rectè *opinio* nuncupatur. *Opinio* tamen illa repræsentat nobis Deum ut omnipotentem, qui omnia, solummodo producere potuerit, & etiamnum quidquid vult efficere valet, imò à quo ipsi, quales existimus, sumus creati. Concesso itaque opinionem illam de Deo omnipotente & nostri existentia esse veram; unde tamen constat voluntatem Dei accessisse ipsius potentia, ut omnia, etsi possit, actu efficere ipsi placuerit; non enim hoc mox sequitur Deum illum omnipotentem, etsi possit cælum, terram & universalia producere, mox eadem omnia actu etiam produxisse. Potuisset enim pro summâ libertate suâ (quoniam enim summè potens est, summè etiam liber est, quoniam propter valentissimum potentia suæ robur à nemine cogi potest) potuisset, inquam, nullum planè cælum, nullam terram, nullum solem, nullam lunam, imò nullam rem extensam condidisse; & tamen simul pro eadem suâ liberrimâ operandi potentia potuit permittere, ut in opinione nostrâ omnia antedicta videantur existere cum tamen nulla & nullibi sint. Id-

que tantò magis, quum conscii simus eam sæpe judiciorum nostrorum esse falsitatem, ut admodum perperam & falsò de rebus opinati fuerimus; cælum enim fornici instar cameratum, terram planæ figuræ, solem pedalis magnitudinis, lunam disci instar ab ineunte ætate imaginati fuimus; & unde constat etiamnum in maturâ ætate non idem evenire posse, ut, licet contrarium judicemus, reverâ tamen nulla existant corpora nec universalia nec particularia, nec eorum ullæ sint figuræ, motus, locus & similia; uti hæc est Scepticorum sententia, quam A. Gellius his verbis proponit:

- Lib. 11.** *Ac ne videre quoque planè quicquam, neque audire se putant: Sed ita pati afficique quasi videant vel audiant. Etque ipsa qua affectiones istas, qualia & cujusmodi sunt, cunctantur atque insistant: id est hæsitant & cunctantur respondere de hoc qualia sunt, sive hæsitant de responsione ad hoc, qualia sint, ἐπὶ τοῖς αἰσθητοῖς καὶ τοῖς ἀκούοις. Sive ut Aristocles de iuldem Cyrenaicis loquens Philosophis testatur; Καί μιν οἱ τὸ ἔλεγον καὶ πεινόμενοι γινώσκοντες ὅτι παύονται ἐν τῷ πόντῳ τὸ καὶ οὐκ εἶναι πῦρ, ἢ τὸ πῦρ οὐκ εἶναι, οὐκ ἔχον ἐπιστῆναι. Dicebant nempe, dum quidem urerentur & secarentur, agnoscere se aliquid pati, vel se ab aliquo affici: an autem esset ignis qui affectionem illam in ipsis efficeret dum urebantur, & ferrum quod item aliam efficeret dum secabantur se ignorare. Et porro quandoquidem judicamus alios homines interdum errare & falli circa res illas, quas se clarissimè perspicere & accuratissimè cognoscere firmissimè persuasum habent; nonne pari ratione contingere posset, ut & nos, ejuldem enim cum iis naturæ sumus, fallamur dum mathematicorum axiomatum veritatem & principia, quæ semper putavimus per se esse nota, aut si quæ sint aliæ res captu facillimæ, dilucidè nos percipere arbitramur. Et anne hinc concludi posse videtur ipsam mathematicam evidentiam nihil aliud esse, nisi constantem & quæ rê regi nequeat imposturam, cui nostra natura necessario & perpetuò est obnoxia; uti ex hypothese Scepticorum & Atheorum H. Morus annotavit, quorum argumenta heic conquiri, ut refutentur à Philosopho nostro jam aliquoties monuimus, ne quis*
- Lib. 1.**  
**cap. 2.**  
*contra Atheismum.*

quis hujus rei ignarus in sequiorem partem interpretetur, ac si Philosophus ex propriâ mente hæc proponeret & defenderet. Audiamus ipsum, in quem finem hæc collegerit argumenta, restantem: *Proposui*, inquit, *initio Meditationem mearum, ista omnia* (nempe an Deus sit negandus? an possit esse deceptor? an de omnibus sit dubitandum? an fides omnis sensibus sit abroganda? an somnus à vigiliâ unquam distingui possit, & similia) *tanquam dubia, quæ non à me primum fuerunt inventa, sed à Scepticis dudum decantata. Quid autem iniquius, quam tribuere alicui Scriptori opiniones, quas eo fine tantum refert, ut eas refutet?* Quoniam autem Philosophus Dei essentiam & existentiam, ex cujus ignorantia hæ objectiones proficiuntur, & ex cujus verâ cognitione tantum refutari possunt, nondum probè exploratam habet, aut potius se nondum habere fingit, hinc solidè hæc objecta argumenta refellere nequit; quantum tamen valet probare nititur non tantum errandi nobis incumbere periculum, uti perpendunt Sceptici, ut nimirum de demonstrationibus mathematicis & principiis per se notis dubitare necesse sit; ex naturâ enim Dei, licet nondum clarè perspectâ, in quantum tamen ex veteri opinione de illo probabiliter concluditur, ita argumentatur Philosophus: Esto Deum per omnipotentiam suam & liberrimam agendi potestatem posse permittere, ut intellectus noster etiam in rebus, quas putat se evidentissimè cognoscere, fallatur, adeò ut nullam rationem invictam pro indubitata rerum veritate eruere valeat, videtur tamen repugnare voluntati Divinæ, quâ summè bonus esse affirmatur, ut in tam ineluctabilem errorum abyssum nos incidere pateretur. Absit autem ut existimemus Deum quicquam facere per omnipotentiam, quod repugnet ipsius bonitati: hoc tamen videtur facere, si permittat, ut in omnibus semper & ubique fallamur; nam si in evidentissimis erremus, quâ ratione in obscuris non eadem, imò non major incumberet errandi necessitas? si in mediâ luce caligent oculi, quid in spissis tenebris eveniet? Cæterum respondet sibi ipse Philosophus, (quoniam ut diximus supponit & fin-

*In notis  
ad Pro-  
gramma  
Regii circa  
finem.*

git se nondum perspectam habere Dei naturam) se non videre quâ ratione repugnet Divinæ bonitati, ut semper fallamur, cum non repugnet eidem bonitati, ut nonnunquam fallamur; quod tamen posterius negari non posse videtur, quoniam in antecessum quoque vidimus, in quantos errores fallacia sensuum nos sæpe præcipientes egerit. Et licet propterea in superioribus existimaverimus res universales & de eis veritates certissimè ab intellectu cognosci, videtur tamen nos etiâ in his falli posse per divinam omnipotentiam, quæ errores illos nostros permittat, non repugnante suâ bonitate, quæ permittit ut interdum fallamur. Verba autem Philosophi, quæ continent superiores dubitandi rationes, quas paulò fultius in exegesi nostrâ exposuimus, ita se habent: *Unde autem scio illum non fecisse ut nulla planè sit terra, nullum cælum, nulla res extensa, nulla figura, nulla magnitudo, nullus locus, & tamen hac omnia non aliter quam nunc mihi videantur existere? Imo etiâ quemadmodum judico interdum alios errare circa ea quæ se perfectissimè scire arbitrantur, ita ego ut fallar, quoties duo & tria simul addo, vel numero quadrati latera, vel siquid aliud facilius fingi potest? At forte noluit Deus ita me decipi, dicitur enim summè bonus; sed si hoc ejus bonitati repugnaret, talem me creâsse ut semper fallar, ab eâdem etiâ videretur esse alienum permittere ut interdum fallar; quod ultimum tamen non potest dici. Philosophum autem ità in his procedere ut supponat se nondum Dei existentiam satis habere cognitam, (utpote quam demum ordine Philosophando Meditatione tertiâ rectè percipit) satis patet non tantum ex loquendi formulis ab ipso heic loci adhibitis; appellat enim cognitionem suam, quam de Deo habet, *Opinionem*; dubitandi particulis quoque utitur, inquiring: *forte noluit me Deus ita decipi; dicitur summè bonus; videtur esse alienum permittere, ut interdum fallar*: sed præcipuè liquet ex eo quod postea cum Dei naturam penitus perspexit, omninò affirmet & asseveret Deum non posse fallere; disertè enim circa finem Meditationis tertix: *Existit Deus nullis planè defectibus obnoxius: ex quibus satis**



tis patet illum fallacem esse non posse: omnem enim fraudem  
 & deceptionem à defectu aliquo pendere lumine naturali ma-  
 nifestum est. Et post circa initium Quartæ: Jamque videre  
 videor aliquam viam per quam ab istâ contemplatione veri  
 Dei, in quo nempe sunt omnes thesauri scientiarum & sapien-  
 tia reconditi, ad cæterarum rerum cognitionem deveniatur.  
 In primis enim agnosco fieri non posse, ut illo me unquam fal-  
 lat: in omni enim fallaciâ vel deceptione aliquid imperfectio-  
 nis reperitur; & quamvis posse fallere nonnullum videatur  
 esse acuminis vel potentia argumentum, procul dubio velle  
 fallere, vel malitiam vel imbecillitatem testatur. Et rursus  
 alibi. Cum Deus sit summum ens, non potest non etiam esse sum-  
 mum bonum, & verum, nec deceptor fingi potest. Cæterum pro  
 indubitata rerum mathematicarum principiorumque per se  
 notorum scientiâ, quam Philosophus heic cum Scepticis ad  
 tempus in dubium trahit, ut in posterum tanto validius  
 eandem stabiliat, adversus Philosophum quis contendat hoc  
 argumento; eandem dubitationem de rebus modo dictis  
 prorsus esse absurdam & sanæ rationi repugnantem, quoniam  
 omnia, quæ clarè & distinctè percipiuntur certissima sunt  
 & extra omnem dubitationis alcâ posita; tales autem sunt  
 mathematicæ demonstrationes cæteræque veritates & prin-  
 cipia per se nota; nullo itaque modo dubia: veritas enim  
 talis est, qualem ipsam clarè & distinctè intellectu percipi-  
 mus. Et fatetur omnino Philosophus & nos cum eo res om-  
 nes eodem modo se habere in ordine ad ipsam veritatem,  
 quo se habent in ordine ad nostram perceptionem; ideoque  
 quicquid clarè & distinctè percipimus verum esse. Sed quan-  
 diu auctor nostræ origini adhuc ignotus est, uti hic suppo-  
 nitur, & à Scepticis semper prætenditur, proclive suspi-  
 cari est eundem esse fallacem, & naturam nostram adeo fal-  
 lacem creâsse, aut saltem permittere ut tot tantisque errori-  
 bus obnoxia sit, ut etiam in evidentissimis & quæ clarissi-  
 mè & distinctissimè percepta esse credimus, erremus & fal-  
 lamur. Et hinc exurgit hyperbolica illa dubitatio, nos nun-  
 quam posse esse certos, sed semper hæcere dubios, an res  
 juxta

Resp. ad  
 secundas  
 Objec. nu-  
 mero 4.

juxta veritatem tales sint, quales ipsas percipimus; an verò secus se habeant; quam incertitudinem nobis suis argu-  
*Adversus* tiis persuadere conantur Sceptici. *Pyrrho*, inquit *Sextus*,  
*discipulus* contendit, ut ea res reddantur incertae, quae prius pro certis  
 Lib. I. ac manifestis à nobis acceptae fuerant; quae Scepticorum ve-  
 sania, quia natura nostra nec illius author adhuc satis co-  
 gnitus est, nondum refutari valet; sed in meditatione ter-  
 tia & sequentibus solidissime fallitatis convincitur. Sed præ-  
 terea deprehenduntur & alii, qui aliam & omnino impiam  
 insistant viam, ut sensuum suorum & intellectus certitudi-  
 ni patrocinentur; malunt enim prorsus negare Numen ta-  
 le summè potens dari, quod possit permittere, vel nos tali  
 naturâ condidisse, ut in omnibus & ubique fallamur; hoc  
 modo enim pergit Philosophus: *Essent verò fortassis non-*  
*nulli, qui tam potentem aliquem Deum mallent negare, quam*  
*res alias omnes credere esse incertas, sed iis non repugnemus,*  
*totumque hoc de Deo demus esse filitium: at seu fato, seu ca-*  
*su, seu continuatâ rerum serie, seu quovis alio modo me ad*  
*id quod sum pervenisse supponant, quoniam falli & errare im-*  
*perfectio quadam esse videtur, quo minus potentem originis*  
*meae authorem assignabunt, eo probabilius erit me tam imper-*  
*fectum esse ut semper fallar.* Dubitanter quidem loquitur,  
 an revera tales dentur, qui Deum negent, non quod illud  
 secum in dubium trahat, sed quia in primâ hâc Meditatio-  
 ne nihil ut certum ponit, & quia quantum potest contro-  
 versias declinat; ne in suâ methodo pergendi occasio sibi  
 furripiatur, aut methodus ipsa nimia *παραλόγως* obscurior  
 evadat. Portenta autem hæc opinionum revera foveant, qui  
 Deum prorsus negant, qui de eo seriò dubitant, qui  
 cum cum rebushumanis nihil commercii habere nec eas cu-  
 rare statuunt, qui res materiales spontè & fortuito ex ato-  
 mis vel ex chao vel ex aliquâ præcedente materiâ emeris-  
 se opinantur. Non pauca ejusmodi monstra hominum infatuata  
 fovit gentilitas, qui Deum dari negaverunt, vel an sit nec  
 ne dubitaverunt; utinam quoque non hodiè talia portenta  
 tellus sustineret! Ex antiquis autem non paucos detestan-  
 dâ

dâ atheismi hæresi fuisse dementatos Sextus inter cæteros author est: Deum non esse dicunt, scribit, qui appellati sunt *Adversus disciplinam* *Lib. 8.* *Ægei, & Diagoras Melius, & Prodicus Chius, & per-* multi alii. Ex quibus dicebat equidem Euhemerus, eos qui existimantur esse Dii fuisse aliquos potentes homines & ideò ab iis relatos in numerum Deorum, visos esse Deos. Prodicus autem id quod vita prodest, Deum esse existimatum, ut solem & lunam, & fluvios, & prata, & fructus, & quidquid est hujusmodi. Diagoras autem Melius, ut dicunt, primum Dithyrambicus, & si quis alius superstitiosus, qui etiam poësin suam hoc modo inchoavit: A damone & fortunâ fiunt omnia. Injuriam autem affectus ab aliquo qui pejeraverat, & propterea nihil passus fuerat, eo deductus est, ut diceret non esse Deum. Critias quoque ex iis unus, qui Tyrannidem Athenis exercuerunt, videtur esse ex ordine impiorum, dicens quod antiqui legislatores finxerunt Deum inspectorem rerum, quæ bene & male fiunt ab hominibus, ut nemo proximum suum clanculum injuriâ afficiat, cavens ne à Deo puniatur. Disertis autem verbis ita dicit: Fuit tempus quando erat hominum vita inordinata & belluina, & ministra virium, cum neque bonis esset ullum præmium, neque malis supplicium. Deinde mihi videntur homines leges tulisse, quæ pænas irrogarent, ut tyrannus esset Justitia, & ancillam haberet Contumeliam. Multabatur autem si quispiam peccaret. Deinde quoniam leges quidem ipsos eò adducebant ut palam scelera non admitterent; clanculum autem ea admittebant: tunc mihi videtur vir aliquis ingeniosus & prudens cognovisse, quod operæ pretium faceret, si inter mortales invenisset quemadmodum malis metus esset incutiendus etiamsi clam agerent, aut dicerent, aut cogitarent. Hinc Deum introduxit, nempe quod sit Deus minimè interitui obnoxia vicens vitâ, menteque audiens & aspiciens, cogitansque, & hæc attendens, & divinam gestans naturam. A quo auditur quidem quidquid dictum est inter homines: quidquid autem fit videre poterit. Si quis autem apud se tacitus aliquid cogitet mali, hoc Deos non

latebit; inest enim prudentia. Hæc autem dicens, induxit documentum longè jucundissimum, nempe falsâ oratione tegere veritatem. Semper autem hic dicebat Deos, ut maxime terreret, homines eò ducens; unde præcivit timores esse mortalibus, laboresque & afflictiones calamitosæ vitæ ex superno circuito, ubi vidit esse fulgura, & horrendos sonos tonitruï & stellatum cæli corpus, affabrè factum & varium opus sapientis artificis: unde candens procedit astri globus, humidusque in terram imber profiscitur. Ad hos timores reduxit homines, per quos verbis Dæmonem pulchrè & in decenti loco fecit habitare: iniquitatem extinxit legibus. Et cum pauca adjecit, subjunxit. Sic autem primum arbitror aliquem persuasisse mortalibus ut existimarent genus esse Dæmonum. *Cum his autem hominibus congruit etiam Theodorus Atheos, & ut nonnulli sentiunt, etiam Protagoras Abderitanus, cum ille quidem in opere quod inscripsit de Diis, quæ apud Græcos in Deos sunt relata varia consutaverit. Protagoras autem disertis verbis scripserit: De Diis autem neque an sint, neque quales sint possum dicere. Multa enim sunt quæ me prohibent. Quam ob causam cum eum capitis damnassent Athenienses, fugiens in mari periiit naufragio. Epicurus autem, ut nonnullis videtur, quoad vulgus quidem attinet, relinquit Deum; quod autem attinet ad rerum naturam, nequaquam. Non magis autem esse quam non esse Deos, per parem vim adversantium rationum dixerunt Sceptici. Ex hac autem relatione patet publicè olim quosdam & voce &*

*De Nat. scripto professos fuisse se esse atheos. De Diagorâ, Theodoro, Prodicò Chio, Euhemero & Protagorâ assentientem Sexto reperies Tullium, qui tamen in eo discrepat ab eodem, quod Protagoram ab Atheniensibus non capitis damnatum, sed urbe atque agro ipsorum exterminatum esse scribat, adjiciatque libros ipsius in concione esse combustos. Fuere igitur olim & hodiè sunt tales humani generis pestes & κατὰ φύσιν, adversus quos calamos strinxere & quorum vesanam temeritatem solidissimarum rationum pondere reprimere & refellere aggressi sunt viri eruditi, inter quos pri-*

mas

De Nat.  
Deorum  
lib. 1.

mas tenere R. Cartesium norunt illi, qui sapienti iudicio scripta ipsius pervolvere. Cæterum non tantum ausu pliusquam gigante Deum παντοκράτορα de solio suo deturbare conati fuere imbelles homunculi, sed eo dementiæ processite, ut seipsos Deos mentiti fuerint. Hujus jactantiæ fuisse legitur Empedocles, principem inter deliros Sophistas locum obtinens, egregiè enim cultus & caput coronâ redimitus civitates circumiens Deum se gessit, hæc canens.

Ὡς φίλοι οἱ μέγα ἄστυ καὶ ξανθὸν Ἀκράγαντον  
 Ναιετ' ἀν' ἀκρὸς πόλεως, ἀγαθῶν μελεδήμονες ἔργων,  
 Χαιρετ'. ἐγὼ δὲ ὑμῖν θεὸς ἄμβροτον, σὺν ἐπὶ θνητῶς  
 Πωλῦμαι μὲν πᾶσι τετίμμεν, ὥσπερ εἴοικε,  
 Ταυνίαις τε πλείεσσιν ἑσέσιν τε θαλείης,  
 Τοῖσιν ἅμ' ἐντ' ἀν' ἰκώμαι ἐς ἄστρα τηλεφύωνται,  
 Ἀνδράσιν ἡδὲ γυναιξὶ σεβίζομαι.

Καὶ πάλιν.

Ἀλλὰ πὶ τοῖς ὀπίκειμ' ὥστ' ἰμέγα χρεῖμά π' πρῶσων;  
 Ἐν θνητῶν πλείεμιν πολυφθορέων ἀνθρώπων.

Quæ cum minus aptè ab alijs metro translata reperirem, hunc in modum expressi:

O Socii, magnam flavas Acraganti ad undas  
 Urbem qui colitis, rebusque studetis honestis,  
 Salvete. Inter vos quoniam immortalis oberro,  
 Non mortalis; uti par est decoratus honore;  
 Et pulchris cinctus vittis roseisque corollis;  
 Quis ubi florescentes veniam redimitus ad urbes  
 Divino afficiet me mas & fœmina cultu.

Et rursus:

Sed quid in hisce moror, tanquam quid moliar ingens?  
 Nam genus humanum supero debile letho.

Vah impiam jactantiam! Sextus Empiricus quidem negat immortalitatem his versibus affectâsse Sophistam; dicit enim horum expositionem versuum Grammaticorum exegeli majorem esse, aded ut in his excutiant, ait enim: Ὁ μὲν γὰρ γεομαθικός, ἢ ὁ ἰδιώτης ἐπαλήφοντες κατ' ἀλαζονείαν καὶ πρὸς τοὺς ἄλλους ἀνθρώπους ὑπεροψίαν, ταῦτ' ἀπεφθέγγεται

τὸν φιλόσοφον. ἔπερ ἀπότομόν ἐστι ὃ καὶ μετελάνειξεν ἐν φιλοσοφίᾳ ἔχοντες, ἔχ' ὅπ' γε. ὃ πῶς τ' ἀνδρῆς. Οἱ δὲ ἀπὸ φυσικῆς ὁρμῆς μὴ ἡρώας, σιφῶς γινώσκων ἐπ' ἀρχαίων ἔλως τὸ δέγμα ἐστὶ, πῶς ὁμοίους πῶς ὁμοία γινώσκουσιν, ἔπερ ἀπὸ Πυθαγόρου δοκῶν καπληλυθῆναι, καὶ μὴ ἢ πῶς πλάτωνι ἐπ' αὐτῶν τιμῶν, ἐρετῶν δὲ πλὴν πῶς αὐτῶν ἐμπροσθεν ἐκείνων.

Γαίη μὴ γὰρ γαίαν ἐπὶ πᾶσι, ὕδασι δ' ὕδαρ,

Ἡέρα δ' ἠέρα διόν, αἶτ' ἐπὶ πῦρ αἰθέραν.

Σπερμῶν δὲ σπερμῶν, νεκρῶν δὲ γε νεκρῶν λυγρῶν.

Συνήσκει, ὅτι ὁ ἐμπροσθεν θεὸν ἑαυτὸν προσεγγίζοντες, ἐπεὶ μὴ καθαρὸν ἀπὸ κακίας τηρήσας τὸν νῦν, ἢ αἰετῆσι πῶς, τῶν ἐν αὐτῶν θεῶν τὸν ἐκτός κατέληφεν. id est: Grammaticus quidem, rudisque quispiam & imperitus hac Philosophum existimabit dicere per arrogantiam, aliorumque hominum despicentiam. Quod quidem alienum est ab eo qui vel mediocriter versatus est in Philosophiâ, tantum abest ut id cadat in tantum virum. Qui autem in contemplatione naturali profecit, manifestò novit antiquum esse dogma, *Similibus similia cognosci*, quod quidem descendisse videtur à Pythagorâ, sed & apud Platonem in Timæo habetur, dictum verò est longè antè ab ipso Empedocle;

*Terram nam terrâ, atque undam conspeximus undâ;*

*Æræ divinum nos æræ, vidimus igne*

*Clarum ignem; lise est lis, visus amore.*

*Est & amor.*

Intelliget, quod Empedocles seipsum appellavit Deum, quoniam cum solus mentem à vitio puram & imperturbatam, eo qui in se erat Deo, Deum qui erat extrinsecus comprehendit. Sed non his strophis mentibus veritatis gnaris illudet Scepticus. Quam puram & ab affectibus ambitionis & jactantiæ imperturbatam mentem gesserit Empedocles indicium faciunt ad fastum comparata illa ornamenta: ἔτι δ' ὁ ἐμπροσθεν ἑμῶν ἔχων ἐπὶ τῇ κεφαλῇ χρυσόν, ἢ ἀμύκλας ἐν πῶς ποσὶ χαλκῶς, ἢ σῆματα δελφικὰ ἐν ταῖς χερσίν, ἐπὶ τῶς πῶς δὲ αὐτῶν κατὰ χεῖρας, ὡς πῶς θεῶν, βαλὼν. Hæc ex antiquo autore Suidas. Coronam ex auro

in

in capite, & æneos in pedibus calceos, fertaque in manibus Delphica stultissimæ jactantiæ non esse argumenta nemo Pyrrhonius perluaferit. Dirum quoque mortis genus infamam jactabundi hominis mentem prodit. In Ætnæos enim crateres, ut à multis traditum est, aliis licet reclamantibus, vivus clam insiliisse perhibetur, ne humano more mortuus & tumulatus divinitatem suam meritò suspectam redderet dementatis gentibus. Ridet fatuitatem hominis Tatianus: Ἐμπεδοκλῆς ὃ τὸ ἀλαζονικὸν αἰ κτ' ἢ Σικελίαν ὃ πρὸς ἀναφυσήσεως ἀπέδειξαν, ἐπ' μὴ θεὸς ὢν, τῷδ' ἐπερ' ἔλεγε εἶναι, κατεψεύδετο. *Empedoclis arrogantiam ignis in Siciliâ crateres demonstrant, quoniam cum Deus non esset, hoc quod se esse dicebat, mendaciter finxit.* Et cum eo Horatius:

*Deus immortalis haberi*

*Dum cupit Empedocles ardentem frigidus Ætnam  
Insiluit.*

Ætnæas autem flammæ hausto Empedoclis corpore soleas ipsius areas revolvuisse & indicium immanis istius saltus fecisse, seu verè seu fictè Gregorius Nazianzenus cecinit:

Ἐμπεδοκλῆς σὲ μὴ αὐτὴν ἐτῶσινα φυσιῶντα,  
καὶ βροτὸν Ἀετναίῳ πρὸς κρητῆρες ἐδείξαν,  
Σάνδαλ' ἀπεβρόχοντες ἰλαφρένοιο θεοῖο  
Χάλκεα, καὶ σὲ βροτοῖσιν ἐπικράα πᾶσιν ἔθηκαν,  
Κύδε' ἱμεῖσαντε δι' ἄλματ' αἰνομορφεῖο.

Cujus mentem mula nostra hoc modo imitata est:

*Ficta tuæ Empedocles prodit mendacia lingua,  
Et probat Ætnæi mortalem flamma camini  
Area cum falsi vomeres sandalia Divi;  
Hinc, diro expeteres cum laudis nomina saltu,  
Turpe tuum toto se sparsit dedecus orbe.*

Sunt quidem alii, inter quos Aristoteles, qui cum ambitu eis hostem fuisse scribunt. De Aristotele minus miror, *Ælian.* quippe ipse & vestibus & calcamentis luxuriosus utebatur, *Var. Hist.* & tonsurâ annulisque ferendis se exornabat; ne igitur & ipse *Lib. 3.* eo arrogantia & ambitionis meritò reus ageretur, *Empe-cap. 19.* doclem ornatu splendido superbientem à vitis modo dictis

liberum fuisse scripsit. Xanthus autem ipsam dignitatem oblatam ab eo spretam esse refert. *Verum*, ut rectè observat Cl. Barthius, *in hoc genere relationum super Philosophorum viis rebusque, summa semper fuit nugorum inconstantia ut vel ex hujus Sophistæ (Xanthi) apud Laërtium collectaneis videre potes. De saltu quidem in Crateras, immortalitatis ambitione, mirum facinus hominis, (de Empedocle loquitur) veritatem nescientis, cum superiori seculo auri indagandi gratiâ monti flammivomo immersus tradatur in India monachus quidam, igne diro cavo expulsus interemptusque.*

Et hi quidem vesani & furiosi homines & alii id genus *αἰσες ἑτιδανοὶ καὶ παντὶς νόμου* negant dari Deum aded potentem, qui permittere vel efficere posset, ut menti & sensibus obverlerentur species earum rerum, quæ nusquam sunt, quibus tanquam falsis imaginibus continuò eluderentur, malunt enim Deum ejurare, quam ut intellectui vel sensibus suis quidquam derogent; cæcâ enim *φιλαντίας* occæcati, pluris se suosque sensus faciunt, quam ipsum Deum: sensibus suis quotidie utuntur; his mediantibus fruuntur iis, quæ ad vitam sustentandam sunt necessaria; per hos voluptatis & deliciarum commodis afficiuntur, atque ita rerum visibilibus dulcedine perfunduntur. Solis cæterorumque syderum gratam lucem oculis suis usurpant; auribus harmoniam musices captant; linguâ gratos sapores degustant; manibus titillationem percipiunt; naribus odorum fragrantiam hauriunt; mente denique suâ omnis generis voluptates terrenas cogitant & contemplantur; Deum nunquam vident, an aliquid boni in ipsos unquam contulerit, nunquam experti sunt; quare igitur hoc quod sciunt; rejicerent ut incertum & dubium; quod autem nescirent id amplecterentur, & esse affirmarent. Hæc enim & similia impia ipsorum sunt ratiocinia. Epicurus sanè infallibilem prorsus sensibus veritatem attribuit, aded ut juxta ipsum, ipsi *ἡμετέρας* veritatis sint nulli errori obnoxia, sed tantæ certitudinis ut à nullo fallaciæ argui possint, disertè enim ait;

*Omneis*



*Omneis sensus esse veri nuncios, nihil horum; sive ut Laërtius, De Nat. affirmat, κεντημα τ' ἀληθείας εἶναι τὰς αἰσθήσεις, ἐδ' ἐστὶ τὸ* *Deorum,*  
*δυναμὸν αὐτὰς διελέγχει. Imò πᾶς λόγος ἀπὸ τῶν αἰσθησέων* *Lib. I.*  
*ἢ τιτται, ἢ γὰρ αἱ ὀπίνοιαί πᾶσαι ἀπὸ τῶν αἰσθησέων γίνονται.* *In Epicuri*  
*vita.*

*Omnis ratio omnesque cogitationes à sensibus fiunt. A Deo autem, quem re tollit, oratione relinquit, ut Posidonius ait, sensus fallaces inditos esse, nullus ipsi metus est; Deos enim nihil curare, nihil agere, nihil negotii habere existimat; unde nulla ratione contingere potest, ut per omni-* *Tullius*  
*potentiam Divinam falsis speciebus & imaginibus sensus elu-* *loc. citat.*  
*dantur. Grandia quoque jactabat Empedocles, potentiam-*  
*que sibi & scientiam, hominum captum & vires longè ex-*  
*cédentes, arrogabat; hæc proferens:*

Φάρμακα δ' ὅσα γερᾶσι κακῶν, καὶ γήρας ἄλκαρ,  
 Πένυς· ἐπεὶ μέν μοι ἐγὼ κοινέω τὰδε πάντα.  
 Πάνυσι δ' ἀκαμαίων ἀνέμων μέν, οἷτ' ἐπὶ γῆαν  
 ὀρυόμενοι πνοαῖσι καταφθινύουσιν ἀρνεον.  
 Καὶ πάλιν ἢ κ' ἐθέλωσα, παλὶν ἵνα πνέματ' ἐπάξῃς.  
 Εἴσεις δ' ἐξ ὁμοῖοι κελαινὴν κείρου ἀνυμῶν  
 Ἀνθρώποις, θήσεις δὲ καὶ ἐξ ἀνυχμῶν θερμαῖς  
 Ρεύματα δένδρεο θρεπῶ, τὰδ' ἐν θέρει αἰήσαντα.  
 Ἄξεις δ' ἐξ ἀΐδαο κατὰφθιμένα μέν, ἀνδρός.

Quæ, quoniam transferendi tempus non suppetit, ut translata invenio, describo:

*Pharmaca quæis pellis morbos, relevesque senectam,*  
*Percipies, quæ cuncta tibi communico soli.*  
*Compescosque iruces ventorum rite procellas,*  
*Exorti insanæ qui vastant flatibus agros:*  
*Rursus (si libeat) mox flumina pigra ciebis,*  
*Et mediâ induces è tempestate serenum;*  
*Induces mediâ pluvias æstate salubres,*  
*Et fatus siccâ qui perflect omnia mense:*  
*Extinctumque hominem nigro revocabis ab orco.*

Dilucidè ex his paucis speciminibus patet, profanos & vesanos hos homines maluisse negare dari Deum adeò potentem, à quo creata sint omnia, & à quo ipsi tales, qual-

les existunt, facti sunt; quam ut sensuum certitudinem rejicerent & res omnes incertas esse crederent. Hi autem è diametro contrariantur iis, de quibus mox dictum est, qui per omnipotentiam Divinam sensus suos continuo falsis imaginibus ludi timebant, & qui propter judiciorum suorum, quam sapius experti sunt, fallaciam, & propter aliorum errores, quos circa res perceptu facillimas & per se notas illos commisisse deprehenderunt, in omnibus suspicionem falsi esse, neque hominem unquam de veritate alicujus planè certum esse, contendebant.

Sed quid his impiis reponendum est? quibus hos Atheos rationibus convincemus? Detestanda omninò est ipsorum opinio & opinioni de Deo humanis mentibus ab ipso ortu inculptæ directè repugnat; vetus enim illa opinio dictat Deum esse à quo omnia sunt, & à quo ipsi nos tales, quales existimus, creati sumus: sed tamen, quoniam hæc, licet vetus, opinio nondum rationibus satis validis à nobis confirmata est, ut firma evaserit scientia, & quoniam in præsens nihil affirmare animus est, nisi quod solidis rationibus demonstratum est, demus & largiamur ad tempus his hominibus, id quod iniquè putant, nempe Deum non esse; attamen in eum tantummodo finem, ut eos in posterum tantò validius convincamus & refellamus, quando ordine philosophandi, nempe in Medit. 3. eò pervenimus, ut illud juxta methodum institutam opportunè facere valeamus; interim illi tam diu fruantur suis, licet falsis & impiis opinionibus; hoc intendit Philosophus his verbis: *sed iis non repugnemus, totumque hoc de Deo demus esse fictitium.* Neutiquam enim cum impiis his facit atheis Philosophus, ut assensum illis præbeat, sed per συγκατάθεσιν quandam eorum sententiam admittit, donec commodior eos refellendi occasio se obtulerit. Nec illud Atheismum sapit, nec seriam & Scepticam de Deo dubitationem involvit, ut criminantur antagonistæ: illud enim licet licitumque semper fuit, ut in Disputatione cum eo qui à nobis dissentit, ita nos geramus ac si veritas adhuc ignota, à nobis unà cum dissen-

tiente

tiente quæreretur, cum tamen de illâ in antecessum dudum  
 quam certissimè & plenissimè persuasi fuimus, in quâ re  
 nec cognitio, nec fides ullum detrimentum patiuntur; sed  
 præfracta alioquin adversarii mens ad veritatem facilius ad-  
 mittendam inclinatur, cum hâc ratione à præjudiciis illis,  
 quod nempe veritas, quæ talis ipsi nondum apparet, ex  
 anticipatâ tantum opinione & affectu quodam propugnetur,  
 liberatur, atque ita melius erga veritatem affecta red-  
 dicitur. Audiant adversarii antesignanum propriæ suæ turbæ  
 hæc disertè profitentem, ut ineptè & pueriliter oggannire  
 desistant: *Vir pius, inquit, & Orthodoxus si congregia-* Maresius  
de Abusu  
Philos.  
Cartes. art.  
21.  
*tur cum aliquo dissentiente, & eum invitet ad placi-*  
*dam disputationem, in quâ agat uterque cum Augustino, ut*  
*veritatem querens, non ut quâdam jam repererit, non ideo*  
*tamen quidquam remittat, quod ad se, de ἀνυποφωσία sua*  
*fidei, sed tantum per quandam συγκατάθεσιν sic se habeat,*  
*quoad actum ipsum disputationis ac si veritatem cum alio*  
*quereret.* Nulla igitur in dictâ concessione Philosophi Chri-  
 stianismi abdicatio, nulla de Deo dubitatio.

Cæterum concessio jam ad tempus his hominibus, Deum  
 non esse, à quo creati sunt, an propterea evincunt, quod  
 volunt, nempe se ab erroribus immunes esse & res omnes  
 præcisè se eo, quo existimant inodo, habere? Neuti-  
 quam: sed tantò major, imò perpetua erit errandi suspici-  
 cio, ità enim procedit Philosophus: *At seu fato, seu ca-*  
*su, seu continuatâ rerum serie, seu alio quovis modo me ad id*  
*quod sum pervenisse supponant, quo minus potentem originis*  
*meæ authorem assignabunt, tanto verisimilius erit me semper*  
*errare.* Homines illi, qui negant Deum adeò potentem,  
 à quo essemus creati sive ex nihilo producti, in diversas a-  
 beunt sententias, quorum tres capitales disertè exprimit phi-  
 losophus; alii enim fato, alii casu, alii continuatâ rerum serie  
 se existere statuunt. Videamus primò paulò explicatius,  
 quantum scopo nostro satis est, singulorum opiniones, &  
 deinde, an ex eis, ea, quam jactant, intellectus & sen-  
 suum certitudo sequatur, perpendamus.

Q

Fatum

Fatum est triplex Stoicum five Philolophicum, Astro-  
logicum five Mathematicum & Theologicum. Stoicum è  
Senecâ definimus; *Causarum ab eternitate fluentium nexum  
& immutabilem ordinem, cujus lege certâ & in eter-  
num dictâ omnia decurrant.* Audi & Chrysippum seriâ de-  
finitione apud A. Gellium, scû, ut alii malunt, Agellium  
explicantem, *Εἰμαρμένῳ εἶναι, φυσικῇ συντάξει τῶν ὄλων,  
ἐξ αἰδῆς, τῶν ἐτέροις ἐπακολουθόντων, ἀμεταβόλῃ καὶ ἀπαρ-  
εἰστῇ ὅσῃ τ' οὐρανῷ συμπλοκῇ*: *Fatum esse, naturalem  
compositionem universorum, ab eterno mutuo sese consequen-  
tium, immutabili & inviolabili hâc complicatione.* Illa au-  
tem series & connexio ita immutabilis statuitur ab illis, ut  
non tantum homines, sed & ipsum Deum durâ necessita-  
te liget. Τὼ πεπωμένῳ μίεξιν ἀδύνατά ἐστι δοπεφυγῆεν καὶ  
Θεῷ. *Destinatum sortem nec Deo fas effugere.* Durius adhuc:  
Δῶλοι βασιλέων εἰσὶν, οἱ βασιλεῖς Θεῶν,  
'Ο Θεὸς ἀνάγκης.  
*Sunt regibus servi, rex servus est Deo,  
Deus Necessitati.*

Phile-  
mon.

Audiamus & Senecam: *Omnia certâ & in æternum dictâ  
lege decurrunt. Fata nos ducunt, & quantum cuique re-  
sistat, prima nascentium hora disposuit. Causa pendet ex cau-  
sâ, privata ac publica longus ordo rerum trahit &c. Ea-  
dem necessitas & Deos alligat: irrevocabilis Divina pari-  
ter atque humana cursus vehit. Ille ipse omnium conditor  
ac rector scripsit sed sequitur: semper parer; semel iussit.  
Quare Deus tam iniquus in distributione fati fuit, ut bonis viris  
paupertatem, vulnera ac acerba funera ascriberet? Non  
potest artifex mutare materiam, hac pars a est. Quadam à qui-  
busdam separari non possunt, coherenti, individua sunt.* Agnosce  
Lector in hoc discursu contrariantem tanx rationi & Theo-  
logix philosophiam; Duo principia inducit Deum & Mate-  
riam. Materiam sine ortu & æternam, quam non Deus, sed è  
quâ condidit. Sana ratio unum principium æternum dicat, &  
in genesi rerum primâ apud Moſen nulla materia priori ele-  
mentis, quæ ipsa à Deo producta & creata sunt è nihilo.

Sta-

Statuunt præterea Stoici in hujus materiæ vi contineri evenientium originem, quorum seriem Conditor necit pro conditione materiæ: & quoniam materia illa æterna & in se mala est, nec ejus naturam, ut ajunt, artifex mutare valet, hinc imperfectior & malitia in rebus & hominibus, quam Deus nec impedire nec emendare potuit; sed res in tantum bonas, quantum materiæ natura concessit, formavit. Ne autem videamur nimis rigidi Fati Stoici censores, ascribamus ipsius Lipsii verba, summi sectæ Stoicæ patroni & vindicis, philosophos illos hæc in parte graviter hallucinatos esse non obscurè fatentis: *Sed heus Chrysippe*, (hujus verba citaverat,) *si à naturâ hæc constitutio & deversum (ad malum:) Deum à malo qui excusas? quomodo non ille Natura author, atque ipsa Natura, malum malosque genuit, si tales fecit? Hoc caput est, & arx, ut sic dicam, causæ, nunc adeunda & occupanda. Ajo, Stoicos Mali principium non in Deo, sed in Materiâ (quæ tamen Deo, ut ipsi aliique voluerunt, ævo æqualis, & æterna) in Materiâ, inquam, constituisse. Itaque cum Deus homines aliaque faceret, omnia bona & in bonum finxisse: sed repugnantem aliquam vim & malitiosam in illâ fuisse atque esse, qua aliò traheret: atque hinc Interna, atque etiam Externa mala extitisse. Valde notabile & vetus dogma inter religionis etiam nostræ procures decertatum. De Stoicis, Seneca apertè dixerit: Utrum Deus quod vult efficiat an in multis rebus illum tractanda destituant: & à magno artifice Formentur prava multa, non quia cessat ars, sed quia id in quo exercetur (Materia) inobsequens arti est. Nota, Materiam inobsequentem, & ab eâ prava esse. Plato sæpe hæc tangit, & huc transit: ut cum dicit Materiam, aut in eâ *ἡνυχλὴν, ἀτακτον καὶ κακοποιόν*: Animam, incompositam & mali auctorem, sive maleficam. Iterumque: *ἐναντίαν καὶ ἀντίπαλον τῇ ἀγαθῇ φύσει*: adversariam & rebellem Beneficæ Naturæ, id est, Deo. Animam sive vim in Materiâ dicit: neque enim ipsam per se vult malam, sed latens in eâ aliquid, quod in generatione se exseris & promit.*

Physiolog.  
Lib. 1.

I. Quest.  
Natur. in  
Præf.

- mit. Non abiit ab hoc sensu etiam Trismegistus. Ἄντ' τῶ  
 Cap. XIV. πῦρ ἐν ἑδὲν κακόν, ἐδ' αἰσχρόν, νομιζόμενον. Ταῦτα γὰρ εἰσι τὰ  
 πᾶσι τὰ τῇ γενέσει παρεπιμύθια, ὡς περ ἰὸς τῶ χαλκῷ, καὶ ὁ  
 ῥυτίς τῷ σώματι. Ipsi factori Deo nullum malum aut tur-  
 pe adsignandum. Nam ha sunt affectiones generationis af-  
 fecta, sicut arugo aris, sordes corporis. Paria Tyrius e-  
 tiam Maximus, inter Platonicos, Sermonē huic argumen-  
 to. Verba hac pauca eius habet: Καθ' ὅπερ ἐν ἐν ταῖς τῶν τε-  
 χνῶν χειρουργαῖς, τὰ μὲν ἡ τεχνὴ προηγουμένως δεῖν, τεχάζο-  
 μῆν δ' ἔπειτα, τὰ δὲ ἔπεται τῇ χειρουργίᾳ, ἡ τεχνὴς ἐργα,  
 αἰδ' ὕλης πᾶσι, σπινθήρες τε ἐξ αἰθέρος καὶ ἐκ βόλυντος αἰθέ-  
 ρος, καὶ αἰδ' ἐξ αἰθέρος πᾶσι, ἀναγκαῖον μὲν τῇ ἐργασίᾳ,  
 ἡ προηγουμένη δὲ τῷ τεχνίτῃ. ὥτως αἰμελεῖ ἡ ὅσα περὶ γλυ-  
 πᾶσι γίνεται, ὡς καλεῖται κακῶν ἀνθρώπων ἐμβολὰς, ἐνταῦθα  
 ἐργαῖον ἡ ἀνακλινόν ἡ τ' ἐργον, εἶναι δὲ ταῦτα τῶν ὅλων ὡς περ  
 πᾶσι ἐπιμύθιας ἡ ἀναγκαῖας φύσεως. Sicut in opificio manua-  
 lium aliud ipsa ars ex professo facit, intendens operis sui fi-  
 nem; alia consequuntur opificium; non artis opera, non artis  
 affectus; (ut scintilla ex incude resiliens, ut fuligo è for-  
 nace & aliud ex alia materia) qua necessariò adherent ope-  
 ra, nec tamen artificis proposito: tale nimirum in his quæ  
 circa terram eveniunt, quæque incurfus humanorum malorum  
 vocamus. In quibus innoxiam & inculpata[m] artem censend-  
 um, sed esse hæc Fabrica totius Universi velut necessaria  
 quasdam & consequentes naturas. Qua ad Externa etiam  
 De Provid. aut Naturalia mala ex mente ejus ducas: sicut & Seneca  
 cap. V. ista. Quare tamen Deus tam iniquus in distributione Fati  
 fuit, ut bonis viris paupertatem, vulnera, & acerba fu-  
 nera adscriberet. Non potest Artifex mutare Materiam; hæc  
 passa est. Itaque, ut addit, languida & ignava ingenia in-  
 erisbus necluntur elementis, ut efficiatur vir cum curâ di-  
 cendus, fortiore facto opus est. Neque abnuat in principiis  
 fati, aliquid esse, id est in naturâ ipsâ singularum rerum,  
 quod huc aut illuc ducat: sed si in malum, à Materie sic  
 affectâ. Observa ex dictis, Stoicorum & ante eos, ut Lip-  
 sius vult, Platonis & Platoniorum à vero aberrantes de  
 Fato

Fato & Conditione naturæ nostræ opiniones; docent enim fatum id est causarum se mutuo consequentium nexum à Deo scriptum constitutumque esse, sed pro naturâ Materiali, quæ æterna & mala est: quam pravitatem Deus immutare non potuit; sed coactus fuit, ut res, quas condidit, quadantenus malas & vitiis quibusdam obnoxias produceret. Duo enim juxta ipsos, ut vidimus, sunt Principia coæterna, Deus & Materia; Deus boni, Materia mali causa est. Et hinc Deus non absolutæ, sed limitatæ potentiz ab ipsis constituitur; Materiam enim immutare non potuisse, nec pro liberrimâ voluntatis suæ efficientiâ res, quales vellet, produxisse, sed pro conditione materiæ materialis effinxisse: neque easdem res creatas pro arbitrio suo regere & gubernare, sed causas & eventus rerum se mutuo & necessario nexu consequentes juxta leges, quas semel pro conditione materiæ scripsit, & quas immutare nequit, sed sequi cogitur, tantum spectare; atque ita à materiâ quoad potentiam modumque operandi in primo rerum conditu dependisse, & jam postquam fata scripsit eventorum in æternum decurrentium otiosum ad sidere spectatorem, impie statuunt. Hi itaque homines adeo impotentem originis nostræ authorem assignantes, à falsâ causâ fontem mali accessentes, atque illud ab ipso conditu à materiæ pravitæ naturæ nostræ, velut rubiginem æri & sordes corpori, insitum esse asserentes; nonne aperte docent nos naturæ adeo imperfectæ esse conditos ut inevitabilis errandi incumbat necessitas, imò ut in omnibus necessario sit erroris & falsi suspicio.

Præter Stoicos etiam alii sunt, qui Fatum à stellis derivant, putantes ordinem quendam cohærentium causarum à sideribus necti, à quibus omnia durâ necessitate regantur, ita ut quicquid positio sive constitutio siderum portendat, ut ajunt, inevitabiliter eorundem efficaciâ eveniat. Ex iis autem qui tale Fatum statuunt, alii illud à Dei voluntate eximunt, ita ut ab astris tanquam causis solitariis omnia fiant & gubernentur: hi manifestò impii omnem religionem evertunt, idque agunt, ut nullus omnino colatur &

rogetur Deus. Alii Divinæ voluntati illud subjiciunt quidem, sed ita tamen ut proximè ab astrorum influxu res omnes actionesque humanas dependere statuant, ab eorum enim influentiâ & constitutione durâ necessitate omnia regi & effici statuunt abominando errore. Nervosè hos Fati Astrologici fabros refutat insignis Philosophus Nemesius, quem suâ linguâ eruditè differentem audiamus: Οἱ τῇ περὶ φορᾷ τῶν ἀστρῶν ἢ αἰλίαν τῶν γινομένων πάντων ἐπιγεσφόντες, ἢ μόνον ταῖς κοιναῖς ἐννοαῖς σκοποῦσιν, ἀλλὰ ἢ πᾶσαν πολιτείαν ἀχρηστὴν σκοποῦσιν. ἄποτι μὲν γὰρ οἱ νόμοι· περὶ τὰ δὲ δικαστήρια καλᾷ τὴν ἐναντίαν· περὶ τοὺς δὲ οἱ ψόγοι ἢ οἱ ἐπαινοὶ ἀνὸνται ἢ ἢ αἰεὶ ἐνχαὶ πάντων κατ' ἐμαρμένην γινόμενων. ἐξορίζεται ἢ ἢ πρὸς τοιαύτῃ τὴν εὐσεβείαν πρὸς τῶν ἢ τὸν ἀνθρώπων ὄργανον μόνον ἐνείκεσθαι τὴν ἀνωθεν περὶ φορᾷς· ὑπὸ τούτης γὰρ κινεῖται πρὸς τὰς περὶ αἵμας ἢ μόνον τὰ μέρη τῶν σώματων, ἀλλὰ καὶ τὰ τῶν ψυχῶν ἀφροσύματα· ἢ ὅπως οἱ ταῦτα λέγουσιν, τῶν ἐφ' ἡμῖν συναναρῶσι καὶ τῶν ἐνδεχομένων φύσιν· ἢ ὅπως ἔδεν ἀλλοῦ ἢ τῶν παντὶ λυμαινόντας· ἀδικοῖδὲ καὶ αὐτοὶ οἱ ἄλλοι, τὴν μὲν μοιχῆς, τὴν δὲ φονείας ἀπεργαζόμενοι· καὶ πρὸς τῶν δὲ δημιουργῶν αὐτῶν Θεὸς ἢ αἰλίαν σκοπεῖται εἰς πᾶντα κατεστῆσεν ἢ τῶν κακῶν ἡμῖν ἢ ἐπιφορᾷ ἐξ ἀνάγκης ἐπιλήψιν, ὥς μὴ μόνον ἐπὶ τῇ πολιτείᾳ ἵσταται τῶν τῶν ἀποτίαν, ἀλλὰ καὶ τῶν μεγίστων κακῶν σκοποῦσιν αἶπον τὸν Θεόν· πρὸς τῶν καὶ ἀδύνατον σκοπεῖν τῶν ἐπιφορᾷ αὐτῶν· ἀλλὰ τῶν μὲν ἢ ἀκρίβειαν ἀνάγκη, πρὸς δὲ ἔχοντα τῶν ἀτεπῶν ἢ βλασφημίαν. id est, *Qui astrorum circumventioni causari omnium que fiunt assignant, non solum communibus notionibus adversantur; sed etiam omnem Reip. administrationem inutilem reddunt. Absurde enim leges, supervacanea judicia, que poenam ab iis exigant, in quibus nulla culpa sit. Vituperare quoque & laudare nulla ratio est. Nullus etiam usus est precum, si omnia fato administrantur: ac praterquam quod instrumentum tantum cælestis circumvectionis homo reperitur, etiam exterminatur cum religione providentia: siquidem à calorū motibus non solum partes corporis, sed etiam animi cogitationes ad agendum, impelluntur. Denique qui ista dis-*



serunt, una cum liberâ voluntate, contingentis naturam col-  
lyunt, & sic nihil aliud agunt, quam quod universalis labefa-  
ctant. Iniqua etiam astra, quod alios machos, alios homici-  
das efficiunt; & pra his, architectus eorum Deus culpam  
feret: si ejusmodi fecit, quæ mala nobis necessario importa-  
rent, ut horum insulsitas non modo in Repub. verferetur, sed  
etiam gravissimorum malorum causam Deum efficiat. Quan-  
quam fieri nullo modo posse, quod defendunt, ratio convin-  
cit. Verum ista ne aures quidem nostræ ferre debent, quæ  
perspicue absurda sunt, & de Dei majestate detrahunt. E-  
rudita hæc dissertatio selidissimis rationibus quodcunque  
Fatum convellit, & quanta sit impietas, vel astris vel aliis  
rebus naturalibus vel materiæ res omnes duræ necessitati alli-  
gare, dilucidè ostendit. Sed nostri instituti ratio non pa-  
titur hæc latius exequi; siquis plura desiderat, consulat *lib. v.* De C. D.  
Augustinum & Vivis ac Coquæ in eum notas, plurimos-  
que alios. Nos verò ad scopum nostrum revertamur & pau-  
cis ostendamus ex hoc Fato Astrologico minimè infallibili-  
lem humanæ naturæ conditionem, sed multis inevitabiliter  
erroribus obnoxiam induci. Ipsi enim hujus Fati assertores;  
etiam illi qui Divinæ voluntati illud subiciunt, ex maleficâ  
& inobsequente materiâ à Deo contextum esse volunt  
fatalem illum ordinem & causarum seriem; quæ in res hu-  
manas vi stellarum insuit, eademque efficit & dirigit. Si  
autem ipsa causa sit mala & vitiis infecta, quâ ratione effec-  
tus ab ea dependentes, inter quos quoque juxta ipsos co-  
gitationes humanæ sunt, non plurimis & erroribus & de-  
fectibus essent obnoxii? Deinde quandoquidem influxus  
ille (quem revera figmentum esse probavimus, si tamen  
ponamus dari,) indies imò in singula penè momenta ob in-  
tervenientes varias causas variatur; ipsas quoque mentis  
cogitationes, intellectum & voluntatem, quoniam, juxta  
eos contra quos agimus, ab illo influxu dependent, con-  
tinuæ variationi subiectas esse necessario consequitur, ad eò ut  
quæ modo evidentissima veritas fuerit visa & summa certitu-  
do judicata, mox rursus falsitas error aut saltem dubia exi-  
stunt.

stimetur esse opinio; atque ita nihil certi, nihil firmi, nihil mansuri in disciplinis & scientiis unquam erit. Et denique si astra efficiant alios mœchos, alios fures, alios sacrilegos, alios pios, alios impios, alios fatuos, alios sapientes, imò omnia pro suis arbitriis agant & regant, quâ ratione quis certus esse potest se talem esse ab eisdem factum, ut res rectè & prout in se sunt percipiat, & non perpetuò ab illis falsis imaginationibus & fictis perceptionibus illudi?

Ridet itaque meritò hæc omnia Epicurus, qui tamen ipse non minus à veritate naufragium fecit, dum omnia casu fortuito sine ullis causis contingere arbitratur: aut si sunt ullæ causæ, non esse præter declinationem atomi. Prudenter Fato Calum mox subjungit Cartesius, hic enim illi è diametro repugnat. Utrumque Lucanus explicuit lib. 2.

*Sive pater rerum primùm deformia regna,  
Materiamque rudem flammâ cedente recepit,  
Finxit in aeternum causas, quâ cuncta coercet,  
Se quoque lege tenens, & secula jussa ferentem,  
Fatorum immoto divisit limite mundum.*

*Sive nihil positum est, sed fors incerta vagatur,  
Fertque refertque vices, & habent mortalia casum.*

Notior Epicuri sententia, quam ut explicatione indigeat, fingit enim ex Leucippo & Democrito delirus homo atomos cæcæ plagæ nexus & hamulos fortuito concursu conglobatos, unde omnia sponte emerferint, Deum & Providentiam temerario ausu eliminans. Acriter Epicuricjque sequacium impietatem perstringit auctor Libelli ad Jovium, quem Claudiano Mamerto, summo inter Christianos Philosopho, non sine ratione asserunt; *Sed hanc sententiam de illis obortam magistris, qui sapientiâ suâ superbi sapientiam Dei querere dedignati, à finibus veritatis exsules agunt, assertores opinionum suarum, qui missis per inane magnum (Epicurum quasi digito monstrat) mentibus evanuerunt, sicut scriptum est & probatur, in cogitationibus suis, & pro suis arbitriis opera DEO & consilia finxerunt. Illis mare vel*

vel casu regi commoverique videatur, qui mundum istum aut sine Rectore vacuum, aut otiante neglectum Deo fortuitis lapsibus volvi disputant, ut nullo auctore compositum, ut nullo principio, ita nullo fine compositum. Et breviter Mar. Victor Poëta acutus & doctus lib. 1. Originum:

*Nam non, sacrilegi sensit quod lingua furoris,  
Casus mentis inops, dum nescia semina volvit,  
Tam prudens contorsit opus.*

Boëthius quoque calum sine causarum connexionem ut vocem *Lib. v.*  
inanem damnat: Ex professo autem Leucippi, Democri- *prof. 1.*  
ti, Epicuri eorumque asseclarum profanam opinionem convellit Firmianus libro de Ira Dei cap. 1x. & x. quem adis, nos imus in rem nostram. Statuunt autem atomorum patroni ex atomis, particulis infecabilibus & minimis frustillis inter se fortuito compactis omne genus corporum imò & mentes nostras fieri, ut conatur persuadere Lucretius. Doctrinam eorum ex opinione principis hujus sectæ expressit *Lib. III.*  
Galenus lib. 1. de Elementis. *Itaque atomi omnes, quæ exigua quadam corpuscula sunt omni prorsus qualitate vacant. Vacuum verò spatium quoddam est, in quo omnia ea corpuscula sursum atque deorsum agitata perpetuâ motione quandoque simul, secundum aliquem modum complicantur, nonnunquam mutua inter se collisione resiliunt, quo fit postea ut ex hujusmodi eorum conventu & mutua concrectiones fiant, atque iterum secretiones, unde voluit Democritus tum aliorum omnium tum nostrum quoque ipsorum coagmentari corpora atque eorum cum affectus cum sensus. Impia quoque Epicuri sententia à Cicerone sub personâ Velleji proponitur, Lib. 1. de Nat. Deor. quem vide sis. Vesana autem horum nugonum opinio omnem sanè sensuum (à quibus infallibilem cognitionem derivare conantur) certitudinem protinus profligat & funditus evertit; quoniam enim ipsa nostra corpora & sensus, imò animos ex atomis coagmentatos esse, & cogitationes omnes ab eisdem procreari & excitari volunt, & simul atomos illas vago & incerto fluxu sine ullâ determinatione vagari asserunt, nonne aperte profi-*

tentur sensus & cogitationes ex tam vagis principiis resultantes perpetuo fluxui & mutationi esse obnoxios & in singula momenta pro diverso atomorum allapflu & influxu variari, adeò ut nulla certa & stabilis sit cognitio, sed quod modò verum & firmum, modò iterum falsum & incertum videatur.

Caterum præter eos, qui duræ fati necessitati & fortunæ casibus omnia stolidè ascribunt, reperiuntur & alii nugaces sophistæ, qui mundum universum & singula quæ in eo reperiuntur in hoc ordine & ἐνταξία ab æterno fuisse opinantur. Effingunt enim hi continuatam quandam seriem sive perpetuam rerum successionem, à Deo nullatenus dependentem, sed ex naturali causarum colligatione immutabili & necessario nexu provenientem, adeò ut exclusâ creatione, decreto & providentiâ Dei per naturam ab omni ævo in concinnâ hâc dispositione, in quâ jam sunt, omnia fuisse & etiamnum hodiè fluere ac provenire, & in æternum continuatura & successura esse stolidè comminiscantur. Continuatam illam rerum seriem Fatum Physicū nonnulli appellant. Hinc Johannis Picus, Mirandulæ Dominus, quatuor veterum sententias de Fato refert. *Alii, inquit, Fatum esse naturam dicunt, ut quæ electionis sint vel casus, extra fatum sint, quemadmodum Virgilius ait Didonem, quæ se occiderit, non mori Fato. Et Cic. 1. Antonianâ. Siquid mihi humanitus accidisset, multa enim impendere videbantur præter naturam, etiam præter fatum. Hac opinio est Physica eamque Alexander est secutus Aristotelis interpres. Altera ponit æternam seriem causarum necessariò nexarum. Tertia sidera facit fata. Quarta Divini consilii executionem.* Hæc autem est ordo rerum, causarum effectorumque, statutus decreto & voluntate, scriptus in intellectu Dei, secundum quem omnia moderatur. Liber est iste Fatorum, cujus toties meminerunt sacræ literæ. Sed de hoc Fato fori nostri non est ut agamus in præsens, nec illud respicit Philosophus. De secundâ & tertiâ Fati specie nempe Fato Stoico & Astrologico diximus, nunc de primâ Fati specie quam naturam ipsam

psam sive continuatam rerum seriem ab omni æternitate fluentem à naturâ esse volunt differimus, & quid ejus patroni esse statuunt, vidimus. Talem autem continuatam rerum seriem in rebus naturalibus dari censet Aristoteles; ille enim in hac ornatâ & concinnâ digestionem & dispositionem cælum & mundum universum omniaque in eo contenta ab æterno fuisse, multis in locis non obscurè docet, ut plurimi ex ipsis Peripateticis profitentur, existimatque res mundanas æternâ & necessariâ successione procedere & oriri ac interire. Hanc sententiam Proclus & Averroës amplexi fuerunt: & Pythagoræ eandem quoque ascribit togatorum Doctissimus Varro: *Et homines & pecora quum semper fuisse sit necesse naturâ*, (sive enim aliquod fuit principium generandi animalium, ut putavit Thales Milesius & Zeno Cittius, sive I. contra horum principium extitit nullum, ut credidit Pythagoras Samius, & Aristoteles Stagiritis) *necesse est humana vita à summâ memoriâ descendisse ad hanc ætatem, ut scribit Dicaarchus*. Utrum verò Aristoteles illa quæ electionis sunt à naturali hac serie eximat, an verò duræ necessitati alliget, (ut vult Cicero libello de Fato: *Ac mihi quidem*, inquit, *videatur, cum dua sententia fuissent veterum Philosophorum, una eorum, qui censerent omnia ita fato fieri, ut id fatum vim necessitatis afferret. In quâ sententiâ Democritus, Heraclitus, Empedocles, Aristoteles fuit: Altera eorum, quibus viderentur sine ullo fato esse animorum motus voluntarii: Chrysippus tanquam arbiter honorarius medium fieri voluisset: sed applicat se ad eos potius qui necessitate motus animi liberatos volunt*) non levis dubitandi ratio est; Stagiritis enim maximoperè arbitrii libertatem, in Ethicis præcipuè, deprædicat & extollit. Sed hæc de re viderint ejus asseclæ. Impia sanè & absurda est hæc sententia, quæ ex causarum serie & connexionem æternâ per naturam sine ope divinâ omnia necessariò evenire statuit, nam & fidei & rationi repugnat. Fidei quidem, quâ mundum & omnia quæ in ipso sunt, ex nihilo creatum esse & providentiâ Divinâ gubernari intelligimus: rationi quoque naturali, quæ dicat duo æter-

na principia esse non posse, nec duò summè perfecta (mundus enim si ab æterno esset, æquè perfectus esset ac Deus) nec numerum individuorum ex.gr. hominum & animalium jam defunctorum & adhuc viventium & victurorum, nec non mentium humanarum ab æterno productarum & immortalium successivè infinitum. Sed hæc erronea ab alijs crebrò refutata est opinio, veniamus propius ad scopum nostrum, & an ex hac sententiâ ullatenus elici possit nos certam & infallibilem rerum habere cognitionem videamus. Posito itaque dari æternam talem rerum à naturâ successiōnem, per quam & mens nostra producta sit, cum illa natura citra respectum ad Deum sit bruta & cæca ac omnis rationis expers atque invalida, sequitur exinde, eam à causâ potentiōri imò potentissimâ, qualis est Deus, in suis operationibus facillimè posse impediri; neque res intelligentes & rationis compotes, quales sunt mentes humanæ, posse producere. Nihil enim est in effectu, quod non formaliter vel eminenter sit in causâ: sed si quid natura per se seclusâ Dei potentiâ effectrice posset efficere, (quod alioquin tamen est) illud brutum & omni ratione destitutum, atque idèò nec veritatis, nec falsitatis capax esset; atque ita mens humana omni prorsus intelligentiâ & perceptione ac iudicio foret destituta, nedum ut res earumque veritates infallibiliter cognosceret, ut insulsè dictæ sententiæ patroni tuerentur.

Atque ita ostendimus eos qui vel fatum vel casum vel continuatam rerum seriem introducunt potius stabilire & confirmare nos perpetuis erroribus & à verò aberrationibus esse implicitos, quam ut evincant certum aliquid & solidè veri à nobis percipi. Sed dantur fortassis adhuc alii qui nec fato, nec casu, nec continuatâ rerum serie, sed alio quodam modo nos productos esse contendunt; variarum enim opinionum effingendarum nec finis nec modus est: suo enim quisque fruitur ingenio & pro vanitate cerebelli sui vana comminiscitur figmenta. Propter hæc addit Philosophus, *seu quovis alio modo me ad id quod sum pervenisse supponant, quò mi-*

nus potentem originis mea authorem assignabunt, eo probabilem erit, me tam imperfectum esse ut semper fallar. Deprehenduntur enim fortè qui nos à parentibus nostris quoad corpus & mentem productos esse contendunt, existimantes mentes humanas ex traduce progenerari; nec deerunt quoque qui nos à nobis ipsis existere profiteri non verebuntur; quinimò deprehenduntur & alii magis impii & deliri, quales sunt Manichæi, qui pestiferam foventes hæresin duo principia seu duos Deos commenti sunt, alterum bonum & boni authorem, alterum malum & mali authorem. Quem errorem è Gentilium lacunis hausisse videntur: Græci enim antiqui alia numina bona, quos θεοὶ ἀγαθοὶ, alia verò mala, quos κακὸς δαίμονας & κακὸς καὶ οὐκ αἰὲν θεὸς appellabant, effinxere. Romani quoque Veteres unum Deum bonum

Arianus  
in Epistola  
lib. I. cap.  
22.

Dijovem, alium malum Vejovem coluere, ut præter alios Agellius rationem nominum Dijovis & Vejovis explicans docet, cujus inter cætera hæc sunt verba: Quum Jovem igitur & Dijovem à juvando nominassent; eum quoque contra Deum, qui non juvandi potestatem, sed vim nocendi haberet (nam Deos quosdam ut prodesse celebrabant, quosdam ne obessent placabant) Vejovem appellaverunt demum atque detractâ juvandi facultate. Ve enim particula privativa est, quam Græci στεντὶκὸν ποιεῖν dicunt, ut in vocibus vesani & vecordes. Est autem etiam ades Vejovis Roma inter arcem & capitolium; & simulachrum in illâ eade Dei Vejovis sagittas tenens, quæ sunt videlicet parata ad nocendam. Hæc ille. Et hæc quoque Magorum apud Chaldaeos & Persas vesana fuit opinio; his enim, ut scribit Suidas, Zoroaster præerat, qui duos statuit Deos bonum & malum, quorum illum ὁ θεὸς ἀγαθὸν, hunc ὁ ἀπειμώδιον vocasse tradit Plutarchus. Hesychius quoque Plutonium seu Ditem patrem à Persis Arimanem dictum fuisse author est. Et Pythagoræ idem dogma ascribitur, cujus hæc opinio traditur: τῶν δὲ χῶν τὸ μὴ μωράδα δὲ πρᾶπ-  
θεὸν, καὶ τὸ ἀγαθόν. ἢ ὁ δυνάδα, καὶ δαίμονα καὶ κακόν. Principiorum alterum esse Unionem, id est, Deum & bonum, alterum indefinitum Binionem id est Damonem & malum. Sed

Lib. v.  
cap. XII.

Euseb. de  
Orig.

Euseb. de  
Præp. rat. Lib.  
XIV.

R 3.

omnes

omnes hæc à vero deviaz. opiniones, & illa quæ nos à parentibus ortos esse statuit, & illa quæ nos à nobis ipsis productos esse & conservari sustinet, & hæc postrema maxime impia de Deo bono & fonte boni, & de Deo malo & fonte mali, falsissimæ inquam sunt, ut de primâ & secundâ in Medit. III. dedit Philosophus demonstratum; tertia verò tam à ratione aliena & à vero ablona, ut suâ absurditate perimat & Christianis auribus meritò abominanda sit, utpote qui norunt Deum unum eumque summè bonum esse, & cætera omnia in principio ab illo T. O. M. bona esse creata & producta. Quam veritatem & Plato perspectam habuit: Ὁ θεὸς πᾶσι καὶ παντα ὁ θεὸς, πάντῃ ἀεὶ ἐχρ. *Deus & omnia quæ à Deo, semper & ubique optimè habent.* Diabolum autem primùm auctorem sui tibi mali fuissè, nostri suasorem. Sed quem Deus primitus bonum fecit & liberi sui arbitrii, quo elegit malus esse. Malum itaque, ut cum Damasceno loquar; τὸ αὐτεξούσιον πῶμους ὁ διαβόλος ἐνέφημα. *Spontanea voluntatis Diaboli inventum.* Hoc & impullore, liberi tamen arbitrii sui electione homo quoque in malum se præcipitem dedit. Mali itaque culpæ & delicti primus autor Diabolus, & post eum homo, *Quod itaque homines Diaboli filii nascuntur non est imputandum creationi, ut sentiunt Manichæi, sed peccati vitio;* verissimè scripsit magnus Calvinus in v. 44. Joh. 8. Sed demus (utut falsissimum) nos à nostris parentibus esse progeneratos vel à nobis ipsis productos; an exinde evincere valent nos certam alicujus rei notitiam habere? Neutiquam. Nam cum & parentes nostri & nos ipsi variis imperfectionibus sumus obnoxii; nonne inevitabiliter consequitur nobis errandi necessitatem incumbere, qui à causis adèò imperfectis producti sumus, & suspicio merito oritur, nos & semper falli & in perpetuis errorum tenebris versari. Quò enim causa est imbecillior, eò imbecilliozem effectum ab eo proficisci necesse est. Veluti enim artifex quò imperitior eò quoque opus magis imperfectum efficit, ita quoque & hic comparatum est, ut quanto à causis minus perfectis produ-

cti

Lib. IV.  
XXI.



eti sumus, tantò & ipsi imperfectiores existamus. Atque ita satis patet, si minus potentem & perfectum, quam Ens summè perfectum, Deum inquam illum *πᾶν πρὸς ἑαυτὸν*, originis nostræ auctorem introducamus, gravissimas, imò ineluctabiles de rebus omnibus dubitandi oboriri rationes. Nihil autem spei reliquum erit ad veritatem ullâ in re unquam perveniendi, si cum Manichæis nos à malo genio creatos esse impie & stolidè statuamus. Quippe à patre illo tenebrarum omnimoda erit ignorantia caligo, profundissimæ errorum abyssi, malorum inextricabilis ilias, imò ipsius veritatis, siquæ reliqua esset, flagrantissimum odium. Sed cum Deum omnipotentem creatorem nostrum agnoscimus, illa quidem dubitandi ratio sola hætenus superest, (quam scilicet nondum ordine philosophandi rectè solvere possumus, quoniam Dei natura nondum satis perspecta est, sed quam postea dissolvemus, & ex natura Dei fallere nesciâ falsam esse evincemus) nempe hæc; anne Deus pro absolutâ suâ & illimitatâ potentiâ nos forte tales creavit, ut in omnibus fallamur. At si minus potentem ipso Deo originis nostræ auctorem assignemus, propterea quod ipse, ut dixi, imperfectioribus obnoxius est, non potuit ille nos alios quam imperfectos producere; & quò ipse erit imperfectior, eò nos quoque imperfectiores erimus, imò perpetuis erroribus obnoxii. Unde dilucidè apparet, nullam extrâ veri summique Dei nostri creatoris cognitionem firmam & stabilem esse scientiam. Verè itaque Cartesius sexto Opponentì respondit, *facile esse demonstrare scientiam Atbei non esse immutabilem & certam. Nam quò minus potentem originis suæ auctorem assignabit tantò maiorem habebit occasionem dubitandi an forte tam imperfecta sit natura, ut fallatur etiam in iis, quæ sibi evidentissima apparebunt, illoque dubio liberari nunquam poterit, nisi à vero & fallere nescio Deo se creatum esse prius agnoscat.*

Num. 4.

Atque ita fusius diduximus & ostendimus non dari firmam & stabilem notitiam sine cognitione veri Dei. Sed quum Philosophus qui summam in suis Meditationibus statu-

atur

Statum *ἀρετῆς*, nondum eò devenerat, ut hos homines solidè refutaret, quod nos tamen per anticipationem breviter fecimus, ut ostenderemus quis auctori scopus sit, & ut imperitis quadantenus succurreremus & malevolis fallax interpretationis aniam præcideremus. Quid autem ad modò allata impiorum ratiocinia auctor, quid respondet his impiis delirisque nugonibus? Nihil quidem hoc loco & tempore. Nam quoniam ab unâ parte in illas angustias ex hypothesi protanorum ratiocinando redactus est, ut vel summum & omnipotens Ens ponat, quod fortè talem ipsum creavit, ut in omnibus fallatur, adeo ut, quamvis videatur esse cælum, terra & reliqua corpora, revera tamen nulla sint: vel ut summum illud Ens cum impiis & carnalibus hominibus neget; propendet omninò Philosophus ad opinionem menti ab ipsâ origine insitam, nempe ut asserat Deum esse, à quo ipse talis qualis sit est creatus, ut ex antecedentibus palam est: sed quoniam metuit vel potius se metuere fingit, quia supponit aut potius simulat, ex ordine methodi quam sibi præscripsit, Dei naturam se nondum habere exploratam, an forte fallere nescia & omnimoda bona sit, vel an fallax sit, & an ipse talis sit ab illâ creatus, ut in evidentissimis quoque erret; hinc affirmare nondum audet (Philosophum enim nihil nisi quod clarè distinctèque percepit affirmare decet) Deum dari à quo talis qualis est sit creatus, metuit enim ne forte talis sit, qui in omnibus fallatur. Et quoniam ab alterâ parte homines carnales & impii tot inexplicabilibus difficultatum nodis animum ipsius constringunt & innumoris telis caput petunt, ut licet studeat excipere & evitare ipsoꝝ ictus, quod hætenus ex cognitione ab ineunte ætate sensuum beneficio acquisitâ pro viribus fecit, jam tamen non amplius quod excipiat, & quâ ratione ictus illos impetentium retorqueat invenire valet; sed dubiorum plena videntur esse omnia; et nisi certiora quam vetera cognitionis detegantur principia, nihil unquam reperietur quod his hominibus responderi possit. Coactus itaque fuit Philosophus, donec  
alia

alia & magis certa atque ad veritatem eruendam & defendendam magis efficacia, quam prisca sunt Philosophiæ fundamenta, detexerit principia, juxta eorumdem impiorum hominum hypothesin concludere, Nihil omnino esse ex iis quæ olim vera putavit, de quo non liceat dubitare. *Quibus sanè, inquit, argumentis non habeo quod respondeam, sed tandem cogor fateri, nihil esse ex iis, quæ olim vera putavi, de quibus non liceat dubitare.* Sed ut sæpius monui rursusque moneo, non seria hæc & ex ignorantia aut fluctuatione mentis profecta est dubitatio; sed concessio, quæ ad tempus suas adversariis largitur sententias, ait enim quod *liceat dubitare*, donec ostenderit aliâ viâ se tamen obtinere posse & jam obtinuisse, nempe aliis indubitatis principiis superstruendo suas demonstrationes, quod omnino Deus sit, qui minimè fallax est nec deceptor, sed fons omnis boni & luminis, à quo omnis scientia & sapientia, tanquam à solo sapiente luminum Patre emanat. Sed non deerunt procul dubio, quod & ipse prælagiit Philosophus, qui cum inconsideratæ præcipitantæ & levis inconstantis reum agent, quæ vitia à Philosopho longe abesse oportet: inquit autem hominis esse temerè judicantis de rebus, nempe ab intellectu nondum evidenter perceptis, imò fluctuantis atque inconstantis ingenii esse ad qualvis objectiones & rationes etiam parvi ponderis à suâ sententia dejici, & illud mox rejicere, quod adeò firmiter creditum fuit. Sed respondet Philosophus, se nequam inconsiderantiæ & levitatis accusandum esse, neque his vitiis seductum secus de rebus judicare quam in antecessum fecit, sed propter validas & meditatas rationes se animi sententiam mutasse, ut jam dubia esse judicet, quæ antea verissima esse putabat; *idque non per inconsiderantiam vel levitatem, inquit, sed propter validas & meditatas rationes.* Et profectò illæ rationes jam antea adductæ, & ex Scepticorum Atheorumve hypothesi propositæ, satis validæ sunt ad cogendum nos ut dubitemus, quod ipsæ dubiæ sunt, nec proinde retinendæ. Atque validæ quidem sunt, quamdiu nullas alias habemus, quæ du-

bitationem tollendo certitudinem inducunt. Et quia tales in primâ Meditatione, quantumvis circumspiceret, & meditaretur juxta suam methodum, nullas inveniebat Philosophus, idcirco eas quas habuit, ad dubitandum dixit esse validas & meditatatas. Et rursus alio loco septimo opponenti respondens Cartesius exponit, cur se propter validas & meditatatas rationes dubitasse dicit, inquiens: *Dixi sub finem primæ Meditationis, nos posse de iis omnibus, quæ nunquam adhuc satis clarè perspeximus, dubitare* ob validas & meditatatas rationes: *quia nempe ibi tantum agebatur de summâ illâ dubitatione, quam sæpe metaphysicam, hyperbolicam atque ad usum vitæ nullo modo transferendam esse inculcavi; & ad quam id omne, quod vel minimum suspitionis afferre potest, pro satis validâ ratione sumi debet.* Nec est quod quis cum Gassendo objiciat non opus esse ut validas & meditatatas ad dubitandum conquiramus rationes, sed sufficere hoc in loco humanæ mentis caliginem, aut nostræ naturæ imbecillitatem causari. Respondimus enim jam ante cum Philosopho nihil prodisse ad errores nostros emendandos, quod dicatur nos errare quia mens nostra caligat, vel natura est imbecilla: idem enim est ac si diceretur nos tantum errare quia sumus erroribus obnoxii; & manifestè est utilius attendere, uti factum à Philosopho, ad omnia in quibus potest contingere ut erremus, ne ipsis temerè & sine justo examine assentiamur. Hinc itaque inferit & concludit Philosophus, quoniam nondum ex ordine philosophandi eò devenit, ut nova principia detecta sint; & quoniam nihil interim habet quo Scepticos & Atheos convincat; illis falsas suas sententias ad tempus esse concedendas, donec certi aliquid inventum fuerit, quo solidè refutentur; has enim ob rationes ait, *non minus à dubiis, quam ab aperte falsis accuratè deinceps assensionem esse cohibendam, siquid certi velim invenire.* Ne quis enim ansam calumniandi arripiat, ac si Scepticam diffidentiam & nimiam semperque durantem dubitationem vellet introducere, atque ita pronam ad Atheismum & Scepticismum viam iterare, finem assignat

nat quare hæc dubitatio seu assensionis cohibitio admittitur, & quamdiu durare debet, nempe *donec certis & veri ac firmi quid eruatur.*

Atque ita Philosophus ostendit dubitandi de omnibus quandam esse necessitatem, quoties de rerum indubitata veritate inveniendâ laboramus, omnesque opiniones veteres, etsi probabiles, ut falsas tamen esse ad tempus abdicandas; de rebus autem sensibilibus dubitandum quoniam sensuum infirmo & fallaci nituntur iudicio & proinde ut præjudicia id lata est ante justum examen iudicia exuenda & emendanda: de Demonstrationibus quoque Mathematicis, quoniam hæc (etsi nec præjudiciis nec sensuum iudicio nituntur) ob alias rationes supra allegatas fortassis possunt esse falsæ, dubitamus, ut nobis ipsis certitudinem inconcussam obtineamus. Dubitandum quoque de Deo ejusque existentia non propter nos ipsos, sed propter Scepticos & Atheos, utpote quos per veteris Philosophiæ principia convincere non possumus, ut ita dubitando ad tempus cum illis & ratiocinando, certis tandem demonstrationibus, novis eisque solidis fundamentis superstructis, eos veritati assentiri faciamus.

Pergit porro admonetque Philosophus ut memori & tenaci mente retineamus curamque adhibeamus, ne unquam illam dubitandi sive assensionis cohibendæ necessitatem negligamus neque oblivioni tradamus, veteres opiniones ut falsas necessario esse rejiciendas, donec ad aliquam firmam fixamque veritatem pervenimus; *Sed nondum sufficit*, inquit, *hæc advertisse, curandum est ut recorder.* Hujusque suæ admonitionis triplicem assignat rationem; prima est ab obstaculo, quod nobis philosophantibus & veritatem inquirentibus assiduò creabunt, desumpta; quoniam continuò recurrentes remoram injicient, adeò ut mens nostra in veritate inquirenda neutiçquam pergere, neque ad certam solidamque cognitionem à veteri falsâ vel dubiâ opinione pervenire unquam possit, *assidue enim*, ut ait, *recurrunt consuetæ opiniones*: altera ratio ab inevitabili continuæ seductionis periculo deprompta est, quoniam consuetæ illæ opi-

niones mentem nostram diuturnâ ab ineunte ætate consuetudine & familiari usu, invitis pene nobis, obsessam tenent & seducunt; proinde pergit: *occupantque credulitatem meam tanquam longo usu & familiaritatis jure sibi devinctam, ferè etiam me invito*. Tertia ratio est, quoniam spes nulla reliqua erit veritatis unquam eruendæ & obtinendæ ac veteres opiniones exeuendi, sed tenacissimè infixæ & irradicatæ hærebunt, ut nunquam illis assensum in posterum denegare valeamus, nisi maturè & in ipso philosophandi principio eas abdicemus; *nec unquam, scribit, in assensu & confidere desuescam*. Adeo noxia igitur est temeraria illa consuetis priscisque opinionibus adhærendi credulitas: quoniam difficile est ut alibi quoque dicit Philosophus, quicquid firmiter nobis ab ineunte ætate persuasimus, quantumvis postea fallum esse demonstretur & rationibus solidis ostendatur, ab opinione postea delere; nisi diu & frequenter ad rationes istas attendamus. Sic, exempli causa, ideam solis, ab ineunte ætate per sensus haultam, per quam nobis valdè parvus apparet, ægerimè deponimus; etsi ex rationibus Astronomiæ id est ex notionibus innatis elicitam deinde consequamur veram ideam, quæ illum terrâ aliquoties majorem exhibet. Quam veritatem ipse Tullius perspexit summumque dedecus ipsi Naturalium rerum indagatori esse dixit ab animis consuetudine imbutis veritatis testimonium petere. *Nonne pudet, cum emphasi interrogat, physicum id est speculatorem venatoremque naturæ, ab animi consuetudine imbutis petere testimonium veritatis? Quantò magis illa temeritas abesse debet à metaphysico id est exquisitissimo rerum intelligibilium speculatore. Quemadmodum enim, rursus verba Ciceronis mea facio, cum sanguis corruptus est; aut pituita redundat, aut bilis in corpore, morbi agrotationesque nascantur. Sic pravarum opinionum conturbatio, & ipsarum inter se repugnantia, sanitate animum spoliât, morbisque conturbat*. Et tanto itaque atque tam gravium rationum pondere adductus & motus philosophus concludit non tantum esse supponendum opiniones veteres

De Nat.  
Deor. Lib.  
I.

Tuscul.  
Quæst.  
Lib. 4.

zeres esse quodammodo dubias, quales revera sunt, sed nihilominus valdè probabiles, & quas multò magis consentaneum sit credere, quam negare. Sed necessariò ut omnino falsas esse rejiciendas. Neutiquam tamen ex dictis sequitur, ut aliqui perperam existimant, Cartesium omnes opiniones veteres in se falsas esse contendere, adeò ut nunquam eas rursus assumere velit vel possit, nam disertè ipse dicit Septimo Opponentì: *Nihil obstare, quominus, etsi fuissent abdicata cum dubia erant, possent tamen resumì postea, cum veras esse constaret.* Quoniam enim, si quas veras opiniones, antequam seriò philosophemur, habeamus, ex tamen adeò multis aliis, vel falsis, vel saltem dubiis sunt permixtæ, ut, ad illas ab his secernendas, optimum sit omnes rejicere, sive nihil planè ex iis non abdicare, ut postea quæ veræ fuerint, agnosci, vel novæ inveniri, ac solæ veræ admitti possint. Quod planè idem est ac si dixisset, ad cavendum ne in canistro, vel corbe pomis pleno aliqua corrupta haberentur, principio omnia esse effundenda, nihilque prorsus relinquendum; & deinde ea sola, vel resumenda, vel aliunde assumenda, in quibus nullum vitium esse cognoscere-tur.

Atque ita demonstratâ necessitate abdicandì ad tempus omnia, & indicato fine quare id fieri opus sit, medium indicat Philosophus & modum, quo optimè & felicissimè eam omnium opinionum veterum everisionem instituere possimus; nempe ut mens pro libertate illâ, quam in se experitur, voluntatem prorsus in contrariam partem deflectat, quam antea inclinabat. Nam uti baculum curvum in contrarium recurvamus, ut rectum reddamus; ita voluntatem perversam in judicando, ut rectè judicare asuescat, in contrariam partem flectere oportet, & proinde pergit Philosophus: *Quapropter, ut opinor, non malè agam, si voluntate planè in contrarium versâ meipsum fallam illasque aliquamdiu omninò falsas imaginariasque esse fingam.* Nec est quod quis putet nobis potestatem ita flectendi voluntatein decesse; siquis enim penitus eam consideret, facile experietur

tur sibi inesse eam libertatem, ut semper ab iis credendis, quæ non planè certa sunt & explorata abstinere possit; & si fidem unquam dubiis vel falsis adhibuerit, fidem illam ab illis posse avelli, etsi id ob longam credendi consuetudinem difficulter fiat & non nisi cum luctû quâdam. Sed nec hoc prætereundum quod Philosophus dicit *meipsum fallam illasque* (opiniones veteres) *omnino falsas imaginariasque fingam*. Non affirmat omnes illas opiniones esse revera falsas, sed cum dicit fingam & me ipsum fallam, satis apertè fatetur ex eis quasdam posse esse veras, etsi ob graves dubitandi rationes dubiæ redditæ fuerint, id est tales de quibus graves dubitandi rationes moveri possunt. Ipse autem quærit tales, quæ ab omni dubitatione eximuntur nec ullâ contrariâ ratione labefactari possunt, uti ex. gr. primum illud cognitum, *Ego cogito, ergo sum*, nulli amplius dubitationi est obnoxium; nemo enim potest dubitare amplius an existat, dum dubitat. Ac illud quoque notandum Philosophum modestè admodum dicere; *Quapropter, ut opinor, non malè agam*. Non quod certus non fuerit, se omninò optimè agere ad veritatem feliciter eruendam, ut mentem in contrarium vertat: sed ita humiliter de se sentit, & figurâ quæ *Λιτότης* à Rhetoribus appellatur modestiam ostendit & altercandi ansam præcidit, permittitque ut quisque, cui non placet hæc methodus, suo fruatur ingenio & iudicio; dum ipse interim, ut Cicero de se ait, *verum invenire sine ullâ contentione voluit; idque summâ curâ studioque conquirere*.

Cæterum nequis perperam interpretetur hanc omnium veterum opinionum universalem abdicationem ac rejectionem, ac si in perpetuum duratura sit hæc voluntatis in oppositam partem declinatio, hinc indicat quamdiu illa usui esse debet, nempe *donec velut equalis utrinque præjudiciorum ponderibus nulla amplius prava consuetudo iudicium meum à rectâ rerum perceptione detorqueat*. Hic igitur est scopus, hæc meta istius dubitationis, ut mens quasi in æquilibrio ponatur inter vetera præjudicia, quæ revera sunt talia



alia, & inter hæc nova ad tempus conficta, quod nempe omnia sint falsa. Nam quemadmodum baculi recurvatio non diutius durat, quam ad rectitudinem deductus fuerit: ita tamdiu tantum continuabitur hæc fictio seu voluntatis in contrarium flectio, donec nulla vetus consuetudo, nulla temeraria præcipitancia iudicium à iusto propositarum rerum examine, & per hoc à rectâ earundem perceptione detorqueat. Nam non aliam ob causam, nec diutius mentem quasi in æquilibrio suspensam tenere oportet, quam donec rectè ea, quorum veritas inquirenda est, percipiuntur; ubi percepta ita fuerint, ilicò in eam partem, quæ solidâ veritate præponderat, voluntas inclinanda perceptis assensum præbendo.

Ubi autem mentem nostram ad tale æquilibrium reduxi-  
mus verè liberi & soluti erimus, integra obtinebitur à nobis potestas id quod verum est iudicandi, nullâque amplius autoritate detenti vel præiudiciis anticipatisque opinionibus adstricti firmissimam certitudinem & veritatem eruemus. Audiamus egregia in hanc rem Ciceronis verba, quæ usum utilitatem & necessitatem examinis ab omnibus præiudiciis liberi summopere commendant & urgent: *Neque nos studium exquirendi (id quod cupimus) defatigari relin-  
quemus, neque nostra disputationes aliud agunt, nisi ut in utramque partem dicendo & audiendo eliciant, & tan-  
quam exprimant aliquid, quod aut verum sit, aut ad id quam proximè accedat. Hoc autem liberiores & solutiores  
sumus, quod integra nobis est iudicandi potestas, neque, ut omnia quæ præscripta, & quasi imperata sint defendamus, necessitate ullâ cogimur. Nam ceteri primum ante tenentur astricti, quam quid esset optimum, iudicare potuerunt: deinde infirmissimo tempore atatis aut obsecanti amico euidam; aut unâ alieujus, quem primum audierunt oratione capiti, de rebus incognitis iudicant, et, ad quamcunque sunt disciplinam quasi tempestate delati, ad eam, tanquam ad saxum, adhaerescunt. Sed nescio quomodo plerique errare malunt, eamque sententiam, quam adamaverunt, pugnacissimè defendere, quam sine pertinaciâ, quid constantissime dicatur, exquirere.*

Ne-

Acad.  
Quæst.  
Lib. IV.

Ne quis verò hæc latius extendat, quam Philosophi mens est, & opinetur aut cavillettur, quod hæc abdicatio & voluntatis in contrariam partem inclinatio etiam se extendat ad res in vitâ agendas; unde facilè accideret, ut pro nimia judicandi morâ multa non tantum negligeremus, sed etiam ut prorsus inutiles ad actiones vitæ dirigendas evaderemus; hinc admonet Philosophus additque ex hac suâ dubitatione & voluntatis permutatione nihil periculi, nihil erroris esse sequuturum; nedum ut per eam in Scepticorum nimiam diffidentiam & dubitationem incideremus; limitando hanc abdicatorem & voluntatis permutationem ad res contemplationi subjectas, non ad res morales; inquiens: *Etenim scio nihil inde periculi vel erroris interim sequuturum, & me plus a quo diffidentie indulgere non posse, quandoquidem nunc non rebus agendas, sed tantum cognoscendis incumbo.* Audiamus hanc distinctionem inter actiones vitæ, in quibus nulla voluntatis transmutatio locum habet, & inter inquisitionem veritatis, in quâ solâ obtinet, seriò inculcantem Philosophum, dum scribit in Responsionibus Quintis: *Quod enim dixi, omnia sensuum testimonia pro incertis, imò pro falsis esse habenda, omninò serium est: & ad meas Meditationes intelligendas adeò necessarium, ut quisquis illud admittere non vult, aut non potest, nihil in ipsas responsiones dignum obijciendi sit capax. Sed advertenda est distinctio variis in locis à me inculcata, inter actiones vitæ & inquisitionem veritatis. Cum enim de regendâ vitâ questio est, ineptum sanè esset sensibus non credere, planèque ridendi fuerunt illi Sceptici qui res humanas eo usque neglegebant, ut ne se in precipitia conjicerent, ab amicis deberent asservari. Atquò idcirco alicubi admonui neminem sanæ mentis detailibus dubitare; cum autem quidnam certissimè ab humano ingenio cognosci possit inquiritur, planè à ratione alienum esset eadem nolle ut dubia, imò etiam ut falsa seriò rejicere, ad animadvertendum alia quadam, quæ sic rejici non possunt, hoc ipso esse certiora, nobisque reverà notiora. Ex quibus verbis satis patet in philosophandi legitimo ordine, sub initium*

tium ferio tantum ut falsa esse rejicienda omnia judicia à sensibus hausta & per eisdem formata; sed ex hypothesi tantum & fictè Dei existentiam & demonstrationes mathematicas ac principia per se nota, ut nempe Scepticos & Atheos validius convincamus. Et hinc fictam suam hypothesein orditur, & versâ in contrarium voluntate, averrà nempe à rebus, quas antea ut certissimas crediderat, easdem in præsens falsas & imaginarias esse fingit. *Supponam igitur, inquit, non optimum Deum fontem veritatis, sed Genium aliquem malignum, eundemque summè potentem, & callidum, omnem suam industriam in eo posuisse, ut me falleret: putabo cælum, aërem, terram, colores, figuras, sonos, cunctaque externa nihil aliud esse quam ludificationes somniorum, quibus insidias credulitati meae tetendit: considerabo meipsum tanquam manus non habentem, non oculos, non carnem, non sanguinem, non aliquem sensum, sed hac omnia me habere falso opinantem.*

Atque ut tantò facilius voluntatem abstrahat à priscis opinionibus easque non modo ut dubias, sed probabiles tamen, verum etiam ut prorsus fictas falsasque consideret & rejiciat, hinc fictam comminiscitur hypothesein, nempe in omnibus & ubique se illudi & falli. Et primò quidem fingit à Genio aliquo malitioso, summâ potentiâ summâque calliditate prædito & instructo, qui non modò hanc pravam in mente voluntatem fovet, ut nos velit fallere, sed insuper omnem in eo studium & operam impendit, ut nos actu fallat. Cum enim Dei naturam (etsi ejus existentiam ordine Philosophandi nondum demonstravit, nec essentiam probe investigavit) per anticipationem ex opinione menti insitam contemplatur, advertit & intelligit eundem non tantum esse summè potentem, sed simul quoque bonum, cui seducendi voluntatem & quidem ex malitiâ profectam ascribere nefas sit. Atque idèò Genium introducit ex antiquorum opinione, qui Genios appellârunt Spiritus sive

Plur. I.

de Plac. c.

VIII.

T

turi.

*Apolog. c. xxi.* *Iuri.* Tertullianus: *Nescis Genios Damonis dici & inde diminutiva voce Dæmonia.* Lactantius Lib. 2. cap. xiv. *Hi Spiritus sibi Geniorum nomen adsumunt: sic enim Latino sermone Dæmones interpretantur.* Vulgatissima autem veterum sententia Genios à natali die unicuique asserentium. Menander:

Ἀπὸ τῆς δαίμων ἀνδρὶ συμπαραστῆ

Εὐθὺς γεννηθῆναι, μυσταγωγὸς ἔστι βίῃ.

*Cuique genius jungitur mortalium*

*Statim edito, moderator ut vita fiet.*

*Lib. vii.* *Singuli ex semetipsis totidem Deos faciunt, Genios Junonesque adoptando sibi.* Hi sunt curatores & inspectores actionum humanarum. Epictetum audi: *Deus, inquit, nos curat, ἀλλ' ἔδεν ἥτιον καὶ ὑπὲρ τοπον ἐκάστω παρέστη, τ' ἐκάστω δαίμονα, καὶ παρέδωκε φυλάσσειν αὐτὸν αὐτῷ, ἢ τῶν ἀκρίμειαν ἢ ἀπαρχολύσειν.* Sed nihilominus curatorem unicuique addidit suum cuiusque Genium, & custodiendum eum sibi commisit: atque eum qui nec coniveat aut dormiat, quique decipi non possit. Hi autem diversi, ut ajunt, sunt affectus; alii Boni, alii Mali. Hos Trismegistus πονηρὸς, Prævos appellat, Plutarchus κακοδαίμονας, & scriptorum vulgus. Hi mali, culti etiam ab antiquis, sed ut Vejoves, ut *Lava* Numina, & quos (Plinii verbis) *placatos trepido metu crepiebant.* Ita prava & mala, errores & vitia magis alicui Genio tribuit antiquitas, & si quis perverse faceret à dæmone seductum putabant. *Odyss. x.*

Τίς τοι κακὸς ἔχρει δαίμων;

*Malo quo Dæmone es usus.*

Et rursum *Odyss. λ.*

Ἄσθ' με δαίμων αἴσα κακῇ, καὶ ἀφίσταται ἐν ὄνῳ.

*Lesit me Dæmon malus, & mala copia vini.*

Ex his itaque Geniis aliquem fingit inducitque, quæ causa principalis omnium errorum ac origo sit & valerrimus seductor: neutiquam enim Deum verum ut deceptorem intro-

ducit

ducit heic loci Philosophus; audiamus ipsum: *Ineptum est, In Epist. quod subjungit (adversarius,) Deum ut deceptorem cogi- ad Voc. tari; etsi enim in primâ meâ Meditatione de aliquo dece-* *Par. V.*  
*ptore summè potenti loquutus sum, nequaquam tamen ibi ve-*  
*rus Deus concipiebatur, quia ut ipse ait, fieri non potest, ut*  
*verus Deus sit deceptor, quia implicat contradictionem in*  
*conceptu, hoc est, ex eo quod concipi non possit.*

Malo autem huic Genio seductori adjungit tanquam cau-  
 sas administras & instrumentales, cœlum, aërem, terram,  
 colores, figuras, sonos, cunctaque externa, id est res sen-  
 sibiles earumque modos & accidentia, quæ hætenus pro  
 dubiis habita, jam prorsus falsa & imaginaria esse fingit, &  
 nihil existimat esse præter vana figmenta & ludibria, quibus  
 impostor ille versutus tanquam phantasmatis illudit. Non  
 secus ac si diceret; Non externa tantum omnia rejicio, &  
 tanquam ludibria ac figmenta considero, sed insuper omnia  
 mea membra partesque corporis, manus, oculos, car-  
 nem, sanguinem imò & sensum ipsum abdicabo & meip-  
 sum his omnibus destitutum esse reputabo, & quidem tam  
 firmâ persuasione, ut existimem falsò hæc à me esse credita.  
 Objecta itaque sentiendi fingit extra se nulla esse reliqua; &  
 siquæ futura sint reliqua non nisi vana mali Genii esse lu-  
 dibria, quinimò in se ipso nulla sentiendi organa esse re-  
 sidua, sed & seipsum objectum malo Genio decipiendum re-  
 lictum esse. Cæterum ne calumniandi ansam sibi datam quis  
 existimet, noverit hæc omnia per fictam falsamque hypo-  
 thesin supponi & cogitari, ut dilerit in antecessum mo-  
 nuit, inquires, *meipsum fallam, illasque* (opiniones ve-  
 teres & res per eas creditas) *aliquamdiu omnino falsas ima-*  
*ginariasque esse fingam;* atque ita speculabor, anne certa  
 quædam occurrat via ad solidam scientiam perveniendi,  
 omnibus obstaculis & aberrandi diverticulis jam detectis &  
 abscissis. Cæterum dicet quis ridiculum hoc Philosophi est  
 institutum & irritum vanumque, nemo enim mentem in  
 tantum à rebus corporeis abducere valet. Sed quid possint  
 qui intentis meditationibus assueti sunt, ineptè hi homines

judicant ipsi in experti. Non hæc tantum sed longè minus credibilia potuisse aliquos historiarum referunt. Plinius Lib. 7. author est *Hermotimi Clazomenii mentem corpore relicto vagari fuisse solitam, & quæ in longissimis viderat regionibus notare.* Non arte tamen magicâ, sed intentissimis id effectum fuisse scribit meditationibus. Sed esto fabulosum hoc sit; minimè tamen fabulosum in feriis studiis & fervidissimis ad Deum precationibus mentem à corpore in tantum abduci, ut nullam hujus non modò non curam, sed nec sensum habeat. Sed non sufficit facta & ficta ad momentum corporum externorum membrorumque propriorum illa omnimoda rejectio; sed aliquamdiu defixâ meditatione huic inhærendum est: *Manebo obstinatè, inquit, in hac meditatione defixus.* Nec inutilis futurus est iste labos, sinem enim, quem intendimus hæc ratione obtinebimus, experiemur enun quousque cognitio penetrare & pertingere nostra valeat, an aliquid omnino certi ac veri possit erui, aut si id non possit obtineri, ut hoc saltem, quod nos jam posse experimur ex rejectione illâ omnium, obtineamus, nempe ne unquam falsis assensum præbeamus, aut deceptorum isti, genio licet versuto & callido & fallendi longo usu exercitato fidem adhibeamus, atque ut ita seducamur & erremus: hæc ratione enim, si verum invenire non licet, id quod vero tamen proximum est inveniemus, nempe immunitatem ab erroribus. *Atque ita, inquit, siquidem non in potestate meâ sit, aliquid veri cognoscere, ac certè hoc quod in me est, ne falsis assentiar, nec mihi quidquam iste deceptor, quantumvis potens, quantumvis callidus, possit imponere, obfirmatâ mente cavebo.* Generosus hic quoque Marcii Tullii in studiis Philosophicis mens & conatus fuit, quamvis non pari cum Philosopho successu. *Etsi, inquit, omnis cognitio multis est obstructa difficultatibus, eaque est & in ipsis rebus obscuritas, & in judiciis nostris infirmitas, ut non sine causâ, & doctissimi, & antiquissimi invenire se posse, quod cuperent, diffisi sint: tamen nec illi defecerunt, neque nos studium exquirendi defatigati relinquemus, neque nostræ disputationes quid-*

quidquam aliud agunt, nisi ut eliciant & tanquam exprimant aliquid, quod aut verum sit, aut ad id quam proximè accedat. Nemo igitur vitio vertat, nemo malè interpretetur, quod tanto apparatu & conatu veteres falsas opiniones exuere & deponere conatus sit Philosophus, ut veri & certi quideret.

Denique epilogum subnectit hujus Meditationis primæ quam à difficultate operis scopique propositi desumit; *sed*, inquit, *laboriosum hoc est institutum*; sive enim librationem mentis in meditullio inter præjudicia & assumptas hypotheses consideres, difficilis illa; nam veluti trutina bilanciis æquatis etiã utrinque in lancibus ponderibus ægrè in suâ libratione & statione retinetur, quin alterutra lancium propendeat, idem & menti accidit, æquatis enim licet præjudiciorum ponderibus ad alterutram partem faciliè, accurato examine nondum instituto, defleat; sive veritatis inventionem spectes, difficilis illa tum propter infirmitatem mentis nostræ tum propter varias difficultates, quibus ab aliis involuta detinetur. Amplificat autem hoc suum institutum laboriosum à contrariâ vitæ in desidiâ transactæ consuetudine, denuò se philosophum pelliciente; veluti enim qui à teneris delicatè & mollicellè in otio & deliciis enutritus est ægerrimè ad duros labores perferendos astringitur, haud secus mens nostra securæ præjudiciis suis ab incunte ætate indormiens, ægerrimè molestias has novas profundarum contemplationum sustinet, sed suavitate pristinæ consuetudinis seducta præjudicia usque & usque affectat, & in iisdem securè indormire avet; *Desidia quadam*, inquit, *ad consuetudinem vitæ me reducit*. Et denique concludens difficultatem propositi sui exaggerat similitudine hominis captivi de libertate somniantis, quâ dum in somno per imaginationem fruitur, ubi paulò post suspicari incipit se dormire timet expergisci, ne in carcerem, quem jam se effugisse putabat, se detrusum adhuc hæreere revera experiatur, & hinc blandis somni illusionibus placidè indulget: haud secus accidit philosophanti & novas certioresque sententias quam priscas indaganti, quotidie enim & ille in priscas relabitur opiniones, imò vesetur ne ex somno

errorum, quibus securè indormiebat, expergefactus per dubitandi rationes & confictas hypothefes, moleſtam laborisq; plenam in indagandis & eruendis aliis & veris ſententiis vigiliam ſuſtinere cogatur. Et quidem talem forte vigiliam, quæ non novâ veritatis luce irradiet mentem veritatis ſiti inflammata, ſed quæ in tenebris dubiarum opinionum propter difficultates jam motas animum detineat, quoniam eventus in hoc abdicationis ſtatu adhuc eſt incertus, aut ſaltem nondum in quo ea dubitatio & abdication, tanquam in inconcuſſo aliquo fundamento ſiſtetur, clarè apparet. *Nec aliter, inquit, quam captivus, qui forte imaginariâ libertate fruebatur in ſomnis, quum poſtea ſuſpicari incipit ſe dormire, timet excitari, blandiſque illuſionibus lente connivet: hæc eſt æſtivationis ſimilitudinis; ſequitur ejusdem ſonidoꝝ: ſic ſponte relabor in veteres opiniones, vereorque expergifci, ne placida quieti laborioſa vigilia ſuccedens, non in aliquâ luce, ſed inter inextricabiles jam motarum difficultatum tenebras, in poſterum ſit degenda.*

M E-



## MEDITATIO II.

D E

Naturâ Mentis Humanæ: Quod  
ipsa sit notior, quàm corpus.

**M**ens intentis & diuturnis meditationibus hesternis (ad numerum enim dierum hebdomadis operosorum meditationes suas distinxisse philosophum in limine Med. I. diximus) delassata, postquam nocturnâ quiete relecta vires recollegit, denuò animosè opus meditandi aggreditur, & circumquâque respicit, anne viam aliquam inveniat, quâ ex his difficultatum motarum tenebris liberata in gratam veritatis lucem pervenire valeat.

Orditur itaque secundam hanc Meditationem exaggeratione dubitationum, in quas hesternâ Meditatione conjectus est: *In tantas, inquit, dubitationes hesternâ meditatione conjectus sum, ut nequeam amplius earum oblivisci, nec video tamen quâ ratione solvenda sint; sed tanquam in profundum gurgitem ex improvviso delapsus ita turbatus sum, ut nec possim in imo pedem figere, nec enatare ad summum.*

Et quoniam tot & tam difficiles, tam meditatae & validas dubitandi rationes in medium produxit philosophus, cò quidem pervenit, ut faciliè animadvertat veteres opiniones prorsus esse rejiciendas, uti easdem proinde omnes rejecit & abdicavit; neutiquam tamen adhuc, quod cupit, obtinuit: nam rejectis veteribus illis opinionibus nondum novas; quas jure amplectatur, videt, atque ità velut nudus & exutus vestimentis veteribus, quid agat, penè ignorat. Vetera & abjecta resumere prorsus indecorum esse faciliè videt, nova unde habere possit, non apparet: quò se igitur

ur

tur veritat, dubius hæret. Pristinis enim fundamentis veteris Philosophiæ disiectis, nova nondum posuit, nec ubi ponat, invenit; quid agat, dubius animi pendet, & maximè conturbatus est. Non secus ac viator, qui per invia & avia in spissis tenebris iter facit, ubi ex inopinato in profundum puteum vel foveam illabitur arimo quam maximè conturbatur & angitur, nec ubi pedem figat invenit, nec adoram vel marginem, de quo decidit, enatare valet. Haud secus quoque philosophus in hoc veritatis indagandæ itinere, ubi novam prorsus elegit viam, à veteri, utpote quæ ad veritatem nunquam perducebat, prorsus diversam, eò perrexit, ut amplius quâ eundem sit non videat, tot enim tam & densis carduis & sentibus viam obsitam esse deprehendit.

Caterum, ut ut sit, concludendum tamen est quid agredi oporteat; si enim immotus consistat, certè nunquam ad optatam veritatis metam pervenire valet, si retrò pedem reflectat, ad veteres falsas relabitur opiniones; concludit itaque pergendum esse, declaratque suum propositum in eadem methodo inquirendæ veritatis perseverandi & pergendi, nimirum dubia etiam pro falsis habendo, usque dum certi aliquid cruatur, vel illud saltem, nihil esse certi. *Enitar tamen*, inquit, & *tentabo rursus eandem viam, quam heri fueram ingressus, removendo scil. illud omne quod vel minimum dubitationis admittit, nihilo minus quam si omnino falsam esse comperissem, pergamque porro donec aliquid certi, vel si nihil aliud, saltem hoc ipsum pro certo, nihil esse certi, cognoscam.* *Enitar*, inquit, omnibus animi viribus enixè contendam, ut firmum fixumque solum retegam & fundamentum stabile ponam, cui novæ veriorisque Philosophiæ ædificium superstruam, quod adeò firmum fixumque sit, ut nullo unquam dubitationum impetu labefactari, nedum dirui possit.

Et quoniam nulla alia patet via, eandem quæ heri ingressus fui, rursus tentabo, removendo & rejiciendo quidquid dubium est, imò quicquid vel in dubii suspicionem incurrere potest, idque tantâ cum aspernacione

tione ac averfatione ac fi omninò falſum eſſe comperifſem.

Cæterum hic obijciat quis cum Gaſſendo & ſeptimo Opponente dicendo, hoc propoſitum Philoſophi ad verum inveniendum non conducere, ſed à vero prorfus abducere; nam ſi omnia omninò ut falſa rejiciantur, nihil, quod verum exiſtimari poſſit, ſuperturum eſſe, ideoque nihil certi unquam inveniri poſſe. Sed fallitur quiſquis hunc ſcrupulum movet & mente fovet, nec finem ſcopumque Philoſophi percipit; nam non rejiciuntur omnia ut falſa, in cum finem ut in perpetuum rejecta mancant, ſed ut id quod inter falſa, aut ſi forte quid ſit extra illa; ut id, inquam, poſt examen juſtum jam inſtitutum, ſi verum eſſe deprehendatur, ſine ullo erroris periculo reſumi poſſit, & pro vero ſine falſitatis mixturâ retineri & reſervari, ut ita ex uno vero cognito & invento, reliqua quoque vera detegantur.

Et proinde dicit *pergam donec aliquid certi cognoscam*; ac ſi diceret: Subſtitui quidem in primâ Meditatione, cum mentem ab omnibus præjudiciis liberâſſem, & æquatis utrinque præjudiciorum ponderibus eò perduxifſem, ut ad rectam judicandi rationem apta eſſet; nunc autem ulterius procedam, & juſto examine inquiram, an quid certi ſit, & quodnam illud ſi detegere conabor. Confirmat autem ſe in hoc propoſito ſuo generoſo Archimedis exemplo, cujus verba erant; *ὅς πῶς εἴη καὶ κινήσω τὴν γῆν*. Quod ſi enim Archimedes dato uno ſtabili puncto extra terram univerſam terram ſe moturum eſſe conſideret; haud minor fiducia mentem Philoſophi ſubit, detecturum ſe nempe plurimas & certas veritates, ubi una inventa fuerit. *Nihil niſi punctum*, inquit, *petebat Archimedes*, *ut integram terram loco dimoveret*, *magna quoque ſperanda ſunt, ſi vel minimum quid invenero, quod certum ſit & inconcuſſum*. Inſiſtens itaque eandem, quam heri ingreſſus eſt viam remotionis omnium, brevem reiterationem ſeu ἀνακεφαλαίωσιν inſtituit eorum, quæ præcedenti meditatione per fictam hypothefin falſa &

imaginaria esse supposuit, & quæ hæc repetitione adhuc falsa esse fingit; atque ita rursus mens pro libertate suâ, quâ uti potest, ut imaginaria abdicat omnia externa objecta, cœlum, terram, figuras, colores, quæ omnia pro falsis habet; nec tantum quæ præsentī tempore cernere videtur rejectat, sed præterito quoque, quæ memoria suggerere videtur vana existimat esse mendacia. Quinimo juxta eandem fictam & ad tempus admissam hypothesein & organa sensuum & sensus ipsos se habere negat, corpus, extensionem, motum locumque nil nisi mera judicat esse figmenta. *Suppono igitur, inquit, omnia quæ video, falsa esse, credo nihil unquam existisse eorum quæ mendax memoria repræsentat, nullos planè habeo sensus; corpus, extensio, motus, locus sunt chimæra.* Omnia tamen hæc eo fine rejiciuntur, ut resciscat, an quid veri, certi ac inconcussi erueri valeat, cui disciplina firma ac solida philosophica cognitio tūc inniti possit.

Sed quum omnia modò recensita falsa sunt, & nil nisi vana figmenta, mendacia, chimære & imposturæ; uti supposuit & finxit & etiamnum supponit & fingit; quid igitur veri quid certi inveniri aut esse potest? Sane omnis spes decollasse videtur ad ullam unquam veritatem & certitudinem perveniendi, nam ex rejectis illis omnibus & pro dubiis imò pro falsis habitis illud videtur consequi; *Nihil esse certi*, ait enim: *Quid igitur erit verum? fortassis hoc unum nihil esse certi.* Quæ Academicorum vox est, Scepticismo affinis; sed cum his facere nunquam philosophi mens fuit, utpote qui semper propositum habuit, & cujus unicus scopus & finis fuit, ut veri & firmi quid erueret, cui dogmata cætera sua & veritates tanquam solido fundamento superstrueret.

Et proinde denuò se recolligit Philosophus novasque resumit vires, & attentâ meditatione considerat, an plenam rerum omnium recensionem fecerit? an non aliud quid datur, quod revera diversum sit ab omnibus modò recensitis, quod neutiquam in suspensionem dubitationis trahi possit,

&

& ejus existentia adeò clarè attendenti innotescat, ut ne Sceptico quidem dubitandi ratio relinquatur; hoc modo enim denuò meditando pergit: *Sed unde scio nihil esse diversum ab iis omnibus quæ jam jam recensui, de quo ne minima quidem occasio sit dubitandi?* Inquirat autem primò an Deus aliquis existat, qui à dubiis illis & rejectis rebus sit eximendus, ut qui has cogitationes multiplices, quas meditando vòlvit, ipsi immiserit, ut causa prima & principalis. *Nunquid est aliquis Deus, vel quocunque nomine ipsum vocem, qui has cogitationes mihi immittit.* Ratio autem, quod primò de Deo inquirat, post res cæteras dubias & falsas jam fictas, hæc est, quod Deum nunquam rebus illis dubiis annumeravit, sed ab iisdem exemit, quoniam insita naturæ opinio eum dari dictabat, licet quidem propter Scepticorum & Atheorum argutias, quas refellere per vetera principia non poterat, ex eorundem hypothefi Deum forsan non esse ad tempus concesserit; id factum fuit, non ut iis assentiretur, sed ut eos validius postea refutarèt. Quantum enim ad ipsum philosophum attinet, tantum abest, ut Deum negaverit, ut ex insitâ in naturâ opinione immensam ejus potentiam respiciens, de aliis omnibus dubitandi causam eum esse censuerit. Quod tamen adeò indefinitè loquatur inquiens; *nunquid est aliquis Deus, vel quocunque nomine eum vocem?* exinde est, quod natura ejus philosophando nondum satis evidenter perspecta sit. Et in præsentî inquirens, an necessariò Deus sit causa cogitationum, quas jam animo vòlvit; non tamen hoc affirmare potest, quoniam nihil sine evidente ratione in hâc veritatis accuratâ investigatione admittendum est: quamvis itaque Deo neutiquam existentiam deneget aut denegare unquam potuerit vel voluerit, non tamen ex cogitationum sibi jam præsentium consideratione ea satis validâ & dilucidâ consequentiâ asseritur. Nam dubitandi de firmitate illius consequentiæ præsto est ratio: quorû enim putatur Deus esse causa cogitationum istarum, cum fortassis ipse author & efficiens esse possit? *Quare verò, inquit, hæc putem,*

*cum forsan ipsemet illarum author esse possim? Licet autem Dei existentiam superiori ratione evincere non possit, atque ita aliquid certi invenire; nondum tamen fortis athleta animum despondet, sed novas denuò recolligit vires, inquitque iterum; annon igitur hoc verum sit, seipsum esse, quum cogitationum suarum author esse possit. Interrogat enim seipsum; Nunquid ergo saltem ego aliquid sum? Sed quo minus id affirmare audeat, obstat insignis difficultas, quam jam dubitando de omnibus, imò rejiciendo sensus & corpus suum proprium, sibi fecerat; sed jam negavi, inquit, me habere ullos sensus aut ullum corpus, quâ certitudine igitur affirmare jam possum me esse. Circumspicit tamen denuò nondum omni spe propriæ sui ipsius existentiae demonstrandæ dejectus, annon etiam si sensus corpusque nullum habeat, tamen existere possit, meditando enim & dubitando inquit: *hæreo tamen, nam quid inde? sumne ita corpori sensibusque alligatus, ut sine illis esse non possim?* Cæterum etiam si sine corpore & sensibus esse possit, non tamen adhuc exinde certò consequi videtur, quòd existat; nam non modo corpus sensusque suos esse negavit, sed persuasit sibi nihil planè esse in mundo; sed mihi, inquit, *persuasi nihil esse in mundo, nullum cælum, nullam terram, nullas mentes, nulla corpora.* Sed ulterius adhuc ex seipso inquit, an ex omnibus, quæ in mundo sunt, à se negatis, necessariò etiam sequatur se non esse: esto enim omnia illa non esse *nonne igitur* exinde necessariò consequitur rogat, *etiam me non esse?* Respondet autem sibi, nequaquam hoc sequi, sed contrarium prorsus, nempe se omninò esse, ex illâ enim persuasione existentiam suam certè demonstrari, imò certè, inquit, *ego eram, siquid mihi persuasi.* Qua enim ratione sibi quid persuadere potuisset, si prorsus nihil fuisset, & illo tempore, quo persuasit aliquid sibi, quòd sive verum, sive falsum fuerit, non extitisset? Cæterum necdum in hâc certitudine satis securè videtur posse acquiescere, objicit enim sibi se in eo etiam forte falli, quòd necessariò, dum persuadet sibi omnia supra commemorata non*

non existere, ipse tamen existere debeat, posse enim forte se à Genio aliquo potentissimo & summè callido, quem dari supra ex hypothefi assumpsit, in eo etiam illudi; scribit enim: *sed est deceptor nescio quis summè potens, summè callidus, qui de industriâ me semper fallit*; unde autem constat quod præ summâ illâ suâ potentiâ, & fallendi peritiâ me in hoc ipso non fallat, quod existere me iudicem, quoniam mihi aliquid persuadeo. Respondet autem fieri non posse, ut in hoc illudatur etiam à potentissimo & vaferrimo aliquo Genio deceptore, quoniam is quantacunque demum sit præditus potentiâ, nunquam efficere poterit, ut nihil sit, quamdiu se esse aliquid cogitabit, & hinc quasi triumphans exclamat: *haud dubie igitur ego etiam sum, si me fallit; & fallat, quantum potest, nunquam tamen efficiet, ut nihil sim quamdiu me aliquid esse cogitabo*. Atque ita tandem ex profundo dubitationum gurgite victor emergit, & id certi invenit ac evincit, se licet omnia extra se falsa esse sibi persuaserit, licet cælum, terram, mentes cæteras, cæteraque corpora, imò licet ipsos sensus suos corpusque suum negaverit, seipsum tamen dum sibi hæc omnia persuadet esse falsa, necessariò debere existere; & quantumvis in eo fallatur, quod ea nullâ esse sibi persuaserit & falsò finxerit, propterea etiam, quia & dum hæc omnia cogitat; quia cogitat, necessariò debere existere. Et hinc infert illud indubitatum & inconcussum pronuntiatum sive axioma, quod nullâ, licet maximè enormi dubitandi ratione labefactari valet; sed quod cuivis ordine philosophanti primùm certitudine infallibili innotescit, Ego sum, Ego existo, sive voce profero, sive mente concipio, necessariò verum est. Concludit enim: *Adeo ut omnibus satis superque pensatis per diuturnas & attentas meditationes denique statuendum sit hoc pronuntiatum: Ego sum ego existo, quoties à me profertur vel mente concipitur, necessariò esse verum. Adeo ut Cartesius juxta ipsum Quartum Opponentem, idem præ totius suæ Philosophiæ principio statuerit, quod statuit D. Augustinus, acerrimi vir ingenii &*

planè admirandus Lib. 2. de Liber. Arbitr. cap. 3. Alipius cum Evodio disputans probaturusque Deum esse, *Primus*, inquit, *abs te quæro, ut de manifestissimis capiamus exordium, utrum tu ipse sis; an tu fortè metuis ne hac in interrogatione fallaris, cum utique si non esses, falli omnino non posses.* Quibus similia sunt Philosophi nostri verba, *Sed est deceptor, nescio quis summè potens, summè callidus qui de industriâ me semper fallit: haud dubiè ergo etiam sum, si me fallit.*

Cæterum non pauca semper mota fuere, & etiamnum moventur adversus hanc philosophandi methodum difficultates, quarum aliquas videamus, & brevibus dissolvamus. Objicitur primò, Non opus fuisse tanto apparatu ad probandam sui existentiam. R. Quoniam ægrè novam hanc demonstrandi certitudinem percipiunt homines, tanto apparatu omninò opus fuit, ut eandem melius caperent. Siquis tamen contractam hanc Meditationis primæ & quo usque processimus secundæ materiam ob oculos positam consideret, videat illam in septem primis Principp. part. primæ articulis ab ipso Philosopho in epitomen redactam; 1. *Quoniam infantes nati sumus, & varia de rebus sensibilibus iudicia prius tulimus, quam integrum nostra rationis usum habemus, multis præiudiciis à veri cognitione avertimur: quibus non aliter videmur posse liberari, quam si semel in vitâ, de iis omnibus studeamus dubitare, in quibus vel minimam incertitudinis suspicionem reperiemus.* 2. *Quin & illa etiam, de quibus dubitabimus, utile erit habere pro falsis, ut tanto clarius, quidnam certissimum & cognitu facillimum sit, inveniamus.* 3. *Sed hac interim dubitatio ad solam contemplationem veritatis est restringenda. Nam quantum ad usum vitæ, quia persæpe rerum agendarum occasio præscriberet, antequam nos dubiis nostris exsolvere possemus, non raro quod tantum est verisimile cogimur amplecti; vel etiam interdum, etsi è duobus unum altero verisimilius non appareat, alterutrum tamen eligere.* 4. *Nunc itaque cum tantum veritati quærænde incumbamus, dubitabimus in primis, an ulla res*



res sensibiles aut imaginabiles existant: Primò, quia deprehendimus interdum sensus errare; ac prudentia est nunquam nimis fidere iis, qui nos vel semel deceperunt: Deinde, quia quotidie in somnis innumera sentire videmur aut imaginari, quae nusquam sunt; nullaque sic dubitanti signa apparent, quibus somnum à vigilia certò dignoscatur. 5. Dubitabimus etiam de reliquis, quae antea pro maximè certis habuimus; etiam de Mathematicis demonstrationibus, etiam de iis principiis, quae hactenus putavimus esse per se nota; tum quia vidimus aliquando nonnullos errasse in talibus, & quaedam pro certissimis ac per se notis admisisse, quae nobis falsa videbantur; tum maximè quia audivimus esse Deum, qui potest omnia, & à quo sumus creati. Ignoramus enim an forte nos tales creare voluerit, ut semper fallamur, etiam in iis quae nobis quam notissima apparent; quia non minus hoc videtur fieri potuisse, quam ut interdum fallamur, quod contingere ante advertimus. Atque si non à Deo potentissimo, sed vel à nobis ipsis, vel à quovis alio nos esse fingamus, quo minus potentem originis nostrae auctorem assignabimus, tanto magis erit credibile, nos tam imperfectos esse ut semper fallamur. 6. Sed interim à quocunque tandem finis, & quantumvis ille sit potens, quantumvis fallax, hanc nihilominus in nobis libertatem esse experimur, ut semper ab iis credendis, quae non plane certa sunt & explorata, possimus abstinere; atque ita cavere, ne unquam erremus. 7. Sic autem rejicientes illa omnia, de quibus aliquo modo possumus dubitare, ac etiam falsa esse fingentes, facile quidem supponimus nullum esse Deum, nullum caelum, nulla corpora; nosque etiam ipsas non habere manus, nec pedes, nec denique ullum corpus; non autem ideò nos qui talia cogitamus nihil esse: repugnat enim, ut putemus id quod cogitat eo ipso tempore quo cogitat, non existere. Ac proinde haec cognitio, ego cogito, ergo sum, est omnium prima & certissima quae cuilibet ordine philosophanti occurrat.

Sed rursus arguet & obtendet aliquis, sibi displicere duram illam philosophandi rationem, quā ipsius Dei existentiam

tiam videmur in dubium revocare. *B.* Siquis minus perspicere valeat, quâ mente id Philolophus agat, nempe non ex suâ, sed ex hypothese tantum Atheorum ad ten pus admittendâ, ille in ulum suum adhibere poterit compendium eorum omnium, quæ hæcenus fusè explicuimus, ex Methodo §. iv. ubi nulla de Dei existentia dubitandi fit mentio ita enim privatam suam philosophandi rationem in his Metaphysicis proponit & exponit Philolophus: *Dudum observaveram permultas esse opiniones; quas, etsi valde dubie sint & incerta, non minus constanter & intrepide sequi debemus, quatenus ad usum vite referuntur, quam si certæ essent & exploratæ, ut jam ante dictum est. Sed quia tunc veritati quarendæ, non autem rebus gerendæ, totum me irradere volebam, putavi mihi planè contrarium esse faciendum, & illa omnia, in quibus vel minimam dubitandi rationem possem reperire, tanquam apertè falsa esse rejicienda; ut experiret an illis ita rejectis, nihil præterea superesset de quo dubitare planè non possem. Sic quia nonnunquam sensus nostri nos fallunt, quidquid unquam ab illis hauseram inter falsa numeravi; Et quia videram aliquando nonnullos etiam circa res Geometria facillimas errare, ac paralogismos admittere, sciebamque idem mihi posse accidere, quod cuiquam alii potest, illas etiam rationes omnes, quas antea pro demonstrationibus habueram, tanquam falsas rejeci. Et denique quia notabam nullam rem unquam nobis veram videri dum vigilamus, quin eadem etiam dormientibus possit occurrere, cum tamen tunc semper aut ferè semper sit falsa; supposui nulla eorum quæ unquam vigilans cogitavi, veriora esse, quam sunt ludibria somniorum. Sed statim postea animadverti, me, quia cætera omnia ut falsa sic rejiciebam, dubitare planè non posse quin ego ipse interim essem: Et quia videbam veritatem hujus pronuntiati; Ego cogito, ergo sum, sive existo, adeo certam esse atque evidentem, ut nulla tam enormis dubitandi causa à Scepticis fingi possit, à quâ illa non eximatur, credidi me tuto illam posse, ut primum ejus, quam querebam, Philosophiæ fundamentum admittere.*

Sunt

Sunt alii porrò qui nimiam obscuritatem accusant hujus philosophiæ, & judicant consultius fuisse, si abstinuisset à talibus scribendis Renatus Descartes. Sed his ipse respondet Philosophus, inquit: *Quod ea, quæ in primâ Meditatione atque etiam in reliquis continentur, ad omnium ingeniorum caput non sint accommodata, planè concedo, idque ubicunque sese obtulit occasio testatus sum, atque in posterum testabor. Et hæc unica fuit causa cur eadem in dissertatione de Methodo, quæ Gallicè scripta erat, non tractarim, sed ad hæc Meditationes, quas à solis ingeniosis & doctis legendas esse præmonui, reservarim. Neque dici debet rectius me facturum fuisse si abstinuisssem ab iis scribendis, à quibus legendis permulti debeant abstinere; tam necessaria enim existimo ut sine ipsis nihil unquam firmum & stabile in philosophiâ statui posse mihi persuadeam. Et quamvis ignis & ferrum ab imprudentibus aut pueris sine periculo non tractentur, quia tamen utilia sunt ad vitam, nemo est qui putet idcirco ipsis esse carendum. Alii rursus obtendunt & conquerruntur, viam Philosopho tentatam multis non arridere, neque eam à plurimis teneri posse. &c. Et illud author lubens fatetur, neque unquam author esse vult, ut eandem quis insistas viam, audiamus ipsum: *Quamvis*, inquit, quia *Method.* *meum opus mihi ipsi satis placet, ejus exemplar hic vobis proponam, non ideo cuiquam autor esse velim, ut simile quid aggrediatur; Poterunt fortasse alii, quibus Deus præstantiora ingenia largitus est, majora perficere; sed vereor ne hoc ipsum quod suscepi tam arduum & difficile sit, ut valde paucis expediat imitari. Nam vel hoc unum, ut opiniones omnes, quibus olim fuimus imbuti deponamus, non unicuique est tentandum. Et maxima pars hominum sub duobus generibus continetur, quorum neutri potest convenire. Nempe permulti sunt, qui cum plus aquo propriis ingeniis confidant, nimis celeriter solent judicare, nunquamque satis temporis sibi sumunt ad rationes omnes circumspiciendas, & idcirco si semel ausint opiniones omnes vulgò receptas in dubium revocare, & velut à trita viâ recedere,**

X

non

*In Resp.  
Quart.*

*Method.  
§. II.*

non facile illi semita, quæ rectius ducit, semper insistent, sed vagi potius & incerti in reliquam vitam aberrabunt. Alii vero fere omnes cum satis iudicii vel modestiæ habent ad existimandum nonnullos esse in mundo qui ipsos sapientiâ antecedant, & à quibus possint doceri, debent potius ab illi opinioniones, quas sequunturi sunt, accipere, quam alias proprio ingenio investigare.

Sed non deerunt fortassis, & alii inquiringes; Cupimus sane cum Cartesio philosophari, sed dura & difficilis nobis est illa ineunda methodus ac via; nonne mitigari aliquâ ratione potest? R. D. Lipstorpheus in suis speciminibus Philosophiæ Cartesianæ consilium de imitando Cartesio exhibuit, quod integrum exhibebimus, an fortè illud sequi allu-berceret. Sed quia iam alios, inquit, ad imitandum Philosophum nostrum incitavi, tum ipse quoque eum imitaturus sum in posterioribus, superest, ut quo pacto Nobiliss. D. Cartesium imitari debeamus atque etiam possimus, hic exponamus. Equidem tres sunt modi diversi imitandi Cartesium. Primus est quo quis institutum ejus quoad omnia sequi velit secundum lineas in methodo ductas: eorum nempe curatori habitâ ratione, quæ, postquam à præceptorum custodiâ exiverat, & Illustri Collegio Flexiensi (ubi primam animi culturam acceperat) valedixerat, proprio Marte aggressus est tam in mundi volumine, quam in seipso, & quidem juxta normam generalissimi decreti, ut omnes simul ac semel opinioniones e mente suâ dele-ret, ut deinde vel alias meliores vel certè easdem, sed postquam matura rationis examen subiissent, admitteret, atque etiam ex præscripto regularum istius methodi, omniumque quæ postea egit. Secundus est, quo non quidem omnia Cartesii facta imitamur, sed per easdem vias cogitationes nostras ducimus, quæ in scriptis ejus expressæ sunt. Tertius denique modus eum imitandi is est, quo quis veram Philosophiam, ejusque veritates detectas, sive audiendo, sive continuè legendo & examinando addiscit, idque cum minori severitate & ærexiæ, quam illius philosophemata præ se ferunt, nempe nonnihil remittendo de severitate expurgationis illius  
initio

initio necessaria: quod fit imaginando sibi, & more Mathematicorum supponendo, opiniones, quas antea sive à nobismet ipsis, sive à parentibus nostris hauseramus, non omnes ejusdem census esse atque valoris, sed quaslibet suspecta fidei. Atque sic in ipsâ instauratione scientiæ nostræ non tam rigorosè leges methodi attendamus, quin interrupto ordine saltum quendam pro re natâ faciamus. Hi sunt tres modi imitandi Cartesium: quorum primus impossibilis omninò & supervacaneus est: Alter arduus & difficilis, & iis forsan non salutaris, qui studiis Academicis operam dant, & ad aliquam Facultatem aspirant. Ultimus denique optimus est, & minime negligendus ab iis, qui in veritatis studio laudabiles progressus facere allaborant. Nec est cur aliquis hâc viâ studiorum suorum rationem iniens de prosperrimo successu dubitare velit, siquidem in promptu sunt exempla illorum, qui hâc ratione ad exoptatum Veritatis tramitem pervenerunt, in quo postea confirmati inoffenso pede perrexerunt. Hoc igitur si libet consilium sequere, & juxta hanc viam cogitationes mentis tuæ dirige.

Dum tamen hoc consilium illis qui infirmioris judicii sunt, nec ad arcem philosophicæ cognitionis prorsus ascendere cupiunt, sequi permittimus; neutiquam nimis severitatis atque affectatæ adedò anxietatis vel tacitè Cartesii Philosophiam suspectam reddere volumus, ac si aliquâ ratione ad Scepticismum & Atheismum viam panderet; ex universo enim Exegeleos nostræ opere longissimè illam toties falso impactam illi calumniam profligavimus, & à Cartesii mente illam philosophandi rationem alienissimam fuisse ostendimus. Si cui tamen ad retundendam illam calumniam à nobis dicta necdum sufficiant; ipsius Renati verba se ab illa injuriâ solidissimè vindicantis perlegat, quæ scripta reperiuntur sub finem notarum ad programma Regii; quæ cum ad obstruenda calumniantium ora efficacissima sunt, ascribere non pigebit: Secundo, inquit, monco me nunquam etiam docuisse Deum esse negandum, vel ipsum nos posse decipere, vel de omnibus esse dubitandum, vel fidem

omnem sensibus abrogandam, vel somnum à vigiliâ non distinguendum vel similia, quæ à calumniatoribus in peris aliquando mihi objecta sunt; sed omnia ista expressissimis verbis rejecisse, validissimisque argumentis, imò etiam ausim addere, validioribus, quam ab ullo ante me refutata fuerint, refutasse: quod ut commodius & efficacius præstarem, proposui, initio Meditationum mearum, ista omnia tanquam dubia, quæ non à me primum fuerunt inventa, sed à Scepticis dudum decantata. Quid autem iniquum, quam tribuere alicui scriptori opiniones, quas eo fine tantum refert, ut eas refuteret? Quid ineptius, quam fingere saltem illo tempore, quo ista falsa opiniones proponuntur, & nondum refutantur, eas doceri, atque ideo illum, qui refert Atheorum argumenta, esse Atheum temporarium? Quid magis puerile, quam dicere, si moriatur inierim, priusquam speratam suam demonstrationem scripserit vel invenerit, cum Atheum moriturum, ipsumque in antecessum perniciosam doctrinam docuisse, non autem esse facienda mala ut eveniant bona, & talia. Dicit forte aliquis, me istas falsas opiniones non reulisse tanquam aliorum, sed tanquam meas: verum quid hoc refert? quandoquidem in eodem libro, in quo ipsas retuli, omnes refutavi; atque ex ipso libri titulo potuit intelligi, me ab iis credendis esse planè alienum, quandoquidem in eo Demonstrationes de existentiâ Dei promittuntur. Estne aliquis adeò stolidus, eum, qui talem librum componit, ignorare, dum primas ejus paginas exarat, quid in sequentibus demonstrandum susceperit? Objectiones autem tanquam meas proposui, quia hoc exigebat stylus meditationum, quem rationibus explicandis aptissimum judicavi. Quæ ratio si nostris censoribus non satisfacit; velim scire, quid dicant de sacris literis, cum quibus nulla humana scripta sunt comparanda, quando vident in iis nonnulla, quæ non possunt rectè intelligi, nisi supponantur tanquam ab impiis, vel saltem ab aliis quam à Spiritu Sancto vel à Prophetis dicta esse; qualia sunt Eccl. cap. 2. hæc verba. Nonne melius est comedere & bibere, & ostendere animæ suæ bona de

labo-

laboribus suis & hoc de manu Dei est. Quis ita devorabit & deliciis affluet, ut ego? *& in capite sequenti:* Dixi in corde meo de filiis hominum, ut probaret eos Deus, & ostenderet similes esse bestiiis. Idcirco unus interitus est hominis & jumentorum & æqua utrisque conditio; sic ut moritur homo, sic & illa moriuntur; similiter spirant omnia, ut nihil habet homo jumento amplius, &c. *An credunt ibi Spiritum Sanctum nos docere, ventri esse indulgendum, & affluendum deliciis, animasque nostras non magis esse immortales, quam jumentorum? Non puto eos usque adeò esse furiosos. Sed neque debent etiam calumniari, quod iis inter scribendum non usus sim cautelis, quæ nunquam ab ullis aliis scriptoribus fuerunt observata, nec ab ipso quidem Spiritu Sancto. Non video quid præterea quis desiderare possit ad abstergendam illam inustam Philosopho maculam. Plura tamen in hanc rem alibi à nobis congesta sunt, ubi ex professo illam injuriam à Philosopho propulsavimus. Sed si quis necdum acquiescat, audiat quam solidam & prorsus inconcussam de Dei existentia in mente suâ tenuerit scientiam, imo zelum maxime pium, adeò ut ad aspectum hominum *ῥεοῦσιν* in justam exarserit iram, & contra hos se Meditationes sive primam Philosophiam concinnasse testetur. Compendiosissima, quam noverim, via Epistolæ respondendi rationibus, quas adversus Divinitatem affert, *part. 2.* & reliquis simul omnium Atheorum objectionibus hac est, *Epist. CIII.**

• si nimirum inveniatur evidens aliqua demonstratio, quæ apud omnes fidem faciat Deum esse. Quod ad me attinet, ausim dicere me invenisse unam, quæ mihi penitus satisfaciatur, & ex quâ certius scio Deum esse, quam Geometrica ullius propositionis veritatem; sed nescio an possim efficere, ut illam eodem modo quilibet intelligat, ac ego; existimo autem satius esse hanc materiam planè non attingere, quam imperfectè tractare. Universus populorum omnium consensus satis asserit numen ab Atheorum injuriis, neque sanè privatus quisquam debet cum illis disputationem inire, nisi certissimus sit se illos convicturum. Experiar in Dioptricâ an possim cogitationes.

meas exprimere, & veritatem, quam mihi ipsi persuasam habeo, aliis persuadere, quod quidem nequaquam puto. Sed si experientiâ deprehenderem ita esse, absolverem fortasse aliquando exiguum Metaphysices tractatum, cuius in Frisîâ olim initium feci, & cuius præcipuus scopus est probare Dei & animarum nostrarum à corporibus separatarum existentiam, unde sequitur illarum immortalitas. Certè enim succenseo, cum video homines usque adeo audaces & impudentes, ut Deum oppugnent. Sed si quis Philosopho in re propria testanti (quanquam nemo melius de se quam ipse spiritus hominis, qui in ipso est, testari potest) neque illius scriptis, fidem dictis facientibus, neque denique fidelibus & eruditis interpretibus credere velit, fidem tamen, nisi planè perverso sit animo, ipsius Cartesii impugnatoribus denegare non poterit. Marefium alibi adduximus auctorem nostrum ab omni odiosâ comparatione cum Lucilio Vanino liberum declarantem & philosophem nata illius magnificè deprædicantem. Addam hoc loco H. Mori Viri citra controversiam magni & qui non paucas quoque Cartesio questiones movit, de philosophia Cartesianâ iudicium, an forte ad sanio rem mentem infruñti obrectatores reduci possent: Est enim, inquit, in Philosophiâ Cartesianâ illud rerum pondus, veritatis pulchritudo, amplitudo ingenii & acumen omnium Theorematum, denique admirabilis ille ordo & consensu in scriptis Cartesianis, ut vel millies lecta non fœdescant: non magis quam lux solis, cuius ortum singulis diebus aves, pecudes, ipsique adeo homines gratulabundi contemplantur. Nec certè solum lectu jucunda est hæc Cartesianâ Philosophia, sed apprime utilis, quicquid aut missitent aut debitterent alii, ad summum illum omnis Philosophiæ finem, puta Religionem. Cum enim Peripatetici formas quasdam consentiant esse substantiales, quæ à potentiâ materia oriuntur, quæque cum materiâ ita coalescunt, ut absque illâ subsistere non possint, ac proinde necessariò demum redeunt in potentiam materiæ (cui ordini accenses viventium fere omnium animas, etiam eas quibus sensum cogitationemque tribuunt, &

Epistolæ  
part. I.

Epist. LXV.

Epi-



*Epicurei autem, explosis illis substantialibus formis ipsa materia vim sentiendi cogitandique inesse statuunt; solus, quod scio, inter Physiologos extitit Cartesius, qui substantiales illas formas, animasve materiâ exortas è philosophia sustulit, materiamque ipsam omni sentiendi cogitandique facultate plane spoliavit. Unde, si Principiis staretur Cartesianis, certissima esset ratio ac Methodus demonstrandi, & quod Deus sit, & quod anima humana mortalis esse non possit. Quæ sunt illa duo solidissima fundamenta, ac fulcra omnis veræ Religionis. Hac breviter noto, cum possem & alia bene multa adhuc adicere, quæ eodem spectant. Sed summarim dicam, nullam extare Philosophiam, nisi Platoniam forte exceperis, quæ tam firmiter Atheis viam præcludit ad perverfas istas cavillas & subterfugia quo se solent recipere, quam hæc Cartesiana, si penitus intelligatur. Unâ spero, quod omnes boni clementius ferent amplissimas illas laudes quibus incomparabilem Virum cumulo, in iis quas ad eum scripsi literis, credoque quicquid hæc præsens ætas senserit de Cartesio, (nam ut nunquam vivis, ita rarò recentis defunctorum memoria parcat invidia) quod posteritas cum omnî cum laude & veneratione sit exceptura, optimumque illius Philosophiæ usum agnitura.*

Atqui ita Philolophiam Cartesianam ab atrocibus adversariorum injuriis satis vindicâsse videmur; paucis quoque refellendæ sunt præcipuæ quæ adversus primum illud Cognitum Cogito, Ergo sum, adferuntur objectiones. Arguunt primo; *Cogito, ergo sum* non est primum cognitum, supponit enim hanc majorem, *Qui cogitat, est*, atque ita jam aliquod præjudicium admissum est. R. Præjudicium est opinio per judicium nostrum à nobis vel sine satis sufficiente vel sine ullo examine admissa; ad eò ut enunciatio aliqua sine attentione proferatur, & ideò vera esse creditur, quia talis antea fuit judicata. Sed hoc pronuntiatum Cogito, ergo sum, cum expenditur, præjudicium appellari non debet; propterea quod animo tam evidens appareat ut ab eâ credendâ sibi temperare nequeat, cum forte de eâ tum pri-

mm

mum cogitare incipiat, ac proinde mentem præjudicio imbutam nondum habeat. Neque etiam hæc veritas *Cogito, ergo sum*, ex illo generali *Qui cogitare est*, per ratiocinationem deducta est. Errant enim qui existimant enunciationum particularium cognitionem semper ex universalibus, secundum Syllogismorum Dialectices ordinem esse deducendam. Qui hoc enim supponunt, satis produnt se ignorare quomodo veritas indaganda sit. Constat enim inter omnes philosophos, ad eam indagandam initium semper à particularibus notionibus fieri debere, ut postea ad universale accedatur; quum etiam gressu retrogando, universalibus inventis, aliarum particulares exinde deduci possunt. Ita si puer in Geometriâ instituendus est, hoc principium generale, *Si ab aequalibus aequalia demas, quæ remanent erunt aequalia*; aut, *Totum singulis suis partibus majus est*, non capiet nisi particularibus exemplis illustretur.

Obijciunt porro: Prænoscere debemus quid sit cogitatio, existentia, certitudo: ergo, *Cogito, ergo sum*, non est primum cognitum. Respondet Cartesius, ubi dixi hanc Propositionem, *ego cogito, ergo sum*, esse omnium primam certissimam, non ideo negavi, quin ante ipsam scire oporteat, quid sit cogitatio, quid existentia, quid certitudo: item quod fieri non possit, ut id quod cogitat non existat, & talia: sed quia hæc sunt simplicissimæ notiones, & quæ solæ nullius rei existentis notitiam præbent, idcirco non censui esse numerandas.

Princip.  
p. I. art.  
x.

Rursus ajunt; sed hæc propositio, *Quicquid concipio, est, aut non est*, æquè certa est, ac *Cogito, ergo sum*, imò & prior est. Resp. Illa inutilis est, & nullius rei existentiam nos docet; neque tam citò certus sum meæ existentiz, quam meæ cogitationis, quia illam per hanc cognosco.

Uterius adhuc instant: Sed Existentia nostra ex quâvis aliâ actione nostrâ æquè potest colligi, quam ex cogitatione nostrâ. R. Falsum illud est; Nam nullius actionis nostræ omnino certi sumus (nempe certitudine illâ metaphysicâ,

sicâ , de quâ solâ hic quæstio est ) præterquam solius cogitationis. Nec licet inferre, exempli causâ, *ego ambulo*, *ergo sum*, nisi quatenus ambulandi conscientia cogitatio est, de quâ solâ hæc illatio est certa, non de motu corporis, qui aliquando nullus est in somnis, cum tamen mihi etiam videor ambulare; adeo ut ex hoc quod putem me ambulare, optimè inferam existentiam mentis, quæ hoc putat, non autem corporis, quod ambulat. Atque idem esto de cæteris actionibus iudicium.

Rursus alii contendunt: Si illud pronunciatum, *Cogito*, *Ergo sum*, per se notum est è lumine naturæ, adeo ut luce suâ & claritate summâ cuivis attendenti manifestum sit; cur igitur multi illud primum & indubitatum principium esse negant? R. Multis litigandi cacoëthes inest; quibus contradicere summa voluptas est. Et hi Sophistæ, licet nihil, quod opponant, habent, obloqui tamen non desinunt. Nisi enim semper haberent Sophistæ, quod obgan-  
nirent, jam Sophistæ non essent. Sed ad rem. Respondentem pro nobis audi Aristotelem τὸ ἀπλῶς γνωστέον ἢ τὸ πᾶσι γνωστόν ἐστὶ, ἀλλὰ τὸ πῶς ἐν ἀγκυμύλοις τῷ ἀγνοίᾳ καὶ ὁπότε καὶ τὸ ἀπλῶς ὄντων τὸ πῶς ἐν ἔχει τὸ σῶμα.

6. Topic.  
cap. 4.

Quid simpliciter notum est, non id est, quod notum est omnibus, sed quod notum est iis, qui ratione bene constitutâ præditi sunt; quemadmodum & simpliciter salubre dictum id, quod salubre est iis, quorum corpus bene affectum est. Mentem autem non esse ἐν ἀγκυμύλῳ seu non rectè se habere respectu communium notionum, quamdiu præiudicio, vel errore iis adverso laborat, per se manifestum est; uti vice versâ sana dici potest ac bene disposita ubi à duplici hoc morbo convaivit. Sed quemadmodum post diuturnas morbos virium quædam imbecillitas remanet, & oculi ægrè vim luminis perferunt; ità humanæ mentes, primæ ætatis tenebris erroribusque assuetæ, nocturnarum instar ad clarissimas veritates cæcutiunt, ubi eos intueri incipiunt. Atque huc spectat illa Aristotelis comparatio. Quemadmodum verspertilionum oculi ad lumen diei se

II. Me-  
raphy.  
cap. I.

habent, ita & intellectus animæ nostræ ad ea quæ manifestissima omnium sunt. Quapropter, ut illi, qui vitia quædam sibi familiaria declinare incipiunt, non continuò oppositas exercere possunt virtutes, verum peculiari ad id opus habent labore: eodem modo ad familiarem notionum illarum communium, quibus præconcepta quædam opinio repugnat, notitiam, haud satis est adversas iis errorum ac præjudiciorum tenebras fugere & arcere, sed attentè ac sæpius ipsæ illæ rationes inspiciendæ sunt ac perpendendæ, quò tandem quoties opus fuerit, absque ullâ difficultate occurrere & quam evidentissimè cognosci à nobis possint. Verba sunt magni ad Amitelam Philosophi, quæ mea feci. Idem consilium ad notiones communes rectè percipiendas veritatis studiosis jam exhibuerat auctor noster in Responsionibus ad objectiones secundas: *Peto, inquit, ut lectores propositiones per se notas, quas apud se inveniunt, quales sunt; Quod idem non possit esse simul & non esse. Quod nihil nequeat esse causa ulius rei, & similes diligenter expendant, atque ita perspicuitatem intellectus sibi à naturâ inditam, sed quam sensuum visa quam maximè turbare solent & obscurare, puram atque ab ipsis liberatam exercent. Hæc enim ratione omnium notionum communium veritas facile innotescet.*

Denique alii arguunt: *impossibile est idem simul esse & non esse*, est primum & indubitatum in Metaphysicis principium, non ergo *Cogito, ergo sum*. R. Imo verò hoc principium *Cogito, ergo sum* sive *Ego cogitans sum* alio illo prius, notius & simplicius est. Simplex enim enunciatio prior est compositâ, affirmans negante, pura modali. Axioma illud *cogito ergo sum* de semetipso pronunciat unusquisque philosophaturus, quatenus cogitat & mentem habet. Atqui mentis suæ existentia, unicuique notissima præ cæteris aliis rebus. Porro prius est verbum *sum*, de primâ & certâ loquens personâ, quam est de tertio aliquo, *τῷ δῆνα*, individuo vago. Substantiæ primæ semper fuerunt ante secundas. Prius de te hoc homine cogitasti, quam de homine in genere; prius de hoc ente singulari, quod offerebatur sensui

fui vel intellectui, quam de ente generali atque universè. Præterea universale illud axioma, *Impossibile est idem esse simul & non esse*, per se nullius rei existentiam probat. Sed potius præsupponit, *aliquid esse*, quod probandum erat in Philosophiâ primâ. Certè præsupponit divisionem ejus, quod cogitari potest, in ens & non ens, indeque natum axioma: *Quodlibet est, aut non est*. Sed hoc axioma *Ego cogitans sum* demonstrat existentiam alicujus rei, uti demonstrandum erat aliquod subiectum in initio Philosophiæ, de quo philosophandum esset. Et nihil præsupponit, cum ab eo qui reliqua omnia in dubium revocavit ac seposuit, pronuncietur. Et sanè hi termini, *ego, cogito, sum* longè notiores, quam voces, *impossibile, idem, simul*, præterquam quod & hæ ambigæ sunt, illæ distinctæ. Hæ relativæ, illæ absolutæ. Et denique *ego cogitans* live *mens mea cogitans* subiectum axiomatis clarâ ac distinctâ cognitione prius intelligitur, quam cætera. At conceptus entis de quo loquitur axioma, *Impossibile est idem simul esse & non esse*, primus est cognitione tantum confusa & obscurâ. Audiamus ipsum Philosophum hæc de re disserentem expressis verbis. Atque hic à me satisfactum puto iis, qui omnia solidis putant rationibus; sed quoniam multi vulgarium semper præceptorum vestigiis insistant, *ὡς περ τὰ πελάτα, οὕτως τὸν αὐτῶν ἡγεμῶνα*, *Quomodo oves sequuntur, ducem suum*; qui subinde ingeminant, *impossibile est idem simul esse & non esse*; illud pro primo in Metaphysicis principio venditantes & obtrudentes: hinc operæ pretium nobis visum est aliorum de hoc axioma philosophorum judicia & rationes exponere. Suarezius, qui illud effatum, *Impossibile &c.* extollit, ut *principium simpliciter primum* in humanâ scientiâ & præsertim in metaphysicâ; fatetur tamen disertè ipsam *Aristotelem* non vocare id *princi-* Disp. III.  
*pium primum*, quia illo utatur Metaphysica ad suas pro- f. 3. r. 8. 9.  
 prias & directas demonstrationes. Nam Aristotelem alibi dicere, non solere illud principium formaliter ingredi demonstrationem: sed quod sit quasi fundamentum univer- I. Post. c. 8. r. 26.

fale, quo omnes demonstrationes nitantur. Arriaga autem disertè negat hoc primum esse principium. *Dices, inquit, Tota vis demonstrationis consistit in iis principiis (nempe, quodlibet est aut non est. Nihil potest simul esse aut non esse) ergo si ignorentur, non poteris fieri ulla demonstratio; respondeo: demonstrationem non inniti iis principiis, sed iis: quæ sunt eadem uni tercio, sunt eadem inter se. Notat autem in illa Suarezii verba à nobis superius allata Revius sequentia. Estne, inquit, hoc pugnare an fugere? quaruntur principia per qua passiones de subiecto, v. g. unum, verum, bonum, de ente demonstrentur. adducitur principium quod demonstrationem non ingreditur, quod nec causam nec effectum continet; ac proinde per quod nihil demonstrari possit, nec à priori nec à posteriori: & profecto nihil eò verius est. Quid enim, per Deum immortalem, hinc demonstratur in ullâ scientiâ, quod impossibile sit idem esse & non esse? imo nihil hinc aliud probabis, quam utrumque simul de ente non esse verum: utrum autem verum sit in dubio relinques. Probabisne Ens unum, verum aut bonum esse, ex eo quod hac non possint simul esse & non esse? eadem ineptia. vagare per omnes scientias, & idem inventurus es. quomodo autem fundamentum est omnium demonstrationum, quod in nulla demonstratione locum invenit, & nullius medius terminus esse potest? video quid responsurus sis, nempe concludi nihilominus aliquid per hoc principium, quoties adversarius eo compellitur ut sibi contradicat: tunc enim statuit idem simul esse & non esse, quod per hoc principium damnatur. audio: sed nec scientificus est ille procedendi modus, neque magnus ejus (quantum adhuc deprehendi) usus in demonstrandis passionibus entis, nec denique ullo modo ad Metaphysicum, sed ad Logicum spectat; fundatur enim (verba sunt ipsius Suarezii) in oppositione & repugnantia contradictoriorum. unde primò sequitur id non esse fundamentum reliquorum omnium, nec absolutè primum, quum fundetur in alio (nempe in hoc; Contradictoria non posse esse simul vera.) Deinde, Metaphysicam etiam hoc nomine fundari in*

Logi-

*Logicâ, ac ut primum suum principium incomplexum, putâ definitionem ab illa petiit, itâ ab eadem primum suum principium complexum emendicare, puta canonem de contradi-  
ctoriis, quæ formidabilis est consequentia.*

Cum itaque propter tot & tam validas rationes decantatum illud in Scholis effatum: *Impossibile est idem simul esse & non esse*; pro principio absolute primo in Metaphysicis recipi non possit; cum ab ipsis suis patronis admodum infelix nanciscatur patrocinium, ut illud potius prodant, quam defendant: cum denique ipse sectæ princeps Aristoteles Stagirita alique ex ipsius asseclis evidentibus rationibus convicti illud pro primo principio non agnoscant, meritò igitur ab iis qui iusto ordine philosophantur pro principio absolute primò in primâ Philosophiâ admissum non est; & contra illud simplicissimum, ordine cognitionis primum & cuique attendenti per se notissimum axioma, *Cogito, ergo sum*, optimâ ratione in alterius locum substitutum est; & tanè qui hoc negat verberibus potius, quam verbis corrigendus videtur, Τοὺς μαχουήους ὅ τοῖς φανεροῖς ἔ λόγων διεδοῦναι μάλλον, ἢ ἀληθῶν, eos qui manifesta negant, inquit vetus veriverbium, non tam verbum indigere, quam plagis.

**D**Etectâ atque assertâ in superioribus primâ veritate de existentia sui ipsius; quam unusquisque iusto ordine philosophando & meditando invenit, nempe *Cogito ergo sum*; atque itâ explosâ & convictâ Scepticorum & Academicorum ἀκαταληψία, quâ *Nihil certi esse* statuiebant, ubi pedem figamus habentibus ulterius progredi sententia est. Magna enim spes reliquas quoque veritates detegendi affulgere jam incipit; sed ne temerè nimis ab uno ad aliud transiliam, inventam veritatem penitus contempleri & mei existentis id est mentis meæ naturam accuratius indagare & perscrutari volupe erit & perutile:

*O fortunati nimium bona nostra scientes.*

Divina enim est illa sui ipsius cognitio id est animi sui, ad  
Y 3 quam

Tuscul.  
Quæst.  
Lib. 1.

quam Apollinem homines admonuisse fert antiquitas. Notanda in hanc rem Ciceronis verba: *Est illud quidem vel maximum, animo ipso animum videre & nimirum hanc habet vim præceptum Apollinis, quo monet ut se quisque noscat. non enim, credo, id præcipit, ut membra nostra, aut staturam, figuramve noscamus: neque nos corpora sumus: neque ego tibi dicens, hoc corpori tuo dico, cum igitur, Nosce Te, dicit, hoc dicit, Nosce animum tuum. Nam corpus quidem, quasi vas est, aut aliquod animi receptaculum. ab animo tuo quidquid agitur, id agitur à te, hunc igitur nosse, nisi divinum esset, non esset hoc acrioris cujusdam animi præceptum, sic, ut tributum Deo sit, hoc, seipsum posse cognoscere.*

Mentis itaque nostræ naturam penitus perscrutemur, parum enim prodest, scire nos esse, nisi simul cujus essentia & quales simus cognitum & perspectum habeamus; ut itaque promoveatur hæc in parte cognitio nostra, cujus jam firmum & inconcussum fundamentum posuimus & felix initium fecimus, premamus vestigia authoris nostri, ille enim jam porro demonstratâ suæ id est mentis humanæ existentia essentiam illius pervestigat & rimatur; non tantum ut hæc ratione cognitio sua magis magisque promoveatur, verum etiam ne in posterum quid diversum à se in sui locum assumat & substituat, cum Ixione nebulam pro Venere complectens; atque ita quoque ex illâ cognitione suæ existentia, quam evidentissimæ & certissimæ veritatis esse affirmat & evicit, errores periculosi & noxii populsulent; quo hæc prima quoque ad veritates cæteras via errorum læcunda evaderet parens. *Nondum tamen, inquit, satis intelligo, quisnam sim ego ille, qui jam necessario sum, deincepsque cavendum est, ne forte quid aliud imprudenter assumam in locum mei, sicque aberrrem etiam in eâ cognitione, quam omnium certissimam esse contendo. Nondum, ait, satis intelligo, quisnam sim ille ego. Noverat jam se non esse nihil, sed esse aliquid, ens aliquod, sed quale & quodnam ens præcisè esset nondum. satis novit, aut potius fingit se nondum nosse,*  
ut



ut hâc ratione occasionem habeat ejus naturam penitus contemplandi & explicandi. Dixit *se necessario esse*, non quod existentiam suam talem esse velit, ut non possit non esse, quæ existentia soli Deo propria est; sed quod demonstratione necessariâ & infallibili suam existentiam demonstrâset, quæ nullâ dubitandi ratione amplius ullo modo labefactari aut in falsitatis suspensionem trahi potest. Proponit autem porro modum aggrediendi hanc meditationem & adjicit medium, quo veritatem hâc in re firmam eruere & detegere valeat; nempe examinando & ad trutinam expendendo opiniones prisca, quas fovit, antequam novas has meditationes & cogitationes animo volveret; eam enim in veritate inquirendâ methodum, nempe de omnibus esse dubitandum id est omnia de-nuò ad accuratum examen esse revocanda, initio meditationum præscripsit, hanc ipse proinde sequi constituit; exigit autem illa, ut id quod vel in minimam falsitatis suspensionem incurere vel ullatenus infirmari potest, rejiciatur, tanquam falsum; quoniam heic certitudo, quam metaphysicam appellant, sola inquiritur & admittitur, ubi de principiis cognitionis humanæ agitur. *Quare*, inquit, *jam denuò meditabor quidnam me olim esse crediderim, priusquam in has cogitationes incidissem. Ex quo deinde subducam quidquid allatis rationibus vel minimum potuit infirmari; ut isâ tantem præcisè remaneat illud tantum quod certum est & inconcussum.* Estquæ hæc optima veritatem firmissimam inquirendi via & unica penè ratio, siquidem ut ait Iulianus Martyr. Ἡ δὲ τῶν πραγμάτων ἀκριβὲς ἐξέτασις, καὶ ἐόρτῃ καλῶς ἔχειν, πᾶσις ἀδολογητὸς διανοστὶς ἀρετῆς πρὸς τὰ ἀληθὲς βασανίζασθαι. Nam accurata rerum in-quisitio, sape etiam ea, quæ primâ fronte speciosa videntur, exactiore veritatis examine adhibito, longè aliter se habere demonstrat. Ut igitur in antecessum perlustratis omnibus, quæ in mundo esse sibi olim persuaserat, totam sui existentiam certissimam esse, post dubiorum omnium recensionem & remotionem invenit: itâ & nunc enumerando omnia quæ in seipso esse olim credidit, inquireret illud quod præ cæteris ad sui natu-ram

Cohortatione ad  
Gentes  
pag. 1.

cepta, repetant in definitione speciei nempe *hominis*, quod positum est in definitione generis nempe *animalis*: vel denotat cognitionem *noëticam* sive simplicem mentis apprehensionem, quæ mentis actio perfectior; sed tum explicare satis nequeunt, quantum differat hæc hominis perceptio ab eâ, quam brutis ascribunt: vel denotat *cognitionem dianoëticam*, quæ est actio mentis imperfectior; cum mentes perfectiores Deus & angeli sine discursu, solo intuitu res percipiant; atque ita homo ab imperfectiori & ignobiliori mentis actione definiretur, quod absurdum: cum enim denominationes rerum à potiori fieri debeant, longè igitur majori ratione definitiones. Quid multis? Definitio dicta hominis indicat tantum, quâ ratione homo conveniat cum brutis & ab iisdem discrepet, ac si cum nullâ aliâ re magis affini conferri posset, quam cum brutis; cum meliori ratione cum geniis ratione mentis intelligentis atque immortalis conferendus esset, hæc enim pars hominis longè melior, respectu cuius & imaginem Deigerit. Cum itaque tot ac tantis navis laboret illa recepta in Scholis definitio, & heic loci nihil admittendum sit à nobis, nisi quod certissimum & evidentissimum, summâ ratione negat Philosophus se in sui accuratâ inquisitione hanc definitionem velle adhibere. *Sed quid est homo?* rogat: *dicamne animal rationale?* non, respondet; assignatque rationes: *quâ postea querendum foret quidnam animal sit, & quid rationale, atque ita ex unâ questione in plures difficilioreque dilaberet; neque jam mihi tantum otii est, ut ipso velim inter istiusmodi subtilitates abuti, ne mentem meam aliis spinosis & inutilibus fatigando disputationibus à proposito scopo inquirendæ meæ essentiae abducatur.* Quâ igitur methodo heic procedendum est? non illâ spinosâ scholasticâ tot subtilitatibus intricatâ, sed ea potius, quam mihi ipsa natura mea suggerere videtur. *Sed hic potius, inquit, attendam quid sponte & naturâ duce cogitationi meæ antehac occurrebat, quoties quid essem considerabam.* Et hinc orditur recellere cogitationes illas, quæ spontaneo naturæ ductu, sensibus mi-

nistris (iis enim solis ducibus nitebatur) sibi quoties de seipso cogitabat incidebant. Primò autem occurrebant corporis partes integrantes, sensibus externis obviæ, vultus, collum, humeri, brachia, manus, pectus, venter, crura, pedes, & universa membrorum præsertim externorum compages: res enim sensibiles præcipuè & terè solæ in considerationem veniebant, ad internas enim partes non adco attendebatur; sed ea membra, quæ etiam in cadavere oculis conspiciuntur, præcipuè considerabantur: atque hæc coagmentata membrorum machina, à cadavere non distincta, Corporis nomine veniebat: *nempe, inquit, occurrebat primò me habere vultum, manus, brachia, totamque hanc membrorum machinam, qualis etiam in cadavere cernitur, & quam corporis nomine designabam.* Porro seipsum consideranti occurrebat, se nutriri, incedere, sentire, & cogitare; hæ autem actiones animæ ascribebantur, cum interin ad essentiam & naturam animæ vel non attenderetur, vel sanè quid esset non intelligeretur; aut si intelligere & percipere se putaret, eam representabat phantasie suæ instar venti, vel æris, vel ætheris vel subtilis alicujus materiæ crassioribus sui partibus infusæ. Ait enim: *Occurrebat præterea me nutriri, incedere, sentire & cogitare, quas quidem actiones ad animam referebam: sed quid esset hæc anima vel non advertebam, vel exiguum nescio quid imaginabar instar venti vel insignis, vel ætheris, quod crassioribus mei partibus esset infusum.* Et protectò hæc ferè vel hujus farinae est universa cognitio, quam plerique è Philosophis, tam antiquis quam recentioribus Peripateticis & Scholasticis, de animæ essentia se habere profitentur. Illi enim præter cogitandi facultatem, nutriendi & loco movendi & sentiendi facultatem animæ rationali ascribunt, putantes omnem augmentationem, motum ac sensum à sola animâ, non autem à corpore fieri. Et has animæ rationali proprietates ut actiones ascribebat quoque Philosophus; quas dictante naturâ se in animâ suâ cognoscere putabat, & quæ tamen maximam partem falsæ erant, utpote à præjudiciis infantie promanantes & sine justo examine receptæ, uti

uti in Physicis demonstrandi locus est, & in sequentibus ex occasione ostenturi sumus, Sed quid de ipsâ animæ essentiâ existimabat? hujus vel nullam penitus se habuisse cognitionem fateretur, quoniam de essentiâ & naturâ ipsius intelligendâ nunquam erat sollicitus, aut si forte de eâ cogitaret, veluti *tenuē, subtile, invisibile, insensibile* quid imaginabatur, quod quid propriè esset ignorabat, & cum tamen quid esset conabatur concipere, eam instar venti, vel aëris, vel ætheris, vel subtilis materiæ phantasiz suæ repræsentabat: adeò ut revera eam subtile aliquod corpus esse putaret; & se ex duplici corpore conflatum esse existimaret, uno lubrili, altero crassiori, cui subtile esset permixtum & infusum. Nec mirum sensibus magistris, tanquam veritatis infallibilibus usus testibus & ducibus, secundum eosdem quoque judicabat. Et hæc ferè priscæ de essentiâ animæ opiniones erant, quales quoque multi ex philosophis de eadem animo conceperant, uti passim apud philosophos aliosque scriptores videre est. Sed de his quoque in progressu latius. Quid autem de corporis essentiâ occurrebat, quoties de eo cogitabat? Ejus naturam se plenissimè & perfectissimè perspectam habere opinabatur, adeò ut nulla de eo amplius dubitatio remaneret; utpote quam exactissimè se mente posse concipere & juxta conceptus posse describere putabat; quia nempe corpus res est quæ in sensus incurrerat externos, quarum rerum essentiam accuratissimè à se cognosci existimabat, adeò ut nulla amplius de eo quæstio moveri posset. *De corpore verò, inquit, ne dubitabam quidem, sed distinctè me nôsse arbitrabar ejus naturam, quam si forte qualem mente concipiebam, describere tentâsem, sic explicuissimè:* Nimirum hunc in modum: *Per corpus intelligo omne quod aptum est figurâ aliquâ terminari, loco circumscribi, spatium sic replere, ut ex eo omne aliud corpus excludat, tactu, visu, auditu, gustu vel odoratu percipi; nec non moveri pluribus modis, non quidem à seipso, sed ab alio quopiam à quo tangatur.* Multis modis verò vitiosa est hæc definitio 1. Quia non definit quid sit corpus, sed quid

esse possit, dicit enim corpus *aptum esse figurâ terminari, loco circumscribi &c.* non quod terminetur, circumscribatur; cum tamen per definitionem non sit explicandum quid res esse possit, sed quid sit revera. 2. Deinde si hæc descriptio naturam corporis benè explicat, fatendum est Corpus esse ens in potentiâ, & non actu existens, quod absurdum. Quod autem, uti hic definitur corpus, tantum ens in potentiâ sit, patet, quoniam illud quod revera illis omnibus attributis caret, actu existens dari non potest, esset enim vel figuratum vel circumscriptum &c. quod cum hic esse negetur & saltem id posse esse affirmetur, apparet satis corpus uti ens in potentiâ definiri, non autem reale & physicum. Porro si partes spectes, est vitiosa. 1. Quia omnia attributa corporis quæ hic recensentur sunt respectiva, ut figurâ aliquâ terminari seu rotundâ seu quadratâ. 2. Nec sunt priora ut in legitimâ definitione esse debent, extensio enim his omnibus prior est. Apparet itaque, quam falsa sit illa è Scholasticis studiis & veteri philosophiæ innitentibus fundamentis ac principiis hausta ac deducta cognitio, de naturâ Corporis nostri & Animæ.

\* Videamus jam porro an quidquam ex iis, quæ olim ad naturam nostram pertinere existimabat, revera ad eam pertineat, Progreditur autem hac methodo Philosophus, ut primò quidem consideret naturam proprietatesque corporis & an quidquam ex iis ad se pertinere in præsens asseverare audeat, ubi statuit deceptorem aliquem potentissimum, & si fas est dicere malignum, se deludere & in omnibus quæ in mundo sunt pro viribus decipere: idque ex sententiâ impiorum & Manichæorum, quoniam eorum argumenta refutare ordine philosophandi nondum potest; & proinde illa Hypothesis, Meditatione primâ admittitur, adhuc admittitur. Quid igitur affirmare valet de eis, quæ ad naturam corporis antehac pertinere existimavit? Circumspiciens autem & attentè omnia illa animo volvens atque revolvens, adco ut delassetur eadem iterum atque iterum repetendo, nihil invenit, nihil detegere potest, quod de naturâ corporis sui affirmare possit, imò ne hoc quidem quod

quod Corpus habeat, asserere audet, quoniam nihil nisi intelligendi vim se exercere hæcenus deprehendit, adeoque se esse rem cogitantem. *Quid autem nunc, ubi suppono deceptorem aliquem potentissimum, & si fas est dicere, malignum datâ operâ in omnibus, quantum potuit, me delusisse, possumne affirmare me habere vel minimum. quid ex iis omnibus, quæ jam dixi ad naturam corporis pertinere?*

Cum itaque nihil, quod ad naturam seu conceptum substantiæ corporeæ pertinet, ad se pertinere audeat affirmare, imò cum se corpus habere nondum affirmare possit, quia supposuit nullum corpus in mundo esse; pergit porro & inquirat, an proprietates, quas Animæ olim ascripsit, cum vulgari philosophiæ inhæreret, revera ad se pertineant, quales sunt incedere, nutriri. *Quid verò, inquit, ex iis quæ animæ tribuebam nutriri vel incedere?* Sed respondet has proprietates esse corporis, si quod datur; non autem animæ, uti vulgus putat: imò addit, quoniam jam corpus suum nullum esse supposuit, nutriri & incedere, respectu sui non esse nisi figmenta.

Maximoperè autem mirandum est, quâ fronte & quâ fide Gassendus Cartesio ascribat quod nutriri, incedere, sentire ad animam referat; cum disertis verbis nutritionem hæc referat ad solum corpus; incessum verò & sensum maximâ ex parte etiam ad corpus, solam autem cogitationem ad animam. Disertè enim *Sensum* ad se, qui est res cogitans, pertinere negat, idque geminâ ratione: pri-  
 inò, quia *hoc non fit sine corpore*; nam quemadmodum in-  
 cessus fit pedibus, ita visus oculis, auditus auribus, gustus linguâ, tactus manibus, olfactus naribus; quæ membra cum sanè ascribere mihi non possum nec me sentire affirmare possum. Deinde probat sentiendi actionem de se non posse se affirmare, quoniam contingit sæpe, quod putemus nos sentire, quum revera nihil sentimus, uti in somnis; & adhuc incertum est, an somniemus an vigilemus? quoniam genuina inter utrumque distinctio nondum satis detecta est. Non igitur nutriri, incedere, sentire ad sui

Respp.  
 Quintis  
 num. 2.

naturam, quia tantum res cogitans est, nec corpus habet, pertinet.

Caterum objicit Gassendus animam nutriri, quoniam adolescit ac debilitatur cum corpore; nonne, rogat, corpore adolescente ipsa adolesci? & dum illud debilitatur, debilitari quoque ipsa? Interrogatio ex Epicuri Scholâ, hujusque discipulo digna. Audi enim Lucretium eodem modo ratiocinantem.

*Præterea gigni pariter cum corpore, & unâ  
Crescere sentimus, pariterque senescere mentem.  
Nam velut infirmo pueri, teneroque vagantur  
Corpore: sic animi sequitur sententia tenuis.  
Inde ubi robustis adolevit viribus ætas;  
Consilium quoque majus, & auctior est animi vis.  
Post ubi jam validis quassatum est viribus ævi  
Corpus, & obtusis ceciderunt viribus artus;  
Claudicat ingenium: delirat linguaque mensque;  
Omnia deficiunt, atque uno tempore desunt.*

Caterum in hæc Lucretii argutationem lege fodes cruditam Florentini Censoris animadversionem: *Humana profectò anima, inquit, simul & cum corpore oritur, infunditur nempe à Deo, tota simul perfecta, cui subsequens ætas, nec adjicit, nec demit quicquam. Oritur, nunquam interitura, & quæ temporis nescit exordia, auctori suo in posterum coæva, mensurabitur aternitate. Dives illa muneribus, molli, infirmoque præficitur corpori; quum tamen ex animalibus quamplurima, eaque præsertim quibus firmior contigit membrorum compages, inculpato edant motus, à vitæ usque incunabulis. Non invidet tandem nobis Natura organorum absolutionem; sed quæ caduca rei est conditio, flaccescunt tandem, atque attenuantur illa ævi decursu.*

Cern.  
Gallus.

Contrahimur, miroque modo decrescimus ipsi;

Diminui nostri corporis ossa putes.

*Non hac anima vitia, sed organi impotis debitum anima præstare obsequium: neque secus fit in agritudine, ubi nulla inaisoluta anima suspicio unquam oboritur. Hac de communibus operibus anima cum corpore, vel prima nostra vitæ in*  
tyro-

tyrocinio; subsequuntur propria; intelligere, scilicet, & velle. Quum autem intelligere non sit reminisci, ut credidit Plato, sed in veri cognitionem contendere genuinis anima viribus, non absque tamen sensuum satellitio, dubio procul vitabitur nonnunquam praestantissima illa actio improbo horum servitio: actionis vero lesio triplex observatur à Medicis, imminuta, ablata, & depravata: quod & voluntati contingit, suo pte nisu contendenti in bonum. Verum trepidat inexperta mens in puero donec venientibus annis, securam vagatur, comparatâ sibi ex longo usu rerum notitiâ, sensim tamen illa fufiscit internorum sensuum vitio; quanquam verò

Seneca in  
Oedipo.

— Prima languescit senum

Memoria, longo lassâ sublabens situ;

Vegeta tamen superest mens

Virg. 9.  
Æneid.

— nec tarda senectus

Debilitat vires animi mutatque vigorem.

Quin & scitum illud est, quod revelavit quandoque supremus ille Natura à secretis, si senex haberet oculum juvenis, videret ut juvenis; per aliud enim anima functiones labefactantur in communibus, per accidens in propriis, ubique tamen incolumi animâ, minimèque labefactatâ. Eodem serè sensu Gassendo interroganti respondet Renatus: Primum itaque hic notabo tibi non credi, cum ais mentem adolescere, ac debilitari cum corpore, nullâque ratione id probas, nam ex eo quod non tam perfectè agat in corpore infans, quam adultus, ac sepe à vino aliisque rebus corporeis possint actiones ejus impediri, sequitur tantum illam, quamdiu corpori est adjuncta, ipso uti ut instrumento ad eas operationes, quibus ut plurimum occupatur, non autem perfectiorem vel imperfectiorem reddi à corpore: nec melius hoc inde inferi quam si ex eo quod artifex non rectè operetur quoties malo utitur instrumento, inferres ipsum artis suae peritiam ab instrumenti bonitate nancisci. Cæterum cum nullam rei corporeæ proprietatem sibi attribueri valet, nec nutritionem, nec incessum, nec sensum, quid igitur reliquum est, de quo videndum restat, an sibi conveniat? sola superest Cogitatio: & hanc solam ad se perti-

Arist. lib.  
de Anima.



pertinere asserit? rogât, enim; *Cogitare?* hic invenio, *Cogitatio est.*

Sed dicat aliquis, dicit quidem Cartesius solam *Cogitationem* ad se pertinere sive ad naturam suam; quâ ratione autem id probat & certum esse deprehendit. Resp. Id probat & certissimum esse deprehendit hoc modo; quod nulla tum quæ ad corpus, tum quæ ad animam olim pertinere credidit, post accuratum examen ad se pertinere observat. *Examinantes enim quinam simus nos, qui omnia, quæ à nobis diversa* Art. 8. P. *supponimus falsa esse, perspicue videmus, nullam extensionem, nec figuram, nec motum localem, nec quid simile,* 1. Princ. *quod corpori sit tribuendum, ad naturam nostram pertinere, sed cogitationem solam: quæ proinde prius & certius quam ulla res corporea cognoscitur; hanc enim jam percepimus, de aliis autem adhuc dubitamus: atque ita distinctionem inter rem corpoream & cogitantem sive inter corpus & animam evidenter agnoscimus.* cipp.

Sed non tantum videt, nihil quod ad naturam pertinet corpoream, ad se quatenus est res cogitans pertinere; sed id ratione quoque probat, quoniam *cogitatio à se jam existente divelli nequit*, cum ne cogitare quidem possimus, cogitationem à nobis abesse; si enim & hoc cogitamus, adest utique cogitatio. *Cogitationis enim nomine intelliguntur illa omnia, quæ nobis conscia in nobis sunt, quatenus eorum in nobis conscientia est.* Atque ita experimur nos assiduò cogitare, quia semper immediate nobis nostræ cogitationis sumus conscii. Sed hic objici posset; sentire & incedere, quatenus à nobis sunt, ad cogitationem pertinere, quoniam actionum sentiendi & incedendi conscii sumus. Si tò sentire & incedere de actione, quæ corpore peragitur, intelligatur; cognitio istius actionis non est absolute certa; nam, uti dictum est, in somnis sæpe accidit, quod putamus nos sentire, incedere, quum nulla sentiendi vel loco movendi actio à nobis exercetur, imò etiam fortè, quum corpore caremus. Sed si intelligatur de ipso sensu sive conscientia sentiendi vel incedendi, quia tunc refertur ad mentem, quæ sola sentit, sive cogitat se senti.

sentire vel incedere, est planè certa: Nam si de conscientia sentiendi vel incedendi loquamur, non modò intelligere, velle, imaginari, sed etiam sentire, idem est quod cogitare. Confer Cartesium in Principiis. Et ex hac igitur Cogitatione sive cogitandi conscientia, quæ inseparabilis & essentialis est, infallibiliter concludit & infert: *Ego sum, ego existo, certum est.* Art. IX.  
P. I

Cæterum quamdiu hæc existentia certitudo durat & infallibilis est. *Quamdiu autem?* rogat. Et respondet: *Quamdiu cogito.* Nam quoniam è suâ cogitandi actione & facultate suam existentiam certissimam esse perspicit; fieri non potest, quin, dum cogitat, existat; hinc suam existentiam tam diu necessario durare asserit, quamdiu cogitat. Sed quia nondum inquit, anne sublatâ cogitatione etiam mox intereat, hinc nihil heic loci eâ de re affirmat, sed in medio relinquit, an sublatâ cogitatione totus esse desinat, nec ne? *Nam, inquit fieri posset, si cessarem ab omni cogitatione, ut illico totus esse desinerem.* Et ipse rationem assignat quare nihil hæc de re certi asserat, an nempe sublatâ cogitatione existat, nec ne: quoniam hic nihil verum esse affirmat, nisi quod indubitatâ certitudine verum esse cognovit, quam cognitionem hæc de re nondum habet, aut potius se nondum habere fingit: & propterea scribit: *nihil nunc admitto, nisi quod necessario sit verum;* & quidem certitudine metaphysicâ; hic autem hoc tantum unicum deprehendere potui, quod cogitem, & quod cogitando existam & subsistam; & quod proinde *præcisè tantum sim res cogitans id est, mens, sive animus, sive intellectus, sive ratio.* Summa autem eorum, quæ hæcenus certò de suâ essentia sive naturâ cognovit, hæc est: Nempe advertit cogitandi seu actionem seu facultatem à se esse inseparabilem & divelli non posse, adeò ut semper immediate & intimè adsit; imò ut sepositis etiam & abdicatis omnibus nihil præter cogitationem in se id est mente suâ reperiatur; unde infert & concludit solam cogitationem esse attributum essentialis sive proprietatem talem per quam mens sua ab omnibus aliis rebus differt ac distinguitur; & in quâ mentis essentia consistit, id est

A 2

con-

concludit mentem suam esse rem cogitantem sive rem facultate cogitandi præditam, per quam facultatem à cæteris omnibus distinguitur.

Et nequis cavillaretur, uti faciunt antagonistæ, quod mentis essentiam ità consistere in cogitatione affirmaverit, ut substantiam sive rem & ens per se subsistens eandem esse negaverit, hinc disertè inculcat & subjungit; *se esse rem cogitantem* id est, *mentem, sive animum, sive intellectum, sive rationem.*

Notandum autem Philosophum prorsus abstinuisse à vocabulo *anima* ad exprimendam & describendam naturam rei cogitantis, sed ut plurimum vocabulo *mentis* ulum fuisse.

In Resp.  
Quæst.  
num. 4.

Ratio autem, quæ ipsum ad hoc impulit, assignatur; *Quia primi homines non distinxerunt in nobis illud principium, quo nutrimur, crescimus, & reliqua omnia nobis cum brutis communia sine ullâ cogitatione peragimus; utrumque unico Animæ nomine appellârunt, ac deinde animadvertentes cogitationem à nutritione esse distinctam, id quod cogitat vocârunt mentem, hancque animæ præcipuam partem esse crediderunt: uti Platonici, qui dividentes animam in tres partem, quam τὸ ἀνέμωρον appellabant, in cerebro collocabant. Ego vero, pergit Cartesius, animadvertens principium quo nutrimur, toto genere distingui ab eo, quo cogitamus, dixi Animæ nomen, cum pro utroque sumitur, esse æquivocum; atque ut specialius sumitur pro actu primo, sive præcipuâ hominis formâ, intelligendum tantum esse de principio quo cogitamus; hocque nomine mentis ut plurimum appellavi ad vitandam æquivocationem: Mentem enim non ut anime partem, sed ut totam illam animam quæ cogitat, considero.*

Et quoniam *Anima* quæ cogitat nomine *Mentis* & *Animi* sæpe venit apud authores, uti quandoque etiam nomine *Intellectus* & *Rationis*; hinc principium illud, quo cogitamus, quatuor his vocibus *Mentis*, *Animi*, *Intellectus* & *Rationis* expressit.

Ita Lucretius principem partem Animæ quam solam sapere ait, *Consilium* sive *Rationem*, item *Animum* appellat.

Sed

*Sed caput esse quasi & dominari in corpore toto  
Consilium: quod nos Animum Mentemque vocamus.* Lib. III.

*Cetera pars anima per totum diffusa corpus*

*Paret & ad numen mentis momenque movetur;*

*Idque sibi solum per se sapit.*

Addit autem Renatus, *has voces prius fuisse sibi significationis ignota*, quoniam ignorabat, qualis naturæ res, hæ voces propriè designarent; nec mirum; quia ipsarum rerum per has voces denotatarum essentias cognitæ non habebat, cum mentem animum, intellectum, rationem non nisi mera corporis adjuncta esse existimaret, ita corpori immerfa & infusa ac permixta, ut nec esse nec intelligi nisi in corpore & per illud possent; siquidem cum Lucretio ex præcis cogitationibus inferre cogebatur;

• *Ergo corpoream naturam animi esse necesse est:*

Lib. III.

*Corporeis quoniam telis, istuque laborat.*

Jam verò dum naturam suam penitissimè consideravit, dum corpus nullum in mundo esse supposuit, animadvertit se interim existere, ideoque corporeæ nequaquam esse essentia, sed alterius prorsus essentia, & existentia à corpore nequaquam dependentis, adeò ut sit res vera & verè existens, substantia & ens per se subsistens, subjectum variorum cogitationum. Nam ne quis ex his vocibus, mens, animus, intellectus, ratio, novam cavillandi ansam arriperet, dicendo eas voces solas facultates denotare, non verò rem sive substantiam cogitandi facultate præditam; hinc per  $\omega\epsilon\lambda\eta\psi\iota\upsilon$  illi objectioni occurrit eumque scrupulum de significatione harum vocum exemit dubitantibus, subdit enim: *Sum autem res vera, & verè existens; sed qualis res? dixi, Cogitans.* Et proinde Hobbessio de his vocibus difficultatem moventi respondet; *Non intellexi per ista nomina facultates, sed res facultate cogitandi præditas, ut per duo priora, nempe mens, animus, vulgo intelligitur ab omnibus; & per duo posteriora, puta intellectus, ratio, frequenter: hacque tam expressè totque in locis explicui, ut nullus videatur fuisse dubitandi locus.* Ita explicat

Gg 2

quo-

In Respp.  
Quintis  
num. 4.

In Objec-  
tionibus  
ac Respon-  
sionibus  
Septimis

quoque quo-significatu vocem mentis acceperit nempe pro anima rationali substantiâ cogitante. *Mentem*, inquit, non ut partem animæ, sed ut totam illam animam, quæ cogitat, considero. Et quo sensu mentis, intellectus, rationis vocibus usus sit declarat, & hæc de quibus agimus dilucidius alibi exponit: *Quæsi an aliquid in me esset ex iis, quæ anima prius à me descripta tribuebam, cumque non omnia quæ ad ipsam retuleram invenirem, sed solam cogitationem; ideo non dixi me esse animam, sed tantum rem cogitantem, atque huic rei cogitanti nomen mentis, sive intellectus sive rationis imposui, non ut aliquid amplius significarem nomine mentis, quam nomine rei cogitantis, atque ideo εὐρυα, εὐρυα exclamarem, ut hic (Septimus Opponens) ineptissimè cavillatur. Nam contra expressè addidisti voces illas mihi prius fuisse significationis ignota; adeò ut dubitari non possit, quin præcisè idem tantum per illas ac per nomen rei cogitantis intellexerim.*

Atque ità suprâ quoque audimus Lucretium consilii sive rationis, item mentis & animi vocabula usurpasse ad denotandam partem Animæ, quâ cogitamus; quam Animæ partem substantiam quoque tacit, licet impiè corpoream, ut mortalem esse evinceret.

Deprehendi & percepi in antecessum satis evidenter & certò me esse rem cogitantem. Jam porrò tentabo meam cognitionem ulterius promovere inquirendo, num quid præterea sim. Quid præterea? rogat. Nunc autem alia cogitationis specie sive alio cogitandi modo utar nimirum imaginatione, quum hæctenus purâ intellectiōne usus fuerim, quoniam jam inquisiturus sum anne sim res corporea, cujus natura imaginandi facultate solet concipi, *imaginabor* itaque.

Procedam autem eadem methodo, quâ incepti, removen-  
do omnia dubia, & hoc solum quod certò mihi patet asse-  
rendo & assumendo. Imaginando itaque cogito & mentis  
meæ naturam considero, & nihil tamen quod sub imagi-  
nationem cadit in illâ reperio, cum præcisè ipsius naturam,  
quatenus non est juncta corpori, sed res tantum cogitans,  
con-

considero; ita enim seipsum explicat Cartesius Epistol. cv. Vol. 1. *Non mihi videtur difficile esse intelligere, inquit, quod facultates imaginandi & sentiendi ad animam pertineant, quandoquidem ille sunt cogitationum species; quæ tamen non pertinent ad animam, nisi quatenus illa iuncta est corpori, quia nempe tales hæ sunt cogitationum species, ut possit sine illis concipi anima pura.* Cui rationi accedit & hæc, quod supposui omnes res corporeas nihil esse, & adhuc eadem hypothesis durat, suspecta enim adhuc & lubrica est sensuum & imaginationis fides, à quâ omnis harum rerum cognitio dependet, quæ proinde adhuc merito judicatur dubia, & proinde ut falsa est rejicienda. *Non sum igitur compages illa membrorum, quæ corpus humanum appellatur: non sum etiam tenuis aliquis ær istis membris infusus, non ventus, non ignis, non vapor, non quidquid mihi fingo; uti olim hujus naturæ, sed falsò, sed fictitiè animam meam esse putavi, cum de eâ cogitarem.*

Objeicit autem Gassendus seu rogat potius, quâ ratione Cartesio constet, quod non sit ventus, halitus, ær aut simile quid corporeum. Audiamus integram difficultatem à Gassendo motam & Renati ad eandem responsionem: *Hoc loco, inquit Gassendus, iam non spectas te, quasi hominem integrum, sed quasi interiorem occultioremve partem, qualem cogitâras esse animam. Quæso te ergo, ô Anima, seu quocunque velis nomine censeris, emendasti ne hætenus eam cogitationem quæ prius imaginabaris te esse quidnam instar venti, similisve rei his membris infusa? Non fecisti sane: Cur non possis igitur esse adhuc ventus, vel potius tenuissimus Spiritus, qui calore cordis ex purissimo sanguine, aliundeve, aut ab aliâ causâ exciteris, serveris, & susus per membra vitam illis tribuas; & cum oculo videas, cum aure audias, cum cerebro cogites, ceterisque, quæ vulgò tibi tribuuntur munia, exsequaris? id si ita sit, cur non habeas eandem figuram, quam totum hoc corpus, uti ær eandem quam vas continens? Cur non censearis circumscribi ambiente, quo corpus, aut ab epidermide? Cur non replere spatium, sive partes spatii, quas*

In Objec-  
tionibus  
Quiritur  
num. 2.

crassum corpus, seu partes ipsius non replent? Quippe corpus crassum habet porulos, per quos ipse diffunderis; adeo ut ubi partes tue fuerint, partes illius non sint: eodem modo, quo in vino & aqua mistis ubi sunt partes unius, non sunt partes alterius, quantumcumque visus discernere nequeat? Cur non excludere corpus aliud ab eodem spatio? Cum in quibuscunque spatiolis fueris, partes corporis crassioris simul esse nequeant. Cur non moveri pluribus motibus? Cum tu enim plureis ipsis membris tribuas, quomodo id possis, quin movearis ipse? Certè neque moves immota, cum opus contentione sit: neque potes non moveri ad ipsius corporis motum. Si hac igitur ita sint, cur dicas in te nihil esse eorum, quæ ad naturam corporis spectant? Hæc Gassendus. Respondet autem Cartesius: Incipis non in iucunda prosopopoeia me non amplius ut hominem integrum, sed ut animam separatam interrogare, 'quo me videris admonuisse eas objectiones non à mente subtilis Philosophi, sed à solâ carne factas esse. Quæso te igitur, ô caro, seu quocunque velis nomine censeris, habesne tam parum cum mente consortii, ut advertere non potueris quandònam emendavi illam vulgi imaginationem, per quam fingitur id quod cogitat esse instar venti, similisve corporis? Emendavi illam profectò cum ostendi supponi posse nullum ventum nec aliud corpus in mundo esse, ac nihilominus illa omnia, ex quibus me ut rem cogitantem cognosco, remanere. Ac proinde quacunque postea interrogas, cur non possim igitur adhuc esse ventus, cur non replere spatium, cur non moveri pluribus motibus, & talia; tam inania sunt, ut responsione non egeant. Siquidem notissimum est sublato subiecto sive corpore tolli predicata id est omnes corporis proprietates.

Rursus objicit Gassendus: Deprehendis tandem te cogitare. Id verò abnuendum non est: sed probandum superest tibi, vim cogitandi ita esse supra naturam corpoream, ut neque spiritus, neque aliud corpus agile, purum, tenuis, ullâ dispositione parabile sit, quod cogitationis efficiatur capax. Probandum simul animas brutorum esse incorporeas, videlicet quæ cogitent,

In Resp.  
Quintis  
num. 2.

sens, seu præter functiones sensuum externorum, aliquid interne, non vigilando modo, sed somnians etiam cognoscunt. Probandum rursus crassum hoc corpus ad cogitationem tuam nihil prorsus conferre (cum absque illo tamen nunquam fueris, neque ab illo seuncta aliquid huc usque cogitaveris) ac te idcirco independentem ab eo cogitare: adeo ut neque impediri, neque turbari valeas à vaporibus, sive fumis terribis crassisque, qui tam malè cerebrum interdum afficiunt. Respondet Cartesius. Denique quia sæpe à me petis rationes, cum ipsa, ô caro, nullas habes, & tibi probandi onus incumbit, advertendum est ad rectè philosophandum non opus esse ut ea omnia qua non admittimus, quia ignoramus, an sint vera, probemus falsa esse. Sed tantummodo summo perè cavendum esse nequid ut verum admittamus quod non possimus probare verum esse. Ita cum deprehendo me esse substantiam cogitantem, formoque clarum & distinctum istius substantie cogitantis conceptum, in quo nihil eorum qua ad conceptum substantie corporea pertinent, continetur, hoc plane sufficit, ut affirmem me, quatenus me ipsum novi, nihil aliud esse quam rem cogitantem, quod solum in secundâ Meditatione, de qua jam agitur, affirmavi: Nec debui admittere istam substantiam cogitantem esse quoddam corpus agile, purum, tenue, &c. quandoquidem nullam habui rationem qua id mihi persuaderet; tu si quam habes, tuum est ipsam docere, non autem exigere à me ut probem id falsum esse, quod non aliam ob causam admittere recusavi, quam quia mihi erat ignotum. Idem enim facis ac si dicenti me jam in Hollandiâ, negares esse credendum nisi probarem me non esse etiam in Chinâ, nec in ullâ aliâ mundi parte, quia forte fieri potest ut idem corpus per Divinam potentiam duobus in locis diversis existat. Cum vero addis, mihi etiam probandum animas brutorum esse incorporeas, & crassum corpus nihil conferre ad cogitationem, restaris te non modo ignorare cuius sint partes probandi, sed etiam quid à quoque sit probandum: nam ego neque animas brutorum puto esse incorporeas, nec crassum corpus nihil conferre ad cogitationem, sed tan-

tuus



tum, istarum rerum considerationem nullam esse hujus loci.

Eclog.  
Physica  
Lib. I.

Erroneas autem illas opiniones, quas de mente ejusque essentia conceperat Gassendus alique, de eadem Gentilium pars longè maxima animo fovebat. Quorundam opiniones recenset Stobæus. Ἀναξαγόρας, Ἀναξίμηνης, Ἀρχέλαος, Διογένης αἰετοειδῆ· οἱ Στωϊκοὶ πνεῦμα νοερὸν, θερμὸν Παρμενίδης ἡ καὶ Πλάτης, πυρῶδῃ Δημοκρίτης πυρῶδες σύγκλημα ἐκ τῶν λογικῶν θεωρικῶν, σφαιρικὰ μὲν ἔχόντων τὰς ιδέας, πυρίνῳ ἢ δυνάμιν, ὅπερ σῶμα εἶναι. Ἡρακλείδης φωτεινὸν ἢ ψυχρὸν ὠρίσασθαι. Λευκίππῳ ἐκ πυρὸς εἶναι ἢ ψυχρὸν ἀπεφηνάσθαι. Διογενὴς ὁ Ἀπολλωνιάτης ἐξ αἰθέρος ἢ ψυχρῷ. Ἰωπῶν ἐξ ὕδατος ἢ ψυχρῷ. Χέναρχος ὁ Περιπατητικῶς, καὶ πνεῦμα εἶπετο τῇ αὐτῇ αἰρέσει, ἢ καὶ τὸ εἶδος τελειότητα καὶ ἐντελέχειαν, καὶ ἐαυτὴν ὅσαν ἀμα καὶ μὲν ὁ σωματικῶς συγτεταγμένην. Ἐπίκρους κοσμοῦ ἐκ τεττάρων, ἐκ πυρὸς πυρῶδους, ἐκ πυρὸς αἰερώδους, ἐκ πυρὸς πνευματικῆς, ἐκ πύρρως πνικῆς ἀκατανομαστῆς, τῶν δ' ὡς αὐτὸ τὸ αἰδοητικόν. id est, Anaxagoras, Anaximenes, Archelaus, Diogenes Apollionates aeris naturam anima tribuunt. Stoici Spiritum intelligentem & calidum dicunt. Parmenides & Pegathus ignea natura. Democritus igneam misturam rerum ratione percipiendarum, qua globosas quidem formas habeant, vim autem igneam quod sit corpus. Heraclitus lucis natura: Hippo aqua: Chénarchus Peripateticus cum aliis aliquot ejusdem sectæ, forma perfectionem simul per se & cum corpore subsistentem. Epicurus quatuor rerum mixturem, ignea, aërea, spiritalis, & quarta nomine carentis, quâ sentiendi vim indicat.

Tuscul.  
Quæst.  
Lib. I.

Cicerò autem, ut ipse ait, ferè omnium de anima sententias recenset: nec pigeat audire principem Romanæ Eloquentiæ & Philosophiæ. Quid sit porro ipse animus, aut ubi, aut unde, magna dissensio est. Aliis cor ipsum animus videtur: ex quo excordes, vecordes, concordisque dicuntur: & Nasica ille prudens, bis consul, Corculum,

Egregiè cordatus homo catus Ælius Sextus.

Em.

*Empedocles animum esse censet cordi suffusum sanguinem. Aliis pars quadam cerebri visa est animi principatum tenere: aliis nec cor ipsum placet, nec cerebri quandam partem esse animum: sed alii in cerebro dixerunt animi esse sedem & locum: animum autem alii animam, ut ferè nostri, declarant nominari: nam & agere animam, & efflare dicimus, & animosos & benè animatos & ex animi sententiâ: ipse autem animus ab anima dictus est. Zenoni Stoico animus, ignis videtur. Sed hæc quidem qua dixi, cor, sanguinem, cerebrum, animam, ignem vulgò: reliqua fere singuli, ut multi ante veteres, proximè autem Aristoxenus musicus, idemque Philosophus, intentionem ipsius corporis quandam, velut in cantu & fidibus, qua harmonia dicitur; sic ex corporis totius naturâ & figurâ varios motus cieri, tanquam in cantu sonos. Hic ab artificio suo non recessit, & tamen dixit aliquid, quod ipsum quale esset, erat multò antè & dictum & explanatum à Platone. Xenocrates animi figuram & quasi corpus, negavit esse, verum numerum dixit esse, cuius vis, ut jam antè Pythagora visumerat, in naturâ maxima esset. Ejus doctor Plato triplicem finxit animam: cujus principatum id est rationem, in capite, sicut in arce, posuit: & duas partes separare voluit, iram & cupiditatem: quas locis disclusit; iram in pectore, cupiditatem subter præcordia locavit. Dicaarchus autem dicit nihil esse omnino animum, & hoc esse nomen totum inane, frustra que animalia & animantis appellari: neque in homine inesse animum vel animam, nec in bestiâ: vimque omnem eam, quâ vel agamus quid vel sentiamus, in omnibus corporibus vivis esse æquabiliter fusam, nec separabilem esse à corpore, quippe quæ nulla sit, nec sit quidquam nisi corpus unum, & simplex ita figuratum, ut temperatione natura vigeat, & sentiat. Aristoteles cum quatuor illa genera principiorum esset complexus, è quibus omnia orirentur, quintam quandam naturam censet esse, è qua sit mens, quam *ἡμετέραν* appellat novo nomine, quasi quandam continuatam motionem, & perennem. Nisi quæ nos fortè fugiunt, hæc sunt ferè omnium de orsu anima sententia.*

Nat.  
Quæst.  
Lib. VII.  
c. 24

rentia. Democritum enim magnum quidem illum virum, sed levibus & rotundis corpulculis efficientem animum concursu quodam fortuito, omittamus: nihil est enim apud istos quod non atomorum turba conficiat. Audiamus & Senecam: *Habere nos animum cuius imperio impellimur & revocamur, omnes fatebuntur; quid tamen sit animus rector ille dominusque nostri, non magis tibi quisquam expediet, quam ubi sit. Alius dicet esse spiritum. Alius concentum quendam. Alius vim divinam & Dei partem. Alius tenuissimum aërem. Alius incorporalem potentiam. Non deerit qui languinem dicat, qui calorem. Adcò variantes, obscuros, confusos & erroneos de mente humanâ conceptus formavit antiquitas, hâc in parte à vero, ut in plurimis, longè aberrans; quâ de re si plura desideres Macrobiū, Nemesiū, Zachariā Mitylenazū, Æneā Gazzū alioſque consule. Cicero adcò difficile censuit inter has recensitas sententias, quæ vera sit, dijudicare, ut Dei idalicujus perspicaciam requireret. Harum, inquit, sententiarum, quæ vera sit, Deus aliquis viderit: quæ versissimilla magna quæstio est. Conatur tamen citato loco ab absurdo recellere sententiās plurimorum ante dictorum philosophorum: Nam si cor, aut sanguis, aut cerebrum est animus, quoniam est corpus, interibit cum reliquo corpore. si anima (id est, aër) est, fortasse dissipabitur: si ignis, exstinguetur: si est Aristoxeni harmonia, dissolvetur. Quid de Dicaërcho dicam, qui nihil omnino animum dixit esse. His sententiis omnibus nihil post mortem pertinere ad quemquam potest. Et rursum: In quo igitur loco est (anima?) credo equidem in capite: & cur credam rationes asserre possim; sed de hoc alias: nunc ubi ubi sit animus, certe quidem in te est. Quæ est ei natura? Propria puto, & sua. Sed fac igneam, fac spirabilem, nihil ad id de quo agimus. Illud modo videro, ut Deum noris, etsi ejus ignores & locum & faciem, sic animum tuum tibi notum esse oportere, etiam si ejus ignores & locum, & formam. In animi autem cognitione dubitare non possumus, nisi planè in physicis plumbei sumus, quin nihil sit ani-*

animi admixtum, nihil concretum, nihil copulatum, nihil coagmentatum, nihil duplex. Quod cum ita sit, certè nec secerni, nec dividi, nec discerpi, nec distrahi potest: nec interire igitur. est enim interitus quasi secessus & secretio, ac direptus earum partium, quæ ante interitum junctione aliquâ tenebantur. Ita vidimus quomodo eorum sententias, qui animam aliquo modo corpoream & mortalem statuunt, refutet, & quidem non malè, Tullius. Alibi tamen in eundem, quem hic evitat, impingit scopulum. Aristoteles autem adèò ambiguè, &, ut solet, obscurè ac diversimodè de Animâ locutus est, ut Oedipo conjectore opus sit, quid de eâ senserit. Id sanè constat, quod ipse hâc in re dubius hæserit & admodum fluctuaverit, unde Lactantius meritò scripsit, *Aristotelem secum ipsum dissidere & repugnantia sibi dicere & sentire*. Sententiam tamen suam de mentis naturâ expressisse judicatur, cum inquit: *Ἀρχαῖον ἀεὶ ἔστι ψυχὴν εἶναι, ὡς εἶδος σώματος φυσικῆς δυνάμει ζωὴν ἔχοντος*. Hæc enim verba, tanquam exactam animæ rationalis definitionem, passim prædicant. Quæ tamen si accuratius excutias versutum Aristotelis ingenium satis produnt, cum hæc verba neutiquam naturam mentis explicant, sed, quodcunque demum fuerit, ei applicari potest, instar cerei nasi; sive enim ignis, sive ær, sive aqua, sive ventus, sive halitus, sive cor, sive cerebrum, sive sanguis, sive pars Dei, sive aliud quidvis fuerit anima, potest dici *essentia, tanquam forma corporis physici potestate vitam habentis*. Obscura itaque & ambigua est hæc Aristotelis definitio quæ mentis naturam, uti in se est, neutiquam declarat; sed saltem quomodo se relatè ad corpus, sive hominis sive bruti, habeat; dicit nempe, quod solummodo informando & movendo corpori inserviat. Nemini eruditus sanè scriptor cum hanc Aristotelis definitionem, quâ *entelechiam primam corporis naturalis, instrumentis præditi, potestate viventis*, eam describit, perpendisset, ait: perspicuum esse, quod Aristoteles à substantiâ animam removeat faciatque *ἀνίσταται*. At Aristotelis sententiam

Lib. 5.

De Anima Lib.  
11. c. 1.

Tusc.  
Quaest.  
Lib. 1.

tiam longè benignius interpretatur Tullius: *Sin autem*, inquit, *anima est quinta quadam natura ab Aristotele inducta primum; hac & deorum est, & animorum. Hanc nos sententiam secuti, his ipsis verbis in consolatione hac expressimus: Animorum nulla in terris origo inveniri potest: nihil enim est in animis mixtum, atque concretum, aut quod ex terrâ natum, atque fictum esse videatur: nihilve aut humidum quidem, aut fiabile, aut igneum. his enim in naturis nihil inest, quod vim memoria, mentis, cogitationis habeat; quod & prae terita teneat, & futura praevideat, & complecti possit praesentia: qua sola divina sunt, nec invenietur unquam unde ad hominem venire possint, nisi à Deo. Singularis est igitur quadam natura, atque vis animi se juncta ab his usitatis notisque naturis. Ita quidquid est illud quod sentit, quod sapit, quod vult, quod viget, caeleste & divinum est, ob eamque rem aeternum sit necesse est. Nec verò Deus ipse qui intelligitur à nobis, alio modo intelligi potest nisi mens soluta quadam, & libera, segregata ab omni concretionem mortali, omnia sentiens & movens, ipsaque praedita motu sempiterno. — Hoc è genere atque eadem è naturâ est humana mens? Sed quocunque modo explicet Cicero, sana doctrina de Mentis essentia in Aristotelis scriptis nusquam reperitur, quippe qui nunquam animam ab omni materiâ liberam pronunciavit, vel esse intellexit: quod me alicubi solide evicisse arbitror, cum inter cætera hæc differerem: Sed acriter heic insurgent Aristoteli vindices, suis nos armis confossuri; obtendent enim Aristoteli satis sanè & orthodoxè de origine mentis humanæ sensisse, quomodocunque demum de ortu corporis statuerit: cum enim apertis docere verbis, animam ψυχὴν ἐντελέναι, „ extrinsecus accedere & solam Divinam esse, quoniam „ nihil cum ejus actione actio corporalis communicat. Sed nos ad declinandum ictum Aristotelem Aristoteli commit- „ timus, verbis allegatis mox subjungentem: Omnis igitur „ igitur animæ vis & potestas corpus aliud participare videtur, „ quam quæ elementa vocantur. Verum prout nobilitate „ igno-*

2. De  
Gen.  
Animal.  
cap. 3.

„ ignobilitateve animæ inter se differunt, ita & natura hu-  
 „ jus corporis differt. Manet igitur actio & essentia animæ  
 corporea, licet formata sit de corpore nobiliore & divinio-  
 re, quam elementaria hæc corpora, ignis, aër, aqua &  
 terra; cum sit de corpore stellis analogo. Divinitatem enim  
 toti mundo omnibusque ejus partibus, in quibus aliqua  
 vita aut motus est, ascribit. Si autem motum, actum, vi-  
 tam ex seipsis habent, divinitate præstantiore gaudent; si mo-  
 tu, vitâ, actu participato fruuntur, Divinitatem minus  
 præstantem possident. Hinc primo cælo, ubi stellæ fixæ sunt,  
 vitam ac divinitatem præstantissimam assignat, eo quod ex  
 seipso perpetuum habet motum & vitam, ut vult, peren-  
 nem. Et reliqui quoque cæli, quia primi cæli motum imitan-  
 tur, aut de ejus motu participant, juxta cum primo cælo  
 æterni sunt & Divini, atque ita perennant. Et licet revera  
 plura sint cælorum corpora, quia tamen Cælum se toto u-  
 num est, sic unum quoque τὸ πᾶν, quod nihilominus se-  
 cundum partes considerari potest. Atque de hoc θεία, cæle-  
 sti & Divino corpore, nobiliore, quam elementa, ignis,  
 aër, aqua & terra, anima humana facta est. Corpora au-  
 tem sublunaria, quia nimis à cælo supremo remota sunt,  
 mutationi sunt obnoxia, & ideo cum in individuo perenna-  
 re non possint, propter cæli tamen motum & influxum se-  
 cundum speciem per generationem & successionem conti-  
 nuam perennant; atque ita quoque τὰ ἀστὲρ & θεία κινήσει,  
 æternitatis & divinitatis participant. Eadem igitur Aristoteli  
 mens cum reliquis ethnicis, qui è semine Divino id est ejus-  
 dem materiæ, aut ut Aristoteles ipse mavult, analogæ cum  
 stellis animas fieri hominum & inde mitti in terras, τὰ πρῶτα  
 in colonias, ut loquitur Arnobius, existimant. Ità Cicero  
 in Somnio Scipionis animas hominum è stellis factas scribit.  
 Quo nomine Hipparchum quoque laudat Plinius quod nemo  
 magis ipso approbasset cognationem cum homine siderum,  
 animasque nostras esse partem cæli. Hoc sensu Horatius:  
 Animam Divine particulam auræ appellat id est cæli; eam-  
 que Sensum æthereum nuncupat Virgilius; & Sensum à cæ-

IX. Me-  
 taph. c. 8.  
 I. De  
 Anim.  
 cap. I.

2. De Cæ-  
 lo. cap. 12.  
 & XI.  
 Metaphy-  
 sic. cap. 7.  
 & 8.

2. de A-  
 nim. cap. 4.  
 & 2. de  
 Gen.  
 cap. 10.

*leſti demiffum arce*, Juvenalis. Quid multis? Ut Hippocrates libro de Carnibus ſcribit: Quod calidum vocamus id „ mihi immortale eſſe videtur, cunctaque intelligere, vide- „ re & audire, ſentireque omnia, tum præſentia, tum „ futura. Cujus maxima pars, cum turbata eſſent omnia, „ in ſupremum ambitum ſeceſſit, quod mihi videntur ve- „ teres æthera appellaffe. Et ex hoc æthere ſeu calido, ſic om-

Hippo-  
cr. lib. de  
corde.

Cap. xvi.

De Ca-  
rent. ſen-  
ſuum in  
bruti

nes in ſe actus vitales habente, animam & mentem compo- nit, quam idcirco in corde conſtituit, quatenus ibi ſons omnis caloris & principium vitæ eſt, ac inſtar ignis ex ſanguine ceu pabulo incenditur ibi ac nutritur. Haud ſecus Ariſtoteles Animam in corde eſſe, & ibi quoque *incendi* dicit libro de Republ. licet in libris Metaphyſicis, Phyſicis & de Animâ omnia obſcuris ænigmatis & notionibus Logicis involvat ac tegat. Manet itaque Ariſtotelis anima corporea, cui ineptè & falſo, (ſubtiliſſimæ & tenuiſſimæ ſit licet ſubſtantix & infinitis gradibus præ corporibus elementaribus attenuatæ & comminutæ) intelligentiam & mentem aſcribit, quæ ſua naturâ diſſipabilis & mortalis eſt. Obſervent autem & Tyroneſ ex Antonio Le Grand quot modis in genuinam Logicam dicta Ariſtotelis Animæ definitio impingit: *Generalibus*, inquit, *tantum verbis definiit*, *vir naturâ verſutus*, ut ita ſibi caveret, ne à poſteris carperetur, ac proinde talem protulit definitionem, quæ omnibus penè rebus conveniret, & veluti commune emplaſtrum, omnibus mederetur. Nam ſecundo libro de Anima, *Animæ eſſentiam expla- naturus hoc modo eandem definit*: Perfectio, ſeu actus corporis organiſ naturalis poteſtate vitam habentis. *Quam vagam autem ſit hæc definitio, ex eo colligi poteſt, quod Theologi, Medici, Chymici eam uſurpent, & diverſis rebus propriam reddant. Nam aſſerunt Theologi, ſacrique Textus interpretes, ſanguinem Brutorum eſſe Animam, aut ſpiritum ſanguine emanantem: præſto eſt Ariſtoteles ſuggeritque ſanguinem eſſe Actum corporis naturalis organiſ poteſtate vitam habentis. Placet Medicis Animam eſſe temperamentum corporis, & humorum, qui in eo ſunt, harmoniam. Hæc Actus eris,*

erit, secundum Aristotelem corporis organici potentiâ vitam habentis. Afferunt antiqui Philosophi, Animam aërem esse, ore conceptum deservescitum in pulmone, & in corpus diffusum: Huc quadrat Aristotelis Anima definitio, nempe quod aër sit perfectio corporis naturalis potestate vitam habentis. Arbitrantur alii Animam esse calorem, aut tenuem spiritum corpori sensum motumque tribuentem; haud oblectabitur Aristoteles, sed mordicus tuebitur, huiusmodi calorem, aut spiritum, aliud non esse, quam actum corporis naturalis organici, potentiâ vitam habentis. Adeo ut, quidquid assignaveris, imò quidquid quantumvis obscurum comminiscaris, hâc definitione comprehendetur, & genus, differentiationemque sibi vendicabit.

Sed quantumvis non itâ spatiaretur hac definitio, & certis duntaxat rebus assignaretur, non esset propterea inter philosophos retinenda. Nam quid in eâ continetur, quod reprehendi non debeat? Nullum enim in eâ habetur attributum absolutum, quod Anima essentiam explicet: sed respectiva duntaxat predicata, & generalia, qua cum aliis mixta, & quodammodo colligata sint, non nisi confusam notitiam pariunt. Præterea, quid nobis distincti per Actus vocem innotescit? nihil amplius mehercules, quam si quis lucem, Actum corporis lucidi esse definiat, & Calorem, actum corporis calidi. Quæ definitiones, tantum abest, ut nos doctiores efficiant, quinimò in inextricabilem labyrinthum nos detrudunt, & rem per se claram verborum ambagibus obnubilant. Unde Hermolaus Barbarus, vir eruditus, & inter suos ob animi dotes celebris, cum aliquando cum Demone convenisset, & aspirante fortunâ, colloquium nactus esset, nihil ab eo efflagitasse ajunt, quam ut nominis ἐν τῇ λέξει, quod vertunt Actus in prædicta Aristotelis definitione, significationem aperiret, & tanti Philosophi, hâc in re saltem discipulum efficeret.

Sed redeamus ad rem. Cum autem vidimus & per ἀνάγκην quodammodo probavimus mentem nostram non esse aërem, ventum, halitum, ignem, vaporem, aut aliquod aliud subtile corpus; jam sibi ipsi objicit Philosophus secum solus medi-



meditans: *Fortassis verò contingit, ut hac ipsa, quæ suppono nihil esse, propterea tantum quia mihi sunt ignota, tamen non differant à eo me quem novi id est à mente meâ seu à meipso, quatenus sum res cogitans. Respondet autem, nescio de hac re jam non disputo: & subjungit rationem, primo cur hoc se nescire dicat, de iis, inquit, quæ mihi nota sunt judicium ferre possum: & deinde quoque, cur hoc in præsens non disputet nec inquiret, quoniam sui jam existentis essentiam, quatenus est res cogitans, hoc tempore solummodo investigat; novi ait, me existere, quaro quis sim ille ego quem novi; de nullis aliis rebus nunc disquirere libet, antequam mei plenior cognitionem adeptus fuero. Illud interim certissimè mihi constat mei sic præcisè sumpti notitiam, quæ me cognosco ut rem existentem & cogitantem, non dependere ab iis quæ existere nondum novi; notitia enim non dependet ab ignotis, nec ab ullis aliis rebus quas imaginatione effingo. Objicit Gassendus: *si nescis, si non disputas, cur te nihil esse istorum assumis.* Ac si Cartesius aliquid assumpsisset quod ignoraret, & de quo non disputaret nec quod inquisivisset. Sed respondet Cartesius: *Falsum est me quicquam assumpsisse quod nescirem, nam planè è contra, quia nesciebam esse me corpus idem quod mens nec ne, nihil eâ de re assumpsi, sed solam mentem consideravi, donec postea in sexta Meditatione illam realiter à corpore distinguere, non assumpsi, sed demonstravi. Tu verò, ô caro, in hoc plurimum peccas, quod cum nullam vel minimam habeas rationem ad probandum mentem à corpore non distinguere, nihilominus tamen id assumis.* Porro autem probat se nihil esse ex iis quæ imaginatione effingit; quandoquidem eò ipso quod aliquid effingit, illud in se reverà nihil est, atque ita erraret, si affirmaret se esse ex iis aliquid, quæ imaginatur. Quod probat ex ipsâ naturâ imaginationis, quia nihil aliud est imaginari quam rei corporeæ figuram seu imaginem effingere eamque contemplari. Et quâ ratione ullatenus fieri possit ut ego live res cogitans sim ipsa imago sive phantasma, quod concipio, cum imagines istas omnes*

Obiectio  
Gassendi,  
num. 4.

omnes & res corporeæ omnes fortassis nihil sunt nisi phantasmata per somnum visa, in se verò prorsus nihil, cum ego è contrà me esse & exillere jam certissimè novi. Atque inquit, Effingo, hoc verbum admonet me erroris mei, nam fingerem revera siquid me esse imaginari, quia nihil aliud est imaginari, quam rei corporeæ figuram contemplari: jam autem certò scio me esse, simulque fieri posse ut omnes ista imagines, & generaliter quæcumque ad corporis naturam referuntur, nihil sint præter insomnia. Atque hinc infert se in perquirendâ sui naturâ, quam clarè & distinctè cognoscere cupit, ineptè & stultè imaginationis facultate usum fuisse; quibus animadversis, inquit, ineptire videor dicendo, imaginabor, ut distinctius agnoscam quisnam sim. Exaggerat autem hanc suam ineptiam, eamque magnam esse ostendit comparando cum alio quodam facto, quod manifestò stolidum & insulsum esse omnis, cui sanum incipit est, evidenter agnoscit. Non minus, inquit, ineptire videor dicendo, imaginabor, ut distinctius agnoscam quisnam sim, quam si dicerem, jam quidem sum experrectus; videoque nonnihil veri; sed quia nondum video satis evidenter, datâ operâ obdormiam, ut hoc ipsum mihi somnia verius evidentiùsque representent. Et sane vanum & stultum est per insomnia veritatem velle inquirere, cum somniorum phantasmata tæpissimè nihil sint nisi mera ludibria & mendacia: unde somnia pro ipsis mendaciis & vanis figmentis usurpari apud eruditos auctores reperimus:

*Credimus, an qui amant ipsi sibi somnia fingunt.*

Et hinc concludendo indicat, quem fructum ex hac penitiori & accuratiori consideratione de naturâ imaginandi percepit & quem usum exinde facere oportet. Nempe cognoscit imaginandi facultatem, quæ omnes res sub specie corporeâ repræsentat, ad accuratam & distinctam mentis nostræ cognitionem inquirendam & acquirendam prorsus esse inutilem, quoniam omnia, quæ imaginationis ope comprehendimus, sub corporeâ specie offeruntur, quæ tamen ad illam quam de mente nostrâ habemus notitiam ne-

quaquam pertinent; unde sequitur mentem, si suam essentiam clarissimè & ab aliis omnibus rebus distinctissimè velit perspicere à rebus imaginatione perceptis omni industria & studio esse lemendam. Itaque cognosco, inquit, nihil eorum quæ possum imaginationis ope comprehendere, ad hanc quam de me habeo notitiam pertinere, mentemque ab illis diligentissimè esse avocandam, ut suam ipsa naturam quam distinctissimè percipiat. Opposit rursus se Gassendus. Renato, aitque imaginationis descriptionem pro lubitum à Philosopho nostro esse effictam, ut inferret aliâ cogitationis specie, quam imaginatione, mentis nostræ naturam cognosci; dum, ut urget, mens, cum forte sit corporea, imaginatione comprehendendi omnino possit. Audiamus ejus verba: *Describes consequenter quid sit quod imaginationem appellas. Dicis quippe imaginari nihil aliud esse, quam contemplari figuram, imaginemve rei corporæ. Videlicet, ut inferas te aliâ cogitationis specie, quam imaginatione, cognoscere naturam tuam. Attamen, cum tibi pro tuo arbitratu imaginationem definire liceat: quæso te, si corporea sis, ut nondum probasti contrarium, cur non contemplari te possis sub figurâ imagineve corporeâ? Et quæso, te dum contemplaris, quidnam experiris tibi obversari, præter substantiam quandam puram, perspicuam, tenuem, instar aura universum corpus, vel cerebrum certè, illiusve partem pervadentis, animantis, functiones tuas illic obeuntis? Cognosco, inquis, nihil eorum, quæ possum imaginationis ope comprehendere, ad hanc, quam de me habeo, notitiam pertinere. Verum quomodo cognoscas non dicis, & cum paulò antè statuisses nescire adhuc istanc ad te pertinere; unde nam quæso id iam concludis? Respondet Cartesius se imaginationem ex naturâ ipsius rei ita clarè descripsisse, ut unicuique satis attendenti clarum sit & manifestum; unumquemque enim facile percipere posse, quod ea, quæ imaginatione id est sub specie corporeâ comprehenduntur, ad notitiam, quam de mentis suæ natura habet, nihil pertineant. *Quæ de imaginatione scripsi, satis clara sunt attendenti; sed nihil miri, si forte**

In Ob-  
ject. quin-  
tis num. 5.

In Resp.  
Quint.

iis, qui non meditantur, sint perobscura. Moneo autem ipsos, ea quæ ad hanc quam de me habeo notitiam non pertinere affirmavi, non pugnare cum iis, quæ dixeram antea me nescire, an ad me pertinerent? quia planè aliud est pertinere ad meipsum, quam pertinere ad eam quam de me habeo notitiam.

Cum itaque in antecessum jam sæpius removimus illa omnia, quæ nos, quatenus mentes cogitantes sumus, non constituunt, reponamus denuò id quod unusquisque nostrum est, nempe res cogitans: *Sed quid igitur sum?* rogat: respondetque iterum: *Res cogitans?* Sed dicat quis! Id sæpius jam repetiisti clarius explica, distinctius interpretare, quid illud sit; ut cognoscamus quid per illud intelligas. *quid est hoc?* satisfaciens autem huic petitioni declarat quænam in re cogitante contineantur, respondens; *sum res dubitans, intelligens, affirmans, negans, volens, nolens, imaginans quoque, & sentiens.* Non exigua nec paucà numero hæc sunt attributa, & sanè non parum profecero in cognitione mei ipsius id est mentis meæ; si cognovero hæc omnia ad meam naturam pertinere & mihi inesse. *Non pauca sanè hæc sunt si cuncta ad me pertineant.* Ad nostram autem pertinere illa omnia naturam citrà controversiam esse dicit, & unicuique accuratè attendenti manifestissimum. *Sed quidni, ait, pertinerens?* Pertinere autem ad se exindubitata experientià probat, quâ hæc omnia sibi quatenus est res cogitans, inesse certò cognoscit & perspicit; fieri enim non potest, ut cum sit res merè cogitans, cogitationes suas non habeat cognitatas & perspectas: *Nonne ego ipse sum qui jam dubito fere de omnibus, qui nonnihil tamen intelligo, qui hoc unum verum esse affirmo, nego cætera, cupio plura nōsse, nolo decipi, multa vel invitatus imaginor, multa etiam tanquam à sensibus venientia animadverso. Dubito ferè de omnibus, quia iudicium meum de rebus omnibus mihi hætenus ignotis, exceptâ solâ mente meâ, suspendo & ab assentiendo cohibeo. Nonnihil tamen intelligo, nempe me existere ut rem cogitantem, & hoc ipsum*

solummodo *affirmo*: vetera adhuc omnia, utpote mihi nondum perspecta & explorata, & proinde, tanquam aperte falsa, *reicio*, & *nego*, donec mihi major eorum certitudo appareat. *Volo* autem & *cupio* plura nōsse & cognitionem meam magis magisque extendere, quod me obtenturum *spero*, si mei ipsius accuratam cognitionem acquisivero, ex illius enim accuratâ notitiâ me quoque in aliarum rerum certam notitiam perventurum esse *spero* & *confido*: & *interim* hoc unice ago ne decipiar, *nolo* enim *decipi*, ut olim in philosophando sæpissimè delusus & deceptus fui; & in hunc finem illa, quæ *imaginor* vel per imaginationem mihi vel invito occurrunt, dum meditando in mentis meæ naturâ distinctissimè inquirendâ occupatus sum, studebo amoliri, omnesque sensuum perceptiones ut falsas abdicabo, etiamsi à *sensibus* multa mihi advenire *animadvertam* & *sentiam*.

Ex recensitis autem illis attributis nullum est, quod non æquè certum est mihi inesse ac ego ipse sum. Dicat & obsecundat aliquis, me dormire & somno obrutum esse ac somnare. Me tamen dubitare, affirmare, negare, velle, nolle, & cætera mente agitare certissimum est. Objiciat aliquis me à Deo potentissimo meo Creatore vel à Genio aliquo maligno deludi; Deludat quantum potest; certum tamen est me dubitare, intelligere, affirmare, negare, velle, cupere, & reliqua cogitare; nam licet immeritò dubitem, licet perversè intelligam, licet malè affirmem, mala velim & cupiam, me tamen dubitare, intelligere, affirmare, velle, cupere, æquè certum est ac me esse. Nihil enim horum à meâ cogitatione distinguitur, omnes enim non nisi diversi sunt cogitandi modi; nihil quoque quod à me, qui res cogitans sum, separatum dici potest, siquidem modi inseparabiles sint à cogitatione, imò à me cogitante. Si enim dubito cogito; si percipio, cogito; si affirmo, cogito; si nego, cogito; si volo, cogito; si nolo cogito; at non viceversa si cogito, statim etiam dubito; si cogito, statim etiam affirmo; si cogito etiam volo, & ita de cæteris. Et proinde non ad dubitationem, non ad affirmatio-

tionem, non ad voluntatem; sed ad cogitationem refero omnia, quæ nunc in me sive in mente meâ esse exterior, hancque ut primum & præcipuum ex omnibus meis attributis & quasi fundamentum reliquorum considero.

Quinimò ipsa mea existentia, seu quod ego sum, per nihil quicquam evidentius, quam per has facultates & operationes dubitandi, intelligendi & volendi explicari potest; hæ enim omnes vitam meam actuosam cum conscientia vivendi conjunctam, clarissimè exprimunt. Sed nec has tantum in me exterior facultates, quoniam præterea *Ego* etiam sum qui *imaginor*; nam quamvis fortè, ut supposui, res imaginatione percepta sit nihil, imo nulla res imaginabilis existat; Vis tamen ipsa imaginandi revera est, atque ad Cogitationem meam pertinet, haud secus ac quadratum ad figuram.

Idem denique *Ego sum qui sentio*, sive qui facultates habeo imagines rerum sensibilibus recipiendi & cognoscendi: videlicet jam lucem vidéo, strepitum audio, calorem sentio.

Sed obijciat quis, falsa hæc sunt, quoniam in præsens dormis. Resp. At certè videre videor mihi, audire, calefcere mihi videor, hoc ita mihi videri, ita apparere falsum esse nequit. Et hoc videri propriè illud est quod in me seu in mente meâ *sentire* seu *percipere* appellatur; atque ita hoc sensu dictum fuit olim à Menandro: Νῦν ὁρᾷ, νῦν αἰσθάνεται. *Mens videt, mens audit.* Hoc autem *sentire* sigillatim consideratum & à motu corporis, v. g. oculi, auris, aliorumque membrorum, quæ à luce, sono & similibus objectis affici dicuntur, distinctum, nihil aliud est quam *cogitare*. Manetque illud inconcussæ veritatis: *Ego sum res cogitans, id est dubitans, affirmans, negans, pauca intelligens, multa ignorans, volens, nolens, imaginans etiam & sentiens*, ut enim ante animadversum est, quamvis illa quæ sentio vel imaginor extra me fortè nihil sint, illos tamen cogitandi modos, quos sensus & imaginationes appello, quatenus cogitandi quidam modi tantum sunt.

*in me esse esse sum certus.* Aut ut brevius proponam: Ego sum substantia cogitans, id est, actus vitalis & essentialis; adedòque à me ( quatenus mens sum ) inseparabilis, est cogitare, cuius dux specie sunt percipere & velle. Inque hoc *τὸ cogitare*, sita est mentis essentia, quia ab omnibus aliis rebus, per hoc mentem meam distinguo; sita quoque est existentia, quia per hoc me existerè immediatè & intimè mihi conscius sum, & per hoc omnes functiones meas exerceo id est vivo; & ubi hoc desinit, verè esse desino.

Et sanè fuerit omni ævo Philosophi, qui hanc veritatem de Existentiâ & Essentiâ Mentis in Cogitando agnoverunt & constituerunt, licet ex professo hæc de re non egerint, aut pro rei dignitate explicuerint. In primâ acie collocamus ipsum Aristotelem, ut pote quo ex antiquis nemo clarius & distinctius convenientiam cum mente Philosophi nostri expressit. *Τὸ ζῆν ἐστὶ κινῆσις τὸ αἰσθάνεσθαι ἢ νοεῖν. αἰσθάνομεθα δ' αὖν, ὅπῃ αἰσθάνομεθα, καὶ νοοῦμεν, ὅπῃ νοοῦμεν. καὶ δὲ ἐν αἰσθάνομεθα ἢ νοοῦμεν, ὅπῃ ἐσμέν. Τὸ γὰρ εἶναι ἢ τὸ αἰσθάνεσθαι ἢ νοεῖν, καὶ τὸ ζῆν τὸ αὐτό. Vivere est propriè sentire aut intelligere sive cogitare: nec fieri potest quin, dum sentimus, sentiamus, & dum intelligimus, sive cogitamus, intelligamus: sentire autem quod sentimus, aut intelligere quod intelligimus aut cogitamus, est intelligere, quod sumus. Esse enim in sentiendo & in cogitando consistere, idemque diximus esse vivere.* In quibus verbis ipsa Cartesii mens vetaque de mentis essentiâ & existentia ratio vivis quasi delineamentis depicta cernitur. Et ante ipsum, obscurius licet, eandem sententiam propo-

*De Legib.* fuit Plato: *Vivit, quod à seipso movetur; à seipso autem moveri ratio est illius substantia, quam omnes nomine animam appellamus: ubi nota, motus nomine latius sumpto cogitationem quoque includi; nam & ipse varios cogitationum modos, quos motus appellat, postea recenset. Velle, considerare, curare, consultare, rectè & non rectè opinari, letari, dolere, audere, metuerè, odire, diligere, & reliqua.* Et ita Aristoteles *Calis* perennem motum tanquam *sempiternam quandam vitam & immortalitatem* asseribit.

Quin

Quin rerum omnium Divinarum proprietatem ait esse, continuo & semper moveri: Motus tamen propriè corporum est, cogitare animorum, uti serior & sapientiør ætas rectissimè distinxit. Socrates in Phædrø ex Platonis mente inter cætera de animo: *Hæc est propria natura animi atque quæ seipsam semper moveat*, id est, ex seipsa cogitet. Unde inert Cicero: *Sentit igitur animus se moveri; quod cum sentit, illud unà sentit, se vi suâ, non alienâ moveri: nec accidere posse, ut ipse unquam à se deferatur, ex quo efficitur æternitas*. Sentire & intelligere antiquis æquipollent; moveri autem animi cogitare est: unde apertè hæc Cicero nis mens conficitur: *Intelligit animus se cogitare, quod cum intelligit, unà intelligit se vi suâ non alienâ cogitare: nec accidere posse, ut ipse unquam à se deferatur, ut ex seipso illūm cogitandi actum unquam amittat, utpote nullum habens principium sui destructivum in se, ex quo efficitur æternitas, & evincitur eum ex se nunquam interiturum nec unquam à cogitatione cessaturum esse*. Interno itaque essentia suæ principio animus cogitat & vivit. Apertè etiam Cicero cogitationem sumit pro vitâ mentis, cum ait: *Loquor de homine docto & erudito, cui vivere cogitare est*. Libet quoque beatum Augustinum audire, qui ipsam mentis essentiam in cogitatione ejusque variis modis collocat: *Mens, inquit, cui nihil seipsa præsentius est, interiori, non simulatâ, sed verâ præsentia videt se in se, nihil enim tam novit mens, quam id quod sibi præsto est: nec magis menti quisquam præsto est, quam ipsa sibi: nam cognoscis se vivere, se meminisse, se intelligere, se velle, cogitare, scire, judicare: hæc omnia novit in se, nec imaginatur, quasi extra se illa aliquo sensu corporis tetigerit, sicut corporalia quaque tanguntur; ex quorum cogitationibus nihil sibi affingat, ut tale aliquid se putet. Quicquid ei de se remanet, hoc solum ipsa est, nihil enim tam in mente est, quam ipsa mens, nec quisquam sic mentem novit, quemadmodum ipsa mens. Cum enim quarit mens, quid sit mens; profectò novit, quod ipsa sit mens, quæ seipsam quarit. Nec aliunde se*

Physic. 8.  
c. 8. Lib. 2.  
de Cælo c. 8.

Tusc.  
Quæst. 1.

Arist. 3.  
de Anim.  
c. 6. & 7.

Tusc. v.



*se queris. Quum ergo querentem se novit, se utique novit & omne quod novit, tota novit, utque ita totam se novit: etsi forte parte inventâ non se totam queras: quia tamen se tota quærit, tota sibi præsto est, nihil enim sibi seipsâ præsentius esse potest. Nec reticere possum illustre testimonium Claudiani Mamerti magni inter Christianos Philosophi, qui inter cætera contra Faustum Regiensem, Creaturis nihil incorporei inesse opinantem, hoc modo disserit: Tu cum dices aliud esse animam, aliud anima cogitationem; melius fortasse dixisses, illa de quibus cogitat anima, cum de se non cogitat non esse animam, ipsam verò cogitationem non esse nisi animam. Quia illud quod subjiciendum esse dixisti, cætenu animam solere requiescere, ut prorsus cogites nihil, caret vero. Anima nempe variare cogitata potest, non cogitare non potest. Quid autem illud est, quod somnariæ dicimur, nisi quod ne seculo quidem corpore in somnosque resoluta anima vis à cogitationibus vacat. Tota verò ibi est; ubi cogitat, quia tota cogitat. Verum Tu idcirco vel maxime de anima statu falleris, quia aliud animam aliud esse anima potentius credis.*

Cæterum non parvâ animorum contentione contrâ nituntur haud pauci, pernegantes Mentis naturam in Cogitatione consistere, cum Cogitatio non sit aliquid reale. Sed si omnia vocis & reale significata percurras ea in summâ *ἡμῶν* Menti conveniunt. Si per *τὸ* reale designes id quod certum & inconcussum est, & quod ficto falloque opponitur, hoc significato cogitatio maxime quid reale est. Omnia enim corpora negari, & ut ficta falsa que rejici possunt, & pro nihilo reputari; sola cogitatio negari non potest: quamdiu enim mentem me habere concipio, tamdiu cogito, nec id sine contradictione negare possum. Si *τὸ* reale idem Tibi denotet quod evidens & clarum? Quid evidentius? quid clarius meâ cogitatione à me percipitur? Si affirmo, nego, volo, nolo, imaginor & sentio, istorum omnium certissime & evidentissime mihi conscius sum. Nulli cogitationis modi me ipsum unquam latent; in corpore contra hoc ipso meo

meo multa mihi ignota sunt, nec numerum nec figuram omnium partium teneo; varii sanguinis & spirituum motus me fugiunt. Porro si *re* reale idem tibi sit quam permanens, & corruptioni ac alterationi minus obnoxium? Talis utique cogitatio est, quæ constanter cogitatio permanet; corpore nil magis mutabile, in continuo fluxu est, accrescit, decrescit, alteratur, raro, imo nunquam idem est. Denique si reale sit idem quod perfectum? Mente nihil inter res creatas perfectius. Vivida sanè cogitatio brutâ extensione excellentior: intelligere, velle, & plurimas facultates præstantissimas possidere longè profectò nobilius, quam extensum esse, moveri, dividi posse, cæterisque passionibus sine ullâ actione & conscientia subiacere. Cogitatio omnia sibi vividè sistit præsentia, clarè & distinctè percipit, solidè judicat, rectè ratiocinatur. Corpus iners & bruta moles, agitur, dividitur, transfiguratur merumque passionis sine ullâ perceptione subiectum est.

Urgent secundò; Unumquemque habere plurimas & maximè mutabiles cogitationes, ac proinde si cogitatio sit mentis essentia, diversas easque maximè mutabiles cuilibet esse ascribendas mentes. Sed sciendum est Cogitationem, in quâ mentis essentiam collocamus, non sumi pro certâ aliquâ & determinatâ hâc vel illâ actione seu modo cogitandi, sed pro ipsâ re & substantiâ cogitante, in quâ plurimæ cogitationes sive cogitandi modi & actiones successivè reperiuntur, quæ continuò mutantur & variantur; suntque hæ cogitationes particulares; Sed mentis essentia consistit in cogitatione generali, quæ hos modos & actiones omnes complectitur, estque intima perceptio omnium, quæcunque unquam in illâ sunt: nam quamvis objecta diversa sint; quamvis etiam diversis modis, intellectu puro, imaginatione vel etiam sensu percipiantur; ad hoc unum tamen redeunt, quod sint perceptio, id est cogitatio una, diversis modis variata; sed propter tot tantasque variationes mens non magis variatur, quam corpus propter varios extensionis modos & figuras: uti ex. gr. aurum remanet aurum id

D d

est

est naturam sive essentiam non mutat, licet in bracteas diducatur, in fila tenuia extendatur, & denuò calore liqueatur in clibano & extractum frigore in palam concreascit, inde in poculum malleo efformetur, rursus denuò in annulos, torques & armillas transfiguretur, aut aliam quamlibet assumat figuram; veluti eadem, inquam, natura tamen permanet & superstes perstat. Eâdem prorsus ratione manet una & fixa mentis essentia Cogitatio, diversitate objectorum, & applicatione sui ad ea subinde mutabilis.

Porro obijciunt; Cogitatio est in substantiâ; Non est ergo ipsa mentis essentia & substantia. Sed nihil absurdi in eo, quod & cogitatio in substantiâ sit, & tamen ipsa quoque sit substantia, sed diverso respectu. Nempe, primò cogitatio est in substantiâ seu in ipsâ mente, ut modus inest ipsi corpori à quò realiter non differt, sic cogitatio id est varii cogitandi modi particulares, intelligendi, volendi, affirmandi, negandi, nolendi, volendi ceterique insunt ipsi menti, à quâ realiter non differunt: & interim mens est ipsa cogitatio id est substantia cogitans, quæ solo concursu Dei, & nullâ planè re creatâ, indiget ad existendum; quæque cum per se subsistat, nullo, præter se, subjecto in quo sit, eget. Deinde, Cogitatio est in substantiâ, id est, Substantiæ conceptui generali & indeterminato ex se potest, imò debet superaddi conceptus cogitationis ad distinctam determinatamque representationem. Mentis faciendam: sed non ita, menti jam existenti superindui & addi debet cogitatio, tanquam aliquid ab eâ realiter diversum, & ipsi jam creatæ superaccedens; cogitatio enim est ipsissima substantia, cui ceteræ particulares cogitationes, ut judicare, meminisse, lætari, tristari, sperare, metuerè, tanquam modi insunt; hi enim non possunt esse, imò ne concipi esse, nisi insint subjecto id est Cogitationi, quæ proinde est Mentis substantia.

At inquirunt, Mens aliquando à cogitando vacat & sine eo est. Sed negamus mentem unquam extitisse non cogitantem; nam omni sublatâ cogitatione in nihilum redacta fuisset; sublatâ enim cogitatione nihil restat quod  
menti

menti assignare possis, quod ejus essentiam actu constituit. Nec requiritur ut Mens meminerit semper se cogitasse, præsertim quatenus corpori juncta est, ita enim requireretur, ut mens se super sua cogitata semper reflectat, utaturque cerebro benè parato, firmiter & tranquillo, ut vestigia facillè imprimantur, impressaque constanter servantur: quæ cum in pueris & infantibus non fiant; & sæpissimè ab ipsis viris negligantur, non mirum innumeras, quas etiam nuper habuimus, nos fugere cogitationes.

Postquam verò in superioribus vidi & observavi me corpus non esse, imò nihil corporeum ad meam essentiam pertinere, sed me rem cogitantem esse intellexi, cui dubitandi, intelligendi, affirmandi, negandi, volendi, nolendi, imaginandi quoque & sentiendi facultates insunt, ut pote quæ omnes modi cogitandi sunt & sub cogitatione tanquam generè seu communi principio continentur, postquam, inquam, hæc perspexi, mea natura planius & accuratius ex tot præsertim attributis positivis innotescit. Nam quo quis plura alicujus rei attributa novit, eò rem accuratius & clarius & distinctius novit.

Sed licet jam accrescat cognitio mea meiipsius, vix tamen, imò ne vix quidem me cohibere possum, quin ex pristinâ & diuturnâ perversâ judicandi consuetudine, quæ omnes res corporeas aut corporeæ cujusdam naturæ esse olim judicavi, recurrant adhuc veteres erroneæ opiniones, & imprimis illa ipsa, quæ existimo res corporeas, quas imaginatione mihi præsentem sisto & quas tanquam in cerebro meo depictas contemplan, imò quas visu, auditu, gustu, tactu, olfactu percipio, multò clariore & distinctiore cognitione à me intelligi, quam istam partem mei nondum satis cognitam, quam imaginandi facultate comprehendere non possum, & quæ in sensus non incurrit. *Ex quibus, inquit, equidem aliquanto melius incipio nosse quicquam sim. Sed adhuc tamen videtur nec possum abstinere quin, putem, res corporeas, quarum imagines cogitatione formantur, & quas ipsi sensus explorant, multò distinctius agnosci, quam istud nescio quid mei, quod sub imaginationem non venit.*

*Objeâio.* Cæterum dicat aliquis. Quâ ratione Cartesius dicit se ignorare mentem suam illiusque naturam, cum appellat eam *istud nescio quid mei*? an non in antecessum dixit se id est mentem suam esse rem cogitantem? an non varia istius rei cogitantis attributa se perpexisse & cognovisse scripsit? & ex iis cognitionem suam de seipso accrevisse & profecisse? annon sibi ipsi igitur contrarius est cum eodem penè halitu in notitiâ mentis suæ se proficere scribit, & simul mentem appellat partem sui ignotam? Resp. Nullâ ratione sibi ipsi contraria loquitur Philosophus. Verè dixit se certò cognovisse & adhuc cognoscere mentem suam esse rem cogitantem; verè scripsit se observâsse & certissimâ experientiâ comperisse, quod omnia illa dubitandi, intelligendi, affirmandi, negandi attributa reverà menti suæ insint & suâ cogitatione comprehendantur; & nihilominus verè quoque mentem appellat istud sui ignotum, *nescio quid mei*: nempe postquam pristinæ cogitationes recens inventam hanc suam cognitionem denuò quasi obnubilant & obliterant, cò quasi relabitur ut solas res corporeas cognitās & clarè ac distinctè perceptas esse existimet; reliquas autem res intellectuales & incorporeas, quoniam sub sensum non cadunt, intellectum quoque fugere: Quoniam recurrit menti illud vetus: *Nihil est in intellectu, quin prius fuerit in sensu*. Abreptus itaque pristinâ pravâ judicandi consuetudine solum corpus sibi probè cognitum, mentem autem partem sui sibi ignotam esse dicit. Quippe tanta vis est pristinarum licet falsarum istarum opinionum, ut penè invitos nos abducant, ut suprâ ex Medit. I. intelleximus.

Reluctatur igitur erroneæ huic opinioni, & se in rectam, quam incepit jam ingredi viam, reducere conatur, & ut veritatem de perceptâ mentis suæ essentiâ nuper acquisitam retineat se ipsum hortatur; sed licet hortetur recidit tamen in pristinam malè judicandi consuetudinem, licet contrarium agnovit esse verum; & quæ hujus rei causa sit summo perè miratur. *Quoniam profecto sit mirum res quas animadvertit esse dubias, ignotas, à me alienas, distinctius quam quod verum est, quod*  
cog-

*cognitum, quam denique meipsum à me comprehendi. Ac si diceret: Quæ ratio? Quæ causa est? quod res corporeæ, quæ an existant nec ne dubium esse propter fallax sensuum iudicium, propter Genii maligni imposturas & propter multiplices somniorum ludificationes supposuimus, asseruimus, & adhuc supponimus, asserimus: & positò quod existerent, cuius naturæ tamen sunt adhuc ignoramus, quoniam id nondum investigavimus; & positò quoque quod natura ipsarum cognita esset, à me tamen id est à mente meâ alienæ sunt, nec ad eam pertinent, non enim sum ignis, non aqua, non aër, non halitus, non ventus, nec ullum aliud corpus, quoniam mentem meam sine his & extra ea clarè & distinctè percipio, & proinde ad me non pertinent. Quæ causa igitur? quod res tales mihi magis cognitæ esse existimem, quam mentem meam ejusque attributa, quæ certissimè vera esse deprehendi, imò quam meipsum à me comprehendi? Assignat tamen veram hujus suæ stupiditatis causam, quod nempe præjudiciis assueta mens ægerrimè ea deponat, seque ab eis liberet, sunt enim veluti morbi mentis, qui diuturnitate invaluerunt, & mentem quasi captivam detinent, etiam penè invitam: assiduò enim recurrunt consuetæ opiniones, occupantque credulitatem nostram, tanquam longo usu & familiaritatis jure sibi devinctam, ferè etiam nobis invitis, *Sed video quid sit, inquit, gaudet aberrare mens mea, necdum se patitur intra veritatis limites cohibere. Esto igitur, & adhuc semel laxissimas habenas ei permittamus, ut illis paulò post opportunè reductis facilius feregi patiatur.* Haud secus ac domitores equorum ferocium laxissimas illis solent permittere habenas, ut cursu celeri & diuturno fatigati mansuescant: ita animo suo à veritate divagari assuetò adhucdum semel pristino more exspatiari permittet, ut rationi in posterum tantò promptius obsequatur. *Contem-plemur cum in finem res illas, quæ vulgò putantur distinctissimè comprehendi, corpora scilicet, quæ sub visum contactum cadunt, & in sensus nostros incurrunt.* Sunt enim plurimi homines in illà opinione, quod corpora sola cog-*

nosci possint, non autem mentes: imò sunt in illâ hæresi non pauci, ut existiment omnes res esse corporeas, nullasque substantias nisi corpora dari. *Contemplemur itaque corpora, sed non universalia & corpora in communi, generales enim ista perceptiones aliquantò magis confusa esse solent: sed unum speciale corpus, & quidem hanc, quam manibus palpamus & oculis conspiciamus, ceram.*

Consideremus autem in illâ accidentia, quæ in sensus quam maximè incurrere & ideò notissima esse, ac certissimè in rebus corporeis deprehendi judicantur, & in quibus essentia istarum rerum consistere & è quibus dignosci existimatur. Primò occurrit, quâ ratione & quando confecta sit, *educta est nuperrimè è favis*: occurrunt deinde varia accidentia sive qualitates, quas tactiles vulgò appellant, sapor, odor, color, sonus, *nondum enim amisit omnem saporem sui mellis*, quoniam nuperrimè exinde deducta est, & particulæ mellis nondum omnes avolârunt; nonnihil quoque retinet odoris florum ex quibus collecta est; ejus color flavus in oculis quoque incurrat: quin & figura seu rotunda, seu quadrata, seu orbicularis, ut & magnitudo selsui circiter palmi & visu & tactu deprehendi potest: durities quoque & firigiditas itidem tactui manifestæ sunt; & si digito percussas, emittit sonum. Et quid multis opus? Omnia deprehenduntur in cerâ & accidentia sensibilia communia, ut magnitudo & figura; & accidentia propria, ut sapor, odor, color & reliqua, suis determinationibus & circumstantiis ab aliis distincta, ex quibus omnibus rerum corporearum essentiam juxta veterem opinionem, quâ nempe omnem cognitionem à sensibus hauriri existimabamus, distinctissimè cognosci judicabamus, & proinde ceræ naturam & essentiam satis clarè quoque & distinctè ex illis esse perspectam.

Sed probè attendamus & consideremus, an ex his omnibus, sensibus obviis, natura ceræ clarè & distinctè ac certò innotescat; & satis manifestò patebit ceræ essentiam ex his non clarè & distinctè dignosci. Vix namque hæc imaginatus sum de cerâ; quin paulò post omnia in cerâ evanescent: Cera enim

enim igni admovetur, & mox grati saporis, quem de melle reliquum habebat, reliquæ expurgantur; odor itidem suavis ex floribus fragrantibus residuus exhalatur; hinc alium quoque induit colorem; quin & figura alia fit, rotunda enim immutatur ad figuram vasis sive ollæ continentis: magnitudo quoque alia fit, major enim fit in liquidâ & terrenti, quam fuit in frigidâ, siquidem particulæ magis à se invicem sejunguntur per intercedentes particulas igneas, quæ se in poros insinuant ceræ liquefcentis; mox erat consistens, jam liquida est; mox erat frigida, jam est calida; mox dura, jam cedit tactui & mollis est, particulis vi ignis aliquatenus motis; audibilis quoque qualitas recessit, si enim articulo ferias, non amplius præ mollitie emittit sonum.

Quidnam ergo jam dicendum? quid statuendum est? anne dicemus & statuemus propter sublata hæc accidentia communia & propria, in quibus naturam & essentiam ceræ consistere vulgò putant, & à quibus ejus natura distinctissimè & certissimè dignosci arbitrantur; anne, inquam, dicemus essentiam quoque ceræ adeoque & ipsam ceram periisse? an verò adhuc remanet cera? *remanetne adhuc eadem cera?* remanere autem quis non fatetur? ipsi sensuum patroni concedunt, ipsi ita existimant. Sed quandoquidem tamen sensibilia illa omnia, per quæ cera adeò distinctè dignosci putabatur, evanescere? si nihil ex iis remansit? quâ ratione igitur sensuum propugnatores defendere posse se putant, quod per accidentia illa evanida, quæ ab essentiâ ceræ sunt separabilia, cera ipsa ejusque natura dignosci possit? evanuisse autem ista omnia certissimum est, nihil enim ex iis, quæ sensibus externis deprehendebantur, amplius adest: nam quodcumque sub gustum, olfactum, visum, tactum vel auditum veniebat, id omne periit & mutatum est; at cera nihilominus remanet, unde manifestò patet, ipsam ceram ejusque essentiam in accidentibus, ut vocant, sensibilibus non consistere, uti censent & arbitrantur sensuum propugnatores.

Sed quidnam est illud, quod sublati & immutati illis omnibus quæ sub sensus veniunt, immutatum & integrum remanet,



- manſit, quod in ſenſus externos non incurrit, & quod tamen ceræ nomine apud omnes venit. Fortaſſis ( ita reſpondet Philoſophus ) eſt illud quod cogito ; non quidem ( ut putavi, cum res corporeæ ſenſibus externis diſtinctiſſimè cognosci arbitrarer ; ) iſta dulcedo mellis modò adhuc reſidua, nec è floribus fragrantia, nec iſta albedo, nec figura rotunda, nec ſonus, quem audiebam ; ſed cera eſt corpus ipſum, quod ſenſibus meis externis paulò ante aliis modis veſtitum ſe offerebat, ſed jam rurlus diverſis. Quamprimum enim iſta accidentia prius conſpicua periére, mox rurlus alia in eorum locum ſucceſſére ; dulcedini mellis, ſapor ingratuſ, & penè inſipiditas ; fragrantiz florum odor inſuavis, trígori calor, duritiei mollities, ſtavedini albedo, figuræ rotundæ figura triangularis ; modo ſpiſſè concreverat, nunc liquida eſt ; adeò ut nunquam accidentibus omnibus denuadata ſit, ſed modò his modò aliis appareat veſtita, quæ tamen non ſunt ipſa cera. Attendamus enim & conſideremus quid præciſè ſit illud corpus, quod imaginariur, quod ſub tam variis & diverſis modificationibus ſive accidentibus, modo ſub aliis, modo rurlus ſub aliis apparet. Et ut illud probè & accuratè pernoſcamus, removeamus omnia modo recensita accidentia ſenſibilia & ceram nobis, tanquam his veſtibus detractis, nudam ſiſtamus, ut ita videamus quid revera ſit, quod ad ceram pertinet & ejus naturam conſtituit, & per quod nunc eadem manet, quæ ante fuit.

Hoc ipſum autem nihil aliud eſſe poteſt, nec eſt, quam extenſum quid, flexibile, mutabile.

Quod autem extenſum quid & flexibile & mutabile hoc ipſum ſit, hinc liquet ; quoniam extenſio & flexilitas & mutabilitas, quæ ante mutationem jam dictam aderant, ( ſecus enim mutari non potuiſſet ) poſt eandem etiamnum in cerâ remanent, ſuntque identitatis ceræ, quod nempe eadem remanſerit, quæ ante fuit, fundamenta.

Sed in quo conſiſtit hæc ipſa ceræ flexilitas ſeu mutabilitas ? quid eſt hoc flexibile ſeu mutabile ?

Eſt

Estne illud fortassis quod imaginor hanc ceram ex figurâ rotundâ in quadratam, vel ex hac in triangularem verti posse? An hujusmodi conversionis ratio, imaginando percepta, est ipsa essentia seu natura mutabilitatis?

Resp. Nullo modo; nam mutabilitas illa se longè latius extendit, quam ego imaginando concipere possum; quippe innumerabiles tales variationes sive mutationes cera subire potest; & imaginandi facultas tamen innumerabiles percurrere nequit: unde manifestò consequitur comprehensionem hanc, quâ ceram innumerabilium mutationum capacem esse percipio & intelligo, ab imaginandi facultate non pendere nec procedere. ex gr. Non possum imaginatione percipere quomodo cera sexaginta habens latera distinguatur ab eâ quæ ducenta habet, tot enim latera in cerebro veluti depicta præsentia mihi sistere nequeo.

Sed quoniam ceram quoque extensum quidesse deprehendimus; nunquid etiam extensio illius imaginandi facultate impercetibilis est & ignota manet? Resp. Ita sanè est: nam extensio major fit in cera liquefcente, major adhuc in ferventi, major rursus si calor adhuc augeatur; & quantò majus incrementum calor, tantò majorem cera extensionem capit; quippe quò calor major fit, eò plures particulæ se poris ceræ insinuant, unde ceræ externam dimensionem augeri & magis magisque extendi necesse est; istæ autem extensionis varietates & mutationes tam multiplices sunt, ut eas imaginando assequi nequeam; unde rursus sequitur, me non rectè de cerâ judicaturum, si varias ejus quoad extensionem mutationes imaginando me complecti putarem.

Atque hinc concludendum & concedendum est, nos non tantum sensibus externis non posse assequi nec comprehendere quid sit cera, sed nec etiam imaginatione seu sensu communi, ut ajunt: & proinde licet putaverim me antea sensibus externis & imaginandi facultate percepisse quid sit cera, nunc animadverto erroneum & falsum fuisse illud judicium; siquidem jam manifestò deprehendo, quod solâ mente & intellectu purò intelligam, quid sit.

E c

Lo-

Loquor autem de cerâ hâc particulari & sigillatim consideratâ, quod illa sub imaginationem non cadat; nam de cerâ in communi & generatim spectatâ res ad eò manifesta est, quod solâ mente & puro intellectu percipiatur, ut id nemo facilè negaverit.

Evicimus itaque & ostendimus ceram solâ mente, solo puro intellectu percipi; videamus adhuc semel & breviter repetamus ea, quæ jam quadantenus dicta fuere: *Quanam est hæc cera, qua non nisi mente percipitur?* Estne alia & diversa ab illâ, quam antea sub sensus externos cadere & me imaginatione percipere arbitrabar, sed quam jam me solo mente percipere deprehendo? Resp. Non est alia, sed est eadem, quam antea me videre, tangere, quam imaginari me existimabam, imò est eadem cera prorsus, quæ fuit ab initio, illa enim remansit; sed quum antea eam inter res tactiles, visibiles & imaginabiles retulerim, nunc eandem inter res solas intellectu perceptibiles refero & numero: illud enim notandum probè est, quod eam non visu, non tactu, non imaginandi facultate perceperim unquam, quamvis olim ita cum vulgò Philosophorum erroneè judicaverim, cum omnem perceptionem, & in primis rerum corporcarum, à sensibus externis dependere arbitrarer; sed quod eam solâ mentis inspectione id est solo intellectu puro perceperim. Et quidem hæc mentis perceptio & inspectio vel *imperfecta* esse potest & *confusa*, uti prius erat; tum nempe, cum eam perceptionem non menti vel intellectui puro, sed sensibus ascriberem cum philosophantium cohorte. Vel *clara* & *distincta*, uti nunc est, postquam solâ mente observavi, ea, quæ ceræ semper insunt, nempe eam extensum, flexibile & mutabile quoddam corpus esse.

Cæterum licet hæc antedicta omnia verissimè & certissimè scita habeant, uti diximus; & licet illud percipiam; experior tamen mentem meam, quod admirandum est, adhuc in errores pronam & proclivem esse: & licet menti meæ jam crebrò ostenderim quod solo intellectu & per seipsam res percipiat, illa tamen in errores prona remanet. Idque eò magis miran-

mirandum, quod, quandoquidem hæc omnia tacitus mecum id est solâ mente & apud mentem animumque meum meditor, & sine ullo sermone externo cogito; ipsis tamen verbis & phrasi ac formulâ loquendi communi, quam olim auribus percepi & quam memoria mea mihi adhuc suggerit, quod hæc inquam decipiar ac seducar.

Hæc enim communis Loquendi formula usu recepta est, quod dicamus nos *ceram ipsam videre*, quum tamen dicendum esset, nos ex calore & figurâ judicare ceram ad esse; nam revera sensus dictant quod res sint; quid autem sint præcisè dictare nec docere possunt. Ego tamen adhuc ad receptam illam longo usu loquendi formulam relabor, & per eam penè seducor, ut opinionem veterem amplectar, nempe ceram visione oculi, non solius mentis contemplatione cognosci, quam opinionem erroneam esse supra demonstravi.

Sed emendat tamen opinionem illam erroneam & me rectè hac de re judicare docet alia non minus usitata de hujusmodi re corporeâ loquendi formula: Nimirum dum per fenestram prospicio, ut me aliquando fecisse novi & modò adhuc feci, ipsos homines in plateâ ambulantes me contueri dico, non minus usitatâ loquendi formulâ, quam eâ quâ ceram ipsam me videre ajo; & certum tamen est, me nihil præter pileos, pallia, togas & vestes videre, sub quorum tegumentis automata sive machinæ ad figuram corporis humani extructæ latere possint; possent quoque sub istis vestibus latere simiæ, ursi aliæve bestiæ, ore ad cælum erecto ad instar hominum incedere doctæ; miræ enim in his hominum artes sunt & inventa. Experimentiâ quotidianâ constat agyrtas phallos seu pupas saltantes & discurrentes ignaræ multitudini sæpe ostendere, quas simplices & rerum inexperti existimant vivos esse homunciones. Simias quoque & canes humano more vestitos miras actiones à circumforaneis edoctos patrare notissimum est; quibus seducta stupida plebecula eos non rarò homines esse existimat. Homines sub ferarum pellibus latitantes in scenam fuisse producos narrant Historici. Et ne quid de præcis Romanis re-

In Itine-  
rar. p. 54

feram; en maximè admirandum hujus rei specimen, quod exhibitum fuit Legatis Batavorum ad Magnum Tartarorum Chamum sive Sinensium Cæsarem, & narrante viro fide dignissimo Johanne à Nieuhof hoc modo se habet: *Proregis minister, qui à Secretis erat, cum iussu absentis Domini sui lautè & opiparè Legatos excepisset, peracto jam convivio Spectaculum ex feris artificiosè adornatis (admirandum sanè visu) institui & celebrari curavit. Quippe Histrones aliqui, arte promptissimi & valde expediti Leonum, Tigridum, Leopardorum aliorumque ferocium & ferorum animalium exuviis sive pellibus se induerant; eorundemque gestus, gressus, sonos & actiones adeò accuratè & vividè imitari noverant, ut vel perspicacissimum quemque (nisi hujus techna & fraudis notissiam jam antè habuisset) perquam faciliè delusissent. Horrenda enim illa monstra tam immani impetu in se mutuo irruebant, ora terribili adeò rictu distendebant, acutos suos ungues adeò acriter mutuis tergoribus infligebant, & hinc voces ac clamores adeò lamentabiles edebant, ut unusquisque gestibus hisce fictitiis in stuporem raperetur.*

Artificum admiranda hic quoque reperta fuit industria; illi enim, uti inquit Poëta, *Vivos ducunt de marmore vul-tus.*

Insigne apud Claudianum Eidyllum ubi Martis & Veneris imagines de magnete & ferro artificio admirabili formatas fuisse canit. Nec pigebit ascribere versus arte & venustate plenos:

*Mavors, sanguinea qui cuspide verberat urbes,  
Et Venus, humanas qua laxat in otia curas,  
Aurati delubra tenent communia templi.  
Effigies non una Deis: sed ferrea Martis  
Forma nitet, Ventrem magnetica gemma figurat.  
Illis connubium celebrat de more sacerdos.  
Ducit flamma choro. Festâ frondentia myrto  
Limina cinguntur, roseisque cubilia surgunt  
Floribus, & thalamos dotalis purpura velat.*

*Hic*

*Hic mirum confurgit opus. Cytheræa Maritum  
 Sponte rapit, cælique toros imitata priores  
 Pectora lascivo flatu Mavortia nectit,  
 Et tantum suspendit onus, galeaque lacertos  
 Implicat, & vivis totum complexibus ambit.  
 Ille laceffit longæ spiraminis actu  
 Arcanis trahitur gemma de conjuge nodis.  
 Pronuba fit natura Deis, ferrumque maritat  
 Aura tenax, subitis sociantur Numina furtis.  
 Quis calor infundit geminis alterna metallis  
 Fadera? quis duras jungit concordia mentes?  
 Flagrat anhelæ silex, & amicam faucia sentit  
 Materiem, placidosque thalybs cognoscit amores.  
 Sic Venus horrificum belli compescere Regem,  
 Et vultum mollire solet, cum sanguine præcep  
 tæstuat, & strictis mucronibus asperat iras.  
 Sola feris occurrit equis, molliorque tumorem  
 Pectoris, & blando præcordia temperat igni.  
 Pax animo tranquilla datur, pugnasque calentes  
 Deserit, & rutilas declinat in oscula cristas.  
 Quæ tibi, sæve puer, non est permissa potestas?  
 Tu magnum superas fulmen, cæloque relicto  
 Fluctibus in mediis cogis mugire Tonantem.  
 Jam gelidas rupes, vivoque carentia sensu  
 Membra feris: jam saxa tuis obnoxia telis,  
 Et lapides suus ardor agit, ferrumque tenetur  
 Illecebris; rigido regnant in marmore flammæ.*

Nullâ profectò ratione sensus indicare valuissent hæc simula-  
 cra vivos verosque non fuisse homines, sed sola mens hæc facul-  
 te pollet; & quidem tum solummodò cum attentissimâ con-  
 sideratione rem examinat. Unde manifestum est quam verè  
 Philosophus asserat, quod res sive substantiæ, quæ homines  
 vocantur, minimè sint eæ, quæ oculos è fenestra prospectan-  
 tes afficiunt, sed solâ judicandi facultate, quæ in mente no-  
 strâ est, id quod exterioribus istis involucris tectum latet  
 dignosci esse homines ac discerni. Atque ita argumentum

à consuetudine de re sensibili loquendi formulâ petutum, nempe quod *ceram ipsam videamus*, quâ penè seducti eramus, ut putaremus ipsos oculos & sensus externos rerum essentias percipere, alio argumento, à simili de re sensibili loquendi formulâ deductum, cum autore nostro elisimus & profligavimus: adeò ut mens nostra, quæ sensibilibus nimio amore quasi agglutinata erat & ad intellectualia attendere recusabat, ipsis rebus sensibilibus quodammodo refellatur.

Caterum nonne revera pudore suffundi me oportet, quod ego qui philosophum ago, atque ita accuratorem me sapientiam quam vulgus affectare profiteor? *anne*, inquam, *pudet me ex formulis loquendi vulgaribus* sive a vulgò usitatis *dubitandi occasionem quævisse*, & passum fuisse ut iisdem in veritatis investigatione impedire?

Sed extricabo me; non patiar his me diutius detineri diviticulis; pergam sepositis his obstaculis diligenter perpendendo, *anne clarius distinctiusque perceperim quid esset cera cum primum aspiciendo eam superficie tenus credidi me eam sensu externo, vel saltem sensu communi*, ut appellant, *id est imaginandi facultate cognoscere? An verò potius nunc postquam diligentius consideravi & inveni quid ea sit, & quomodo cognoscatur?* Inveni enim quod extensum quid & mutabile sit; perspexi quod illa accidentia, quæ à cerâ sic tolli videbam, ut alia in eorum locum substituerentur, non sint ipsa cera; deprehendi quoque quomodo cognoscatur; dum separari scilicet perceptionem vulgarem ejus & confusam, quam sensualem credideram, à reflexâ & distinctâ, quam verè intellectuali esse cognovi. Et profectò satis patet ex hac posteriori intellectuali perceptione perfectius & evidentius me *ceram* cognoscere, quam ex sensuali, ut vulgò dicitur, perceptione, quæ reverà perceptio non est, utpote, quæ nobis cum brutis, communis est; in brutorum enim sensus, quos habent, externos, æquè ac in nostros externæ illæ qualitates & accidentia incidunt, imò eorum organa sensuum non rarò expeditius & citius moventur, quam nostra: quâ ratione verum est,

Nos

*Nos aper auditu, linx visu, simia gustu,  
Vultur odoratu pracellit, aranea tactu.*

Sed quia hæc perceptio ( si tamen, ut rursus moneo, ulla sit, quum nondum constet ordine philosophandi, an ullâ imaginandi facultate prædita sint bruta, ut hæcenus persuasum habuimus ) confusa & obscura est, intellectualis verò clara & distincta, jure hanc præfero & per hanc solam corpora propriè percipi adverto & denuò moneo.

Verum postquam Cere naturam latis diu contemplatus fui, tempus est ad mentem meam redeam, cujus causâ potissimum ea de naturâ cere investigatio fuit instituta, nempe ut ex illâ mentis meæ natura distinctius intelligeretur; quod an probè successerit jam dispiciam. *Quid autem jam dicam de hac ipsâ mente, sive de meipso, nihil dum enim aliud admitto in me esse præter mentem; nihil enim hæcenus præter eam in hoc philosophandi principio solidè demonstratum est.* *Quid, inquam, ego qui hanc ceram videor tam distinctè percipere, nunquid me ipsum non tantum multò verius, multò certius, sed etiam multò distinctius, evidentiusque cognosco? non modo quoad existentiam, sive quod sit; sed etiam quoad essentiam, sive quid sit.* Nam cum in antecessum demonstratum sit, mei existentiam longè certioresse, quam ullius rei corporeæ; quoniam si judicem res corporeas existere propterea quod eas videam, audiam, gustem, odoror, tangam, aut alio aliquo sensu percipiam; longè utique certius colligere & concludere mihi licet meipsum existere, qui video seu videre me cogito, qui audio, aut audire me mihi imaginor. Unde liquidò patet; si quæstio instituat de *Certitudine Existentiæ alicujus rei, sive an aliquid sit?* Me de nullius rei existentia adeò citò, clarè & evidenter certiores reddi, quam de meipsum, sed mei existentis cognitionem præ cæterarum existentia priorem clariorem & evidentioresse: siquidem id quod video, aut, quod adhuc idem est, me videre puto, fortassis possit esse nihil; quum ego interim dum video aut me videre puto vel cogito, necessario esse debeam.

Cæter-



*Obiect. 5.* Cæterum heic obtendunt aliqui cum Gassendo, frustra  
*In Medit.* tanto molimine ex cogitatione suâ philosophum, & nos  
*2. num. 1.* cum eò conari demonstrare certitudinem existentia nostræ,  
 quoniam aliunde certi eramus, & verum erat nos esse; &  
 poteramus idem vel ex quavis aliâ nostrâ actione colligere,  
 cum lumine naturali notum sit, *Quicquid agit, esse.* Ad  
 quam objectionem cum philosopho respondemus, falsum  
 esse ex quavis aliâ nostrâ actione præter cogitationem ejusque  
 varios modos eandem existentia nostræ certitudinem potuisse  
 colligi, quia nullius nostræ actionis omninò certi sumus  
 (nempe certitudine illâ Metaphysicâ, de quâ hîc quaestio  
 est) præterquam solius cogitationis. Non enim licet inferre  
*Principp.* exempli causâ, ego video, ego ambulo, ergo sum, nisi  
*p. 1. §. 9.* quatenus ambulandi & videndi conscientia cogitatio est, de  
 quâ solâ hæc illatio est certa, non de motu corporis; nam  
 si dico, ego video, vel ego ambulo, ergo sum; & hoc in-  
 telligam de visione, aut ambulatione quæ peragitur corpo-  
 re, conclusio non est absolutè certa, quia, ut sæpe fit in  
 somnis, possum putare me videre, vel ambulare, quam-  
 vis oculos non aperiarn, & loco non movear; atque etiam  
 forte, quamvis nullum corpus habeam; sed si intelligam  
 de ipso sensu, sive conscientia videndi aut ambulandi, quia  
 tunc refertur ad mentem, quæ sola sentit, sive cogitat se  
 videre aut ambulare, est planè certa. Pari itaque modo,  
 ex illa cogitatione sive judicio aliisve cogitandi modis de exi-  
 stentiâ Cerae demonstrat autor, neq; existentiam Cerae,  
 nec corporalem videndi actionem simpliciter certam esse, sed  
 saltem sui ipsius id est mentis suæ existentiam; dum ita  
 ratiocinatur. *Nam si judico ceram existere ex eo quod hanc  
 videam, certè multò evidentius efficitur me ipsum etiam exi-  
 stere: fieri enim potest ut hoc quod video non verè sit cera,  
 fieri potest ut ne quidem oculos habeam, quibus quidquam videar-  
 tur; sed fieri planè non potest cum videam, sive (quod iam  
 non distinguo) cum cogitem me videre, ut ego ipse cogitans non  
 aliquid sim: simili ratione si judico ceram esse ex eo quod hanc  
 tangam, idem rursus efficitur, videlicet me esse: ex eo quod  
 imagi-*

vel quâvis aliâ ex causâ, idem planè. Certitudo verò tanta Existentiæ nostræ non tantum exemplo Ceræ demonstrari potest, sed etiam ex cogitatione quacunque de aliis rebus extra nos positis, sive de corporibus sive de mentibus fuerit; nam ubi modo cogitationem de his instituo, etiam si res illæ non existerent, me tamen, dum de illis cogito, necessario existere certissimum est.

Verum heic denuò insurgunt aliqui, experientiam ipsam in subsidium vocantes, ex quâ satis apparere ajunt corporis nostri notitiam priorem, clariorem & evidentiorẽ esse, quam mentis nostræ, cum omnes homines ita judicare experiamur. Iis dicimus, omnes, qui ità judicant, nunquam legitimo modo ac ordine philosophatos fuisse, nec unquam satis accuratè mentem à corpore distinxisse. Et quum certius esse putarent, se ipsos existere, quam quidquam aliud, Princip. P. I. §. non adverterunt, per seipsos, mentes solas hoc loco fuisse intelligendas: sed contrà potius intellexerunt sola sua corpora, quæ oculis videbant, & manibus palpabant, quibusque vim sentiendi perperam tribuebant; hocque ipsos à mentis naturâ intelligendâ avocavit. Illud autem præjudicium falsumve judicium esse, ut per seipsos corpora potius sua, quam mentes suos intellexerint, non solus & omnium primus Philosophus monuit, sed suo jam tempore philosophorum è Latinis coryphæus Cicero: *Est illud quidem vel maximum*, inquit, animo ipsum animum videre: & nimirum hanc habet vim præceptum Apollinis, quo monet, ut se quisque noscat. Non enim, credo, id præcipit, ut membra nostra, aut staturam, figuramve noscamus: neque nos corpora sumus: neque ego tibi dicens hoc, corpori tuo dico. Cum igitur, Nosce te, dicit, hoc dicit, nosce animum tuum. Nam corpus quidem, quasi vas est, aut aliquod animi receptaculum. Ab animo tuo quicquid agitur, id agitur à te. Hunc igitur nosse, nisi divinum esset, non esset hoc acrioris cujusdam animi præceptum, sic ut tributum Deo sit hoc, seipsam posse cognoscere. Et hæc quidem de Certitudine quâ Mens se existere novit & quod sit. Inquirendum jam denuò ex-

emplo Cerae *Certitudo* quanta sit & quam firma, quâ Mens suiipsius *Essentiam* & *quid sit* cognoscit; nam nisi hæc posterior cognitio à nobis acquisita fuerit, & prior quoque irrita erit, imò ne erit quidem. Nam ut rectè inquit Tullius loco mox citato: *Si qualis sit animus, ipse animus nesciat: dec, quæso, ne esse quidem se sciet, ne moveri id est cogitare se.* Et hinc quia cogitat se rem cogitantem esse novit, & hoc quia novit, novit quoque se existere, itemque se cogitare. Adeo indivulso igitur nexu *Certitudo* *Existentiæ* & *Certitudo* *Essentiæ* *Mentis* inter se connexa sunt, ut neutiquam separari possint.

Sed jam tempus est *Certitudinem* de *essentiâ* *mentis* nostræ majorem esse quam de *essentiâ* corporis exemplo ipsius Cerae ostendamus. Cuius attendenti patet, rem aliquam, quò ex pluribus innotuit attributis, eò clarius & distinctius cognosci, quia attributa sunt tanquam ejusdem notæ & characteres, quibus non modò *essentia* rei clarè, sed etiam *distinctè* ab aliis percipitur; uti ex gr. Magis mihi notus est homo cujus & nomen, & vultus, & indoles & doctrina sunt cognita; quam is cujus tantum nomen & vultus cognita sunt. Sic de cerâ pariter judica; nam si magis distincta mihi visa est perceptio cera, postquam non solo visu vel tactu, sed pluribus ex causis innotuit: postquam, inquam, non tantum ejus colorem visu, duritiem & frigus tactu, saporem dulcem gustu, fragrantiam olfactu, sonum auditu, & reliqua, quæ antequam mutaretur, ipsi aderant, cognovi: sed postquam præterea ejus extensionem, flexilitatem sive mutabilitatem variam, imò postquam insuper varia alia accidentia prioribus contraria, puta mollitiem, calorem, fragrantiam, grati saporis, & soni carentiam observavi; hinc ceræ *essentia* mihi clarius & distinctius innotescere visa est; ejus enim naturam non modò, quatenus in se est, clarè mihi perspectam, sed & ab aliis omnibus rebus sejunctam ac distinctam meprehendisse judicabam.

Cæterum si Cerae distinctior visa est perceptio, quod mihi ex pluribus attributis & causis innotuit, quidnam igitur mihi

mihi de mente dicendum erit meâ, anne illius essentia & natura longè quoque clarius & distinctius cognita est facta, postquam ex tot & tam variis eam perspexi attributis? Negari profectò id non potest, sed fatendum est omninò se ita rem habere. Idque geminâ ratione probari potest; prior est: *Quandoquidem nullæ rationes vel ad cerâ vel ad cuiuspiam alterius corporis perceptionem possunt iuvare, quin eadem omnes mentis meæ naturam naturam melius probent.* Quot enim & quam varia attributa in cerâ vel in alio quopiam corpore dignosco, totidem in mente meâ distincta percipio. ex. gr. Uti in cerâ observo nuper ex favis esse expressam, fragrantiam florum adhuc referre, albo, flavo vel rubro imbutam esse colore, frigidam, duram, sonoram esse; & contrâ paulò post contraria omnia deprehendo, nempe fragrantiam esse depositam, nigredinem flavedini successisse; calidam, mollem, insonoram esse factam; imò & flexilem & extensam esse: pariter quoque in mente totidem attributa & facultates distinctas dignosco; primò quod habeat vim cognoscendi ceræ confectionem; deinde vim cognoscendi ejus odorem; præterea vim cognoscendi colorem, eumque vel album, vel flavum, vel rubrum, vel nigrum; porrò quod habeat vim cognoscendi frigus; imò quod tot facultates diversas cognoscendi in se habeat, quot diversa attributa in cerâ unquam observo. Cæterum heic insurgent iterum dicentque, Mentis attributa pro objectorum, quæ considerat, varietate non esse distinguenda; quippe mentem ejusque vim cognoscentem esse unam eandemque & semper manere, & proinde perperam à se invicem quasi divelli. Mentem esse unam eandemque omninò fatemur. Nihil tamen obstat, quin pro objectorum varietate attributa & modos mentis liceat distinguere, eaque ut alia atque alia numerare; quoniam & distinctam à se invicem, quæ ipsorum naturæ conveniens est, essentiam habent. Si quis enim possit nōsse mollitiem, qui non ideò novit colorem, uti qui cæcus natus est; & si quis potest nōsse colorem, qui non ideò novit fragrantiam, uti qui pituitâ ni-

miâ & catharro laborat, atque ita de cæteris. Cur non igitur distinguere licet potentiam cognoscendi mollitiem à potentiâ cognoscendi rubedinem; & potentiam cognoscendi alborem à potentiâ cognoscendi fragrantiam; atque ita porro.

Verum quid his immorari opus est? quid enim necesse, ut ex corporis attributis menti cognitis ea, quæ in mente sunt ejusque naturam penitus perscrutemur? Præter illa enim attributa, quæ in eâ deprehenduntur, quatenus circa res corporeas versatur, tot præterea & tam evidentia in mentē se offerunt attributa, quæ ad clariorem ejus distinctioremque perceptionem conducunt, ut priora cum his collata nihili planè æstimanda sint. *sed & alia insuper tam multa sunt*, inquit Philosophus, *in ipsâ mente, ex quibus ejus notitia distinctior reddi potest, ut ea quæ ex corpore ad illam emanant, vix numeranda videantur.* Nam quando sepositis rebus corporeis mens in seipsam descendit suæque quæ sibi propria habet contemplatur bona, innumerum illic deprehendit variarum facultatum numerum, è quibus inter cæteras sunt vis judicium suspendendi, verum à falso dignoscendi, admirandi, amandi, metuendi, gaudendi, dolendi: nec solum semetipsam cognoscendi, & se sibi, sed & alias mentes representandi; & suos aliarumque mentium actus cognoscendi & discernendi, aliaque plurima in se aliisque mentibus percipiendi; ex quibus omnibus luce meridianâ clarius video, longè plura me in ipsâ mente meâ, quam in ullo corpore attributa percipere; quod demonstrandum suscepam, & jam à me invictissime factum esse confido; liceatque mihi tandem exclamare *ἔρρηκα, ἔρρηκα*, & voti compos factus sum mei.

Sed nec eum tantum, quem modò dixi, consecutus sum ex vagâ mentis meæ aberratione fructum; sed & hunc insuper, ut sponte meâ videam & luculentissimè cognoscam, ipsa quoque corpora, non modo universalia, sed & singularia solo intellectu percipi; *Ecce enim sponte sum reversus eo quo volebam; nunc enim mihi notum est ipsamet corpora non propriè à sensibus, vel ab imaginandi facultate, sed*  
à solo

à solo intellectu percipi; nec ex eò percipi quod tangantur aut videantur, sed tantum ex eo quod intelligantur.

Et profectò hanc veritatem, quæ menti soli rerum etiam corporearum cognitionem vindicat, tanto acumine, tanto rationum pondere & tam artificiosè concatenatà earundem serie assertam, luculentissimo quoque inter Philosophos Latinos Coryphæus in Tusculanis suis sermone expressit: *Nos, in-* Lib. I.  
quit, *ne nunc quidem oculis cernimus ea, quæ videmus, Neque enim est ullus sensus in corpore. Sed, ut non solum physici docent, verum etiam medici, qui ista aperta & patefacta viderunt, via quasi quedam sunt ad oculos, ad aureis, ad naris à sede anima perforata. Itaque sæpe aut cogitatione, aut aliquâ vi morbi impediti, apertis atque integris & oculis & auribus, nec videmus, nec audimus: ut facile intelligi possit, animum & videre, & audire, non eas parteis, quæ quasi fenestræ sunt animi: quibus tamen sentire nihil queas, mens nisi id agat, & adsit. Quid quod eadem mente res dissimillimas comprehendimus, ut colorem, saporem, calorem, odorem, sonum? quæ nunquam quinque nuntiis animus cognosceret, nisi ad eum omnia referrentur, & is omnium iudex solus esset.*

Et jam mihi ex demonstratis, quod nempe longè plura mihi de mente meâ, quam de ullâ re corporeâ, nota sint; quod & ipsa corpora non propriè sensu, sed mentis intellectu solo cognoscantur; jam mihi, inquam, ex demonstratis firmissimè concludere & inferre licet, nihil facilius & evidentius meâ mente à me percipi & comprehendere. *Nihil facilius*, inquam, quia mens ipsa seipsam per seipsam & in seipsâ videt: *Nihil evidentius*, quia longè plura in mente meâ attributa, quam in ullâ aliâ re, præsertim corporeâ cognosco.

Sed præter dictos usus & utilitates, ex hâc meditatione jam factâ emanantes, & hic inde fluit, quod evidentissimè percipiam non modò meam mentem, sed & omnes res intellectuales, nempe mentes alias, Deum & angelos, non imaginandi facultate, nedum sensu; sed solo quoque intel-

lectu purâque mentis contemplatione debere intelligi, omnesque ideas rerum sensibilium, quam longissimè esse semovendas. Hinc Philosophus in Meditatione Tertiâ perrecturus in mentis suæ consideratione atque ulteriori ejus essentiae indagatione, ut & Dei existentiae demonstratione sensus externos abdicat, imò & ipsas ideas per imaginandi facultatem formatas ex mente suâ delere allaborat. *Claudam*, inquit, *nunc oculos, aures obsurabo, avocabo omnes sensus, imagines etiam rerum corporalium omnes vel ex cogitatione meâ delebo, vel certè, quia hoc fieri vix potest, illas ut inanes & falsas nihili pendam.* Quanto enim sint impedimento imagines rerum corporalium in indagandâ rerum intellectualium essentiâ Princeps Philosophorum priscorum agnovit, eosque qui phantasmata in hoc studii genere contemplantur seriò redarguit, inquires: *Ἄνθρωποι μὲν αὖτε ὅ τ' αἰσθησὶς πάθος ἐμπιπλάμενοι, ὥς τε καὶ ὁπότε νοεῖν πρὸς αἰσθησὶν τὸ νοητὸν ἐμφανταζόμενον ἔχιν τὸ νοητὸν, ὡς καὶ μέγας συνέπνευσεν, καὶ χεῖμα καὶ χεῖμα ποδάκης, ἢ καθαρῶς τὰ νοητὰ νοῶσι.* *Homines sanè utpote perturbatione sensuum occupati, quoties intelligibile quiddam contemplari student, in phantasiâ mox alicujus sensibilis recidunt, adeò ut sæpenumero ei quod intelligendum est, vel magnitudinem vel figuram appli-cent, vel colorem: quo fit ut illud sincerè intelligere nequeant.*

Sed hic reprehendit Gassendus Cartesium, quod cum nihil in se admiserit præter mentem, & corpus nondum cognitum nec demonstratum habeat, nihilominus loquatur de cerâ, ejusque exemplo ostendat mentis, quam corporis cognitionem esse clariorem & faciliorem; absurdum enim existimat, ut is qui oculos, manus, cæteraque organa corporea excludat; nihilominus loquatur de cerâ, ejusque accidentibus, quæ videat, quæ tangat, &c. & quam profectò neque videre sine oculis, neque tangere sine manibus potest. Respondet Philosophus se jam accuratè monuisse non ibi agi de visu & tactu ceræ, qui fiunt ope organorum, sed de sola cogitatione videndi & tangendi, ad quam organa ista non requiri, quotidie in somnis experimur.

Cer-

Med.  
111. In  
Princip.

Alcinous  
in Doctr.  
Platon.  
cap. X.

Objec.  
5. in M. d.  
11. num.  
9.

Resp. 5.  
ad obj. in  
Med. 2.  
num. 9.

Certissimum igitur est mentem facilius & evidentius cognosci ab aliquo ordine & rectè philosophante, quam corpus sive ullam rem corpoream. Sed quia usque & usque recurrit adhuc vetus illa opinio, per tot annos continuata, quod corpus facilius & evidentius cognoscatur, quam mens; & quoniam propter longam illam consuetudinem de rebus corporeis cogitandi & propter arctam mentis cum corpore conjunctionem, quam sensibus experimur, pristina illa opinio de faciliori & evidentiori corporis quam mentis perceptione ægrè deponi potest; hinc ratio exigit, ut nova hæc cognitio diuturnâ meditatione & crebrâ repetitione memoriz firmissimè infigatur, & in habitum, ut ajunt, deducatur, ut quoties de mente & corpore cogitem, mox clarè percipiam, illam præ hoc mihi longè evidentius, & longè facilius esse cognitam.

Nec est profectò illa cognitio res exigui momenti, aut adeò proclivis acquisitu; quia enim nullas antehac ideas eorum, quæ ad mentem pertinent habuimus, nisi planè confusas, & cum rerum sensibilibus ideis permixtas, hæcque prima & præcipua ratio fuit, cur nulla ex iis, quæ de Deo & Animâ dicebantur, satis clarè potuerint intelligi; imò cur omnis de Deo cogitatio, quodammodo fuerit idololatrica, omnisque idololatriæ origo ac fomes: hinc evidentissimè patet, philosophum arduum & egregium opus præstitisse, quod docuerit, quo pacto proprietates, seu qualitates mentis à qualitatibus corporis sint dignoscenda. Et licet jam ante dictum sit à multis, ad res Metaphysicas intelligendas mentem à sensibus esse abducendam, nemo tamen adhuc, quâ ratione id fieri possit, ostendit: vera autem via, & unica ad id præstandum in secundâ Meditatione continetur, sed quæ talis est, ut non sit satis illam semel perpexisse; diu terenda est & repetenda, ut totius vitæ consuetudo res intellectuales cum corporeis confundendi, contrariâ consuetudine easdem distinguendi, deleatur. Quæ causa justissima fuit philosopho, cur de nullâ aliâ re in secundâ Meditatione tractaret.

*Resp. 2.*

Obi-



Obsident enim mentem nostram & ad eam occupant penè invitam imagines illarum rerum corporalium, ut res intellectuales nunquam penè sincerè & sine earum admixtione contemplari valeamus. Quem errorem quoque fatetur se errasse Augustinus, & per eum à Dei notitiâ remotum fuisse, ut videre est passim in ejus Confessionibus, ubi inter alia, luctam suam adversus imaginabilia sic describit. *Clamabat violenter cor meum adversus omnia phantasmata mea, & hoc uno ictu conabor abigere circumvolitantem turbam immunditiæ ab specie mentis meæ; & mox dimotam ictu oculi, ecce conglobata rursus aderat, & irruebat in aspectum meum, & obnubilabat eum: ut quamvis non formâ humani corporis, corporeum tamen aliquid cogitarem per spatia locorum, sive infusum mundo, sive etiam extra mundum per infinita diffusum; etiam ipsum incorruptibile, & inviolabile & incommunicabile, quod corruptibili, & violabili & commutabili præponebam. Quoniam quicquid privabam spatiis talibus, nil mihi esse videbatur.*

Quapropter operæ pretium est, (verba insignis è Palatinatu Philosophi mea facio) ut quilibet conatu summo & rationibus undique conquestis renitatur tam pertinaci versus corporea inclinationi, quæ non tantum speculationes philosophicas, sed & Divinam notitiam, & cultum religiosum, alieni intrusione conspurcat & deperdit. Externa idololatria, quâ statuz materiales, ut ad Deum relatæ coluntur, non aliunde est quam ex eo quod in Deo & in mentibus concipiendis, hominis animus se ad imaginabilia converterit, inde quas intus finxit imagines non dubitavit externo typo exprimere; sine quo nihilominus fuerit interna idololatria, Deum imaginandi facultate percipere velle, sive Deum sub specie humanâ, aut sub ideâ nescio cujus extensis subtilis omnia permeantis, & sine nullo terminum habentis effingas. Qui error revera est permutatio incorruptibilis Dei in speciem corruptibilis creaturæ; & si eum ad creatam mentem referas, eam repræsentare instar tenuis cujusdam

dam rei spatio definitæ, est naturæ ejus, veræque adeò Divinæ imaginis, abnegatio.

Sed non defuturi sunt, qui etiamnum obtendent Philosophum non satis efficaciter demonstrasse mentem & corpus substantias esse totâ naturâ à se invicem distinctas; non enim sufficere, quod unam rem absque alterâ clarè intelligamus, ut agnoscamus illas reipsâ (utajunt) realiter distingui. Sed hi, si possint, certius aliquod signum distinctionis realis exhibeant; & nullum unquam dare poterunt. Dicent quidem, illa realiter distingui quorum utrumlibet absque altero potest existere. Sed quærimus ex iis, unde cognoscant unam rem absque aliâ esse posse? Ut enim sit signum distinctionis, debet cognosci. Fortè dicent hoc haberi à sensibus, quia unam rem absente aliâ vident, aut tangunt, &c. Sed sensuum fides incertior est, quam intellectus; & multis modis fieri potest ut una & eadem res sub variis formis, aut pluribus in locis, aut modis appareat, atque ita pro duabus sumatur. Et porrò si recordentur eorum, quæ modò de cerâ dicta sunt, advertent ne quidem ipsa corpora propriè sensu percipi, sed solo intellectu, adeò ut non aliud sit unam rem absque aliâ sentire, quam habere ideam unius rei; & intelligere istam ideam non eandem esse cum ideâ alterius. Non autem hoc aliunde potest intelligi, quam ex eo quod una absque alterâ percipiatur; nec potest certò intelligi, nisi utriusque rei idea sit clara & distincta: atque istud signum realis distinctionis ad Philosophi debet reduci, ut sit certum.

Alii rursus negabunt se habere distinctas ideas mentis & corporis. Illud ex eo est, quod propter arctam illam mentis cum corpore conjunctionem quam sensibus assidue experiuntur, nunquam experti sint se corpore caruisse, ac non rarò ab ipso in operationibus suis se fuisse impeditos; unde factum, ut nunquam ideam unius ab alterius distinxerint; sed exinde neutiquam conficitur ideas sive notiones illas non esse distinctas; cum plurimi eas ut à se invicem totâ essentia differentes perceperint & percipiant; quippe dum

Mentem ut rem subsistentem & cogitantem intelligunt, cui nihil tribui possit quod ad corporis naturam pertinet; & vice versâ dum Corpus ut rem subsistentem & extensam percipiunt, cui nihil quod ad mentis essentiam spectat, possit verè assignari; hinc claras & distinctas utriusque putà corporis & mentis habent notiones, & nòrunt certissimè eas realiter esse distinctas; nullum enim majus argumentum distinctionis inter duas res haberi potest; quam quod in utramvis nos convertentes, nihil planè in unâ deprehendamus, quod ab alterâ non sit diversum.

Cæterum rursus è contrario criminabuntur aliqui, Philosophum in Platoniorum transiisse castra, statuentium nihil corporeum ad nostram essentiam pertinere, ita ut homo sit solus animus, corpus verò non nisi vehiculum animi, unde definiunt *hominem animum corpore usentem*. Sed vana hæc est accusatio, quippe in Sextâ Meditatione, in quâ egit de distinctione Mentis à corpore, simul etiam firmissimis rationibus probavit illam huic esse substantialiter, ut ajunt, unitam, & tantum non commixtam & confusam. Quemadmodum verò ille qui brachium hominis dicit esse substantiam, à reliquo ejus corpore distinctam, non ideò negaret illud idem ad hominis integri naturam pertinere; nec qui dicit idem brachium ad hominis integri naturam pertinere, ideò dat occasionem suspicandi non posse illud per se subsistere: ita non debet putari author nimiam distinctionem probasse inter corpus & mentem ostendendo hanc absque illo esse posse; nec etiam confusionem aut commixtionem quandam induxisse, probando mentem corpori substantialiter esse unitam; quia unio illa substantialis non impedit, quo minus utriusque sit natura distincta, & quò minus clarus & distinctus solius mentis tanquam rei in se completæ habeatur conceptus; & vice versâ etiam corporis. *Quamvis enim habeamus corpus, quod nobis valde arctè conjunctum est, quia tamen ex unâ parte claram & distinctam habeo ideam meipsum, quatenus sum res cogitans, non extensa; & ex aliâ parte distinctam ideam corporis, quatenus est res extensa,*

*non cogitans, certum est me (hoc est mentem) à corpore meo revera esse distinctum, & absque illo posse existere.* Denuò rogerat quis; Quà ratione demonstratur, Corpus etiam non posse cogitare? Hâc ratione: Omne id quod potest cogitare est mens, sive vocatur mens; sed cum mens & corpus realiter distinguantur, nullum corpus est mens; neque ulla attributa essentialia habent communia; ergò nullum corpus potest cogitare.

Demonstratis in superioribus Mentis Existentiâ & Essentiâ, ejusque à Corpore Distinctione; atque ita claro distinctoque utriusque conceptu formato, quo percepimus esse revera substantias realiter à se mutuò distinctas; non difficile fuerit demonstrare mentem humanam esse immortalem sive nunquam annihilandam sive existere cessaturam. Non instituitur hic quæstio de Potentiâ Dei absolutâ; An Deus absolutè loquendo Mentem possit annihilare? Sed an Mens naturâ suâ immortalis sit; & ex placito Divino corpore dissoluto superstes remansura sit substantia cogitans? an verò & ipsa, ubi corpus dissolvitur cesset existere?

Mentem autem ex suâ natura esse immortalem hâc ratione demonstramus: *Primò, Unaquæque res simplex & indivisa permanet in eo statu, in quo est, donec ab aliquo fortiori ex illo deturbatur.* Unde mox patet mentem, si ad absolutam Dei potentiam respiciamus posse quidem ab eâ annihilari, quanquam, ex ipsius beneplacito non sit annihilanda. Sed si ad cæteras res creatas respiciamus nulla occurrit, à quâ Mens annihilari possit. Palam enim est in creatis nihil dari quod in Mentem magis agat & agere possit, & à quo plura patiatur, quam ipsum Corpus, cui adeò arctè unita est. Sed hoc non habere vim annihilandi mentem, mens ipsa sibi conscia est. Cum enim invitâ mente (si absolutè loquamur) nullas ipsi corpus inferre possit passiones, quantò minus totalem ruinam & interitum. *Deindè, docet naturalis cognitio nullum corpus esse nisi divisibile; contra nullam mentem nisi indivisibilem: neque enim possumus ullius mentis mediam partem concipi,*

pere, ut possumus cujuslibet quantumvis exigui corporis; adeò ut eorum naturæ non modò diverfæ, fed etiam contrariæ hâc ratione agnofcantur: unde confequens eft, ut fi corpus fit corruptibile, quale revera eft; mens è contra fit incorruptibilis five immortalis. *Tertiò*, Conftat Corpus humanum, quatenus à reliquis differt corporibus, non nifi ex certâ membrorum configuratione, aliisque ejusmodi accidentibus effe conflatum; mentem verò humanam non ità ex ullis accidentibus conflare, fed puram effe fubftantiam: etfi enim omnia ejus accidentia mutantur, ut quod alias res intelligat, alias velit, alias imaginetur & fentiat, &c. non idcirco ipfa mens alia evadit. Humanum autem corpus aliud fit ex hoc folo quod figura quarundam ejus partium mutetur; ex quibus fequitur corpus quidem perfacile interire, mentem autem ex naturâ fuâ effe immortalem. *Quar- to*, cum Mentis operationes five cogitationes nobiliffimæ, & intimæ à corpore non pendeant, nec eo indigeant, quales funt pura intellectio, ratiocinatio, contemplatio ac amor rerum fpiritualium, fequitur remoto corpore eas actiones non effe tollendas neque defituras, adeoque nec mentem ipsam, cui infunt, & à quâ folâ efficiuntur, tollendam effe. *Quintò*, Nullum corpus abfolutè perit; licet quoad modos fuos mutetur; atque ita hoc corpus, quod antea fuit, effe definat; manet tamen fubftantia & materia. Si autem corpus, fubftantia illa ignobilis & minus perfecta, non annihilatur cum mens ab illo feperatur: cur igitur mens, fubftantia longè nobilior atque perfectior putaretur annihilari cum corpus ab eâ feperatur. Non interire autem ullum omninò corpus & ex experientia fenfuum de craffioribus corporibus; & ex ratione de fubtilibus conftat; inprimis verò ex attributorum Divinorum confideratione patet: fed ex iisdem Mentis immortalitas luculentiffimè demonftratur. Nam Dei iuftitia, Conftantia, Sapientia, Sanctitas, Veracitas, Bonitas & Gloria Animæ immortalitatem firmiſſimè aſſerunt. Quod quâ ratione & quantâ efficaciâ fiat, folidè & dilucidè, ut folet, acutiſſi-

tissimus Theologus & Philolophus Poirer inter Cogitationes suas Rationales exposuit & ostendit, quo cupidum hujus veritatis lectorem remittimus, nostrisque his in primas duas Cartesii Meditationes commentariis imponimus finem; in quibus si veritati aliquam lucem scenerati sumus, est quod nobis gratulamur; sin minus, in magnis & voluisse satis fuerit; Deo pro vitâ & viribus in perficiendo hoc opusculo immortales sint gratiz.

F. I N I S.





# Q U Æ S T I O N U M

A D

## PRIMAM PHILOSOPHIAM

P R I M A.

**N**on magis expedita & tuta veritatem opprimendi ab omni ævo ejus inimicis visa fuit via, quam ut eandem vel perverterent, vel mendacii & errorum maculâ deturpatam apud imperitam multitudinem traducerent. Id Divinus pariter & humanis scriptis accidisse norunt ii, qui non planè hospites sunt in literis. Et hanc vim quoqueprehenduntur esse passa R. Cartesii scripta, quæ vel imperitè vel malevolè in perversum & minus convenientem sanæ & orthodoxæ veritati sensum detorta sunt. Nobis itaque, qui odii & invidiæ causas procul habemus, & nulli parti, nisi à quâ veritas stat, addicti sumus, propositum, ut genuinum circa Quæstiones nonnullas Cartesii sensum mentemque candido & sincero scrutinio detegamus, ut exinde à præjudiciis & præconcepto odio vacuus Lector judicare valeat, jurene an injuriâ illæ, quæ passim sub Cartesii nomine circumferuntur sententiæ, orthodoxæ religioni & sanæ Philosophiæ adversæ, Philosopho isti imputentur. Specimina tamen quædam tandummodò exhibemus, ut ex his de cæteris æquanimi Lectores judicium ferant, & veritatis pervertores suæ tandem pœniteat imprudentiæ. Esto itaque

H h

Quæ-

Quæstio prima. *An Cartesius unquam docuerit rectam ad Dei cognitionem perveniendi viam esse, dubitare, an sit Deus?*

**A**ntiqua & ipsi Cartesio jam vivo sæpius objecta & post mortem ipsius creberrimè recocta est criminatio, Cartesium docuisse, seriò de Dei existentia dubitandum omnemque Dei cognitionem naturalem ex animo excutendam esse; atque hæc ratione ab ipso ejusque asseclis impiè Christianismum abdicari, latam ad varios errores & hæreses januam pandi, imò ad Scepticismum & Atheismum pronam sterna viam. Cæterum uti vetus hæc accusatio, ita quoque ab ipso Cartesio, acerrimo sui vindice, solidissimè refutata, & ad quam retundendam & infringendam non magis apta & efficacia, quam ipsius Philosophi adhiberi possunt verba, quæ hoc modo in Notis ad Programma Regii circa finem sonant: *Moneo me nunquam docuisse Deum esse negandum, vel ipsum nos posse decipere vel de omnibus esse dubitandum, vel fidem omnem sensibus abrogandam, sonnum à vigiliâ non distinguendum, vel similia, quæ à calumniatoribus imperitis aliquando mihi objecta sunt; sed omnia ista expressissimis verbis rejecisse, validissimisque argumentis, imò etiam ausim dicere, validioribus, quam ab ullo ante me refutata fuerint, refutasse: quod ut commodius & efficacius præstarem, proposui, initio Meditationum mearum, ista omnia tanquam dubia, quæ non à me primum fuerunt inventa, sed à Scepticis dudum decantata. Quid autem iniquius, quam tribuere alicui scriptori opiniones, quas eo fine tantum refert, ut refutet? Quid ineptius, quam fingere, falsam illa tempore, quo ista falsa opiniones proponuntur & nondum refutantur, eas doceri, atque ideo illum, qui refert atheorum argumenta, esse Atheum temporarium? Quid magis puerile, quam dicere, si moriatur interim, priusquam speratam suam demonstrationem scripserit vel invenerit, eum Atheum moriturum, ipsumque in antecessum perniciosam doctrinam docuisse, non autem esse facienda mala ut eveniant bona, & talia. Legant hæc & cautius sapere discant illi, qui*



qui frivolis his obiectiunculis à Cartesianæ Philosophiæ studio adolescentum animos abstergere satagunt.

I I. Sed regerent adversarii, Protestatio contraria facto, ut docent Juris-consulti, reapse est nulla. Difficetur quidem Cartesius se unquam docuisse de Deo esse dubitandum, vel alia pernicioſa dogmata fovisse; sed scripta ejus evolventi contrarium fiet manifestum; in iis enim aperte exitialia illa dogmata & inprimis dubitationem de Deo inculcat. Operæ pretium itaque facturi sumus, ut scripta Cartesii paulò penitus inspiciamus, & quæ circa dubitationem de Deo revera ejus sit mens & doctrina patefaciamus. Ordiamur ab ipsis Meditationibus, ex quibus hujusmodi criminationum ansa potissimum vel ab invidis vel ab imperitis arrepta esse videtur. Sub initium Meditationis primæ scribit, *Omnia in visâ semel esse evertenda*, id est, Omnes opiniones veteres esse in dubium revocandas & evertendas, & non minus ab iis quæ non planè vera sunt atque indubitata, quam ab aperte falsis assensionem esse cohibendam; unde inferunt: Si omnes opiniones veteres sint rejiciendæ, ergo & illa de Deo menti humanæ jam inde ab ortu indita opinio. Sed mentem Philosophi non percipiunt, & fallunt fallunturque, qui sub harum opinionum generali everſione Dubitationem de Dei existentiâ seu everſionem Cognitionis de Deo humanæ menti inditæ contineri suspicantur. Consideret enim veritatis studiosus penitus ea, quæ in dubitationem trahivult Philosophus, & patebit, ea saltem esse evertenda, quæ ab ineunte ætate, cum falsa sint, pro veris fuerunt admissa, ut & ea quæ falsis illis superstructa fuerunt; imò omne illud, quod sensibus tanquam certissimis veritatis fundamentis, nitebatur; nam cum illi interdum errent, his in veritatis accuratâ investigatione indubitatam fidem non esse adhibendam docet Philosophus, inquires: *Aggre-diar ipsa principia, quibus omne, quod olim credidi, nitebatur. Nempe quidquid hætenus ut verum admiſi, vel à sensibus vel per sensus accepi, hos autem interdum fallere deprehendi; ac prudentia est iis nunquam planè considerare, qui*

Hb 2

nos

*nos vel semel deceiverunt.* Sensuum itaque iudicio sine accurato intellectus examine standum non esse monet; nec temere, quæ sensus dicere videntur, esse admittenda, sed prius in dubium esse revocanda, id est, accurato examine perpendenda, an vera sint, inculcat; quam Philosophandi rationem nemo sanus improbaverit.

III. Sub his autem à Philosopho recensitis, quæ in dubium vocari vult, nullatenus Cognitio Dei continetur, non enim illa in se falsa est, neque tantum ut vera admissa, sed humanæ menti à Deo insita & ingenita; disertè Philosophus in ipsa Medicatione primâ, antequam solidè & ordine philosophandi Dei existentiam demonstrâset; *Infixa quadam est*, inquit, *menti meæ vetus opinio nempe Deum esse, qui potest omnia, & à quo talis, qualis existo, sum creatus.* Et ut omnis cavillandi occasio præripiatur, explicet ipse Renatus disertis verbis, quas res ut veras primum admisit, & postea dubias esse deprehendit, apertè docebit res sensibus perceptas esse, nullâ Dei mentione factâ: *Verumtamen multa prius ut omninò certa & manifesta admisi, quæ tamen postea dubia esse deprehendi: qualia ergo ista fuere; nempe terra, cælum, sidera & cætera omnia quæ sensibus usurpabam.* Et alibi: *De sensu est agendum, vidon-*

*Medit. dumque an ex iis quæ isto cogitandi modo, quem sensum ap-*  
 III. circa *imit. Et in pello, percipiuntur, certum aliquod argumentum pro rerum*  
*Meditatio-* *corporearum existentia habere possim. Et primò quidem apud*  
 ne VI. *me hic repetam, quanam illa sint, quæ antehac ut sensu percep-*  
*ta vera esse putavi, & quas ob causas expendam; deinde pro-*  
*pter quas eadem postea in dubium revocavi; ac denique con-*  
*siderabo, quid mihi nunc de iisdem sit credendum. Primò*  
*itaque sensi me habere caput, manus, pedes, & membra*  
*cætera, ex quibus constat illud corpus, quod tanquam mei*  
*partem, vel forte etiam tanquam me totum spectabam; sen-*  
*sique hoc corpus inter alia multa corpora versari &c.* Ex-  
 pressissimis verbis ubique de solis rebus sensu perceptis esse  
 dubitandum monet: alium de Deo silentium, cum dubi-  
 tationem inculcat ejusque rationes proponit. Imò manife-

sic Meditationem hanc primam in Synopsi ejusdem ad res præsertim materiales restringit, inquiens: *In primâ causa exponuntur; propter quas de rebus omnibus, præsertim materialibus, possumus dubitare.*

IV. Novi quidem reclamaturos esse adversarios; Res quidem materiales philosophum ex suâ protestatione præcipuè spectare, sed negari interim non posse dubitationem secundariò Deum quoque concernere. Sed inconsequens est hæc, quæ elicitur ex dictis Philosophi, sequela. Non enim per res, quæ minus præcipuè in dubium trahi possunt, Deum aut res divinas intelligit, sed mathematicas demonstrationes: hæc enim etsi intellectui manifestissimè pateant, in dubium tamen vocari possunt, quia propter crebra, quæ experimur, judicia falsa à nobis pro certis admissa, & hæc fortassis incautè admissa sunt; & fortè nos in iis erramus, quæ clarè perspecta esse arbitramur, quoniam aliis id accidere vidimus; sumus enim nos ejusdem imperfectæ cum cæteris naturæ; & quia forte nos Deus tales creavit, ut semper fallamur. Sic enim scribit & suam mentem explicat: *Nunc itaque cum tantum veritati quærenda incumbimus, dubitabimus inprimis, an ulla res sensibiles aut imaginabiles existant: Primo, quia deprehendimus interdum sensus errare, ac prudentia est nunquam nimis fidere iis, qui nos vel semel deceperunt: Deinde quia quotidie in somnis innumera videmur sentire aut imaginari, quæ nusquam sunt; nullaque sic dubitanti signa apparent, quibus somnum à vigiliâ certò dignoscat. Dubitabimus etiam de reliquis, quæ antea pro maximè certis habuimus; etiam de Mathematicis demonstrationibus, etiam de iis principiis, quæ hætenus putavimus esse per se nota: tum quia videmus aliquando nonnullos errasse in talibus, & quedam pro certissimis ac per se notis admississe, quæ nobis falsa videbantur; tum maximè quia audivimus esse Deum, qui potest omnia, & à quo sumus creati. Ignoramus enim an forte nos tales creare voluerit, ut semper fallamur, etiam in iis, quæ nobis quam notissima apparent; quia non minus hoc videtur fieri potuisse,*

Princip  
p. 1. §. 1<sup>o</sup>

v<sup>o</sup>

Hh 3

quam

*quam ut interdum fallamur , quod conceingere antè advertimus.* Ex dictis clarissimè patet primariò de rebus materialibus, secundariò de rebus mathematicis & principiis per se notis aliisque pro maximè certis habitis, dubitari posse, nullum vestigium, ut de Deo præcipiat dubitandum; affirmat enim nos ab eo esse creatos : & licet addat, nos fortè ab eo talis naturæ esse creatos, ut semper fallamur, non propterea factum, quod ignoret Dei naturam & nostram, qualis creata sit ab illo; sed quoniam ordine philosophandi nondum eò devenit, ut hanc tanquam satis detectam, hoc vel illo modo se habere, affirmet; nam licet notitia illa de Deo nobis insita satis vera sit, cum tamen nondum quousque se extendat accuratâ indagine & certitudine infallibili, quæ decet Philosophum, explorata sit; hinc qualis præcisè hæc in parte Dei essentia & nostra sint, declarare nondum valet, sed illud factum ab ipso Medit. 111. & IV. ubi satis ostendit Deum non esse fallacem, nec naturam nostram proinde perpetuis erroribus obnoxiam, sed plurima certissimè à nobis cognosci.

V. Sed denuò urgebunt antagonistæ: Ipse Cartesius suo præit exemplo, dubitatque de Deo cum ipsis Atheis; inspicitur modò Meditatio prima, in quâ hæc verba leguntur. *Essent vero fortassis nonnulli qui tam potentem aliquem Deum mallent negare, quam res alias omnes credere esse incertas: Impiis his hominibus assentitur Cartesius; ait enim, Sed iis non repugnemus, totumque hoc de Deo demus esse fictitium.* Imò disertè mox subdit. *Quibus sanè argumentis (Scepticorum & Atheorum) non habeo quod respondeam, sed tantum cogor fateri, nihil esse ex iis, quæ olim veraputabam, de quo non liceat dubitare, idque non per inconsiderantiam vel levitatem, sed propter validas & meditata rationes; ideoque etiam ab iisdem, non minus quam ab apertè falsis accuratè deinceps assensionem esse cohibendam, siquid certi velim invenire.* Et rursum: *Supponam igitur non optimum Deum fontem veritatis, sed genium aliquem malignum eundemque summè potentem & callidum omnem suam industriam*

in

in eo posuisse, ut me falleret. &c. Et alio loco: *Nunquid est aliquis Deus, vel quocunque nomine illum vocem, qui mihi has ipsas cogitationes immitit? Quare vero hoc purem, cum forsitan ipsemet illarum author esse possim?* Et postea: *Nondum satis scio, utrum sit aliquis Deus? Quam primum occurret occasio, examinare debeo an sit Deus?* Hæc inquit expressiones & aliæ his similes manifestissime evincunt, philosophum seriò de Deo dubitasse, & Scepticis Atheisque revera favisse, ac periculosissimam produxisse doctrinam, in Scholis Christiananorum minimè tolerandam, sed eliminandam & proscribendam ab omnibus, quibus Dei gloria & orthodoxa veritas cordi est.

VI. Hæc est objectio objectionum, quâ Cartesium Atheismi & Scepticismi convictum esse certissime persuasum habent. Sed cautius saperent hi homines, & à frivolis & falsâ philosophum interpretandi consuetudine desisterent, si methodum scopumque authoris intellexissent, & ex iis mentem illius perpexissent; cognovissent enim, illum hæc non ex suâ sententiâ & mente profiteri & docere, sed esse tantum hypotheles, ex Scepticorum & Atheorum mente propositas & ad tempus admissas, ut tantò solidius & commodius easdem refutet & diluat: ita enim ipsum philosophum se interpretantem audivimus in Notis ad Programma Regii, verbis supra à nobis citatis, ad quæ Lectorem remittimus. Neutiquam cum impiis Atheis & Scepticis facit Philosophus, ut assensum illis præbeat ex animo, sed seipsum quasi fallit, & falsa esse fingit, quæ evidentissime perspicit esse verissima, ut pertinaces Dei hostes tantò facilius convincat: & hoc scopo dicit quoque: *Rejicientes autem illa omnia, de quibus aliquo modo possumus dubitare, (propter rationes nempe, quas Sceptici & Athei excogitarunt, quas nondum recto philosophandi ordine refellere valemus; ) ac etiam falsa esse fingentes, ( quoniam vera esse nondum evincere possumus; ) ungentes tamen tantummodo & ad tempus concedentes, non tamen affirmantes; nam dum nos fingere dicimus, re ipsâ in se vera esse omni-*

nò

nò fatemur & novimus) *facile quidem supponimus nullum esse Deum*, largientes id ad tempus Atheis, ut suo tempore validius eos refutemus. Per *συγκατάβασι* igitur quandam impiorum sententiam admittit, donec commoda magis illos refutandi sese obtulerit occasio. Nec illud Atheismum sapit, nec seriam aut Scepticam de Deo dubitationem involvit, ut criminantur antagonistæ; illud enim licet & semper licitum fuit, ut in Disputatione cum eo, qui à nobis dissentit, ita nos geramus, ac si veritas adhuc ignota à nobis unà cum dissentiente quæreretur, cum tamen de illâ in antecessum dudum quam certissimè & plenissimè persuasi fuimus; in quâ re nec cognitio nec fides ullum detrimentum patiuntur; sed præfracta alioquin adversarii mens ad veritatem facile admittendam inclinatur, cum hâc ratione à præiudicio illo, quod nempe veritas, quæ talis ipsi nondum apparet, ex anticipatâ tantum opinione & affectu propugnatur, liberatur, atque ita melius erga veritatem affecta redditur. Audiant antesignanum propriæ suæ turmæ adversarii, disertè hæc quæ modò scripsimus profitentem, & ineptè ac pueriliter contradicere desistant. *Vir pius*, inquit, *& Orthodoxus si congregiatur*

*Maresius cum aliquo dissentiente, & eum invitet ad placidam disputationem, in quâ agat uterque cum Augustino, ut veritatem de Abusu quærens, non ut qui illam iam repererit, nec ideo tamen quidquam remittat, quod ad se de πλερεσφορίᾳ suæ fidei, sed tantum per quandam συγκατάβασι sic se habeat, quoad actum ipsum disputationis ac si veritatem quæreret.* Nulla igitur in dictâ concessione Philosophi Christianismi abdicatio, nulla orthodoxæ veritatis vel ad momentum abnegatio, nulla in gratiam Atheismi & Scepticismi sententia, nedum defensio; nulla seria de Deo dubitatio.

VII. Sed instabunt denuò, Philosophum opiniones non retulisse tanquam aliorum, sed tanquam suas. Quam objectionem erudito hoc responso jam vivus diluit ipse Cartesius: *Quid hoc refert: interrogat; quandoquidem in eodem libro, in quo ipsas resuli, omnes refutavi; atque ex ipso libri titulo po-*

sc

tuit intelligi, me ab iis credendis esse planè alienum, quandoquidem in eo Demonstrationes de Existentiâ Dei promittuntur. Estne aliquis adeò stolidus, ut existimet, cum, qui talem librum componit, ignorare dum primas ejus paginas exarat, quid in sequentibus demonstrandum suscepit. Nota Lector Philosophum solidissimè penes se jam perspectam & demonstratam habuisse Dei existentiam, cum has hypotheses Atheorum & Scepticorum proponeret; *Objectiones*, inquit, *tanquam meas proposui, quia hoc exigebat stylus meditationum, quem rationibus explicandis aptissimum judicavi. Quæ ratio si nostris censoribus non satisfacit, velim scire, quid dicant de Sacris Literis, cum quibus nulla humana scripta sunt comparanda, quando vident in iis nonnulla, quæ non possunt rectè intelligi, nisi supponantur tanquam ab impiis vel sultem ab aliis, quam à Spiritu Sancto, vel à Prophetis dicta esse; qualis sunt Eccl. cap. 2. hæc verba: Nonne meus est comedere & bibere & ostendere animæ suæ bona de laboribus suis, & hoc de manu Dei est. Quis ita devorabit & deliciis affluet ut Ego? Et capite sequenti. Dixi in corde meo de filiis hominum, ut probaret eos Deus, & ostenderet similes esse bestiis. Idcirco unus est interitus hominis & jumentorum, & æqua utrique conditio; sicut moritur homo, sic & illa moriuntur; similiter spirant omnia, & nihil habet homo jumento amplius, &c. An credunt tibi Spiritum Sanctum nos docere, ventri esse indulgendum, & affuendum deliciis, animasque nostras non magis esse immortales, quam jumentorum? Non puto eos usque adeò esse furiosos: sed neque debent etiam calumniari, quod iis inter scribendum non usus sim cautelis, quæ nunquam ab ullis aliis scriptoribus fuerunt observatæ, nec ab ipso quidem Spiritu Sancto. Et quoniam itaque alii scriptores in dō & ipse Sp. Sanctus falsas interdum ex aliorum sententiâ refert, & ad tempus, ut veras, admittit Hypotheses, cur Philosopho nostro minus licet quædam supponere, quanquam ab impiis & hæreticis assumpta & in se falsa sunt? Quis ignorat Astronomos sæpe falsa pro veris ad veritatem illustrandam satis utiliter*

sumere, cum Æquatorem, Zodiacum, aliosque circulos in cælo imaginantur, ut solis cursum & vias accuratius designent; & Geometras novas lineas datis figuris adjungere?

VII. Nunquam itaque seriò de Deo Philosophus dubitavit, nusquam scripsit veram ad cognitionem Dei perveniendi viam esse dubitare de Deo; nunquam Scepticismo aut Atheismo suis sententiis favit, sed solidissimè eos evertit.

VIII. Quod ut adhuc magis dilucidè pateat, perpendamus differentias quasdam, quæ inter seriam sive Scepticam & inter Philosophi ad tempus admissam dubitationem intercedunt. *Primò*, Sceptici dubitant de Deo, ut sibi ipsis & aliis Dei existentiam dubiam reddant; Cartesius contra non dubitat sibi, sed aliis, ut eos de Dei existentia convincat. Scepticorum enim scopus est, ut se & alios semper & ubique fluctuare faciant & dubios hærere, ne certi quid

*Lib. 1. cap. 17. Adv. Disciplinas.* unquam affirmetur. *Pyrro* enim Scepticorum Coryphæus, ut inquit *Sextus*, contendit ut ea res reddantur incerta, quæ prius pro veris & manifestis accepta fuerant. Argutiis enim suis omnimodam persuadere conantur incertitudinem de Dei existentia. Disertè rursus *Sextus*, Scepticarum Hypothesewn callentissimus, omnes ad dubitandum de Dei existentia rationes à Scepticis excogitari scribit. *Atque hæc quidem*

*Adv. Disciplinas.* *Lib. 8.* sunt & hujusmodi, quæ & apud *Stoicos*, & eos qui sunt aliarum sectarum, adducuntur rationes ad probandum, quod sint *Dii*. Quod autem nec propterea desint parvi momenti ad persuadendum rationes, iis qui dicunt non esse Deos, proxime est ostendendum. Legat autem, cui placet, vesana illa Scepticorum ratiocinia, ut videat quantum ipsorum deliria differant à Sapiencia Renati; horret animus noster ea referre. *Cartesius* autem non sibi dubitat, ubi enim suam, quam privatim secutus est, philosophandi methodum exponit, & ea omnia, de quibus dubitavit, recenset, nullam Dei mentionem facit, adeò ut liquidò appareat, cum secum meditantem de Deo nunquam dubitasse. Ascribamus, licet prolixiora, Philosophi verba, in quibus integræ Me-

dita-



ditionis Primæ & ex parte Secundæ, quatenus privato usui inferviebant, argumentum continetur. *Non libenter hic refero primas cogitationes, quibus animum applicui, postquam huc veni: tam Metaphysica enim sunt & a communi usu remota, ut verear ne multis non sint placitura; sed ut possit intelligi, an satis firma sint Philosophia mea fundamenta, videor aliquo modo coactus de illis loqui. Dudum observaveram permultas esse opiniones, quas, etsi valde dubia sint & incerta, non minus constanter & intrepide sequi debemus, quatenus ad usum vite referuntur, quam si certa essent & explorata; ut jam antè dictum est. Sed quia tunc veritati querenda, non autem rebus agendis, totum me tradere volebam, putavi mihi planè contrarium esse faciendum, & illa omnia in quibus minimam dubitandi rationem possem reperire, tanquam apertè falsa esse rejicienda; ut experirer an illis ita rejectis, nihil præterea superesset, de quo dubitare planè non possem. Sic quia nonnunquam sensus nostri nos fallunt, quidquid unquam ab illis hauseram, inter falsa numeravi. Et quia videram aliquando nonnullos etiam circa res Geometria facillimas errare, ac paralogismos necesse, sciebamque idem mihi posse accidere, quod cuicumque alii potest, illas etiam rationes omnes, quas antè pro demonstrationibus habueram, tanquam falsas rejeci; Et denique quia notabam, nullam rem unquam nobis veram videri dum vigilamus, quin eadem etiam dormientibus possit occurrere, cum tamen tunc semper aut ferè semper sit falsa; supposui nulla eorum, que unquam vigilans cogitavi, veriora esse, quam sunt ludibria somniorum. Sed statim postea animadverti, me, quia cetera omnia ut falsa sic rejiciebam, dubitare planè non posse, quin ego ipse interim essem: Et quia videbam veritatem huius pronuntiati; Ego cogito, ergo sum, sive existo, adeò certam esse atque evidentem, ut nulla tam enormis dubitandi causa à Scepticis fingi possit, à quâ illa non eximatur, credidi me tutò illam posse, ut primum ejus, quam querebam, Philosophie fundamentum admittere. Rejicit itaque ut apertè falsas res sensibus & imaginatione perceptas, ut & demonstrationes*

Mathematicas, neutiquam verò de Deo dubitat, dum philosophando privatus meditatur, ut ex allegatis quilibet in corrupti iudicii lector evidentissimè perspicit. Sed cum publico usui tanquam Doctòr suas Meditationes & Principia Philosophiæ deltinat & in lucem emittit, ostendit propter meditatat & fictas à Scepticis & Atheis dubitandi causas Dei existentiam in dubium trahi posse, tum, quia ordine Philosophandi ex fundamentis veteris Philosophiæ, novis nondum repertis, eos impios refutare nondum valet; tum maximè, ut Dubitationem de Deo animis hominum penitus eximat, & enormes dubitandi causas ab Atheis & Scepticis effictas evertat; atque ita aliis dubitat. Rejctis enim ad tempus omnibus sensibilibus pariter & intelligibilibus objectis, supponit quoque ad tempus cum Atheis Deum non esse; sed, ut dixi, ad tempus tantum & ex *συγκατάθεσι* quâdam, ut brevi post solidissimè eosdem refellat: Demonstratâ enim sui existentia, quæ meditati primò certò occorrebat, eâdemque pro primo Principio positâ & naturâ suâ quandantenus explicatâ, mox se accingit ad convincendos Atheos & Scepticos; & mens considerans suas in hunc finem ideas unam reperit, quæ est Entis summè perfecti: ad quam accuratè attendens observat eam necessariam, veram & immutabilem naturam exhibere, qualem nullæ aliæ ideæ exhibent: unde mox dijudicat talem naturam necessariam & æternam, id est, Ens summè perfectum sive Deum existere; & quoniam unâ advertit ideam illam esse immensam, agnoscit eam ideam à causâ se longè superiori, idest, à Deo sibi esse inditam, & nequaquam à se effictam. Sed ne videamur pro arbitrio mitigasse & in benigniorem partem interpretati esse Philosophandi Methodum à Cartesio usurpatam, propria ipsius verba ascribere non pigebit: *Reiicientes, p. 1. §. 7. 8. inquit, illa omnia, de quibus aliquo modo possumus dubitare, ac etiam falsa esse fingentes; facile supponimus* (ex sententiâ Scepticorum & Atheorum, uti disertè se ipsum interpretatur author in Notis ad Programma Regii circa finem, quæ verba suprâ à nobis citata reperies;) *nullum esse Deum,*  
*null-*

nullum cælum, nulla corpora; nosque etiam ipsos non habere manus, nec pedes, nec denique ullum corpus; non autem ideo nos, qui talia cogitamus, nihil esse: repugnat enim, ut putemus id, quod cogitat, eo ipso tempore, quo cogitat, non existere. Ac proinde hac cognitio, ego cogito, ergo sum, est omnium prima & certissima, quæ cuilibet ordine Philosophanti occurrat. Hacque optima via est ad mentis naturam ejusque à corpore distinctionem agnoscendam: Examinantes enim, quinam simus nos, qui omnia, quæ a nobis diversa sunt, supponimus falsa esse, perspicue videmus nullam extensionem, nec figuram, nec motum localem, nec quid simile, quod corpori sit tribuendum, ad naturam nostram pertinere, sed cogitationem solam, quæ proinde prius & certius quam ulla res corporea cognoscitur, hanc enim jam percepimus, de aliis autem adhuc dubitamus. Considerans deinde mens inter diversas ideas, quas apud se habet, unam esse 14.

Entis summè intelligentis, summè potentis & summè perfecti, quæ omnium longe præcipua est, agnoscit in ipsâ existentiam, non possibilem & contingentem tantum, quemadmodum in ideis aliarum omnium rerum, quas distinctè percipit, sed omninò necessariam & æternam. Atque ut ex eo quod, exempli causâ, percipiat in ideâ trianguli necessariò contineri tres ejus angulos æquales esse duobus rectis, planè sibi persuadet triangulum tres angulos habere æquales duobus rectis; ita ex eo solo, quod percipiat, existentiam necessariam & æternam in entis summè perfecti ideâ contineri, planè concludere debet ens summè perfectum existere. Et hæc ipsa in sequentibus quatuor præcipuè articulis adhuc latius & quantum potest clarius explicat. Ex quibus manifestissimè liquet Philosophum nunquam seriò de Deo dubitasse, sed ostendisse & docuisse quomodo ad tempus ex Atheorum & Scepticorum hypothese supponendo Deum non esse, ex ideâ tamen sive nozione Dei impressâ, quam ἡ γυναικὶς ἁπο- Apostolus appellat, contra Atheos & Scepticos firmissimè & solidissimè Dei existentia demonstratur. Quicunque autem hoc Atheum aut Scepticum esse, vel eorundem pestiferis er-

roribus patrocinari existimat, nā mente captus est, vel datā operā cæcutit.

IX. Deinde Sceptici dubitabant ex *Diffidentia* & *Ignorantia* veritatis; opinabantur enim cum Democrito suapte naturā ἐν βυθῷ εἶναι τὴν ἀλήθειαν, nunquam ex eo eruendam, nullam certitudinem unquam obtineri posse, sed omnia in incerto pendere. Scepticorum enim vox est, παντὶ λόγῳ λόγῳ ἴσῳ ἀντίκειται. *Omni rationi aequalis ratio opposita est*, id est, si ipsum Sextum explicantem audiamus: *Omni rationi à me excogitata & dogmaticè aliquid astruenti, opponi videtur alia dogmaticè aliud quid astruens, aequalis ipsi ad fidem obtinendam vel non obtinendam.* Nulla itaque ratio adeò firma ipsis videtur, quin contraria eandem destruens æquè quoque firma detur, unde nunquam se certos esse affirmant, sed ἐπὶ χλῶ, ἀορασίαν & ἀντὶληψίαν omnimodam introducunt. De quibus, si libet, Sexti Pyrrhioniarum Hyhotypolewn librum primum consule. Cartesius contrā dubitat ex doctā veritatis cognitione & indubitatā conscientia, quā certò se veritatem inventurum & demonstraturum esse novit, imò eandem etiam eo tempore, quo dubitationes suas proponit, perspectam & cognitam habebat, unde & insulos ac fatuos appellat, qui secus de ipso judicant: *Estne*, inquit, *aliquis adeo stolidus, ut existimet eum, qui talem librum (de Dei nempe existentia & reali mentis à corpore distinctione) componit, ignorare; dum primas ejus paginas exarat, quid insequentibus demonstrandum susceperit?* Noverat ille non suā naturā, sed pravis hominum opinionibus veritatem in profundo olim fuisse demersam, & hodiè demergi: sed eandem seriis meditationibus à se esse erutam & semper esse emerfuram.

X. Tertiò, Sceptici dubitant ex pertinaciā & contumaci mentis proposito, adeò ut nunquam etiam convicti veritari assentiri velint: audi enim præfractè dubitantium Scepticorum vocem: *Cum aliquis (verba sunt Sexti Empirici) rationem nobis adfert, quam destruere non possumus, illi dicimus ante nativitatem ejus, qui se-*

*sectam, cui se dedit, introduxit, eam rationem, quam secta ea ipsi præbet, bonam non esse visam, & tamen ea ratio in rerum naturâ inveniatur, quamvis nondum cognita sit; atque ideo non oportet cedere rationi, quam adfert, ut ut fortis etiam hoc tempore videatur. O obstinatum veritati repugnandi mentem! O iniquum postulatam omnem solidæ rationis usum evertens! Nulla enim ad veritatem perveniendi unquam via est reliqua, nullum ~~κατ'εἰς~~ veritatis, si hoc obtinuerit. Jube enim suspendere judicium & sustinere assensum, etiam tum, cum res, quæ proponitur, clara & evidens est, & cum nulla ratio contraria eam dissolvere valeat: hâc ratione propriæ conscientiæ vis infertur, cum non assentimur clarissimæ luci in intellectu radianti, ut non eligamus quod optimum & certissimum est, sed pertinaciter dubitemus & manifestissimæ veritati reluctemur. Hoc revera est relabi in ineluctabilem inexplicabilem dubiorum & errorum labyrinthum. His hominibus obviam ivit Philosophus, & ut hos, si fieri ullo modo posset, ad saniorum mentem reduceret, allaboravit; sin id minus obtinere posset, ut saltem convinceret; atque ita dubitavit ex necessitate quâdam, quasi assentiendo illis, ut animos ipsorum præfractos emolliret, an fortè eos, quum se jam quasi comitem addidisset illis in dubitando, illos vicissim sibi comites habere posset in clarè & distinctè perceptis assentiendo; ubi enim quid clarè & distinctè perceptum est, nullum amplius dubitationi locum superesse læpissimè inculcat inter alia his verbis in Synopsi Meditationis Primæ. *Dubitatio efficit, ut de iis, quæ postea vera esse comperiemus, non amplius dubitare possimus.* Hinc respondet Septimo Opponentis: *Non videt abdicationem non pertinere nisi ad eum, qui nondum quidquam clarè ac distinctè percipit. Ut exempli causâ Sceptici, quibus est familiaris, nihil unquam, quatenus Sceptici, clare percepissent. Ex hoc enim ipso quod aliquid clare percepissent, de eo dubitare ac Sceptici esse desissent.* Hunc itaque ut obtineret scopum, ut certitudinem aliquam & Sceptici agnoscerent & perciperent,*

rent, studuit dubitando efficere philosophus; nequaquam autem ex malitiâ aut pertinaciâ dubitat.

- XI. *Quarò, Sceptici dubitabant in universum de omnibus, de rebus agendis, credendis, clarè & distinctè perceptis*, adeò ut nullibi certitudinem agnoscerent; inde enim *Sceptica institutio*, quæ & ζήτησις & ἰσχυρισμός appellatur, δωδεκαχόρη quoque dicta est, id est, *dubitatoria vel hasitatoria*: quoniam, ut ait Sextus, *de re omni dubitat & querit; quod hasitans suspensio sit ad assentiendum aut repugnandum animo*, tum circa φαινόμενα, tum circa νοούμενα, id est, ut Sextus ipse explicat: *Circa omnia, quæ quolibet modo sub sensum cadunt, & mente ac intellectu perceptibilia sunt*. Cartellius contra disertis monet verbis, *te res fidei, vitæ actiones & evidenter percepta à Dubitatione suâ eximere*: Scio, inquit: *me plus æquo diffidentia indulgere non posse, quandoquidem nunc non rebus agendis, sed cognoscendis tantum incumbo*. Ipse etiam enormes Scepticorum errores inculcat, quod nempe eò dubitando procederent, ut res in vitâ agendas ei subicerent, atque ita eas negligerent; *Quidam*, inquit, *qui pro dubitatione stabant, eandem etiam ad actiones vitæ extendebant, ita ut prudentiâ ad vitæ regimen necessariâ uti negligerent*. Imò eos alibi ridet, ut inanos, utpote qui opus haberent, ut ab amicis aservarentur, ne in præcipitia se dejicerent. *Res fidei quoque nulli dubitationi esse subjicendas anxie inculcat, & credendas esse licet minus clarè à nobis percipiantur præcipit: Semper*, inquit, *quam maxime recordemur, & Deum autorem rerum esse infinitum, & nos omnino finitos*. Ita si forte nobis Deus de seipso, vel aliis aliquid revelet, quod naturales ingenii nostri vires excedat, qualia jam sunt mysteria Incarnationis & Trinitatis, non recusabimus illa credere, quamvis non clarè intelligamus. Rursusque repetit, ne forte oblivioni tradatur; *Memores simus, ut jam dictum est, huic lumini naturali tam diu tantum esse credendum, quamdiu nihil contrarium à Deo ipso revelatur*. Imò, ne id unquam nobis accidat, hoc monito primam Principi-

Hypotyp.  
Lib. I.

In Med. 1.

In Epist.  
præfixa  
Principiis,

Princip.  
p. 1. art.  
24 & 25.

Art. 26.

cipiorum partem in fine quasi obsignat : *Præter cetera autem, memoria nostra pro summâ regulâ est insignendum ; ea quæ nobis à Deo revelata sunt, ut omnium certissima esse credenda ; & quamvis fortè lumen rationis, quàm maximè clarum & evidens, aliud quid nobis suggerere videretur, soli tamen auctoritati Divinæ potius, quàm proprio nostro iudicio fidem esse adhibendam.* Imò hanc regulam sibi præscriptam anxie ubivis ipse observavit ; ut calumniæ rei revera sint, qui ipsum, Deum & ea quæ ad pietatem & mores spectant, abdicationi subjecisse affirmant. Hinc septimum *Ad Liter.*  
 Opponentem, qui Abdicationem de Deo objiciebat, licet T.  
 obiter, acriter perstringit, inquit : *Scrupulum etiam vult injicere de Deo, sed obiter tantum : forte ne qui nōrunt, quàm studiosè omnia, quæ ad pietatem & generaliter ad mores spectant, ab hac abdicatione exceperim, ipsum calumniari arbitrentur.* Excipit denique Renatus à dubitatione & abdicatione suâ *Res clarè, & distinctè perceptas* ; de his enim dubitare Scepticorum esse, & eorum qui nihil adhuc certò cognoverunt ; diserte enim ait, *Abdicationem non pertinere nisi ad eum, qui nondum quicquam clarè ac distinctè percipit. Ut exempli causâ Sceptici, quibus est familiaris, nihil unquam, quatenus Sceptici, clarè perceperunt. Ex hoc enim ipso quod aliquid clarè percepissent, de eo dubitare, ac Sceptici esse desissent. Et quia vix alii ulli ante istam abdicationem quicquam clarè unquam percipiunt, scilicet claritate, quæ ad certitudinem metaphysicam requiritur, idcirco hæc abdicatione perutilis est iis, qui tam clara cognitionis sunt capaces, illamque nondum habent.* In quibus verbis notet candidus lector, primò, Philosophum nequaquam velle, ut omnes & singuli homines dubitationem suam, quæ circa res cognoscendas tantum versatur, instituunt ; sed illi tantum, qui Metaphysicam certitudinem capere possunt, non qui ejus incapaces sunt, uti erat Septimus Opponens, cui à dubitatione studiosè cavendum esse ipse Cartesius admonuit. Unde satis liquet, eum suam dubitationem non omnibus commendare, nulli autem obtrudere. *Deinde & ad illud probè attendatur, Phi-*

loſophum diſertè monere, ſupervacaneum eſſe, ut ille, qui de rebus naturalibus jam clarè & diſtinctè quid percepit, unquam dubitet; nedum ut neceſſum ſit, ut ſemel in vitâ de rebus omnibus, etiam fidei, univerſalem abdicationem inſtituamus, & omnia, quæ unquam credidimus, abjiciamus & ex mente deleamus, atque ut ita Sceptici & Athei, faltem temporarii, evadamus. Quæ ſententia quam-falſò Cartefio à quibuſdam obrudatur ex dictis clariffimè videt, qui præjudiciis non eſt penitus occæcatus: & qui talem dubitandi uſum facit, non verus Philoſophus, nec, ut ajunt, Cartefianus, ſed vanus philoſophafter, imò Chriſtianæ fidei ſubdoluſ eſt everſor & clandestinuſ hoſtiſ.

XII. Denique *quintò* Sceptici dubitant ut dubitent. Horum ſcopuſ eſt, ut ſe & alioſ ſemper & ubique fluctuare faciant & dubioſ hæreere, ne certi quid unquam affirmant; imò ut reſ quæ jam pro certis & maniſeſtis ſunt acceptæ, reddantur dubiæ. *Pyrrho* enim Scepticorum ille primipiluſ inquit Sextuſ, *contendit ut reſ reddantur incertæ, quæ pro certis acceptæ ſunt.* Sed Cartefiuſ contra, ut vidimuſ, Dubitationem ſuam inquit efficere, ut de iis, quæ poſteâ vera eſſe deprehendimuſ, nullo unquam tempore ruſſuſ dubitemuſ; & in hunc finem inſtituitur, ut ſit tanquam medicina purgans, quæ pravos humoreſ expellendo, alvi fluxum, quem in principio promovet, deinde liſtit. Scopuſ, enim Cartefii, quem intendit & dubitando obtinuit, hic fuit, ut certiffimas, quæ ab humano ingenio ſcri poſſunt eruere Demonſtrationeſ; quibuſ præcipuè mentis realem à corpore Diſtinctionem & Dei exiſtentiam contra impioſ & atheoſ evinceret. Certoſ itaque ſibi dubitandi limiteſ præfixit; Sceptici nulloſ habent; ſed in univerſum nihil dogmaticè aſſerendo omneſ tranſiliunt. At nemo efficaciuſ, quare dubitatione hæc ſua Cartefiuſ uſuſ ſit ad eruendam firmiſſimam veritatem, & quouſque ſe illa dubitatio extendat & quantum reſpectu ipſiuſ finiſ inter hanc ſuam & Scepticam reperiatur diſcrimen, quam ipſe Philoſophuſ explicare valet, cujuſ proinde verba maximè emphati-



phatica, & omni observatione dignissima, licet prolixiora, ascribere non pigebit: *Falsissimum est*, inquit, *in sum-* Object. &  
Resp. Sep-  
timum  
*damentis Philosophia statuendis tales esse aliquos dubitandi*  
*limites infra summam certitudinem, in quibus prudenter ac*  
*secure conquirere possimus.* Cum enim veritas indivisibili consistit, potest contingere, ut quod non agnoscimus esse summe certum, quantumvis probabile appareat, sit plane falsum: nec sane prudenter philosopharetur, qui ea scientia omnis sue poneret fundamenta, qua cognosceret esse fortasse falsa. Et vero quid respondebit Scepticis, qui omnes dubitationis limites transcendunt? quâ ratione ipsos refutabit? Nempe desperatis, aut damnatis annumerabit? Egregie certe: Sed quibus illi eum interim annumerabunt? Neque putandum est eorum sectam dudum esse extinctam? Viget enim hodie quam maxime, ac ferè omnes, qui se aliquid ingenii præ cæteris habere putant, nihil invenientes in vulgari philosophiâ, quod ipsis satisfaciât, aliamque veriore non videntes, ad Scepticam transfugiunt. Atque ii sunt præcipuè, qui Dei existentiam & humane mentis immortalitatem sibi demonstrari exposcunt. Adeo ut valde mali exempli sint, quæ ab Auctore nostro hic dicuntur, præsertim cum eruditus clueat; ostendunt enim ipsum non putare Atheorum & Scepticorum errores posse refutari; atque ita illos, quantum in se est, fulcit & confirmat. Quippe omnes hodierni Sceptici non dubitant quidem in praxi; quin habeant caput, quin 2 & 3 faciant quinque; & talia: sed dicunt se tantum iis uti tanquam veris, quia sic apparent; non autem certò credere, quia nullis certis rationibus ad id impelluntur: Et quia non eodem modo ipsis apparet Deum existere mentemque humanam esse immortalem idèò his ne quidem in praxi tanquam veris utendum putant; nisi prius sibi probata fuerint, rationibus magis certis, quam sint ulla ex iis, ob quas apparentia omnia amplectuntur. Quæ cum à me sic probata sint, & à nemine ante me, saltem quod sciam, nulla maior & indignior maledicentia excogitari posse mihi videtur, quàm ea est Auctoris nostri, dum in totâ hac suâ dissertatione, unum illum errorem, in quo Scepticorum secta

*consistit, nempe nimiam dubitationem, continuo mihi affingit, & sexcenties inculcat.*

XIII. Latius hæc exequi possem & pluribus ostendere Philosophum nequaquam seridè & ex animo de Deo dubitasse, sed Scepticos validissimè refutasse; sed id, Deo favente, in Exegesi, ni fallor, egi, & ostendi Renatum in toto illo negotio, quo mentem à cognitione propriæ existentiz ad cognitionem existentiz Dei deduxit, & Distinctionem mentis à corpore solidè demonstrare conatus est & revera demonstravit, nullam rationem suspicandi unquam dedisse, ne quidem in iis, quibus Scepticorum dubitationem primus omnium solidissimè evertit, quod ipse istius sacrilegæ opinionis fautor & autor fuerit, aut quod cum Atheis unquam ullâ ex parte egerit, ut pote qui primarium Philosophiæ suæ universæ fundamentum Deum fecit, ex cujus cognitione omnem veram/scientiam pendere piè & Christianè profitetur. *Jam vero, inquit, quia Deus solus omnium, quæ sunt aut esse possunt, vera est causa; perspicuum est optimam Philosophandi viam nos sequuturos esse, si ex ipsius Dei cognitione rerum ab eo creatarum explicationem deducere conemur, ut ita scientiam perfectissimam, quæ est effectuum per causas, acquiramus.*

XIV. Viderunt ea, quæ de Renati philosophiâ modò scripsimus, ipsi ejus alioquin acerrimi antagonistæ, & cum animorum mixtæ parum deferbuerat, ipsi asseruerunt. Prodeat enim testimonium perhibiturus celeberrimus Maresius, qui in primo libelli sui capite, quem de Abusu philosophiæ Cartesianæ edidit, disertè fatetur; *Cartesii Philosophemata Philosophia Scholastico-jesuitica in plurimis esse præferenda, eumque castius longè & sanctius philosophari de Deo & Mundi creatione, quam Aristoteles ipse: ac multo verius de naturâ corporis, ejus extensione aliisque, quam faciunt Jesuitæ, Philosophiam suam Romana ecclesia erroribus incrustandis & propugnandis dirigentes. Unitatem quoque mundi insolubili argumento à Cartesio fatetur astructam esse. Et laude dignum quod in questione vexatissimâ, de primo cognito, principium illud*

illud Doctrinale, Cogito ergo sum, cui reclamare nullus Scepticus jure possit, in Philosophiâ suâ astruxerit. Ac Scepticos dubitare ut dubitent, non verò instar Cartesii, ut sese dubitatione omni exsolvant. Ut & novam probat methodum ac terminos, quibus Cartesius ad probandam Dei existentiam & anima rationalis à corpore distinctionem, fuerat usus; eumque ab omni Atheismo & invidiosâ collatione cum Lucilio Vanino liberum declarat. Quam æquam mentem reliquis quoque Philosophi adversariis apprecor.

Quæstio Secunda: *An asserat nos habere ideam Dei adequatam, id est, talem, que omnes Divina natura perfectiones, ut in se sunt, exactè representat, exprimit & comprehendit?*

**A**Rrogans hæc & impia ab adversariorum calamis non rarò ascripta Cartesio legitur sententia; sed quæ adeò aliena est ab illius mente, ut nemini, nisi præjudiciis prorsus infatuato, vel suspicio opinionis adeò malefanz è scriptis Philosophi suboriri vâleat; illa enim rationibus & testimoniis adeò manifestis contrariam defendunt veritatem, ut ea vel lippienti clarè sese ingerat: adeò ut irritus prorsus labos esset genuinam Cartesii mentem à calumniis impostorum vindicare, nisi refractarii hostes convincendi, & ignari scriptorum Cartesii instruendi essent lectores. In horum itaque gratiam quædam ex Philosophematis Renati selecturi sumus loca, in quibus apertissimè, nos ideam Dei adæquatam habere, negat.

II. Caligantis autem ingenii nostri in contemplatione Divinæ Majestatis aciem & imperfectam admodum in hac vitâ Dei cognitionem agnoscit, dum pio hoc epilogo tertiam Meditationem concludit, inquiens: *Placet hic aliquandiu in ipsius Dei contemplatione immorari, ejus attributa apud me expendere, & immensæ hujus luminis pulchritudinem, quantum caligantis ingenii mei acies ferre poterit, intueri, admirari, adorare. Ut enim in hac solâ divinæ majestatis contemplatione summam alterius vitæ felicitatem consistere*

Part. I.

artic. 24.

25. 26. in

Principiis.

fide credimus, ita jam ex eadem licet multò minus perfectâ maximam, cujus in hac vitâ capaces sumus, voluptatem percipi posse experimur. Hæc verba Chrittiano, eoque orthodoxo, dignissima cælestem spirant sapientiam, ad quam relata omnis omnium gentilium cognitio, nil nisi meræ sunt tenebræ & spississima profundæ ignorantix caligo. Notatu dignissima in hanc rem quoque sunt verba, quæ alibi inculcat: *Jam verò, inquit, quia Deus solus omnium, quæ sunt aut esse possunt, vera est causa; perspicuum est optimam philosophandi viam nos sequuturos, si ex ipsius Dei cognitione rerum ab eo creatarum explicationem deducere conemur, ut ita scientiam perfectissimam, quæ est effectuum per causas, acquiramus. Quod ut satis tuto & sine errandi periculo aggrediamur, eâ nobis cautelâ est utendum, ut semper quam maximè recordemur, & Deum auctorem rerum esse infinitum, & nos omnino finitos.*

*Ita si forte nobis Deus de seipso, vel aliis aliquid revelet, quod naturales ingenii nostri vires excedat, qualia iam sunt mysteria Incarnationis & Trinitatis, non recusabimus illa credere, quamvis non clarè intelligamus; Nec ullo modo mirabimur multa esse, tum in immensâ ejus naturâ, tum etiam in rebus ab eo creatis, quæ captum nostrum excedunt.*

*Ita nullis unquam fatigabimur disputationibus de infinito: Nam sanè cum simus finiti, absurdum esset nos aliquid de ipso determinare, atque sic illud quasi finire ac comprehendere conari.*

Annon omnis, qui seposito partium studio hæc legerit & perpendit verba, evidentissimè perspicit, quam falsò Cartesio impingatur, quod affirmet, nos habere notitiam à naturâ inditam sive ideam, quæ Divinam essentiam, ut in se est, perfectè exprimat. Anxiè enim inculcantem eum audimus, hanc tanquàm summam & primariam altissimè imprimendam esse in philosophando menti nostræ regulam; *Deum auctorem rerum esse finitum, & nos omnino finitos. Addeò ut immentiam inter nostram & Dei naturam, inter nostram*

stram & Dei cognitionem intercedere distantiam disertè doceat; Deum enim prorsus esse infinitum & immensæ naturæ, nos omninò finitos & limitatæ admodum cognitionis, adeò ut multa in immensâ Dei naturâ, & operibus ab eo creatis occurrant, quæ captum nostrum longissimè exluperent. Cum enim jam sciam, inquit, naturam meam *Medit. iv.* esse valde infirmam & limitatam, Dei autem naturam esse immensam, incomprehensibilem, infinitam, ex hoc satis etiam scio innumerabilia illum posse quorum causas ignoro. Et hinc infer credenda esse omnia, quæ à Deo revelantur, quamvis naturales ingenii nostri vires excedant, nec à nobis clarè intelligantur, uti mysteria Incarnationis & Trinitatis. Quinimo de infinito non esse disputandum, quoniam finiti sumus, qui stolidè & nimis audacter de infinito aliquid determinare tentaremus, quoniam infinitum quasi finire ac comprehendere conaremur. Quo discursu quid verius, quid modestius, quid cum sanâ Theologiâ & Philosophiâ convenientius dici possit non video. Respondent hæc apprimè iis, quæ habet Augustinus in Dialecticâ: *Namque differendi potens, potenter quoque dubia definiens, cunctas scripturas evibrans & eviscerans, cunctam humanam sapientiam annihilans, cum in Divinitatem intendit, tantâ Majestatis luce repercussa pavidum caput tremefacta reflectit: atque in abdita mundana sapientia fugiens delitescit, dissolutisque syllogismorum nexibus stulta obmutescit.*

III. Quinimo & geminâ ratione, alterâ ex naturâ nostrâ, alterâ ex Dei essentiâ depromptâ evincit nos Divinam naturam comprehendere non posse, tantum abest ut ideam Dei exactam nos habere asserat. Ex parte autem nostri, quia limitatæ & finitæ naturæ sumus, fieri nequit, ut comprehendamus Deum naturâ infinitum, quoniam enim *Resp. ad* comprehendendi vox limitationem aliquam designat, fieri non *Instant* potest, ut spiritus finitus (uti mens, nostra & angelica) *Gassendi* Deum, qui infinitus est, comprehendat. Ex parte autem Dei repugnat quoque eundem à nobis infinitis comprehendere, *Epist. CIV.* quoniam, ut inquit; *Desineret esse infinitus, si illum posset.* *part. I.*  
mus

*mus comprehendere, nos enim eum determinaremus ac quasi finiremus, si comprehendere possemus.*

IV. Et profectò si antagonistæ philosophi nostri unquam fategissent, ut cognoscerent, quæ cognitio adæquata sit & à Cartesio esse statuatur, tam impudentis criminationis pudore suffunderentur, si mica honesti in eorum mente resisteret. *Ut autem cognitio aliqua sit adæquata, debent in eâ contineri omnes omnino proprietates, quæ sunt in recognita: & idcirco solus Deus est, qui novit se habere cognitiones rerum omnium adæquatas.*

*In Resp.  
Quartis,*

*Intellectus autem creatus, etsi fortè revera habeat rerum multarum, nunquam tamen potest scire se habere, nisi peculiariter ipsi Deus revelet; ad hoc enim ut habeas adæquatam alicujus rei cognitionem, requiritur tantum ut vis cognoscendi quæ in ipso est adæquet istam rem, quod faciliè fieri potest: ut autem sciat se illum habere, sive Deum nihil amplius posuisse in illâ re quam id quod cognoscit, oportet ut suâ vi cognoscendi adæquet infinitam Dei potestatem: quod fieri planè repugnat. Quisnam jam adeò fatuus vel malignus, ut Cartesio imputare audeat ipsum statuisse nos ideam Dei adæquatam habere? Existimantne illi homines Cartesium statuisse in nostrâ ideâ sive notitiâ omnes omnino perfectiones contineri, quæ continentur in ipso Deo? id enim ad cognitionem adæquatam requiri dicit. Putantne eum affirmare nostram cognoscendi vim adæquare ipsum Deum? Nimis profectò inaniter, qui de philosopho sano adeò insulse sentit. Anxiè enim jam supra inculcantem audivimus, nos memores esse debere, Deum esse infinitum, & nos omnino finitos: Intellectum spiritumque finitum infiniti Dei capacem non esse. Multa esse in immensâ Dei naturâ, imò & in ipsis operibus ab eo creatis, quæ ingenii nostri vires excedunt. Disertè insuper hoc loco affirmat nos non posse affirmare, nos ullius rei (etiam extra Deum, quantum minus ipsius Dei?) adæquatam habere cognitionem, nisi hoc Deus revelet; jam verò quia Deus non revelavit, nos habere sui cognitionem adæquatam, sed contrarium: hinc contra-*

trarium quoque affirmare tenemur juxta Philosophum. Et denique disertè dicit, fieri planè repugnare, ut vi nostrâ cognoscendi infinitam Dei potestatem adæquemus, unde irrefragabiliter concludendum; nos igitur Deum nequaquam nostrâ cognitione comprehendere, in quo infinita quoque alia, præter ipsius potentiam incomprehensibilem, sunt perfectiones & vitutes ἀνεξήγητοι.

V. Cæterum non tantum solidis & evidentibus rationibus, sed expressissimis insuper Philosophi dictis hæc falsæ de Dei adæquatâ in nobis ideâ crimiuatio repugnat. Ipsissima enim Cartesii verba sunt: *Denique cum Deus dicitur esse incogitabilis, intelligitur de cogitatione ipsum adæquatè comprehendente, non autem de illa inadæquatâ quæ in nobis est, & quæ sufficit ad cognoscendum ipsum existere.* Et Gasfendo opponenti, *Eum qui infinitum quid dicit, attribueret rei, quam non capit, nomen quod non intelligit;* Respondet Cartesius: *Non distinguis intellectionem modulo ingenii nostri conformem; qualem de infinito nos habere unusquisque apud se satis experitur, à conceptu rerum adæquato, qualem nemo habet non modo de infinito, sed nec fortè etiam de ullâ aliâ re quantumvis parvâ.* Imo disertè monet, ne existimeamus nostram ideam adæquatè omnia quæ in Deo sunt exhibere: *Possumus habere, inquit, ideam claram & distinctam substantiæ cogitantis increata atque independentis, id est, Dei: modo ne illam adæquatè omnia quæ in Deo sunt exhibere supponamus.* Nota Lector insignem Philosophi modestiam, quâ non tantum negat expressè nos Dei; sed præterea nec affirmare audet, nos ullius rei, quantumvis parvæ, adæquatum habere conceptum. Nota è contra adversariorum insignem impudentiam Philosopho in os obloquentium & sententiam obtrudentium, quam toties evidentissimis rationibus & disertissimis verbis refutat & proteribit. Plura ejusmodi in hanc rem è Philosopho producere possem loca, sed in antecessum adducta sunt, vel in progressu adhuc alleganda venient. Æquanimo Judici jam citata sufficiunt, perverso ne infinita quidem.

In Responsionibus ad secundas Objectiones.

Art. 54. Part. I. PP.

L I

VI. Qui-

VI. Quinimo cam arrogantiam, quâ homo sibi tantam vim & sapientiam ascribit, ut quidnam Deus facere possit, ac debeat, determinare & comprehendere conetur, tanquam abominandam Atheorum jactantiam detestatur, admonetque ut memores simus, mentes nostras considerandas esse ut finitas, Deum autem ut incomprehensibilem & infinitum; hoc enim medio Atheorum impias adversus existentiam Dei objectiones facillè dilui posse. En verba Philosophi ex Præfatione in Meditationes; *Ea omnia, inquit, quæ vulgò jactantur ab Atheis ad existentiam Dei impugnandam, semper ex eo pendent, quod vel humani affectus Deo affingantur, vel mentibus nostris tanta vis & sapientia arrogetur, ut quidnam Deus facere possit, ac debeat, determinare & comprehendere conemur; adeò modò tantum memores simus, mentes nostras considerandas esse ut finitas, Deum autem ut incomprehensibilem & infinitum, nullam ista difficultatem sint paritura.*

In Respon-  
sionibus  
Quintis.

VII. Ne tamen frontem penitus perfricuisse & sententiam Cartesio falsò impactam è proprio cerebro commenti esse videantur, criminationis suæ fundamentum se habere arbitrantur in his verbis: *Unum monebo de idea infiniti, quam ais (Gassende) non posse esse veram, nisi comprehendam infinitum, dicique posse ad summum me cognoscere partem infiniti, & quidem partem minimam, quæ non melius infinitum refert, quam exigui capilli effgies hominem integrum representat. Moneo, inquit, è contrà planè repugnare, si quid comprehendam, ut id, quod comprehendo, sit infinitum: idea enim infiniti ut sit vera nullo modo debet comprehendi, quoniam ipsa incomprehensibilitas in ratione formali infiniti continetur, & nihilominus est manifestum ideam quam habemus infiniti non representare tantum aliquam ejus partem, sed revera totum infinitum eo modo quo debet representari per humanam ideam, etsi procul dubio alia multo perfectior, hoc est accuratior & distinctior haberi possit à Deo aliâve creaturâ intelligenti, quæ sit humanâ perfectior: Eâdem ratione quâ non dubitamus quin geometrica imperitus totius trian-*  
guli



*guli ideam habeat, cum figuram esse tribus lineis comprehensam intelligit, etsi à geometris alia multa de eodem triangulo cognosci possint, atque in ejus ideâ animadverti, quæ ab illo ignorantur. Ut enim sufficit intelligere figuram tribus lineis contentam ad habendam ideam totius trianguli, sic quoque sufficit intelligere rem nullis limitibus comprehensam, ut vera & integra idea totius infiniti habeatur. In toto autem hoc responso nec vola nec vestigium de adæquatâ Dei in nobis ideâ occurrit. Trahunt eo, per plagium, ut ajunt Jureconsulti, à reliquo responsi corpore divellentes, hæc verba: Nihilominus est manifestum ideam quam habemus infiniti non representare tantum aliquam ejus partem, sed revera totum infinitum; ex quibus fallam illam jam sæpius dictam Cartesio sententiam obtrudere allaborant. Sed si candidè & sincerè agere voluissent, ex hoc ipso dilucidissimè perspexissent, Philosophum neutiquam ideam Dei adæquatam ascripsisse hominibus.*

VI. Discutiamus locum paulò penitius, ut quis sit genuinus scopus & sensus manifestò pateat. Obiciebat Gassendus, ideam infiniti non posse esse veram, nisi infinitum comprehendamus, sive omnia quæ in infinito sunt exactissimè & intimè pernoscamus. Cartesius contra respondet, repugnare ut infinitum comprehendamus, quoniam id quod comprehendimus infinitum esse nequit; rationem addit, quoniam ratio formalis sive natura & essentia infiniti ea est ut sit incomprehensibile; sive ut propria ipsius verba sonant; quoniam ipsa incomprehensibilitas in ratione formali infiniti continetur. Et mox subdit: Ideam tamen quam habemus infiniti non tantum partem aliquam infiniti, sed revera totum infinitum representare. Hæc conquire nequeunt illi homines arguuntque in his Philosophum asserere nos adæquatam & exactam Dei infiniti habere ideam. Sed ex antecedentibus jam manifestum est Philosophum non adæquatam representationem totius infiniti, sed inadæquatam intelligere; & mox quoque addit; ideam infiniti quam habemus totum infinitum representare, eo modo quo debet

*representari per humanam ideam* id est, ut thesi superiori se explicuit, *per cognitionem inadequatam, quæ in nobis est, sed non per conceptum adequatum, qualem nemo habet; & id satis quoque inculcat hoc ipso loco, dum ait porro, eam quam habemus infiniti ideam ita representare infinitum, ut à Deo aliâve naturâ intelligente, quæ sit humanâ perfectior, ea quoque perfectior id est accuratior & distinctior haberi possit.* Si enim nostra id est humana infiniti idea juxta Cartesium adæquata sit id est talis ut totum infinitum comprehendat & quicquid in eo est plenissimè exhauriat, quâ ratione asserit in Deo vel aliâ creaturâ intelligente, homine perfectiore, perfectiorem dari posse infiniti ideam. Potestne adhuc perfectior cognitio dari, quam ea quæ rem totam comprehendit & plenissimè exhaurit? solvant hæc antagonistæ, si viri esse volunt, aut fateantur Cartesium nobis etiam hoc ipso loco ideam Dei non adæquatam ascribere. Porro exemplum de ideâ triangulicæ, quam explicuimus, Cartesii esse mentem perspicuè declarat; Is enim qui novit infinitum esse ens sive rem nullis limitibus comprehensam, integrum infinitum intelligit, licet integrum non comprehendat vel conceptu suo adæquet & exhauriat.

VIII. Sed postremum hoc non capiunt aut sanè capere nolunt adversarii; & hinc enata est illa in Cartesium calumnia. Sed si vel minimum operæ in inspiciendo Cartesio impendere voluissent, (ut sanè æquum alicujus causæ judicem decet) ex variis locis differentiam inter rem totam intelligere vel inter eandem totam comprehendere, à Philosopho factam & dilucidè explicatam esse, facillimè observassent; atque ita intellexissent, quâ ratione idea infiniti non partem tantum, sed totum infinitum ostendat, cum interim idea nequaquam adæquata sit sive infinitum comprehendat. Sed detrectant hunc laborem, ne detectâ veritatis luce mendaciorum tenebræ dispellantur. Inculcat autem discrimen inter  $\infty$  intelligere sive cogitatione attingere circa finem Meditationis tertiæ, inquires: *Agnosco fieri*

fieri non posse, ut existam talis natura qualis sum nempe ideam Dei in me habens, nisi revera Deus etiam existeret, Deus, inquam, ille idem cujus idea in me est, habens omnes illas perfectiones quas ego non comprehendere, sed quocunque modo attingere cogitatione possum, & nullis planè defectibus obnoxius. Et passim in Epistolis: Variis in locis inculcavi de iis qua ad Deum vel infinitum spectant, non quid comprehendere possimus, cum sciamus illa non debere à nobis posse comprehendì; sed tantum quid certà aliquà ratione attingamus, esse considerandum. Rursumque alio loco: Augustini locus, nempe Deum esse ineffabilem, pendet tantum à distinctiunculâ, qua intellectu facilis est, non possumus omnia, qua in Deo sunt verbis complecti, nec etiam mente comprehendere, ideoque Deus est ineffabilis & incomprehensibilis; sed multa tamen sunt revera in Deo sive ad Deum pertinent, qua possumus mente attingere ac verbis exprimere, imo etiam plura quam in ullâ aliâ re, ideoque hoc sensu Deus est maximè cognoscibilis & effabilis. Quin & in Epist. cx. Part. 1. adeò dilucidè explicat, demonstrat, & similibus declarat, quznam inter comprehensionem & intellectionem infiniti intercedat differentia, ut nemo, nisi qui datâ operâ cæcutiat, id ignorare possit: Dico autem me id scire, inquit, non verò me id concipere: eodem nimirum modo, quo montem manibus tangere possumus, sed non ut arborem aut aliam quampiam rem brachiū non majorem amplecti: comprehendere enim est cogitatione complecti; ad hoc autem ut sciamus aliquid, sufficit ut illud cogitatione attingamus. Fulus autem hæc diducit in Responssione ad Objectiones primas, quæ quia totum hæc de re negotium clarissimè declarant, adjicere non pigebit, num forte adversarios ad agnitionem veritatis perducere valeamus: Itaque inprimis hic dicam, inquit Philosophus, infinitum quā infinitum est nullo quidem modo comprehendì, sed nihilominus tamen intelligi; quatenus scilicet clarè & distinctè intelligere aliquam rem talem esse, ut nulli planè in eā limites possint reperiri, est clare intelligere rem illam esse

Epist.

xvi. Part.

II.

Epist.

LII. Part.

II.

*infinitam Et quidem hic distinguo inter indefinitum, & infinitum illudque tantum proprie infinitum appello, in quo nullâ ex parte limites inveniuntur; quo sensu solus Deus est infinitus: illa autem in quibus sub aliquâ tantum ratione finem non agnosco, ut extensio spatii imaginarii, multitudo numerorum, divisibilitas partium, quantitatis, & similia, indefinita quidem appello, sed non infinita, quia non omni ex parte fine carent. Præterea distinguo inter rationem formalem infinitatis, & rem qua est infinita, etiamsi intelligamus illam esse quam maximè positivam, non tamen nisi negativo quodam modo intelligimus, ex hoc scilicet quod in re nullam limitationem advertamus; ipsam vero rem quæ est infinita positivè quidem intelligimus, sed non adæquatè, hoc est non totum id quod in eâ intelligibile est comprehendimus, sed quemadmodum in mare oculos convergentes, etsi non totum visu attingamus, nec immensam ejus vastitatem metiamur, dicimur tamen illud videre: & quidem si eminus respiciamus, ut quasi totum simul oculis complectamur, videmus non nisi confuse; ut etiam confuse imaginamur chiliogonum, cum omnia simul ejus latera complectimur; sed si cominus in aliquam maris partem obtutum desigamus, talis visio potest esse valdè clara & distincta; ut etiam imaginatio chiliogoni, quæ tantum ad unum aut alterum ejus latus se extendat. Simili ratione Deum ab humanâ mente capi non posse cum omnibus Theologis concedo, ne quidem etiam distinctè posse cognosci ab iis qui totum simul conantur animo complecti, & tanquam è longinquo respiciunt. Qui autem ad singulas ejus perfectiones attendere, illasque non adeò capere, quam ab ipsis capi, & intellectus sui vires omnes in iis contemplandis occupare conantur, illi profectò multò ampliorem facilioremque materiam clara & distincta cognitionis in eo inveniunt, quam in ullis rebus creatis. Ego autem ubicunque dixi Deum clarè & distinctè posse cognosci, non nisi de hæc finitâ, & ad modulum ingenii nostri accommodatâ cognitione intellexi. Neque etiam ad veritatem eorum quæ æterni, aliter intelligere opus fuit, ut facile apparebit si ad-*

advertatur duobus tantum in locis me hac dixisse; nempe ubi  
 quæstio erat utrum in ideâ, quam formamus de Deo, ali- Medit.  
 quid reale, vel sola rei negatio contineatur, ut forte in ideâ III.  
 frigoris nihil aliud est quam negatio caloris; quâ de renul-  
 lum dubium esse potest: & ubi asserui existentiam ad ratio- Medi-  
 nem Entis summe perfecti non minus pertinere, quam tria IV.  
 latera ad rationem trianguli, quod etiam potest absque ada-  
 quatâ Dei cognitione intelligi. Et in Epist. cxix. P. I. per-  
 spicue quoque ostendit, quomodo Deum non comprehen-  
 dentes, ejus tamen naturam verè intelligimus. Nempe suf-  
 ficit me intelligere hoc ipsum quod Deus à me non com-  
 prehendatur, ut Deum juxta rei veritatem, & qualis est  
 intelligam; modo præterea judicem omnes in eo esse perfectio-  
 nes quas clarè intelligo, & insuper multo plures, quas com-  
 prehendere non possum. Quibus verbis explicat locum Me-  
 ditationis tertix, quæ ad rem præsentem explicandam ma-  
 ximè quoque facit, quippe quo veritatem, claritatem,  
 & eminentiam ideæ Divinæ præ aliis ideis defendit Philo-  
 sophus, simulque ostendit, quâ ratione Deum non compre-  
 hendentes, nec comprehendendi capaces, tamen sufficien-  
 ter ejus naturam pro ratione finitæ nostræ mentis intelli-  
 gimus: Est inquam, ait, hac ideâ Entis summe perfecti & infi-  
 niti, maximè vera; nam quamvis forte fingi possit tale  
 ens non existere, non tamen fingi potest ejus ideam nihil  
 reale mihi exhibere, ut de ideâ frigoris antè dixi. Est  
 etiâ maximè clara & distincta, nam quidquid clarè &  
 distinctè percipio quod est reale & verum, & quod perfe-  
 ctionem aliquam importat, totum in eâ continetur; nec obstat  
 quod non comprehendam infinitum; vel quod alia innumera  
 in Deo sint, quæ nec comprehendere; nec forte etiam attingere  
 cogitatione nullo modo possum; est enim de ratione infini-  
 ti, ut à me qui sum finitus non comprehendatur: & suffi-  
 cit me hoc ipsum intelligere, ac judicare illa omnia quæ  
 clarè percipio & perfectionem aliquam importare scio,  
 atque etiam fortè alia innumera quæ ignoro, vel eminenter  
 in Deo esse, ut ideâ quam de illo habeo sit omnium  
 quæ

*quæ in me sunt maxime vera, & maxime clara & distincta.*

IX. Nullus dubito, quin judici præjudiciis & affectibus non corrupto omnis de Cartesio hæc in parte malè suspicandi exemptus jam sit scrupulus. Unicum restat, ut ostendamus & convincamus ipsos adversarios cognitioni de Deo naturali ascribere omnia, quæ Cartesius ejusque genuini asseclæ se de Deo per suam ideam cognoscere profitentur. Subducamus igitur paucis quæ de Deo se scire scribit Cartesius: , Profitetur inprimis se Deum non comprehendere „ id est non adæquate hoc totum quod in Deo est intelligere. Deum enim infinitum ab humanâ mente, quæ „ finita est, capi non posse: & ex eo ipso tamen quod sciat „ se Deum non comprehendere, se sufficienter intelligere, „ quod Dei essentiam juxta rei veritatem & qualis sit intelligat, quod nempe sit infinitus & incomprehensibilis; „ & præterea, se cognoscere Deum esse Ens perfectissimum, „ adeò ut ejus perfectioni nihil addi possit; de cujus itaque „ essentiâ sit existentia, & in quo nullâ ex parte limites inveniuntur nec dantur; sed in quo omnes sunt perfectiones „ quas clarè intelligere possumus; & insuper multò plures, „ quas non comprehendere, imò fortè cogitatione ne „ quidem attingere possumus. Atque ita ideam Dei, non partem Dei, sed totum Deum ostendere clarissimum est. Quandoquidem autem ipsi adversarii inficiari non poterunt, quin ipsi hæc omnia cognitione naturali de Deo percipiant, cum ipsi se Deum ut incomprehensibilem & simul quoque ut Ens perfectissimum intelligere passim scribant; hinc satis perspicuum est eos revera idem de cognitione Dei naturali profiteri cum eo, quod Cartesius unquam de ideâ Dei affirmavit. Adeò ut summam injuriam Philosopho manifestè faciant, quod cum exolum reddere conentur, ac si jactet se omnimodam, adæquatam omnemque Dei naturam exhaustientem & completentem habere cognitionem; cum jam perspicuè & fuscè ostenderimus hanc arrogantiam & jactantiam, tanquam *γνώσιν ψευδώνυμον*, imò detestandam

Athco-

Atheorum impietatem ab eo semper fuisse proscriptam & condemnatam

Quæstio Tertia : *An juxta Cartesium , Anima rationalis sit cogitatio?*

**A**deò crudè adversarii hanc proponunt quæstionem, ut falsam sententiam meliori colore Philosopho affricent; fingunt enim hanc ejus esse mentem, quod mentis humanæ essentiam nil præter meram actionem esse asserat, quæ per se subsistentiam nullam habeat. Sed quam longè impacta hæc Philosopho sententia à mente ipsius absit discipiamus.

II. Cartesius mentis naturam describens nunquam adeò crudè & durè locutus est, ut dixerit, *eam esse cogitationem*; Consulamus enim loca, in quibus naturam mentis humanæ explicat. *Quid ex iis, quæ antehac anima tribuebam, habeo, cogitare? hic invenio, cogitatio est, hæc sola à me divelli nequit, ego sum, ego existo, certum est. Quamdiu autem? nempe quamdiu cogito.* In his manifestissimum est, illum suam cogitationem sive id cogitare, quatenus actio sive facultas est à se quatenus subjectum agens & substantia est distinguere, & e cogitandi actione ac facultate suam existentiam certissimam esse perspicere, fieri enim non posse, quin, dum cogitat, existat. Sed *feri fortè posse, si cessaret ab omni cogitatione ut illicò totus esse desineret.* Cum itaque advertit cogitandi facultatem à se esse inseparabilem, adeò ut semper immediatè & intimè adsit; imò cum sepositis & abdicatis omnibus nihil præter cogitationem in se id est mente suâ reperit, hinc animadvertit & concludit cogitationem attributum essentiale esse, per quod, mens sua sive humana ab omnibus aliis rebus differt, & in quo animæ essentia consistit, id est, concludit mentem suam esse rem cogitantem sive rem facultate cogitandi præditam, per quam à cæteris omnibus rebus distinguitur. Nequaquam enim essentiam mentis suæ in cogitatione ità consistere affirmat Philosophus, ut substantiam sive rem seu ens per se sub-

M m

sub-

In Medit.  
II.

subsistens eandem esse neget, uti objectant antagonistæ; passim enim in scriptis suis illam rem & substantiam cogitantem appellat; ita disertè ait; *sum igitur præcisè tantum res cogitans, id est, mens sive animus, sive ratio, voces mihi prius significationis ignota.* Et ne quis ex his vocibus mens, animus, intellectus, ratio, novam cavillandianam arripiat, dicendo eas voces solas facultates denotare, non verò res sive substantias facultate cogitandi præditas; hinc per *προληψιν*, anticipationem, illi objectioni occurrat, eumque scrupulum de sensu harum vocum dubitantibus exemit, addit enim immediatè: *sum autem res vera, & verè existens, sed qualis res? dixi, cogitans.* Unde etiam Hobbes de his vocibus difficultatem moventi respondet auctor, *Non intellexi per ista nomina facultates, sed res facultate cogitandi præditas, ut per duopriora, puta mens, animus, vulgò intelligitur ab omnibus; & per duoposteriora, nempe intellectus, ratio, frequenter: hacque tam expresse totque in locis explicui, ut nullus videatur fuisse dubiandi locus.* Et circa initium Meditationis III. inquit; *Ego sum res cogi-*

Objeç.  
v. Resp.  
Tert.

Num. 4. *tans, & mox rursus, sum certus me esse rem cogitantem, Et in Resp. Quintis: Mentem non ut partem animæ, sed ut totam illam animam, quæ cogitat, considero. Hares verò, inquis, an ergo existimem animam semper cogitare? sed quidni semper cogitaret, cum sit substantia cogitans?*

Ad lit. FF. *Itidem in Responſionibus ad Objecſiones septimas se rem cogitantem appellat; & rursus: Adverſens nihil certius evidentiusque à me cognoscei, quam quod ego cogitans existerem.*

Ad lit. Z. *Part. IV. Et in Methodo; intellexi me esse rem sive substantiam, cujus tota natura sive essentia in eo consistit ut cogitem. Imò adeò frequenter in scriptis se rem & substantiam cogitantem appellat, ut mirandum planè sit, quâ fronte asserere possint vel audeant Philosophum mentis humanæ essentiam nudam facere cogitationem, ita ut existentiam eidem denegent. Quâ autem ratione & quamobrem mentis naturam in cogitatione tantum consistere affirmet philosophus, ex parte diximus & fusius mox dicendum veniet.*

III. Cr-



III. Cæterum obijciunt, Cartesium animam suam hoc sensu dixisse cogitationem, ut eam ab ipsâ cogitatione quæ est accidens non distinguat, nec cogitationem illam à se sive mente suâ: satis evidenter id patere ajunt è Meditationis XI. verbis, ubi interrogat & interrogando affirmat, se à suâ cogitatione non distingui. *Quid est, inquit, quod à meâ cogitatione distinguatur? quid est quod à meipso separatum dici possit?* Sed antea Hobbesio eadem obijcienti responderat Philosophus: *Non nego me, qui cogito, distingui à meâ cogitatione ut rem à modo: sed ubi quero, quid ergo est quod à meâ cogitatione distinguatur?* hoc intelligo de variis cogitandi modis ibi recensitis, non de meâ substantiâ: & ubi addo, *quid, quod à meipso separatum dici possit?* significo tantum illos omnes cogitandi modos, nempe dubitandi, intelligendi, affirmandi, negandi, volendi, nolendi, imaginandi & sentiendi, mihi inesse. In quâ responsione dileret se ut subjectum, substantiam sive rem à modo distinguit, affirmatque varios cogitandi modos sibi inesse, non autem se ipsos illos modos esse & ab iis non distingui. *Ut enim extensio, quæ constituit naturam corporis multum differt à variis figuris sive extensionis modis, quos induit: ita cogitatio sive natura cogitans, in quâ putomētis humana essentiam consistere longè aliud est quam hic vel ille actus cogitandi, habetque mens à seipsâ quod hos vel illos actus cogitandi eliciat, non autem quod sit res cogitans, ut flamma etiam habet à seipsâ, tanquam à causâ efficiente, quod se versus hanc vel illam partem extendat, non autem quod sit res extensa.*

Epist. VI.  
part. II.

IV. Sed urgent & instant Cartesium Hobbesio inferrent ex ipsius scriptis; *Ego sum cogitans, ergo sum cogitatio*; non negare illam collectionem. Resp. Sed tum per cogitationem Cartesius non actionem, non facultatem, sed rem cogitandi facultate præditam intelligit; abstractâ cogitationis voce loco mentis utens, vel potius eam admittens quoniam à rebus sensibilibus cogitationes nostras abducere quærit. *Fateor autem ultro, inquit, me ad rem sive substantiam, quam,*

*volēbam exuere omnibus iis, quæ ad ipsam non pertinent, significandam, usum fuisse verbis quam maxime potui abstractis, ut contra hic Philosophus (Hobbes) utitur vocibus, quam maxime concretis, nempe subiecti, materie & corporis, ad istam rem cogitantem significandam, ne patiatur ipsam à corpore divelli.*

V. Verum regeant denuò, illicitum esse novam & inauditam cogitationis voci assignere significationem, Onomasticis ignotam, in scholis Philosophorum inusitatam, & à recepto loquendi usu abhorrentem. Resp. Ονομαστική ut plurimum sic ab imperitis, ideoque minus aptè sæpe rebus respondet; Lexicographi autem secundum receptum usum verba explicant, nihil solliciti, an nomina apte an ineptè rebus sint imposita. Philosophi verò est monerè de ineptâ illâ impositione, ne seducantur philosophantes, & quamquam voces usu receptas mutare ipsi non licet; licet tamen ipsi significationes emendare, & rebus, quibus maxime competunt, eas applicare. Summatim, Philosophi est vocibus vulgi loqui, sed sensu suo id est philosophum decente, ut naturam rei quam maxime signanter exprimat & aliis notam reddat. Quod verò philosophi Cogitationis voce, in emphaticâ hâc, quâ noster utitur, significatione, usi non fuerint, non mirandum; cum enim mentis essentia nunquam satis investigata, nec detecta, nec intellecta sit, ad id ut naturam mentis in solâ cogitatione consistere clarè & distinctè perceperint, eamque per hanc à rebus omnibus materialibus distinxerint; hinc Cogitationis vocem ad denotandam rem cogitantem nunquam adhibuerunt. Philosopho autem nostro graves fuere rationes, cur vocabulo illo abstractio in hoc negotio de mente humanâ usus fuit, tum ut naturam mentis à natura corporis accuratè distingueret; uti discretè eum ad Hobbesium scripsisse supra vidimus; tum ut mentem à rebus sensibilibus, quantum posset, abstraheret, quem scopum suum inter cetera esse passim monet; contrà quam facere solent illi, qui rebus corporeis mordicus inhzrent & agè imò nunquam se ab illis divelli patiuntur.

tiuntur, statuentes omnes res, quæ dantur, corporeas esse, nullas spirituales; tum etiam quod facilius intelligimus substantiam cogitantem, & quidem *cogitationis* nomine appellatam, utpote quæ constituit naturam substantiæ intelligentis, quam substantiam solam, omisso eo, quod cogitat. *Cogitatio & extensio*, inquit, *spectari possunt ut constituentes naturas substantia intelligentis & corporea*; *tuncque non aliter concipi debent quam ipsa substantia cogitans & substantia extensa, hoc est, quam mens & corpus; quo clarissime intelliguntur. Quin & facilius intelligimus substantiam extensam, vel substantiam cogitantem, quam substantiam solam omisso eo quod cogites vel sit extensa. Nonnulla enim est difficultas, in abstrahendâ notione substantiæ à notionibus cogitationis vel extensionis, quæ scilicet ab ipsâ ratione tantum diversa sunt.* Magis autem miror hos homines, qui crudas barbarorum voces & solcecos avidè arripiunt & facile concipiunt, hanc unicam vocem à solitâ significatione ob tam prægnantes rationes in re tanti momenti parum inflexam tantoperè fastidire. Et quid? si nova quandoque philosopho necesse sit fingere vocabula ubi satis apta non reperiuntur; cur adeò abhorrent ab unâ voce præter communem usum aliquantò latius sumptâ? An ignorant Aristotelem, quem κατὰ πῶτα in plurimis sequuntur magistrum, scripsisse in Categoriis, necesse quandoque esse nova effingere vocabula. Ἐνίοτε γὰρ καὶ ὀνόματα ποιεῖν ἴσως ἀναγκαῖον, εἰ μὴ καὶ μᾶλλον ἢ ὀνόμα, πρὸς ὁμοειδέας ἀνὰ πῶτα εἶναι, οἷον τὸ πηδαλίον & πλοῖς εἰάν ὑποδοθῇ, οὐκ οἰκεῖα ἢ ὑποδοσις. *Interdum verò fortasse nomina fingere necesse est, nempe si nomen positum non sit ad quod apte relatio fieret, ut clavus si ad navem referatur, non est conveniens assignatio. Sanè si in re levi imò pene inutili & nugatoriâ, ut sunt ejusmodi ficta relata, nobis liceat efformare vocabula, uti nova finxit Aristoteles, puta πηδαλιωτὴν, κεφαλωτὴν, πλερωτὴν, nonne magis in re adeò ponderosâ, qualis est mentis essentia, id facere fas erit? voces sanè non nisi conceptuum nostrorum signa sunt, ideoque illæ his sunt conformandæ. Uti-*

nam autem jam ab antiquo res clarius & distinctius perceptæ fuissent, voces procul dubio aptiores essent & non tam fecunda errorum leges à vocibus perperam impositis propullularer. Sed satis de his, nolumus enim cum iis *λογμαχεῖν*.

VI. Sed arguunt iterum, si statuamus mentis conditionem eam esse, ut omnem ejus naturam & essentiam in merâ cogitatione collocemus, mentem igitur mutabilem esse, quoniam toties necesse est mentis naturam mutari, quoties variatur cogitatio. Resp. Sed jam sæpius dictum est; cogitationem, in quâ mentis essentiam collocant; non sumi pro actione vel modo, sed ipsâ re & substantiâ cogitante, in quâ plurimæ cogitationes sive cogitandi modi & actiones reperiuntur, quæ continuò mutantur & variantur, sed propter quæ mens non magis aut minus variatur, quam corpus propter varios extensionis modos & figuras.

VII. Rursus criminantur, si mentis natura constitutur in solâ cogitatione mentem plurimis essentialibus proprietatibus privari. Resp. Falsa est hæc criminatio, quippe menti sive spiritui humano à Cartesio ejusque asseclis attribuitur, quicquid unquam illi verè ascriplere philosophi, quæ omnia ad τὸ cogitare sive Cogitationem referri possunt. Facultates enim intellectus & voluntatis, & infinitos ferè alios judicandi, volendi & intelligendi modos, immortalem & spirituales essentiam, vim movendi corpus, & post fata perpetuitatem adversus Atheos, Epicureos, Scepticos acerrimè & felicissimè menti asserunt; ut in Exegefi Meditationum fusè & solidè, ni fallor, demonstravimus.

VIII. Denique objectant; At si mentis essentia in cogitatione consistit, mens utique semper cogitaret; jam verò mens semper non cogitat, cogitationum enim plurimarum quas in infantiâ & pueritiâ habuissimus, nulla superest memoria. Resp. Sed huic cæterisque objectionibus abunde satisfactum est ab ipso Renato, cujus cum mentem in his inter-

interpretari nobis scopus est, optimo jure ejus verba exprimimus. Ratio, inquit, cur credam animam semper cogitare, eadem est, qua mihi suadet lucem semper lucere, licet nulli fuerint oculi qui illam intueantur; calorem esse semper calidum, licet se nemo calefaciat; corpus sive substantiam extensam habere semper extensionem; & generatim id quod rei cuiuspiam naturam constituit, illi semper inesse quamdiu illa existit; ita ut longè facilius existimarim animam desinere esse, cum quis dicis illam à cogitando cessare, quam concipiam illam absque cogitatione existere. Neque porro hic ullam difficultatem video, nisi quod videatur supervacuum, quod illa cogitet, dum nulla remanet in nobis cogitationis istius memoria: sed si attendamus mille cogitationes dormientibus nobis quâlibet nocte obversari, imo & vigiles nos de mille rebus intra hora spatium cogitare, quarum vestigium in nobis nullum relinquitur, & quorum utilitatem haud melius percipimus quam eorum qua ante natiuitatem cogitare potuimus; longè facilius erit id sibi persuadere, quam ut inducamus animum substantiam, cuius natura est cogitare, existere posse sine cogitatione. Cassendo verò eandem difficultatem ex oblivione cogitationum, quas infantes vel ægroti habuimus, moventi Cartesius respondet, causam assignans, quâ ratione id eveniat. Hares verò, inquis Cassende, an ergo existimem mentem semper cogitare: sed quidni semper cogitaret, cum sit substantia cogitans? & quid miri quod non recordemur cogitationum, quas habuit in matris utero, vel in lethargico &c. cum ne quidem recordemur plurimarum, quas tamen scimus nos habuisse, dum essemus adulti, sani & vigilantes? Ad recordationem enim cogitationum quas mens habuit, quamdiu corpori est iuncta, requiritur ut quedam ipsarum vestigia in cerebro impressa sint, ad quæ se convertendo, sive se applicando recordatur: quid autem miri si cerebrum infantis, vel lethargici vestigiis istis recipiendis sit ineptum?

IX. Difficultatibus & objectionibus in antecedentibus jam sublatis, paucis mentem Cartesii explicemus, ut dilucide

Epist. cv.  
P. I.

Respp.  
Quintus.

cide quid voluerit, cum mentis naturam in solâ cogitatione consistere affirmavit, & quæ rationes ipsum ad id impulerint, perspiciamus. Omnis substantia creata seu corpus seu spiritus fuerit, in eo conceptu & naturâ convenit, quod sit res ita per se subsistens, ut solo Dei concursu egeat ad existendum. Et hæc subsistentia per se menti humanæ neutiquam denegatur à Cartesio nec ab ullo deneganda est; ideoque qui integram essentiam sive naturam mentis humanæ vult describere, uti ex se est, & existit inter res alias creatas eam quoque tenetur describere à genere, ut collocet eam inter res creatas subsistentes, & ostendat quid cum aliis rebus subsistentibus, etiam corporeis, commune habet; atque ita *Mentem humanam* dicet esse *rem* sive *Ens*, sive *substantiam*. Hinc ipse Cartesius Authorem Programmatidis meritò perstringit, & seriò redarguit quod integram mentis naturam definiturus, nullam mentionem generis fecisset atque ità imperfectè definiisset, solam differentiam exponendo. Sed cum quærens per illud genus sive naturam cum aliis substantiis communem, nempe quod sit ens, seu res seu substantia sive subiectum multarum accidentium, nec primum innotescit, quoniam per se nos non afficit, quod sit res per se existens; sed per attributum aliquod quod in illo observamus, cognoscitur; quoniam lumine naturali novimus nihili nulla esse attributa, nec proprietates, nec qualitates; unde etiam ex attributo aliquo, quod advertimus, firmiter concludimus rem aliquam adesse non tantum, sed præterea scimus quoque qualis naturæ res illa sit vel cogitans vel extensa. Cum autem Cartesius pro scopo haberet, ut non ad eò mentis naturam, quam cum aliis communem habet, inquireret & exponeret; sed ut illius naturam & essentiam intimè pernosceret, & in quantum ab aliis rebus, præsertim corporeis distinguitur, explicaret, hinc non quæsit nec expressit illud quod omnibus substantiis commune est, nempe quod sit res quæ ita existit, ut nullâ aliâ re indigeat ad existendum: sed quæsit attributum aliquod menti humanæ proprium & in eâ præcipuum, quod & essentiam  
ejus

ejus constituit, & simul ab omnibus aliis rebus, præsertim corporeis, eandem distinguit, & ad quod omnia alia attributa, quæ in illâ occurrunt, referri possunt; illud autem attributum est *Cogitatio*; nam & illa essentiam mentis humanæ constituit, & à rebus corporeis eandem distinguit, & ad illam cætera attributa, quæ in mente humanâ reperiuntur, referri possunt. Audiamus hæc ip'sa latius deducentem & clarius explicantem ipsum Cartesium: *Iossunt*, inquit, PP. p. 1.  
*substantia corporea & mens, sive substantia cogitans crea-* §. 52. 53.  
*ta, sub hoc communi conceptu intelligi; quod sint res, qua* 54.  
*solo Dei concursu egent ad existendum. Verumtamen non*  
*potest substantia primum animadverti ex hoc solo, quod sit*  
*res existens; quia hoc solum per se nos non afficit; sed fa-*  
*cile ipsam agnoscimus ex quolibet ejus attributo, per commu-*  
*nem illam notionem, quod nihili nulla sint attributa, nulla-*  
*ve proprietates, aut qualitates. Ex hoc enim, quod attribut-*  
*um adesse percipiamus concludimus aliquam rem existen-*  
*tem, sive substantiam, cui illud tribui possit, necessario etiam*  
*adesse.*

Et quidem ex quolibet attributo substantia cognoscitur: sed una tamen est cujusque substantia præcipua proprietas, quæ ipsius naturam essentiamque constituit, & ad quam alia omnes referuntur. Nempe extensio in longum, latum & profundum substantiæ corporeæ naturam constituit; & cogitatio constituit naturam substantiæ cogitantis. Nam omne aliud quod corpori tribui potest, extensionem præsupponit, estque tantum modus quidam rei extensæ, & omnia, quæ in mente reperimus, sunt tantum diversi modi cogitandi. Sic, exempli causâ, figura non nisi in re extensâ potest intelligi, nec motus nisi in spatio extenso; nec imaginatio, vel sensus, vel voluntas, nisi in re cogitante. Sed e contra potest intelligi extensio sine figurâ vel motu, & cogitatio sine imaginatione, vel sensu; & ita de reliquis; ut cuilibet attendenti sit manifestum.

Atque ita facile possumus duas claras & distinctas habere notiones, sive ideas, unam substantiæ cogitantis creatæ,

N n

aliâ

*aliâ substantia corporea; si nempe attributa omnia cogitationis, ab attributis extensionis accuratè distinguamus. Siquis plura in hanc rem desideret legat quoque quæ ad Hobbium scriptæ auctor, & quidem ad Objectionem secundam in Medit. II. ubi inquit: Certum est cogitationem non posse esse sine re cogitante, nec omninò ullam rem sive ullum accidens sine substantiâ, cui inest: cum autem substantiam non immediatè per ipsam cognoscamus, sed per hoc tantum quod sit subiectum quorundam actuum, valde rationi consentaneum est, & usus iubet, ut illas substantias, quas agnoscimus esse subiectum planè diversorum actuum, sive accidentium, diversis nominibus appellemus; atque ut postea, utrum illa diversa nomina res diversas vel unam & eandem significant, examinemus. Sunt autem actus quidam quos vocamus corporeos, ut magnitudo, figura, motus, & alia omnia quæ absque locali extensione cogitari non possunt: atque substantiam, cui illi insunt, vocamus Corpus; nec fingi potest alia esse substantia quæ sit subiectum figura, alia quæ sit subiectum motus localis, &c. quia omnes illi actus conveniunt sub unâ communi ratione extensionis: sunt deinde alii actus, quos vocamus Cogitativos, ut intelligere, velle, imaginari, sentire, &c. qui omnes sub ratione communi cogitationis, sive perceptionis, sive conscientia conveniunt: atque substantiam, cui insunt dicimus esse rem cogitantem sive mentem, sive alio quovis nomine, modo ne ipsam cum substantiâ corporeâ confundamus, quoniam actus cogitativi nullam cum attributis corporeis habent affinitatem, & cogitatio, quæ est ipsarum ratio communis, toto genere differt ab extensione, quæ est ratio communis aliorum.*

X. Ex his satis perspicuum est, quam graves philosopho fuerint rationes, propter quas mentis essentiam in solâ cogitatione sitam esse affirmaverit & per cogitationem ejus naturam, tum ut in se est, tum ut contradistinctam rebus corporeis explicaverit: & cur Cogitationis voce eandem nuncupaverit, cum interim substantiam illam particularem esse, ubi vis, ubi  
*Epist. vi.* ratio ullatenus exigebat, probaverit & declaraverit. Nota  
*Part. II.* hanc in rem ejus verba: *Per cogitationem non intelligo universale*



*sale quid, omnes cogitandi modos comprehendens, sed naturam particularem, quæ recipit omnes illos modos, ut etiam extensio est natura, quæ recipit omnes figuras. Atque hæc verba probè notari velim à novitiis quibuscum Cartesii affectis, qui mentem humanam existimant esse substantiam ex variis cogitandi actibus & modis particularibus conflata, quæ sententia & contra mentem Philosophi est, & multis periculis obnoxia, & adversariis de genuinâ eâque sanâ Cartesii sententiâ malè suspicandi ansam præbet.*

XI. In superioribus autem Cartesii mens candidè & ni fallor, genuinè exposita est; si cui illa minus placent, & rectius quid de mentis humanæ naturâ cognitum habeat, impertiatur: sin minus, veritate illâ inventâ, cujus causâ nobis & philosopho gratulamur, nobiscum utatur, aut saltem nos eâ uti, ne indignè ferat.

XII. Quoniam verò consensum veterum quam maximè efflagitant antagonistæ Philosophi nostri, utpote quorum autoritate sæpe magis nituntur, quam rationibus; libet hæc adjicere insigne testimonium peritissimi inter Christianos Philosophi, Claudiani Mamerci, Episcopi Viennensis, qui circa medium sæculi à Christo nato quinti floruit, & quem Sidonius Apollinaris inter cæteros miris laudibus effert, & in omni Poësi, Philosophiâ & Theologiâ excelluisse scribit. Hic autem Lib. 1. (scripsit autem tres,) de statu Animæ, cap. 24. prorsus consentiens cum Renato, & Mentis Humanæ essentiam in cogitatione collocans; eandem semper cogitare, imò ipsam Cogitationem esse asserit, inter plurima quæ eruditè, & verissimè de Mentis humanæ naturâ disseruit, hæc proferens. *Tu enim (Fauste Regien- sis, contra hunc enim, qui Creaturis nihil incorporei inesse opinabatur, de statu Animæ scripsisse libros Claudianum Mamercum autor est Gennadius Massiliensis) cum dicis aliud esse animam, aliud anime cogitationem; melius fortasse dixisses, illa de quibus cogitat anima; cum de se non cogitat, non esse animam, ipsam verò cogitationem non esse nisi animam: Quia illud quod subiiciendum esse dixisti, eâtenus*

*animam solere requiescere, ut prorsus cogitet nihil, caret vero. Anima nempe variare cogitata potest, non cogitare non potest. Quid autem illud est quod somnare dicimur, nisi quod ne seſo quidem corpore in ſomnosque reſoluto anima vis à cogitationibus vacat. Tota verò ibi eſt, ubi cogitat. Verum tu idcirco vel maximè de anima ſtatu falleris, quia aliud animam, aliud eſſe anima potentias credis. Auguſtini cum philoſopho noſtro conſenſum oſtenderunt quoque viri Eruditi.*

*Quæſtio Quarta. An Carteſio voluntas humana omni modo libera & indeterminata?*

**E**T hæc in parte malè audit Carteſius acſi voluntatis ſive liberi arbitrii vires homini nimis luxurioſè concederet. Ut autem pateſiat quæ circa hanc materiam ejus mens & doctrina ſit, ſcripta ipſius paulò penitius explicanda & expendenda erunt.

II. Menti autem humanæ, ſubſtantiaæ illi cogitanti duas præcipuas attribuit proprietates, alteram percipiendi, alteram judicandi. *Ego, inquit, omnes proprietates animæ refero ad duas præcipuas, quarum una eſt, Perceptio intellectus, alia verò Determinatio voluntatis. A facultate percipiendi fluunt omnes operationes & actiones intelligendi, imaginandi, ſentiendi, reminiſcendi & recordandi, hæ enim omnes ſunt diverſi modi intelligendi. A facultate autem volendi fluunt judicia, inclinationes & appetitus, cæterique diverſi modi volendi ſive motus voluntatis. Facultati autem percipiendi, ne illa inutilis ſit, accedit volendi facultas, ſeu eligendi, ſeu nos ex nobis ipſis determinandi, quæ voluntas aut liberum arbitrium appellatur. Facultas cognoscendi in me eſt, & facultas eligendi ſive arbitrii libertas hoc eſt intellectus & voluntas. Nam voluntas & liberum arbitrium revera ſunt unum & idem; poſſunt tamen aliquo modo diſtingui, ita ut per voluntatem præcipuè intelligamus τὸ εἶναι ἡμῶν, τὸ αὐτοκίνητον, τὸ ἐκείνου, καὶ ἀντιέξαινον hoc eſt id principium, per quod mens ſe determinat de ſeipſâ, omneſque motus, actioneſque omnes*

cxc-

*In notis  
ad Pro-  
gramma,  
& alibi  
paſſim.*

*Medit.  
IV.*

exequitur, quas à nobis ipsis proficisci sentimus: at per liberum arbitrium intelligamus τὸ αἰρετικόν, αὐτοαἰρετον καὶ παρ᾽ αἰρετικόν, hoc est idem id principium, in quantum potentiam habet eligendi.

III. Cæterum essentia sive natura facultatis volendi, de quâ hic loci controversia est, penitus venit enucleanda. Consistit autem illa potissimum in his duobus; *primò*, quod sit principium activum sive potentia & facultas activa, à quâ pendent & fluunt omnes actiones mentis, quas ex seipsâ & per seipsam, postquam intellectus rem percepit, eligit & ad quas se determinat ad amplectendum, aut fugiendum vel ad iudicium suspendendum. Aut si verba ipsius Renati malis, dicit *formalem rationem voluntatis sive arbitrii liber-* *Medit. iv.* *tatis in eò tantum consistere, quod idem facere vel non facere, (hoc est affirmare vel negare, prosequi vel fugere possumus) vel potius in eo tantum, quod ad id quod nobis ab intellectu proponitur affirmandum vel negandum, sive prosequendum vel fugiendum feramur.* Mens autem nostra aut si mavis voluntas rem affirmat vel amplectitur, vel appetit, postquam facultas intelligendi clarè & distinctè percipit eandem esse veram vel bonam. Contrà negat, fugit vel aspernatur, quando intellectus clarè & distinctè percipit rem esse falsam sive malam. Rei denique nec assentitur nec eam amplectitur, quando ab intellectu necdum satis clarè & distinctè percipitur. Quamprimum enim evidens perceptio si ve respiciua cognitio intellectus in mente nostra oritur, mox propensio voluntatis ad affirmandum vel amplectendum consequitur; hæc rursus Cartesius ibidem explicat, exemplo rem declarans: Cum, inquit, *examinarem hisce diebus an aliquid in mundo existeret, atque adverterem ex hoc ipso quod illud examinarem, evidenter sequi me existere, non potui quidem non iudicare illud quod tam clarè intelligebam verum esse, non quod ab aliquâ vi externâ fuerim ad id coactus, sed quia ex magnâ luce in intellectu magna consequuta est propensio in voluntate. Atque ita tanto magis sponte & liberè illud credidi, quanto minus fui ad istud ipsum indiffe-*

*rens.* Atque ut ex evidenti & accuratâ cognitione veritatis consequitur amor ad eandem amplectendam & ipsa realis electio; ita è contra è clarâ & distinctâ perceptione falsitatis fugam & aversionem falsitatis debere sequi manifestum est. Quando autem intellectus rem nondum satis clarè & distinctè percipit indifferens est ad assentiendum vel dissentiendum vel ad iudicium suspendendum. Cum, inquit rursus Renatus, *nulla adhuc intellectui meo ratio occurrit, quæ mihi unum magis, quam aliud persuadet, certe ex hoc ipso sum indifferens ad utrumlibet affirmandum vel negandum, vel etiam ad nihil de eâ re iudicandum.* Deinde confilit natura voluntatis in eo, quod adedò libera sit, ut citra contradictionem nec determinatio ab extrinseco principio sive *coactio*, quâ invita aliquid velle censeretur, ei ascribi possit; In eo enim formalis ratio voluntatis sita quoque est, *quod ad id, quod intellectus affirmandum vel negandum, prosequendum vel fugiendum proponit, ita feramur, ut a nullâ vi externâ nos ad id determinari sentiamus*, ut mox Cartesius dicentem audivimus: nec determinatio ab intrinseco principio sive necessitas naturæ, ita ut absque *παραπείσει*, absque præelectione & allubescentiâ aliquid brutorum instar sequeretur: nam quamvis voluntas infallibiliter sequatur & amplectatur verum, quod clarè cognoscit, (saltem cum debito modo procedit voluntas,) nihilominus liberè id semper facit, & absolutè loquendo posset id non facere; nam, ut inquit philosophus, *nobis sæpe liberum est, ut cohibeamus assensionem, etiamsi rem percipiamus.*

In Notis  
ad Progr.  
circa finem.

IV. Ex his jam ita expolitis breviter voluntatis naturam in hunc modum delineamus; nempe *Potentiam activam & electivam, per quam mens se determinat liberè id est citra ullam coactionem & ex præelectione ad affirmandum aut negandum, ad faciendum, aut non faciendum aliquid circa omnes actiones, in quibus electio aliqua & iudicium locum habere potest.*

V. Doctrinam autem hanc de voluntate sive libertate attribuii juxta rei veritatem & mentem Renati propositam alii  
pror-

prorsus vanam & falsam esse clamitant: alii eandem non quidem omni ex parte falsam, sed nonnullis in partibus veritati repugnare dicunt: alii denique varias sententias sanæ philosophiæ & orthodoxæ religioni contrariantes è scriptis ipsius vel perperam intellectis vel in perversum sensum malevolè detortis eliciunt, & Philosopho affingunt.

VI. Quantum ad primos attinet, hi omnes liberi arbitrii vires in homine negant, mentemque nullam seipsam liberè determinandi potestatem habere existimant, atque ita se omni rationis suæ ulu privant. Verum hi homines propriæ conscientiæ testimonium rejiciunt, & experientiæ, quam in se satis manifestè deprehendunt, aut sanè deprehendere possent & deberent, reclamant; insitas enim à naturâ notiones negant; *Quod enim in voluntate nostrâ sit libertas, & multis ad arbitrium vel assentiri vel non assentiri possimus, adeò manifestum est, ut inter primas & maxime communes notiones, quæ nobis sunt innata, sit recensendum.* Adhuc ut hi homines revera refutatione & ulteriori, quàm ipsa natura exhibet, institutione indigni prorsus sint; & jure Cartesius Gassendo libertatem arbitrii neganti probationem denegaverit: inquit: *Qua postea de indifferentiâ voluntatis negas, etsi per se manifesta sint, non tamen coram te probanda suscipere; talia enim sunt ut ipsa quilibet apud se debeat experiri potius quam rationibus persuaderi: Tuque, ô caro, ad ea quæ mens intra se agit non videris attendere. Ne sis igitur libera, si non lubet, ego certè meâ libertate gaudebo; cum & illam apud me experiar & à te nullâ ratione, sed nudis tantum negationibus impugnetur.* Majoremque apud alios forte merebor fidem, quia id affirmo quod expertus sum, & quilibet apud se poterit experiri, quam tu qui idem negas ob id tantum quod forte non experta sis. *Quamquam etiam evinci possit ex tuis verbis te id ipsum esse expertam &c.*

VII. Difficulus itaque hi homines ad sanio rem mentem reduci possunt, utpote qui propriæ testimonio conscientiæ diffidunt; & cum huic diffidant, cui fidem adhibebunt? quo-

Principp.

p. 1. §. 39.

Respp.

Quintis ad

Medit. IV.

ad num. 3.

quo argumento convinci poterunt? Si tamen sanari cupiunt; en medium. Sciant imprimis se non satis accuratè ad ulla mentis suæ actiones attendisse, & quoniam hac in parte nimium negligentes fuerunt, excutiant veternum; considerent & perpendant vel unicâ vice satis attentè, an non factum aliquod integro vitæ cursu perpetrarint, cujus pœnitentiâ ducti fuerint; non puto quemquam ad eò induratum aut à ratione alienum fore, qui id negare ausus fuerit: quod si autem quis pœnitentiâ affectus & motus fuerit; unde est? inde procul dubio, quod potuerit & debuerit secus facere, quam fecit, & facere potuit ac debuit. An autem hinc non satis fatetur, & ipse clarè videt, nisi de industriâ cœcutiat, quod potentiam habuerit faciendi aliud, quam quod fecit? si enim non habuit; quid facti ipsum pœnituit? Atque proinde sponte, licet inscius, satis fatetur, se potentiam habuisse eligendi bonum, malo isti quod commisit contrarium, id est fatetur se habuisse voluntatis libertatem seu liberum arbitrium, quæ nihil est nisi potentia eligendi.

VIII. Gemina autem potissimum reperitur causa, quæ eos in hunc induxit errorem, quod voluntatis suæ libertatem negent. Prior est, eaque præcipua, quod quandoquidem concipere nequeunt, quomodo Divina providentia cum libero hominis arbitrio conciliari possit, alterutrum negandum & tollendum esse existiment; cum autem propter reverentiam, quam religioni deferunt, (non loquor enim jam de iis, qui à fide Christianâ ita alieni sunt ut Fato & duræ necessitati omnia subjiciant: ) Providentiam negare non audent, hinc credunt se obligatos ad denegandam & auferendam sibi ipsis voluntatis libertatem. Sed hæc de re infra latius acturi sumus & ex Philosopho nostro quantum fieri potest eum nodum soluturi, ac ostensuri quâ ratione liberum arbitrium nostrum cum providentiâ divinâ stare possit, & quomodo voluntas, licet à Deo dependens, nihilominus libera remaneat.

VIII. Altera causa, eaque minus quidem gravis; sed  
ta-

tamen satis quoque ardua, quæ ipsos de arbitrii sui libertate dubitare facit, hæc est, quod concipere nequeant, quomodo voluntas infallibiliter affirmet verum, & amplectatur bonum, quod intellectus probè perceptum illi repræsentat, cum posset interim voluntas absolute loquendo idem licet clarè repræsentatum negare & fugere. Ut autem hæc difficultas tollatur; *primo* probè perpendendum est de quibus rebus voluntas propriè deliberat ut agat, & circa quas libertatem suam agendo exercere possit. Deliberamus autem & libertatem voluntatis exercemus circa res naturales non circa res æternas & quæ Deum ejusque essentiam concernunt. Neque tamen circa res naturales omnes, sed circa eas, quæ in nostrâ potestate sitæ sunt & quæ sub actionem nostram cadunt, atque ita per nos fieri possunt, & exitum habent incertum, adeo ut in utramque partem contingere possint ut moveri, & non moveri, affirmare & negare, prosequi & fugere, appetere res necessarias & non appetere, mentiri & non mentiri, dare & non dare, lætari & non lætari, virtutes exercere civiles & non exercere, imò in genere physicè agere & non agere. Sed libertati voluntatis non sunt subjeçtæ, verum ab ejus dominio & imperio exemp:æ res naturales necessariæ, quæ vel sub solam contemplationem cadunt, et circa quas actiones non exercemus, uti sunt objectæ scientiarum, scilicet Metaphysicæ, Physicæ, Mathematicæ, & reliquarum, quæ sunt necessaria: vel quæ semper eodem modo fiunt certo destinatoque naturæ cursu, ut revolutiones tempestatesque quatuor annorum. Nec subsunt voluntatis imperio res contingentes, quæ à solâ naturâ pendunt; sive quamplurimum fiant, licet non eodem modo, ut sexagenarium canescere; sive ancipiti conditione indifferenter fiant, ut pluere, ningere, grandinare, fulminare, tonare; sive rarò fiant, ut in senectute juvenili esse robore: nec illæ quæ fortuito fieri dicuntur, ut divitem vel pauperem evadere; item piscando invenire aureum tripodem; vel casu, ut à regulâ decidente detecto occidi. Nec denique nostræ subjacent voluntati, quæ ab aliorum homi-

De Naturâ  
Homin.  
Cap. XL.

num consilio & voluntate dependent. Ad hæc autem cum non attendant multi homines, qui libertatem voluntatis in omnibus promiscuè rebus sine ullo discrimine statui putant; quod cum ipsi observarent fieri nequaquam posse; hinc omnem voluntatis libertatem homini denegârunt. Hoc vidit & observavit summus inter antiquos Philosophus Nemescius, qui hoc sensu scribit: *Plerique quod liberam voluntatem, & potestatem in omni re agendâ, & comparandâ, atque etiam omni fortunâ dici arbitrantur, verosimili ratione sermonem de solutâ & liberâ hominis voluntate improbant.* Aut si propria ipsius græcè mavis verba, ita sonant; Οἱ δὲ πολλοὶ νομίζοντες λέγεσθαι τὸ αὐτεξέσιον ἐπὶ πάσης πράξεως καὶ κτήσεως ἢ τύχης, ἀποδοκιμάζουσιν ἐκόντως τὸν λόγον. *Secundò*, probè distinguendum est inter libertatem in actionibus voluntatis, antequam exercentur, aut eo, quo exercentur, momento. Certum autem est libertatem consideratam in actionibus antequam illæ exercentur, comprehendere indifferentiam positivam, id est eam, quâ pollemus facultate determinandi nos ad contrariorum alterutrum, hoc est ad prosequendum aut fugiendum, ad affirmandum aut negandum unum idemque. Nam experimur voluntatem nostram, antequam à nobis determinata est, semper liberam esse & potentiam habere eligendi contrariorum alterutrum. Sed si libertatem consideremus in voluntatis actionibus quo momento exercentur, indifferentiam nullam continet; nec positivam, quam jam explicui; nec eam, quæ est status animæ, quum mens nihil clari, nihil distincti in objecto videt, & quum voluntas propterea non majorem habet propensionem ad partem unam, quam aliam prosequendam vel fugiendam, affirmandam vel negandam; quoniam id quod fit, non potest non fieri eo tempore, quo fit. Itaque libertas tum consistit tantum in facultate operandi, quæ prout augetur, augetur libertas; tum autem agere liberè sive libenter, aut voluntariè sunt unum idemque. Et quo mens pluribus rationibus adducitur ad aliquid prosequendum vel fugiendum, affirmandum vel negandum, tanto liberius & proniori ac vehementiori voluntatis



tatis motu aliquid efficimus. Confer Cartesium *Epist. CXI I. primi voluminis.*

I X. Ut autem dilucidius pateat, quomodo, etiamsi evidentissima aliqua ratio alterutrum perluadeat, ita ut voluntas inclinet ad unam partem amplectendam, absolutè tamen loquendo contrariam partem eligere possit, exemplo rem declaremus. Homo famelicus, qui magno cibi desiderio tenetur, eundemque jam coram se præparatum videt, etsi moraliter loquendo vix se à sumendo cibo temperare possit, absolutè tamen loquendo potest; præsertim si cogitet se abstinendo à cibo arbitrii sui libertatem velle testari.

X. Exercitium autem hujus libertatis, etsi in rebus civilibus aliquando fortassis ului esse possit, uti ex. gr. homini guloso ad regiam mensam accumbenti, ut à nimia edendi aviditate & voracitate se absteineat: noxium tamen est in veritatis inquisitione, ubi semper evidentissimis rationibus cedendum est & claræ intellectus perceptioni assensus voluntatis nequitiam denegandus, nisi in Scepticismum & ἀκαταληψίαν omnimodam vel in errores ineluctabiles incidere velimus. Sexti enim Empirici ea velana ad discipulos suos, ut eos in omnimodā ἐμπειρίαν detineret, admonitio erat, ne rei etiam clarè & evidenter perceptæ assensum voluntatis adhiberent, sed iudicium etiam tum suspendere. Cum aliquis, inquit, rationem adfert, quam destruere non possumus, illi dicemus, ante naturam eius, qui sectam, cui se dedit, introduxit, eam rationem, quam secta ea ipsi præbet, bonam non esse visam, & tamen ea ratio in rerum naturâ non desinebat esse, quamvis cognita non esset: sic etiam fieri potest, ut ratio, quæ eam destruit, quam adfert, in rerum naturâ inveniatur, quamvis nondum cognita sit; atque ideo non oportet cedere rationi, quam adfert, utui fortis etiam hoc tempore videatur.

XI. Sunt quoque, - ut diximus, alii, qui Cartesii de Libero Arbitrio doctrinam non quidem omnino falsam, sed nihilominus falsis absurdisque opinionibus permixtam esse criminantur. Hi autem primò reprehendunt quod Intelle-

ctum potentiam *passivam* faciat, voluntatem autem *activam*; nam cum considerant voluntatem non posse aliquid determinare (si saltem legitime & bene agat) nisi lumen intellectus præcefferit, adeo ut intellectus quasi fax sit, quam voluntas sequatur, ita ut se determinet juxta perceptionem ab intellectu factam. Hæc, inquam, dum considerant, voluntatem potentiam *passivam* dicere malunt, quam *activam*. Sed fallunt fallunturque: nam licet verum sit Intellectus perceptionem voluntatis determinationem præcedere, atque ita quasi facem præferre, non tamen instat Dominæ, sed ministræ id facit, heræ suæ lucem præferentis. Et si intellectus naturam probè consideremus, satis cognoscimus quod *passivè* se habeat in ordine ad suas perceptiones, quum rerum ideas recipit; *recipere* autem ipsi Aristoteli ejusque sequacibus *passio est*. Cui insuper & hoc accedit, quod Intellectus de nullâ re cogitare aut perceptionem aliquam facere possit, nisi voluntas cogitandi licentiam illi concedere velit.

XII. *Deinde* in Renato & hoc culpant quod contra aliorum philosophorum penè omnium consensum judicium voluntati, non verò intellectui ascribat. Sed noverint illi non ex aliorum mente, sed ex rei naturâ & rationibus de veritate esse judicandum: jam verò si considerent præter evidentem perceptionem, quæ semper præcedere debet judicium, affirmationem & negationem ad formam judicii constituendam requiri, & in nostrâ potestate sæpe esse (uti mox ostendimus exemplo hominis famelici) ut inhibeamus assensum etiam tum cum rem clarè percipimus; hinc facile judicare potuissent ipsum actum judicandi, qui non nisi in assensione, id est affirmatione & negatione consistit, non ad perceptionem intellectus, sed ad determinationem voluntatis esse referendam. Propter has autem rationes scribit Cartesius se permotum fuisse, quod non ad intellectum, sed ad voluntatem judicandi actum retulerit, uti videre est in *Notis ad Programma Regii*.

XIII. Contendit quidem Hobbesius alienum esse à vo-  
lun-

luntate credere vel assensum præbere, quoniam convicti rationibus volentes nolentes credimus: *Non modo scire aliquid verum esse, inquit, sed & credere, vel assensum præbere aliena sunt à voluntate: nam quæ variis argumentis probantur, vel ut credibilia narrantur, volentes nolentes credimus.* Respondet Cartesius: *Cum hic dicitur, nos rebus clare perceptis volentes nolentes assentiri, idem est ac si diceretur; nos bonum clarè cognitum volentes nolentes appetere: verbum enim nolentes, in talibus non habet locum, quia implicat nos idem velle & nolle.*

XIII. Alii rursus alios eosque graviores errores Cartesio imputant, & quidem tales quæ in Sacram Scripturam impingunt & veritati orthodoxæ contrariantur: Dicunt autem Philosophum cum Pelagio Liberi arbitrii vires in bono spirituali homini ascribere. Sed falsam illam criminationem jam vivus ipse diluit Cartesius, ubi ait: *Bona illa actiones de quibus loquor non sunt intelligenda ex mente Theologorum, qui de gratiâ agunt, sed tantum secundum Philosophiam moralem, in quâ hæc gratia non consideratur. Quapropter nequit mihi obijci Pelagianorum error: aut certe non melius, quam si exinde quod dicerem sufficere ut quis sit recto iudicio pradius, ad hoc ut sit vir bonus: obijceretur requiri insuper sexum, quod à feminis distinguitur, hoc enim non venit ad rem.*

*Epistola  
ex. primi  
vol.*

Quartam autem Meditationem, ubi potissimum voluntatis sive Liberi Arbitrii naturam describit, restringit ad solam contemplationem & dijudicationem veri & falsi, quæ fit lumine naturæ. *Advertendum est nullo modo agi de peccato vel errore, qui committitur in persecutione boni & mali, sed de eo tantum qui contingit in dijudicatione veri & falsi. Nec ea spectari quæ ad fidem pertinent, vel ad vitam agendam, sed tantum speculativas, & solius luminis naturalis ope cognitæ veritates.*

*Synops.  
M. dis.  
Quarta.*

In Responsionibus Quartis idem anxie inculcat: *Quod verò in quartâ Meditatione tantum egerim de errore, qui committitur in dijudicatione veri & falsi: non autem de illo*

qui contingit in persecutione boni & mali: quodque ea quæ ad fidem pertinent atque ad vitam agendam exceperim, cum asserui, nulli nos rei assentiri debere, nisi quam clare cognoscamus, totius scripti mei contextus ostendit; & expresse etiam in responsione ad secundas Objectiones numero quinto explicui; nec non & in synopsi pramonui. Ex his satis perspicuum quam falsò advertarii Cartesio affingunt, quod liberum arbitrium in rebus spiritualibus & Theologicis homini attribuat; cum disertè monet & pluribus quidem in locis, se de rebus Theologicis nihil velle determinare per suam Philosophiam, quæ solo lumine naturæ nititur.

XIV. Quod si tamen scire libet, quomodo se hæc res habeat, paucis dicimus; Homini revera datam esse libertatem à Deo; à quâ etiamnum actus physicè reales, sive boni procedunt; sed eum post peccatum vim producendi realitates, ut ajunt, morales, sive potius verè spirituales amisisse, adeò ut Restauratore sit opus. Post malum enim admissum libertas, tanquam vis indita à Deo menti humanæ, manet virtute Divini placiti & positionis: sed vis illa quoad res spirituales impedita, sopita, in malum statum demersa est, & in injustitiâ detenta.

XV. Objiciunt quoque Cartesio quod Gratiam Divinam non agnovit, sed ejus efficaciam tulit. Hoc elicere conatus est Marelius è Cartesii verbis, ubi scribit.

*Principp. Summa quadam in homine perfectio est, quod agat per voluntatem, hoc est liberè; atque ita peculiari quodam modo, sit auctor suarum actionum, & ob ipsas laudem mereatur. Non enim laudantur automata, quod motus omnes ad quos instituta sunt accuratè exhibeant, quia necessario illos sic exhibent; laudatur autem eorum artifex, quod tam accurata fabricarit, quia non necessario, sed libere ipsa fabricavit. Eademque ratione, magis nobis profectò tribuendum est, quod verum amplectamur, cum amplectimur, quam si non possemus non amplecti. Sed nulla heic gratiæ fit mentio, nec de eâ ullo modo agitur; sed Cartesius hominem extollit supra res artificiales, quod liberè libertate nempe intrinsecâ actiones*

nes physicas & civiles peragat, & non necessitate intrinsecâ, veluti res artificiales motus suos exhibent. Nec loquitur de veritate à Deo revelatâ, sed de veritate quæ contemplando percipitur, quam quia liberè amplectimur & sponte ac voluntariè, id melius & præstantius est, quam si necessitate naturæ adacti amplecteremur. Imo adeò manifestò falsa est hæc accusatio, quam Marelius art. 30. Dissertationis suæ de Abusu Philosophiæ Cartesianæ proponit, ut expressissimis Cartesii verbis repugnet, quibus perspicuè Divinæ gratiæ certitudinem & efficaciam asserit, scribit enim in Medit.

4. *Nos tantò liberius eligere alterutrum, si Deus intima cogitationis nostræ ita disponat.* Imo Gratiâ divinâ lumini naturali præfert, & voluntatem ab illâ ad assentiendum efficacius sæpe moveri, quam à lumine naturæ, asserit: *Notandum est*, inquit, *claritatem sive perspicuitatem, à quâ moveri potest nostra voluntas ad assentiendum, duplicem esse, aliam à lumine naturali, aliam à gratiâ Divinâ.* Iam verò etsi fides vulgò dicatur esse de obscuris, hoc tamen intelligitur tantum de re sive de materiâ circa quam versatur, non autem quod ratio formalis propter quam fidei assentimur sit obscura: Nam contra hæc ratio formalis consistit in lumine quodam interno, quo à Deo supernaturaliter illustrati confidimus ea quæ credenda proponuntur ab ipso esse revelata, & fieri planè non posse ut ille mentiatur; quod omni natura lumine certius est: Et sæpe etiam, propter lumen gratiæ evidentius. Nec ii qui mea legent, putare poterunt me istud lumen supernaturale non agnovisse, cum valdè expressis verbis in ipsâ quartâ Meditatione, in quâ causam falsitatis investigavi, dixerim, illud intima cogitationis nostræ disponere ad volendum, non tamen minuere libertatem.

XVI. Obtrudunt quoque Cartesio, quod Indifferentiam sive liberum arbitrium ex sententiâ Jesuitarum doceat & defendat. Docent autem Jesuitæ & cum iis Philosophorum vulgus liberum arbitrium esse facultatem, quâ possitis omnibus ad agendum requisitis potest homo agere & non agere, aut ita agere unum, ut contrarium agere possit.

Hanc

Hanc autem facultatem liberi arbitrii ita exponunt, ut præcipuè ad res Theologicas illam accommodent, asserantque tantas in homine liberi arbitrii vires, ut etiamsi Deus moveat mentem humanam ad assentiendum veritatibus à se revelatis, & ad operandum ea bona, quæ per gratiam suam conscientia Deus tanquam bona ostendit, quod homo nihilominus possit dissentire ac de facto sæpe dissentiat, ita ut possit illud bonum non agere, ac de facto sæpe non agat. Atque ita *Scientiam mediam, Decreta Conditionata & Concursum Universalem* atque *Indifferentem* & plura id genus impia commenta introducunt, & Deum ab homine suspendunt, hominemque principalem salutis æternæ causam constituunt.

XVII. Ut autem dilucidius pateat, quanta inter impiam Jesuitarum Doctrinam & eam quam proposuit Renatus, intercedat discrepantia; utramque inter se in præcipuis capitibus conferamus. *Primo*, Jesuitæ præcipuè & unice penè Liberi Arbitrii vires extendunt ad res Theologicas; Cartesius loquitur quam maximè & ubique ferè de rebus naturalibus & quidem solummodo de contemplativis sive de dijudicatione veri & falsi in speculando, non de persecutione boni & mali, quoad res morales sive verè spirituales. Uti suprà in Synopsi Meditationis Quartæ & in Epist. cx. primi voluminis se explicuit. *Secundo*, Jesuitæ & vulgus Philosophorum negant gratiæ efficaciam & certitudinem, eidemque gratiosè hominem intus moventi posse resisti dicunt; Cartesius contrà gratiam seu lumen supernaturale mentem humanam efficaciter ad assentiendum movere statuit, cum tantò liberius nos assentiri dicit, quando divina gratia intima cogitationis ita disponit. Quæ verba prorsus concidunt cum illis Synodi Dordracenæ, *Quod Deus ad intimam hominis penetret*: atque Apostoli: *Quod Deus ipsum velle ac perficere in nobis operetur*. *Tertio*, Cartesius statuit ac docet tantam esse libertatem, quantam eam Deus per suum decretum constituit, ait enim *nefas esse existimare aliquid unquam à nobis fieri, quod à Deo non sit præordinatum*. Quinimò asserit *Dei potentiam, per quam non tantum omnia,*

Pag. 303.

Phil. 2. 13.

Princ.

part. 1.

art. 40.

Art. 41.

eiusdem

Partis

omnia, qua sunt aut esse possunt, ab aeterno praevidit, sed etiam voluit ac praordinavit, esse infinitam. Et alibi disertis Art. verbis dicit, res aliquas ex Arbitrio nostro pendere, quia CILVI. Divinae Providentiae decretum eas ex eo pendere voluit. Re- Part. 2. de jicienda est, inquit, penitus vulgaris opinio, extra nos da- Passion. ri Fortunam, qua efficiat ut res contingant vel non contin- Anima. gant, ut ei lubet; & sciendum omnia dirigi à Providentiâ Divinâ, cujus decretum aeternum, adeò infallibile & immutabile est, ut exceptis iis qua idem Decretum voluit pendere ex nostro arbitrio, cogitare oporteat respectu nostri nihil evenire quod necessarium non sit, & quadantenus fatale. Adeò ut his in locis citatis manifestissimum sit Arbitrii nostri libertatem ab efficacissimo Dei Decreto, aeternâ voluntate, infallibili praescientiâ ac praordinatione pendere juxta mentem Cartesii, cui apprimè convenit cum Augustino, qui voluntatis nostra libertatem tantum valere ait, quantum Deus eam velle voluit, atque praevidit. Jesuitæ contra scientiam Dei mediam & Decreta conditionata sacrilegè introducunt, & ea ab hominum voluntate & à conditionibus, quæ ab homine fiunt, suspendunt. Quartò denique Jesuitæ & vulgarium Philosophorum s. h. liberum Arbitrii formalem rationem consistere docent in Indifferentiâ, qua est potentia faciendi aliquid; etiam positis omnibus praequisitis. Cartesius contra formalem rationem libertatis, in eo potius constituit, quod mens attempta in contemplatione alicujus rei, quàm jam clarè & distinctè illius bonitatem vel veritatem videt, adeò ut nulla supersit dubitandi ratio, seipsam determinet ad bonitatem vel veritatem illam amplectendam, quoniam infallibiliter se jungit bono vel vero, quod ita cognitum habet; atque ità minimè itatuit positis praequisitis omnibus conditionibus voluntatem nostram adhuc agere vel non agere posse? Nam Indifferentiam insimul gradum libertatis appellat, quæ in mente reperitur, quum ea rei veritatem vel bonitatem nondum clarè & distinctè percipit; aliàs nos sæpe quàm maximè liberos esse asserit, quum minimè indifferentes sumus. Ne- Medit. IV. que enim opus est, inquit, me in utramque partem ferri

P P

posse

De Civ.  
Dei. lib. v.  
Cap. 9.

posse ut sim liber, sed contrà quò magis in unam propendeo, si-  
 ve quia rationem veri & boni in eà evidenter intelligo, si-  
 ve quia Deus intima cogitationis meae ita disponit, tanto li-  
 berius illam eligo; nec sanè divina gratia, nec naturalis  
 cognitio unquam imminuunt libertatem; sed potius augent,  
 & corroborant. Indifferentia autem illa, quam exerior, cum  
 nulla me ratio in unam partem magis, quam in alteram im-  
 pellit, est infimus gradus libertatis: & nullam in eà perfe-  
 ctionem, sed tantummodo in cognitione defectum, si-ve nega-  
 tionem testatur; nam si semper quid verum & bonum sit clà-  
 re viderem, nunquam de eo quod esset iudicandum vel eligen-  
 dum deliberarem; atque ita quamvis plane liber, nunquam  
 tamen indifferens esse possem.

LXVII. Imò quomodo mens tum saltem indifferens est,  
 quando deest illi cognitio; & contrà quomodo non est in-  
 differentis, quando rem evidenter cognoscit, explicat in  
 Epistolâ CXI. primi voluminis, ubi de naturâ volun-  
 tatis hunc in modum fusè disserit: *Quod ad liberum ar-  
 bitrium, prorsus sentio cum R. P. atque ut sententiam meam  
 clarius explicem, velim primò notari, indifferentiam mihi  
 videri proprie significare statum istum in quo voluntas repe-  
 ritur, cum illa non fertur ullâ cognitione veri & boni ad  
 partem unam potius quam aliam amplectendam; illamque hoc  
 sensu sumpsi, ubi dixi infimum libertatis gradum in hoc con-  
 sistere, quod possimus nosmet determinare ad eas res ad quas  
 sumus prorsus indifferentes. Sed forsàn per indifferentiam alii  
 intelligunt positivam hanc, quâ pollemus, facultatem deter-  
 minandi nos ad contrariorum alterutrum hoc est ad prosequen-  
 dum aut fugiendum, ad affirmandum aut negandum unum  
 idemque. Atque hic dicam me nunquam negasse quin positi-  
 va hæc facultas esset in voluntate. Contra enim existimo eam  
 adesse non solum, quoties voluntas determinat se ad istud genus  
 actionum, in quibus nullo rationis pondere in unam potius  
 quam in aliam partem inclinatur; sed etiam in omnibus ejus  
 actionibus; ità ut voluntas nunquam se determinet, quin il-  
 lam exerceat; eoque, ut etiam, cum evidentissima aliqua ra-*



tio nos ad aliquid inclinat, licet moraliter loquendo vix possumus contrarium facere; tamen absolute loquendo possumus: est enim semper nobis liberum, abstinere à prosequendo bono aliquo, quod sit nobis clarissime notum, aut ab admittendâ veritate quâpiam evidente; modo solum cogitemus bonum esse hoc ipso testari arbitrii nostri libertatem. Præterea advertendum est libertatem considerari in actionibus voluntatis aut antequam illa exerceantur, aut eo quo exercentur momento. Certum autem est libertatem consideratam in actionibus voluntatis antequam illa exerceantur, comprehendere indifferentiam in secundo sensu, prout illam modo exposui, non verò sumptam in priore: hoc est voluntatem nostram antequam determinata fuerit, semper liberam esse, & potentiam habere eligendi contrariorum alterutrum: at verò illa non est semper indifferens; contra enim nunquam deliberamus, nisi ut nos eo statu eximamus, in quo nescimus quam amplectamur, aut certè ne in illum incidamus. Et quanquam iudicium nostrum alienis imperiis opponendo, soleamus dicere nos esse liberiores in iis quæ nobis imperata non fuerunt, & in quibus proprium iudicium sequi liceat, faciendis, quam in iis, quæ nobis aut imperata, aut interdicta fuerint; nihilominus iudicia nostra sive cogitationes alias aliis opponendo haud possumus eodem modo dicere nos esse liberiores in iis faciendis, quæ nobis neque bona neque mala videntur, aut in quibus tantundem videmus mali, quantum boni; quam in iis in quibus longè plus boni quam mali. Libertatis enim magnitudo consistit aut in magno usu positivæ huius potentia, quam habemus, sequendi deteriora, etiam cum meliora videmus. Atque si ea amplectamur quæ ratio nostra nobis suadet esse bona, tum nos faciliè admodum determinamus; si verò contrarium, maiorem tum potentia istius usum facimus: atque ita liberius semper agere possumus in iis rebus, in quibus plus boni quam mali videmus, quàm in iis quas vocamus indifferentes. Atque etiam hoc sensu verum est dicere, nos multò minus liberè ea facere quæ nobis imperata fuerunt & ad quæ ultrò nequaquam ferremur, quam ea quæ nobis non fuerunt imperata:

quâ nempe iudicium quod nobis suadet ista esse difficilia, adversatur alteri iudicio quod nos monet, bonum esse ea facere, quæ iussu fuerunt; quæ quidem duo iudicia, quò æquabilis nos movent, eò etiam magis indifferentiam inducunt, eò sensu sumptam, quo primum explicui, hoc est indifferentiam eam quæ voluntatem constituit in eo statu in quo se determinare nequeat. Iam autem libertas considerata in voluntatis actionibus, quo momento exercentur, indifferentiam nullam continet, quomodocunque sumatur; quia id quod fit, non potest non fieri eo tempore quo fit: itaque libertas tum consistit tantum in facilitate operandi, quæ prout augetur, augetur & libertas: tum autem agere liberè, sive libenter, aut voluntariè sunt unum idemque. Atque hoc sensu scripsi me eo liberius ad aliquid ferri, quo pluribus rationibus ad id adductus fuerim, siquidem certum est voluntatem nostram moveri tum facilius & vehementius.

In allegatis autem hisce dilucidè, ut solet, & solidè explicat, quâ ratione *Indifferentia* quodammodò *Negativa* in voluntate est, cum nempe propter inevidentiam boni & mali non fertur ad partem unam potius, quam aliam amplectendam? & quâ ratione quoque *Indifferentia positiva*, quæ facultas est, quâ valemus nos determinare ad contrariorum alterutrum, in voluntate nostrâ reperitur. Concedit autem hanc posteriorem facultatem in voluntate reperiri & tum cum voluntas spontaneo motu se determinat ad tales res sive actiones, ad quas nullo rationis pondere magis quam ad alias fertur. Imò concedit hanc *positivam Indifferentiam* exerceri à voluntate in omnibus actionibus quotiescunque voluntas se determinat; eamque voluntatis potentiam tantam esse, ut voluntas, etiam cum evidentissima ratio contrarium suadet, absolute tamen ad contrarium se determinare possit; sed non obscurè indicat hoc rarius fieri, & vix aliter quam cum voluntas libertatem suam testati vult. Deinde, distinguendo inter actiones antequam exercentur & eo quo exercentur momento, docet *Indifferentiam positivam* in prioris generis actionibus semper habere locum, sed

sed *indifferentiam* quodammodo *negativam* non itidem, quoniam antequam se determinat voluntas propter rationis evidentiam, sæpius magis in unam quam in aliam partem inclinatur; atque ita indifferens non est negativè, quoniam non amplius est in statu neutro, sed clarè quid in re est videt. In actionibus autem posterioris generis id est eo quo exercentur momento, nullam reperiri *Indifferentiam positivam*, nec eam, quam diximus, quodammodo *negativam*. Ex *παρόδῳ* autem explicat, quomodo dicamur liberes in iis, quæ nobis non sunt imperata, quam in iis quæ vel imperata vel interdicta sunt, & quomodo interim respectu nostrorum iudiciorum æquè liberi sumus in tali occasione, quod ostendit exponendo in quo magnitudo voluntatis sive liberi arbitrii consistit. Ex his satis patet quantum discrepet à Jesuiticâ indifferentiâ sententia philosophi nostri. *Primò*, Jesuitæ dicunt positis omnibus prærequisitis, id est ut explicant ipsi, Deo movente voluntatem, nos adhuc habere potentiam eligendi contrariorum alterutrum: Philosophus autem *Indifferentiam* illam positivam obtinere posse dicit, cum ratio evidentissima contrarium suadet; nusquam dicit, Deo etiam movente illam locum in voluntate habere, sed contrà omnia absolutè à Dei voluntate dependere & juxta nutum ipsius ac gratiam disponentem omnia fieri. *Deinde*, Jesuitæ docent libertatem illam à voluntate sine ullo discrimine semper exerceri posse; Philosophus contrà illam *Indifferentiam positivam*, ubi ratio evidens persuadet, difficulter exerceri à voluntate asserit, & non nisi cum arbitrii nostri libertatem testari volumus, quod & rarò accidit & in veritate inquirendâ noxium est. Porro Jesuitæ censent formalem rationem libertatis arbitrii in eo consistere, quod alterutrum eligere valeat, philosophus contrà ostendit à voluntate indifferentiam illam sæpè abesse, & voluntatem eò liberius sæpè agere, quò facilius se determinat & actum jam operatur.

XV. In Epistolâ verò cxv. ejusdem voluminis scriptâ ad Jesuitam quandam rursus explicat, *Primò*, quomodo voluntatem

tatem indifferentem dicat. *Deinde* concedit quidem Jesuitæ quemlibet posse suspendere judicium: sed negat id fieri eo sensu quò Jesuita vult, nempe positis omnibus prærequisitis. Docet enim Renatus ex magnâ luce in intellectu sequi magnam propensionem in voluntate; adè ut voluntas non possit non sequi lucem illam sive evidentem rationem, quæ proponitur ab intellectu. Quod si autem contingat, ut contrarium judicet voluntas evidenti isti rationi, aut potius contrarium judicare videatur; id non fieri nisi ob aliam rationem, quam intellectus deinde voluntati proponit, & quam voluntas judicat bonam, quoniam memoria priorem rationem jam non amplius satis accuratè suggerit. Porro docet indifferentiam sive positivam se determinandi facultatem in voluntate quoque esse, cum nos liberè determinamus propter evidentem rationem; quod probat exemplo beatorum confirmatorum in gratiâ, qui omninò liberè se determinant, & voluntariè quicquid agunt, faciunt; quorum exemplo & nos liberos oportet dici, quotiescunque voluntariè aliquid facimus, siquidem liberum hoc loco idem est quod voluntarium. Atque ex his redarguit Jesuitam, quod restringat vocem libertatis ad potentiam se determinandi cum indifferentiâ, id est, ut semper agere & non agere possimus, conjunctam; ubi jam contrarium patuit, quod nempe liberè quoque nos determinemus cum ad unam partem quam maximè inclinamus, juxta exemplum beatorum in gratiâ confirmatorum. Subjicit *denique* in fine, ipsum vocis *Indifferentia* receptum usum pro se militare, quoniam statum animæ neutrum & dubium significat; non autem positivam ad contrariorum alterutrum se determinandi in mente facultatem. Audiamus ipsa philosophi verba: *Primum quæso attendas, inquit, me non dicere; hominem non esse indifferentem, nisi ubi cognitio illi deest; sed illum eo magis esse indifferentem, quo pauciores rationes novit, quæ illum ad partem unam, potius quam aliam amplectendam moveant; quod quidem à nemine negari posse mihi videtur. Tecum autem sentio in eo, quod dicis posse quemlibet suspendere judicium suum;*

suum; sed conatus sum explicare modum quo id fieri possit. Mihi enim videtur certum esse ex magnâ luce in intellectu, sequi magnam propensionem in voluntate. Ita ut quandâ clarissimè videmus rem aliquam esse nobis convenientem, difficillimum, imo & ut credo, impossibile, quamdiu manet in nobis ista cogitatio, ut desiderii nostri cursum teneamus. Verum quia natura anima ea est, ut non nisi uno quasi momento attentionem suam prabeat uni eidemque rei: ut primum abducitur attentio nostra à rationibus, quæ suadent hanc rem esse nobis convenientem, nec aliud in memoriâ asseruimus, nisi quod illa visa est nobis optabilis: possumus denuo menti exhibere aliam aliquam rationem, quæ de eâ nos dubios faciat, atque ita iudicium nostrum suspendere, imò & forsân ejus contrarium facere. Atque ita cum non statuas libertatem præcisè in indifferentiâ, sed in potentiâ quâdam reali & positivâ determinandi se, nulla est inter opiniones nostras differentia nisi in verbis; fateor enim hanc potentiam esse in voluntate: sed quia non video quod illa, dum comitem habet indifferentiam, (quam quidem imperfectionem esse fateris) alia sit, quam cum non habet; & quia nihil est in intellectu præter lumen, quemadmodum in intellectu beatorum confirmatorum in gratiâ, illud omne generatim liberum dico, quod est voluntarium: tu autem vis appellationem istam restringere ad potentiam se determinandi, quam comitatur indifferentia. Sed ego nil æquè cupio in vocabulis ac usum & exemplum sequi.

XVI. Denique gravissimæ hallucinationis, imo impiæ sententiæ reum agunt Cartesium, objectantes eum *Actiones voluntatis nostræ à Deo independentes* statuere; ad quam intringendam criminationem nihil addere necesse foret, præter ea quæ in thesi antecedente ἐν παρώδῳ ex ipso Cartesio & κατὰ τὸ πρῶτον citata & per legitimas consequentias deducta sunt; ea enim satis dilucidè objectam hanc accusationem falsitatis convincunt. Sed quoniam criminationi hæc admodum gravis, & res de quâ disceptatur maximi momenti est, operæ pretium nos omnino facturos arbitror, si atrocem hanc criminationem ex instituto penitus diluamus.

Conan-

Conantur autem antagonistæ veritatem suæ objectionis probare ex artic. 41. Principp. part. 1. ubi Cartesius scribit, *Deum hominum actiones indeterminatas relinquere*; quibus verbis omnimodam actionum nostrarum à Deo independentiam doceri contendunt.

Ut autem de mente Cartesii probè constet allegatum §. 41. & antecedentem penitus perpendere opus est; sonant autem hoc modo. *Sed quia jam Deum cognoscentes tam immensam in eo potestatem esse percipimus, ut nefas esse putemus existimare, aliquid unquam à nobis fieri posse, quod non ante ab ipso fuerit præordinatum; facile possumus nos ipsos magnis difficultatibus intricare, si hanc Dei præordinationem, cum arbitrii nostri libertate conciliare, atque utramque simul comprehendere conemur.*

*Illis vero nos expediemus, si recordemur mentem nostram esse finitam; Dei autem potentiam, per quam non tantum omnia, quæ sunt aut esse possunt, ab æterno præscivit, sed etiam voluit ac præordinavit, esse infinitam: ideoque hanc quidem à nobis satis attingi, ut clare ac distinctè percipiamus ipsam in Deo esse; non autem satis comprehendi, ut videamus quo pacto liberas hominum actiones indeterminatas relinquat; libertatis autem & indifferentiæ, quæ in nobis est, nos ita conscios esse, ut nihil sit quod evidentius & perfectius comprehendamus. Absurdum enim esset, propterea quod non comprehendimus unam rem, quam scimus ex naturâ suâ nobis esse debere incomprehensibilem, de aliâ dubitare, quam intuitimè comprehendimus, atque apud nosmetipsos experimur.*

Sentus dictorum huc redit: In art. 40. affirmat certum esse omnes nostras actiones à Dei potentiâ esse præordinatas; sed quoniam ea Dei potentia immensa est, asserit nos in inextricabiles prolapsuros esse difficultates, si hanc Dei præordinationem, quæ ab immensâ illâ potentiâ provenit, cum arbitrii nostri libertate ita conciliare studeamus, ut non tantum quid sit arbitrii nostri libertas plenè & accuratè percipere, sed simul quoque præordinationem sive decretum Dei comprehendere id est adæquatè & perfectè intelligere ten-

telligere tentemus. In art. autem 41. docet, quâ ratione istas difficultates non modo evitare, sed iis intricatos nos extricare valeamus, nempe si memores sumus mentem nostram esse finitam; contra potentiam Divinam, per quam non tantum omnia, quæ sunt aut esse possunt, ab æterno præscivit, sed etiam voluit ac præordinavit, esse infinitam: & proinde immensam illam potentiam & præordinationem seu decretum efficax in Deo esse, satis à nobis percipi; sed quomodo per istam potentiam, præscientiam, voluntatem & præordinationem omnes nostras actiones Deus indeterminatas relinquat id est pro lubitu nostro à nobis fieri permittat, à nobis non posse satis comprehendi; quoniam uti dictum est, illa potentia, per quam omnes res præteritas, præsentis & futuras decrevit, infinita est; nos verò finiti, qui infinitum comprehendere non possumus. Addit porro nos libertatis tamen & indifferentiæ in voluntate nostrâ, non obstante illâ incomprehensibilitate præordinationis & prædefinitionis Divinæ, satis conscios esse, aded ut eam negare non possimus, neque etiam debeamus; licet difficultas sit in comprehendendo, quomodo præordinatio Divina, (quæ suâ naturâ, quia infinita est, nobis finitis est incomprehensibilis) cum nostri arbitrii libertate possit conciliari.

XVII. Antedicta autem ita intorquere, ac si per ea actionum humanarum independentia à Deo asseratur, ingens sanè malevolentia est. Contrarium enim admodum disertè & sollicitè inculcat Philosophus, nempe omnes actiones nostras, imò omnia quæ sunt aut esse possunt id est res existentes pariter & possibiles à Dei infinitâ potentiâ, infallibili præscientiâ, efficacissimâ voluntate & immutabili præordinatione sive decreto dependere; aded ut Dei respectu ab ipsius æterno decreto quæcunque sunt & fiunt, vel esse & fieri possunt sine ullâ exceptione certissimè & infallibiliter determinata sint, eâ præcisè ratione quâ existunt & fiunt, vel existere & fieri possunt, quam *determinationem extrinsecam* quidam appellant: respectu autem nostri per idem illud decretum actiones nostræ indeterminatæ relin-

Q q

quan-

quantur; (uti ex art. 146. partis 2. de Passionibus Animæ suprà liquidò vidimus: ) ità ut *determinationem* in nobis ipsis, quam *intrinsicam* vocant, nullam experiamur, quoniam ex prælectione & allubescentiâ citra ullam necessitatem coactionis & naturæ mens nostra ad omnia se liberè determetur & illa ager: quam libertatem homini de negare, est eundem in bestiam & stipitem transformare.

Interim & hoc certum manet non posse à nobis perfectè percipi nec explicari, quomodo idem Dei decretum omnes nostras actiones & res cæteras infallibiliter præordinaverit eâ præcisè ratione, quâ fiunt; & quomodo simul easdem illas actiones nobis indeterminatas sive liberas reliquerit, quod utrumque planius adhuc exponere conabimur.

XVIII. Ut autem falsitas affictæ ab adversariis Cartesio sententiæ, quod nempe actiones humanæ voluntatis à Deo independentes statuatur, dilucidius patefiat, alia quoque loca, in quibus de hâc materiâ ex professo tractat, alleganda sunt; in quibus una difficilis ille nodus, quomodo nempe ab infallibili Dei præscientiâ, efficacissimâ voluntate, immutabili præordinatione ac æterno decreto omnia & libera pariter & necessaria, ipsaque nostra voluntas dependeat, & quomodo nihilominus libera remaneat; in quibus, inquam, ille nodus adeò feliciter solvitur, ut omnis *irreprehensibilis* ac perversæ super hâc momentosâ quæstione opinionis suspicio longissimè propulsetur.

Inprimis autem illud probè considerari velim, quod Philosophus unicam & universalem omnium omnino sine ullâ exceptione rerum Deum causam & auctorem faciat, qui *per unicam semperque eandem & simplicissimam actionem* *omnia simul intelligit, vult & operatur.* Omnia, hoc est, *res omnes: neque enim vult malitiam peccati, quia non est res: adeò ut Deus solus omnium, quæ sunt aut esse possunt, vera sit causa.*

Imò ipsas æternas & Mathematicas veritates, ideò saltem æternas & veras esse asserit, quia Deus eas tales esse cognoscit & vult. Insignis autem de hâc materiâ alibi locus est, ubi ait



ait: *Metaphysicas quaestiones in Physicâ meâ, attingam, pra-* Vol. 2. E.  
*feram vero hanc, veritates nempe Mathematicas quas ater-* pist. 104.  
*nas appellas, fuisse à Deo stabilitas, & ab illo pendere non*  
*secus quam reliquas creaturas. Reverâ de Deo loquuntur, tan-*  
*quam de Jove aut Saturno aliquo, illumque Stygi & facto*  
*veritatis, qui dicunt has veritates esse ab illo independentes.*  
*Ne verearis, quaeso, profiteri ubique & asserere has leges à*  
*Deo fuisse in naturâ positas, non secus quam rex aliquis le-*  
*ges in regno suo constituit. Et alibi: Quantum ad veritates ater-* Epist. 112.  
*nas, dico iterum illas esse tantum veras aut possibiles, quia* vol. 1.  
*Deus illas veras aut possibiles cognoscit; non autem contrâ*  
*veras à Deo cognosci, quasi independentes ab illo sint vera.*  
*Et si homines verborum suorum sensum probè intelligerent;*  
*utique non possent sine blasphemiâ dicere veritatem cujuspiam*  
*rei priorem esse cognitione Dei; in Deo enim unum idemque*  
*est velle & cognoscere; ita ut hoc ipso quod aliquid velis,*  
*ideò cognoscat, & ideò tantum talis res est vera. Non est*  
*ergo dicendum, quod si Deus non esset, nihilominus ista veri-*  
*tates essent vera; Dei enim existentia est veritatum omni-*  
*um possibilitium prima, & maximè aeterna, & sola unde re-*  
*liqua omnes procedant. Sed ratio, cur in hoc hallucinari pro-*  
*clive sit, est, quod maxima pars hominum non consideret Deum,*  
*ut ens infinitum & incomprehensibile, atque unicum autho-*  
*rem à quo omnia pendeant: sed in nominis ejus syllabis hæ-*  
*rent, & putant se satis cognoscere illum, modò sciant vo-*  
*cabulum Dieu idem significare, atque id quod Deum Latini*  
*dicunt, quodque ab hominibus colitur. Certè qui subli-*  
*miore hisce cogitationes non habent, haud agrè Athei fieri*  
*possunt; & quia Mathematicas veritates perfectè comprehen-*  
*dunt, non vero existentiam Dei, minime mirum est; si non*  
*credant, illas ab hac pendere. Sed contrâ judicare deberent,*  
*quod, quandoquidem Dei potentia intellectus humani termi-*  
*nos excedit, istarum autem veritatum necessitas cognitionem*  
*nostram non superat, sequatur illas esse minus quid, & po-*  
*tentia huic incomprehensibili subordinatas. Ex quibus satis*  
*patet, quod statuatur omnes omnino veritates, quæ ideas,*

essentias, proprietates omnium eorum quæ ipse Deus non sunt, concernunt, sive existant, aut saltem concipiuntur, sive ad Mentium naturam aut ad corpora, eorumve motus regulas, ad figuras, aut ad numeros, aut ad alia quævis referantur, tales esse quia Deus eas tales constituit. Et Deus eas concipit & cogitat tales, non quod ex se se sint tales immutabilesque, sed quod Deo placuerit eas tales statuere; adeo ut veritates illæ sint dependentes à Dei placito & veræ, quia Deo eas placuit sic statuere. Omnes igitur res, ut uno verbo absolvam, cujuscunque naturæ & conditionis ex fuerint (ipsam proinde quoque voluntatem nostram) propter solam Dei voluntatem & esse, & tales quales sunt esse, asserit cum Augustino dicente, *Quia vides* (sive cogitas) *ea sunt*: vel quia placent ea sunt.

XIX. Quantum autem hæc lux veritatis præstat tenebris vanæ philosophiæ otiosorum & fabulorum Scholasticorum, qui cum Deum ejusque opera (verba insignis è Palatinatu Philosophi & Theologi mea facio) pro objectis suarum cogitationum despicerentur, figmentis suis inhiantes, nobis cuderunt horribilem scientiam, quam Metaphysicam vocârunt: non eam quidem quæ in cognitione Dei & præcipuarum realitatum, sive veritatum & operationum ab ipso positarum consistens, verissima haberi debet, ad quam etiam quæ hic existant referri posse confido; sed nonnullam aliam quæ sit de Ente Universalissimo, de Essentiâ, de attributis transcendentalibus, Uno, Vero, Bono, &c. ita ut hæc scientia præscindat à Cognitione Dei & rerum cæterarum, imò eam præcedat: unde quæ concludit attribui possint omni enti sive creato sive increato, infimo & summo. Quasi scilicet cognosci possit aliqua, sive veritas, sive bonitas, sive essentia, cujus fundamentum essenziale & ratio vera atque solida non esset Dei placitum! Quasi veritas ut positiva independens esset consideranda, aut contradistingui posset à Dei dependentiâ & voluntate, cum hoc ipsum sit! Horribile est, quod doceatur aliquid veri de creaturis postea prædicandi, esse considerandum ut trans-

transcendens respectum ad Dei dependentiam & voluntatem sive placitum. Tenebræ transcendentales sunt isthæc noxiumque figmentum dari talem notitiam verè fundatam de re verâ, sive talem scientiam eamque omnium primam, de Ente, Verò, Bono &c. quo sic homines magis magisque affuiscerent omnia spectare ut non dependentia à Deo: Cum tamen omne verum sit à Deo, omnisque certitudo in Dei notitiâ fundata.

XXI. Cum autem hæc verissima Cartesii mens sit, ut in antecessum dilucidè conspiceretur licuit, an ne extremæ malevolentia & summæ perversitatis manifestum est iudicium, obtrudere huic viro quod voluntatis nostræ actiones independentes à Deo statuerit? cum contra primus sit ille, qui tenebras illas ex philosophiâ, unde in Theologiam Scholasticam & omnia transcederant, discussit.

XXII. Cæterum, ut omne contradicendi cacoëthes profligetur & pertinacia adversariorum retundatur; audiamus Cartesium de ipsâ nostrâ voluntate ejusque à Deo dependentiâ differentem. Insignis locus est in Epist. 8. primi volumin. ad Principem Palatinam Elizabetham: *Rationes omnes, quæ Dei existentiam probant, illamque primam esse & immutabilem causam omnium effectuum, qui à libero hominum arbitrio non pendent, mihi videntur probare illum etiam esse causam actionum omnium, quæ à libero arbitrio pendent. Non enim demonstrari potest, quod existat, nisi consideretur ut Ens summè perfectum; non esset autem summè perfectum, siquid in mundo fieri posset, quod ab illo omnino non procederet: verum quidem est solâ fide doceri nos, quid sit gratia illa, per quam Deus ad beatitudinem supernaturalem nos evehit; sed ex solâ naturali philosophiâ colligere licet, non posse animum humanum vel minimam cogitationem subire, quin velit Deus & ab æterno voluerit. Neque hic locum habet Scholastica distinctio inter causas universales & particulares; ratio enim cur sol, cum florum omnium causa universalis sit, non sit tamen causa quod tulipa à rosis differant, est, quod earum productio à quibusdam aliis causis ipsi non sub-*

*ordinatis, pendeat; verum Deus ita est rerum omnium univ-*  
*ersalis causa, ut sit earum etiam totalis, & sic alique ejus*  
*voluntate fieri nihil potest.* Quertis in hoc textu verbis atie-  
 rit actiones omnes, quæ à libero hominum arbitrio pendent,  
 à Deo ut primâ & immutabili omnium rerum causâ depen-  
 dere, siquidem Deus est ens summè perfectum, quod non  
 esset, si quid in rerum naturâ fieret, quod ab eo non pro-  
 veniret; quinimò ipsam mentem humanam, nullam, ne mi-  
 nimam quidem, posse subire cogitationem, quin Deus ve-  
 lit & ab æterno voluerit, ut mens eam subiret; quoniam  
 Deus omnium omnino rerum ita causa universalis est, ut  
 simul totalis omnium etiam particularium effectuum sit,  
 adeò ut à nullâ causâ externâ ullâ ratione impulsus tuerit,  
 sed pro sólo suo beneplacito & agat & ab æterno egerit, &  
 omnia constituat ac constituerit.

XXIII. Præstantissimus & subtilissimus philosophus  
 Lud. Forgéus in erudito suo de Mente Humanâ Tractatu  
 non levem hic errat errorem, ex nimio Pontificiæ Religionis  
 amore seductus; statuit enim Deum, cum decerneret  
 quid voluntas nostra liberè actura esset; primum prævidisse  
 quomodo voluntas nostra in tali circumstantiâ se determi-  
 naret, & postquam jam vidisset, quomodo mens nostra se  
 determinaret, tum demum voluisse & statuisse ut ea abso-  
 lutè sic contingerent. Atque ita Deum dependentem crea-  
 turam ejusque actiones à Deo independentes & Dei decre-  
 to priores revera facit. Quæ reliquæ sunt ex tenebris phi-  
 losophiæ Scholasticæ & Pontificiæ religionis fermento residuæ,  
 ab orthodoxo & sano philosopho cane pejor & angue detestan-  
 dæ. Sanior Forgéo & orthodoxæ veritati addictior Cartesius  
 omnimodam voluntatis nostræ ejusque actionum dependen-  
 tiam inculcat & quomodo nihilominus liberæ remaneant, loco  
 citato docuit; & rursus in sequenti Epistolâ ad eandem Prin-  
 cipem idem defendit; *Quantum ad liberum arbitrium, si ad nos*  
*tantum attendamus, fateor non posse nos illud non putare*  
*independens; sed cum ad infinitam Dei potentiam ani-*  
*mus advertimus, non possumus non credere omnia ab illo*  
*pen-*

pendere, & proinde liberum nostrum arbitrium imperio ejus solutum non esse. Implicat enim contradictionem Deum creasse homines ejusmodi natura; ut voluntatis eorum actiones ab ejus voluntate non pendeant; quia idem est ac si quis diceret potentiam ejus finitam esse simul & infinitam: finitam, cum aliquid sit, quod ab illo non pendet; infinitam vero, cum potuerit hanc rem independentem creare. Sed quemadmodum existentia Divina cognitio non debet liberi nostri arbitrii certitudinem tollere, ita neque liberi nostri arbitrii cognitio existentiam Dei apud nos dubiam facere debet. Independentia illa, quam experimur atque in nobis persentiscimus, & qua actionibus nostris laude vel vituperio dignis efficiendis sufficit, non pugnat cum dependentiâ alterius generis, secundum quam omnia Deo subjiciuntur.

XXIV. Atque ita vidimus philosophum tum ex naturâ Dei, tum ex naturâ omnium rerum creatarum ipsiusque voluntatis nostræ perspicuè & solidè demonstrasse voluntatem nostram ejusque actiones à Deo dependere; & refractarium insuper hujus veritatis adversarium deductione ad incommodum sive absurdum convictum esse; & licet præcisè, quâ ratione voluntas nostra à Deo dependeat & libera nihilominus remaneat, comprehendere nequeamus, quia tamen solidis rationibus firmissimè demonstratum est, rem ita, uti dictum est, se habere, nequaquam negari debet. Assertum quoque est independentiam sive libertatem à necessitate naturæ & à coactione, quam in nobis experimur & persentiscimus, non pugnare cum dependentiâ illâ, quâ omnia à Deo ut à causâ primâ universali & totali dependent eique subjiciuntur.

XXV. In Epistolâ autem decimâ ad Principem Elizabetham dilucido exemplo declarare nititur, quâ ratione & dependens à Deo & simul libera maneat humana voluntas. Si rex aliquis, inquit, edicto monomachiam prohibuisset, & certissimè sciret duos quospiam ditionis suæ nobiles diversarum urbium incolas inter se dissidere, sibi que mutuo ita infensos esse, ut si alter in alterum incidere nihil obstare pos-

Vol. I.

possit, quo minus decerent; si inquam rex iste illorum uni mandatum daret, ut versus urbem illam profisceretur, quam aliter incolit, daretque etiam alteri mandatum eundem versus illum locum, in quo prior ille versaretur, certò novit non posse illos sibi mutuo obviam non fieri, proindeque non certare, atque ita edictum eius non violare; neque tamen illos ad hoc cogit, ejusque cognitio, imò & voluntas illos ad id hoc modo determinandi, non obstat quin utrò, & aq̃e liberè uterque pugnet, ac pugnasset, si nihil horum rescivisset, aut alià quavis occasione illi in se mutuo incidissent, adeoque iure licet in illos animadvertere, ob violatum edictum. Quod autem licet Regi de subditorum suorum quibusdam liberis actionibus facere, (notentur probè, quæ sequuntur) id Deus, qui præsentiâ, & potentiâ infinitâ pollet, de omnibus hominum actionibus facit: & antequam nos in hunc orbem mitteret, exactè noverat, quales essent futura voluntatis nostræ propensiones omnes; illas enim ipse nobis indidit: cetera etiam extra nos ita disposuit, ut hæc & illa objecta se sensibus nostris hoc & illo tempore obicerent quorum occasione scivit fore, ut liberum nostrum arbitrium nos ad hoc vel illud determinaret: Id ergo sic voluit, sed noluit tamen nos ad hoc cogere. Et quemadmodum in isto Rege distingui possunt duo diversi voluntatis gradus, unus, quo voluit, ut duo hi Nobiles decertarent, cum fecerit ut in se mutuo, inciderent; alius verò, quo id noluit, cum monomachiam edicto prohibuerit: Sic Theologi distinguunt in Deo voluntatem unam absolutam & independentem, quâ vult, ut omnia fiant prout sunt; aliam verò relativam, quæ ad hominum meritum aut delictum refertur, per quam vult ut legibus suis obtemperetur.

XXVI. Hæc autem, quæ in antecessum dicta fuerunt, adedò clarâ veritatis luce radiant, ut adversariorum ora prorsus obstruant, & omnem hæreticæ opinionis inustam injuriolè maculam penitus abstergant, & Philosophum orthodoxæ hæc quoque in parte religionis tenacem fuisse evincant.

De Civ. Dei. Prorsus enim consentit cum Augustino: Quapropter & Lib. v. c. 9. voluntates nostræ tantum valent, quantum Deus eas valere vo-

voluit atque præcivit: & ideo quicquid valent certissime valent: & quod factura sunt ipsa omnino factura sunt: quia valituras atque facturas ille præcivit, cujus præscientia falli non potest. Et cum Calvinò: Dei providentiâ, non cælum modo ac terram, & creaturas inanimatas, sed hominum etiam consilia & voluntates gubernari sic asserimus, ut ad designatum ab eâ scopum rectâ ferantur. Et cum Wetteravici in Synodo Dordracenâ Theologis: Voluntas hominis per essentiam suam semper manet libera, etiam quando ad unum determinatur, neque hanc libertatem tollit necessitas illa quæ pendet ex Dei decreto.

Instit. Lib.  
1. c. 16. §.  
8.

In Abisp.  
195. p. 2.

Quæstio Quinta. An Cartesio voluntas humana sit infinita, & quoad objecta Divina adequata?

**E**T hanc arrogantem inter veteris doctæ sententiam Philosophum fovisse clamitant; idque satis constare ex Medit. 4. verbis sequentibus: Nec verò etiam queri possum quod non satis amplam & perfectam voluntatem sive arbitrii libertatem à Deo acceperim: nam sanè nullis limitibus illam circumscribi experior. Et quod valde notandum mihi videtur, nulla in me sunt tam perfecta, aut tanta, quin intelligam perfectiora, sive majora adhuc esse posse; nam si, exempli causâ, facultatem intelligendi considero, statim agnosco perexiguam illam & valde finitam in me esse, simulque alterius cujusdam multò majoris, imò maxima, atque infinita ideam formo, illamque ex hoc ipso quod ejus ideam formare possim, ad Dei naturam pertinere percipio. Eadem ratione si facultatem recordandi, vel imaginandi, vel quælibet alias examinationem, nullam planè invenio, quam non in me tenuem & circumscriptam, in Deo immensam esse intelligam, sola est voluntas, sive arbitrii libertas, quam tantam in me experior, ut nullius majori ideam apprehendam; adeò ut illa præcipuè sit ratio cuius imaginem quandam, & similitudinem Dei referre me intelligo. Imò illud manifestissimè patere inquirunt ex art xxxi 1. part. prim. Princip. ubi scribit. Intellectus perceptio non nisi ad ea pauca, quæ

R r

illi

*illi offeruntur se extendit, estque semper valde finita: Voluntas vero infinita quodammodo dici potest: quia nihil unquam advertimus, quod alicuius alterius voluntatis, vel immense illius quæ in Deo est, obiectum esse possit, ad quod etiam nostra non se extendat. In allegatis enim ex Meditatione quarâ satis validum crinigationis fundamentum & argumentum se reperisse jactitant, quippe Renatum asserere ajunt tantam se libertatis arbitrii live voluntatis ideam in se experiri, ut majorem nullius apprehendat, adeoque eam prorsus infinitam faciat, Deique voluntati adæquatam, & hinc eum mox subdere & inferre voluntatem nostram tantam esse, ut illa præcipue sit ratione cujus imaginem quandam & similitudinem Dei referamus.*

Quinimo ex citato in Principiis loco dilucidè Cartesium voluntatem absolute infinitam facere, cum eam ad omnia Divina voluntatis objecta se extendere expressis verbis scribit.

II. Verum ubi genuinum istorum Cartesii verborum sensum eruerimus ejusque mentem asseruerimus, falsa illa Sycophantarum interpretamenta facillimè evanescent. *Sola, inquit, est voluntas sive arbitrii libertas, quam tantam in me experior, ut nullius majorem ideam apprehendam.* Quibus verbis *ερεοςχλω* facultatis volendi sive libertatis arbitrii supra cæteras omnes, quæ in nobis inveniuntur, facultates, puta intelligendi, recordandi, imaginandi, sentiendi & siquæ sint aliæ, evehit & extollit. Quippe Intellectus admodum tenuis, circumscriptus & limitatus; Voluntas contrà ingens, latè patens, imò nullis, quo ad objecta quæ ipsi offeruntur, coarctata limitibus. Intellectus enim noster valde exiguus, & finitus ad pauca tantum objecta se extendit, ea nimirum quæ intelligit, & verâ perceptione attingit, præter quæ infinita sunt, ad quæ se non potest extendere, nempe ad illa omnia, quæ vel penitus ignorat, vel saltem majori ex parte non percipit, & ad quorum aliqualem cognitionem non nisi longo studio & serio conatu per partes proficere potest; sed voluntas contra



trā se ad omnia omnino objecta, quæ ipsi offeruntur, itā extendit, ut circa ea actum suum exercere possit; non tantum circa clarè intellecta, sed etiam quocunque modo apprehensa, ea vel volendo, vel nolendo, vel circa ea iudicium suspendendo, prout ipsi lubet. Et quandoquidem illa spontaneitas se determinandi in voluntate tanta est, hæc ratione asserit, nos *præcipue Dei imaginem quandam & similitudinem referre*, quoniam facultas illa minus limitata, circumscripta & quodammodo infinita, nos maxime similes reddit Deo simpliciter infinito & nullis essentiae terminis circumscripto, quam intellectus valde limitatus. Libertatis igitur idea, quā quodvis sine exceptione objectum propriā spontaneitate, ab omni coactione immunes, velle aut nolle possumus, tanta est ut nullius maiorem ideam apprehendamus. Hæc est enim mens Cartesii, quod in spontaneitate illā se liberè determinandi suam voluntati Dei parem faciat divinamque humanā maiorem concipi neget, quod nec Dei voluntas nec sua *externa potentia determinantur*. Audiamus enim ipsum Philosophum porro differentem: *Non tamen, ait, in se formaliter & præcisè spectata maior videtur Divina, quia tantum in eo consistit, quod idem vel facere vel non facere (hoc est affirmare vel negare, prosequi vel fugere) possimus; nempe libertate exercitii sive contradictionis, quā vel hoc vel illud liberè eligimus*. Et ne Theologi quætionem moverent de eo, quod voluntatem nostram indifferentem faciat ratione persecutionis boni & mali, præcidit illas controversias; ut jam antea in Synopsi hujus Meditationis se facere præmonuerat; corrigit enim quasi seipsum, asseritque se tantummodò de *affirmatione & negatione*, atque hæc ratione de *persecutione & fuga*, quæ *solas speculativas & solius luminis naturalis ope cognitæ veritates* concernunt, heic agere; propterea ut planius mentem exponeret, addidit; *Vel potius in eo tantum, quod ad id quod nobis ab intellectu proponitur affirmandum vel negandum, sive prosequendum vel fugiendum ita feramur, ut a nullā vi externā nos determinari sentiamus*. id est in im-

munitate à coactione. Quid? An non hæc verba manifestant veritatem continent? si enim intrinseca voluntatis natura in eo consistat, ut sponte velimus, liberi ab omnibus causis determinantibus, quæ impedimento esse possunt, ne liberè in & à nobis excitemus operationem voluntatis, & ne velimus, quod volumus. Quæ quidem voluntas si in nobis sit, manifestum est, ea quidem in parte Divinæ voluntati nostram similem esse. *Cum enim voluntas*, uti loquitur Philosophus, *in unâ tatum re, & tanquam in indivisibili consistat, non videtur ferre ejus natura, ut quicquam ab illâ demi possit; illud autem indivisibile, in quo præcisè & formaliter voluntas consistit, est libertas à vi externâ sive immunitas à coactione.* Potestne igitur quisquam de intrinseca voluntatis naturâ aliud quid concipere, quam hanc jam dictam libertatem? Et confesso, in Deo quoque voluntatem esse, in eo tertio voluntas Divina & humana sibi similes sunt, quod liberæ sint ab omnibus causis extrinsecus determinantibus, quæ impedimento esse possint, ne volentes velint, atque in se excitent operationes, quas velle appellamus: neque ulterius tendit Cartesius. Et quis non agnoscit in voluntate vi liberè agendi à Deo donatâ, esse revera aliquid incomprehensibile & infinitum, & quasi statum creaturæ excedens, quod non potest nisi singularissimo modo Deum ipsum, & quasi immediatè, repræsentare, ut hoc sensu *quasi particula sumus Divina aura*, & specialissimè ejus feramus imaginem. Ostendant itaque, siquid inferre contra Philosophum velint antagonista, quid nostræ voluntati ademptum sit, ut divinâ illâ major sit, in quantum præcisè & formaliter tantum spectatur. An Deus magis immunis est à coactione, quam nos in actibus voluntatis liberis? An nos minus immunem à coactione voluntatem habemus? At habemus omninò immunem. Et si ullâ vel minima coactio esset, non esset planè libera à coactione, adeoque nec voluntas. Poteruntne igitur dare ideam majoris libertatis & immunitatis à coactione, eâ quæ est simpliciter sine omni exceptione immunis? At talis est voluntatis

tatis nostræ: Ergo nullius majoris datur idea, nempe quatenus in indivisibili constituta est.

III. Ex genuinâ autem hâc nostrâ sententiæ Cartesianæ explicatione liquidò apparet, eum homini non omnimodam, sed tantummodò, uti expresse dicit, *quandam imaginem, non similitudinem adequatam & exactam, sed analogicam* solummodò ascribere, disertè enim rursus inquit Pass. Parte III. art. 152. *Præter solas actiones dependentes ex isto arbitrio, nihil est unde possimus cum ratione laudari vel vituperari; illudque nos quodammodo reddit Deo similes, nos nostri Dominos faciendo.* Et quia itaque nostrâ voluntas Divinæ tantum imago quædam est, hinc est veluti tabula, delineamenta umbratilesque designationes voluntatis Divinæ possidens; neque enim necesse est ut delineamenta illa in se possideant eandem perfectiones rei, quam repræsentant, alioquin jam non tabulæ, sed originale ipsum forent, non *εἰκὼν*, sed *ἀρχεῖτυπον*, qualis imago est solus Filius Dei, *ἀνέκωκυμα τῆς εἰκὸς τοῦ πατρὸς καὶ ἀπαρίτης τῆς ἀπειροῦς αὐτοῦ.* *Effulgentia gloria Dei & expressa vivaque substantia illius imago.* Et si itaque voluntas nostra in tertio illo supradicto cum Divinâ conveniat, à Divinâ tamen in infinitum aliàs distat, & ab illâ quoad perfectiones, quæ in illâ sunt excellentissimæ, longissimè superatur; quippe ut ipse Cartesius mox subdit; nam *major absque comparatione voluntas in Deo*, quam in nobis, tum ratione *cognitionis & potentia*, quæ illi adjunctæ sunt, redduntque ipsam magis firmam & efficacem, tum ratione *objecti*, quoniam ad plura se extendit. Quæ verba subdolè intacta præterierunt adversarii, utpote impiam illam sententiam falsò ab illis fuisse Cartesio impactam dilucidè evincentia, Deique voluntati eminentes prærogativas præ voluntate humanâ disertè vendicantia; & proinde paulò latius à nobis deducenda. *Primò itaque majorem agnoscit Divinam voluntatem ratione Cognitionis*, quia Deus in universum omnia sine ullâ exceptione cognoscit, & in unaquâque re rationem verî & boni, eamque in se independentem, in reliquis omni-

bus à suâ voluntate dependentem, perspicit, atque ita se & omne bonum verumque constantissimâ & firmissimâ voluntate diligit. Hæc autem conditio, quoniam in humanâ voluntate deficit, hinc homo ad multa voluntate suâ prorsus non fertur, quoniam ea non cognoscit; vel non ut debet fertur, quoniam rationem veri & boni satis clarè non perspicit; vel mutabiliter minusque constanter fertur, quoniam amore suo sæpè aliò, & ad res revera non bonas & veras declinat; & proinde hæc primâ conditione voluntas humana Divinæ variis modis dispar & non adæquata. *Secundò* Majorem divinam voluntatem asserit ratione *Potentie*; Deus enim absolutè potens quicquid vult & facere potest, & revera efficit atque operatur; cumque nihil velit nisi bonum & verum, illud solum & illud omne solo voluntatis nutu efficacissimè exequitur: atque hæc secundâ conditione deficit quoque humanâ voluntas, utpote quæ multa vult, sed propter defectum virium perficere nequit. *Tertiò* ratione *Objecti* ea est Divinæ voluntatis prærogativa, quod unico & simplicissimo actu omnia omnino simul novit & vult, quippe cum infinito intellectu est, non opus habet, ut unum post aliud sibi proponat, novosque actus intellectus vel voluntatis eliciat. At humanus intellectus valdè finitus, uti omnia, quæcunque percipit, diversis actibus cognoscit, sic quoque nunquam omnia intellectui simul proponere potest: & voluntas ad ea, quæ nullo modo ab intellectu proponuntur, actu se nunquam extendit, etsi posset, si proponerentur; adeò ut hæc tertiâ conditione voluntas humana quoque deficiat. Quibus adde quod *Dei voluntas sit absolutissimè liberrima* quoad res omnes creatas; *nostra autem xatâ n libera* quoad actiones tantum nostras: *Divina est prorsus independens, nostra dependens*: *Divina suapte jure, nostra ipsius indultu & concessu se determinat*.

VI. Dilutâ in antecedentibus sinistrâ interpretatione verborum quartæ Meditationis, videamus jam an felicius lux criminacionis patrociniû in citato ex Principiis loco inveniant præposterî hi judices. Judicant autem in illis istius articuli dictis

dictis Philosophum homini ascribere voluntatem, quæ quoad objecta æquè latè pateat, quam ipsa voluntas Divina, adeò ut veluti hæc infinita est absolutè, pari modo & humana ab ipso statuatur infinita, ita ut nulla sint objecta quæ attingit voluntas Divina, quin eadem etiam humana sibi proponat. Cæterum manifesta hæc est verborum mentisque Cartesii perversio, quippe ità loquitur: *Et quidem intellectus perceptio, non nisi ad ea pauca, quæ illi offeruntur, se extendit, estque semper valde finita. Voluntas verò infinita quodammodo dici potest: quia nihil advertimus, quod ali-cujus alterius voluntatis vel immensa illius, quæ in Deo est, objectum esse possit, ad quod etiam nostra se non extendat.*

1. Scopus Philosophi non est voluntatem humanam comparare cum Divinâ, sed tantummodo cum intellectu humano, respectu cujus, utpote qui *valde finitus* est, voluntas *quodammodo infinita* dici potest; nequaquam igitur *absolutè infinita* est, ne quidem respectu intellectus nostri, nedum respectu Dei, cum quâ heic non nisi ex occasione comparatur. Probat autem 2. voluntatem respectu intellectus *infinitam quodammodo* posse dici, quoniam ad ea, quæ intellectus non nisi confusè & perobscurè cognoscit, se actu extendit; adeò ut circa res plurimas intellectui nostro impervias & incomprehensibiles, tanquam circa propria objecta occupari valeat. 3. Utque hanc voluntatis præ intellectu latitudinem probeat, affirmat, quod voluntatis nostra se ad omnes res, quæ vel voluntatis angelicæ vel etiam Divinæ objecta esse possint, extendat; hæc tamen conditione ut objecta illa quodammodo ipsi ab intellectu offerantur & proponantur, *nihil enim unquam advertimus* live intellectu percipimus, *ad quod non nostra etiam voluntas se extendat.* Sed quoniam notissimum est intellectum nostrum non ad omnia voluntatis angelicæ, nedum Divinæ objecta unquam ferri, manifestò igitur ex dictis Philosophi consequitur, ea voluntatis nostræ objecta nunquam esse futura, quoniam nunquam voluntati ab intellectu offerentur. 4. Scopus itaque Philosophi verus est; primò ostendere quidem latitudinem voluntatis præ intellectu

ctu

tu, utpote quæ ad perobscurè & confusè cognita ab intellectu se extendit, iis assentiendo vel ab iis dissentiendo, vel etiam circa ea iudicium suspendendo, quoniam aliqualem tantum veri vel falsi, boni vel mali rationem in iis objectis agnoscit intellectus. Deinde probare, ex istâ latitudine voluntatis præ intellectu errores nostros præcipuè oriri *quoniam*, ut disertè ait, *facile voluntatem, ultra ea quæ clarè percipimus, extendimus; hocque cum facimus, haud mirum est, quod contingat nos falli*. Adeo ut heic Philosophus etiam culpet facilem voluntatis nostræ abusum, utpote errorum causam, dum eandem extollit, neutiquam verò Divinæ adæquatam faciat; pateatque in his vel palpabilis adversariorum ignorantia vel improba mentis Cartesianæ detorsio.

V. Illud autem sicco pede præterire nequeo Cartesium quidem in voluntate *præcipuè* imaginem Dei ponere, non tamen negare quin & in intellectu nostro Dei Creatoris imago elucescat, quippe in eo mirabiles quoque stupendæ Divinitatis reperiuntur umbræ; nempe (ut insignis è Palatinatu Philosophi verba mea faciam) à re minimulâ & serè nullâ repræsentari infinitum, qualicumque id modo fiat, attamen modo infinitum non dedecenti. Quomodo res ulla (cogitatio mea) possit seipsam, conditionem naturæ suæ, excedere? Repræsentationes sive cogitationes, variationes & modos habere excellentiores, quam sua sit natura? An potest modificatio ulla excedere naturam substantiæ suæ? An potest ferrum tale manens, modificationes, quæ in corpore humano sunt, admittere, aut aqua modos auri suscipere, aut pulvis instar massæ ingentissimæ modificari? Quæ igitur cogitatio finita habebit cogitationem sive modum cogitandi naturâ suâ excellentiorem? Certè mirabilis huius effectus causa extra meam naturam assignanda est planè mirabilis, stupenda, extra ordinem rerum creatarum, incomprehensibilis hoc est existens Deus, qui, ut Sanctus, seipsum quærens, vult se etiam ut infinitum & incomprehensibilem depictum invenire; quique, ut iustus, operari vult mo-  
do

do Ens infinitum & incomprehensibile decenti, adeoque modo qui non capi possit & sit maximè mirabilis.

VI. Hac itaque ratione potissimum quidem respectu voluntatis, at nihilominus quoque respectu intellectus Homo imaginem Dei gerit, Divinæque essentiae delineamenta quædam umbratilesque expressiones habet, quæ etsi tenues & dilutæ sunt post prævaricationem primi Parentis, supersunt tamen in tantum conspicuæ, ut & gentes animadverterint hominem Dei Opificis sui gestare imaginem, & tanquam ἐκτυπον exprimere suum ἀρχέτυπον. Ita Ovidius:

*Sanctius his animal mentisque capacius alta*

*Deerat adhuc, & quod dominari in cætera possit*

*Natus homo est.*

Mens alta id est ratio imaginem Dei exprimit, quod tamen unà dominio in res creatas assignat poëta; quæ ratione, ut ait, hominem

*Finxit in effigiem moderantum cuncta Deorum.*

Dei substituatur Christianus; absit enim ut cum Grotio dicas: *Vides eum factum ad Dei aut cælitum imaginem.* Quasi hoc esset idem. Non est homo factus ad angelorum imaginem, quia & angeli cum ipso ad eandem imaginem. Ἀρχέτυπον non est angelus, sed Deus ipse. Ita homo Dei simulachrum Platoni, & Basilio ἄλλ' τὸ θεοειδὲς μόνον.

VII. Et quoniam adversarii valdè delectantur & nituntur autoritate veterum, in eorum gratiam insuper adjiciamus quædam testimonia magnorum virorum cum Philosopho nostro consentientium; ut videant & hic falso novitatis stigma inuri Philosopho. Clemens Alexandrinus in admonitione ad Gentes, πᾶσιν, inquit, ἀνθρώποις, μάλιστα δὲ περὶ τὰς λόγους ἀγετοίβασιν, ἐνέσταται πρὸς σοφίαν θεῖαν. *Infillatus est quidam effluxus divinus.* Et nequis putet eum hoc sensu dicere quasi Deus aliquid de suâ essentia transtuderit in homines; videat eum ex professo ibidem loci Stoicos ipsumque Aristotelem, Deum Mundi animam facientes, redarguentem. Audiatur & Marsilius Ficinus in Argumento Alcibiadis:

S I

Per-

*Perfectum & absolutum hominis officium est (per hominem mentem intelligit) primò quidem ut naturam suam animadvertat, & deinde ab illà tanquam ab imagine & ab effectu ad Divinam mentem exemplar ejus & causam convertatur. Imo ipse Philosophiæ Peripateticæ Patronus, Francisc. Piccolominéus in procem. lib. 1. de mente humanâ. Quicunque humanam mentem considerat, in parvo Mundo intuetur imaginem Dei, in humili sede habitatorem Regium &c. Tenentur itaque animi generosi ut de sui perfectione, ita de mentis consideratione esse solliciti. Et ut uno verbo absolutam cum Arato; Τῷ (Θεῷ) γὰρ γινώσκουσιν. Dei progenies sumus. Quâ ratione nisi respectu mentis? Quod testimonium Paulus ipse ad convincendos Philosophos gentiles in Actis adducit, & suo itaque testimonio approbavit.*

*Quæstio VI. An regula, quâ Perceptio clara & distincta tanquam norma veritatis præscribitur, sit periculosa & damnanda?*

**I**Nfallibile hoc veritatis κερταίον ob perversas interpretationes in suspensionem quoque falsitatis imò & hærescos pertractum est. Nostri itaque & heic officii erit, talia illa interpretamenta ostendere & diluere, & genuinum & contra sensum exponere; quod ubi factum fuerit, hanc regulam ab ingenuis non repudiandam, sed pronâ mente admittendam esse protenus confido.

II. Contendunt autem primò adversarii fundamentum huic regulæ substratum Pelagianum involvere dogma; Philosophum enim ejusque sequaces cum Pelagii discipulis negare corruptionem & humanæ mentis perversitatem ex lapsu πρωτεπλαιῶν contractam, sed eos velle facultatem cognoscendi illatam mansisse, nullisque erroribus esse obnoxiam: talem enim statui Cognoscendi facultatem in homine residuam, quæ sana sit & integra, & qualis ex primævâ Dei creatione fuit: idque satis patere ex Principp. 1. art. 30. ubi inquit: *Cognoscendi facultatem nullum unquam objectum attingere posse, quod non sit verum, quatenus ab ipsâ attingitur*



*sur.* Cæterum in promptu est responsio; Esto enim Philosophum de lapsu primorum Parentum & consequenti exinde corruptione, utpote quæ solâ revelatione innotescunt, & proinde Philosophiæ limites excedunt, non egisse; neutiquam tamen diffitetur, sed evidenter satis agnoscit, dum perspicuitatem & claritatem in intellectu, à quâ moveri potest nostra voluntas in rebus fidei, à gratiâ Divinâ esse asserit. Deinde apertissimè quoque non raro fatetur hominem ex infirmitate & perversâ judicandi consuetudine pro claris & distinctis crebrò habere, quæ talia non sunt; quotiescunque scilicet voluntas se extendens ultra limites intellectus, iis assentitur, quæ non clarè percipit; ex quo fonte agnoscit infinitos illos ab incunte ætate, quos fovemus errores & præjudicia promanasse: uti ex Meditatione IV. liquidò patet. Jam verò hæc judicandi præcipitantiæ ex lapsu primi paris Hominum est, hinc enim mens nostra caligat, & ad veritatem perspicendam imbecillis est, uti cum Gassendo non obscurè fatetur Cartesius. Sed maluit causam errorum nostrorum proximam, nempe nimiam in judicando præcipitantiæ, quam remotam, nempe labem originalem adducere. Vti ex *Obiectis Gassendi & ad eas Respp. Philosophi* clarum est. Imo verò si Cartesius statuisset mentem humanam in omnibus rectam & sanam esse, & verum semper dijudicare, quid hoc monito, hanc regulâ & cynosurâ rectè judicandi opus fuisset? Frustra sanè foret; siquidem quod homo ex se & suâ naturâ semper facit, nequicquam præceptis & legibus mandatur. Et denique dum Cartesio obtrudunt, quod cognoscendi facultatem sanam & integram superesse in nobis velit, in os ipsi contradicunt; disertis enim his verbis claudit Medit. VI. *Agnoscenda est humana natura infirmitas.* Ut sileam Philosophum, dum hanc regulam inculcat, pro scopo habere tantummodo res naturali lumine cognitâs, & quidem quæ sub solam cadunt contemplationem, quas affirmat, *quatenus à facultate cognoscendi attinguntur, esse veras*, id est, quatenus ab eâ clarè & distinctè percipiuntur,

itâ se habere, ut intellectus noster illas percipit. Neutiquam verò de actionibus vitæ Civilis, multò minus de Theologicis agit, quod dilucidè videre possent, si liberet inspicere Medit. IV. ejusque Synopsin.

Ephes. 4.  
14.

III. Porro invehuntur in hanc regulam criminantes Cartesium cum suis sectatoribus claritatem & distinctionem suorum conceptuum vendicare & prætere, ut alios in suas partes pertrahant iisque fucum faciant, & proinde illam methodum non multum differre à μεθδεία τῆ πλάνης. Verum dum hæc obijciunt, manifestò falsa loquuntur: quâ ratione enim fieri posset, ut is, qui claram & distinctam alicui præscribit perceptionem, antequam ulli rei assentiatur; utis, inquam, alteri quicquam obtrudat aut fucum faciat? Quod igitur addunt, Cartesium propter suum αὐτὸς ἔφασι sibi velle fidem adhiberi, putidum commentum est ipsiusque impudentiæ vox. Nihil magis urget Cartesius, quam rationem, ejusque evidentem, antequam assentiaris, perceptionem, suam auctoritatem nemini obtrudit, passim contrarium inculcat, obsignatque totum suorum Principiorum opus hoc monito: *Nihil à quoquam credi velim, nisi quod ipsi evidens & inuisita ratio persuadebit.* Quod autem heic Cartesio falsò assignant, meritiò Aristoteli objeceris, fidem cæcam à suis discipulis his verbis efflagitanti, δὲ γὰρ μανθάνοντα πιστεύειν. *Discipulum oportet credere.* Sed video quid sit; displicent quæcunque Cartesius profert: si asserat nos Dei beneficio post accuratum examen multa clare & distinctè posse percipere; displicet ipsis: reclamant enim claras & distinctas perceptiones ferè nusquam esse; in rebus Philosophicis nihil ferè certius esse, quam quod nihil certi habeatur: concessum esse nobis lambere vitrum magis, quam pulcem lagenæ inclusam. Quæ ipsissimæ Scepticorum voces sunt, à Maresio tamen super hoc negotio prolata in libello de Abusu Philosophiæ Cartesianæ. Si Cartesius antea asseruit ab ineunte ætate multa obscure & confusè esse percepta, imò falsa pro veris admissa, ideoque Dubitationem id est accuratum examen esse adhibendum, ut ea, quæ certò cog-  
ni-

nita sint, recipiantur: rursus displicet, & criminantur Scepticismum ab illo induci. Sed quid mirum momo nihil placere?

IV. Præterea culpant quoque obscuritatem in iis, quæ clarè & distinctè Cartesius præcipit percipi; siquidem claræ & distinctæ perceptiones aliis communicari non possunt. Sed abundè eos refutat experientia, cujus ipsi testes sunt, dum cum dolore & invidiâ mentis suæ observant quotidie illos plurimis bonæ mentis Viris & adolescentibus communicari, qui modò legitimâ progrediuntur methodo, probèque ad suas, quas menti insitas habent notiones, attendunt, obscuras à distinctis secernendo. Et sanè æquior est ratio culpandi philosophiam Aristotelis & intricatam Scholasticorum inexplicabilium terminorum farraginem, quod obscuritate summâ laborent; ea enim revera nemini communicari possunt, ut probè intelligantur: nemo enim est, qui verè affirmare possit, se obscuram & confusam, quæ pro Aristotelis venditur, doctrinam, Scholasticorumque involuta ænigmata & infrugiferos maximam partem distinctionum terminos, rectè & plenè percepisse; aut si perceperit, per ea vel latum, ut ajunt, unguem profecisse, aut in rerum naturalium cognitione ex rei veritate quicquam solidè cognovisse. Id enim si factum fuisset, naturas & essentias rerum magis solidè, ut in se sunt, & non tantum quoad corticem externum & quomodo se ad sensus nostros habent, intùiti fuissent & explicuissent; hæc enim & imperitis ac vulgo obvia sunt. Audiant rursus Gassendum hanc inutiliorem eorum philosophandi rationem inter cætera his verbis increpantem: *Credere certè non possum illos existimare tempus rem esse pretiosissimam; qui*

In Exerc.  
2. Adæ.  
Aristot.

Quærentes rerum abstrusas evolvere causas,  
Naturæque intus latitantis pandere claustra;  
Materiam primam, vacuumque, ac mille chimæras  
Ructantur buccis inflatis, ut videantur  
Docti. -----

Et rerum tamen ignaros hac fruge saginant!

Sf 3

Hoc

Hoc sale conditur tenera ac petulantior ætas!

Nec pudet his nugis insumere turpiter ævum!

V. Denique contendunt hanc regulam frustraneam esse, siquidem inexplicabilis est; hæere enim aquam illius patronis, si explicandum sit, quo lydio lapide clara & distincta perceptio ab imaginatione & opinione falsâ claræ & distinctæ perceptionis probè sit dignoscenda. Cæterum falsæ sunt hæ querelæ! si enim libet ipsis explicatam videre hanc regulam adeant authorem, *Principp. part. 1. art. 27.* Quod autem menti attendenti adeò clarum est, uti radii solares splendide fulgentes medio die oculis sunt, si nondum videre quis velit, nã data opera cæcutit & oculos mentemque nycticoracis habet. Ubi jam clarè aliquid perceptum est, si insuper cognoscas ad solius rei naturam, id quod contemplaris, pertinere, eique soli sejunctim & separatim ab omnibus aliis rebus convenire, adeò ut nulla alterius rei natura in illo conceptu includatur; si inquam, ita rem percipiens, nondum ausit pronunciare, se rem illam, ut in se est, percipere; nulla ratio, nulla via eruendæ veritatis reliqua est: semper necesse est incerti fluctuemus, Scepticorumque *ἑποχὴ* ac perpetua dubitatio, imò Xenophanis *ἀκαταληψία* introducantur; quam si amplecti malint adversarii, quam clarè & distinctè perceptis assentiri, fatemur nos voluntatem ipsorum cogere non posse; nec tamen nos æquè ac illos in Deum, qui *κοινὰς ἐννοίας νοτίωνες communes*, ideas & semina veritatis, recti ac obliqui nobis indidit, velle esse injurios. Cæterum adverto quid sit: Ignorant ipsi discernere claram & distinctam perceptionem ab obscurâ & confusâ, & propterea lapidem lydium exquirunt. Exponamus igitur in ipsorum gratiam, si modò dociles se præbeant. Habent in mentibus suis notionem, ideas sive cogitationes de rerum naturis sive essentis, quas Philosophus in Parte prim. Principp. ab artic. XLVI. ad articulum usque LXXI. recenset, ubi claras ob obscuris, distinctas à confusis secernere docet. Has considerent, has perpendant, ad has probè attendant, & res successu non care-

carebit. Si quis tamen adhuc conqueratur numerum idearum illic recensitarum nimis prolixum esse, quàm ut facile quispiam eas attentè perpendat & consideret: in illius gratiam addere libet, paucas tantum esse primitivas, quarum meminisse facillimum est. Ad omnes enim proprietates ipsiusque adeò essentiam mentis cognoscendam, non nisi notionem cogitationis habemus; & ad omnes proprietates corporis ejusque naturam pernoscendam, non nisi ideam extensionis, & deinde figuræ, & motus: & quantum ad naturam Dei attinet, quicquid de eâ sine ope revelationis cognoscimus, id in eximiâ illâ & sublimi notione Entis perfectissimi situm est; unde sequitur eum simplicissimum, necessarium, infinitum, omniscium, omnipotentem, & principalem causam omnium aliorum esse entium. Si quis itaque observet notionem aliquam ex eis, quas possidet, talem esse, ut perspicuè animadvertat illud ipsum ad rei, quam contemplatur, naturam reverà pertinere, benè procedit; *Perceptionem* jam *claram* obtinet. Pergat porro; attentè consideret, an id quod de illâ re cognitum habet, ita illi conveniat, ut non simul alterius alicujus rei essentia sive natura involvatur, sed illi soli sejunctim & separatim ab omnibus aliis insit; habet quod quæsit: *Perceptio* enim jam *distincta* quoque est; siquidem rem illam distinctam ab omnibus aliis ita percipit, ut à nullâ aliâ quoad essentiam suam dependeat. ex. gr. Si mentis tuæ naturam vis indagare: percurrere, quas habes in mente notiones, invenies unam, quæ tibi exhibet substantias sive res per se subsistentes. Applica hanc menti tuæ, & deprehendes ex operationibus & actionibus, quas edit, illam revera rem subsistentem per se id est substantiam esse: hinc itaque *Perceptio* tua *clara* est, quia clarè vides & cognoscis de essentiâ mentis tuæ esse, quod subsistat. Sed nondum *perceptio distincta* est; quia considerans quoque corpus sive rem extensam, facile animadvertis & hanc substantiæ ideam huic etiam competere, quod æquè ac mens per se subsistat, id est à nullâ re creatâ quoad suum esse dependeat. Perge itaque

itaque, perpende proprietates, operationes & attributa mentis tuæ, experieris velle, nolle, affirmare, negare, cupere, averfari & id genus plura; Reduc ea omnia ad generale aliquod attributum, quod perpendenti manifestum est, Cogitationem esse; in illâ enim omnia modò enúmerata attributa includuntur: Considera jam, an Corpori quoque conveniat Cogitatio? si nihil velis admittere; nisi quod perspicuè intelligis; de corpore id affirmare neutiquam poteris. Et cum idcirco soli menti leorsim & contradiſtinctè ad corpus convenit; hinc certum est, *Perceptionem* tuam jam quoque *diſtinctam* esse, & Te sine periculo erroris affirmare posse, mentem esse substantiam Cogitantem.

VI. Dilutis in antecessum objectionibus adversariorum, quæ plurimùm ponderis penes illos habere videntur, paucis jam falsa interpretamenta rejiciamus, & genuinam expositionem ob oculos ponamus; inprimis autem illud tenendum est hanc regulam ad res vitæ & fidei non esse extendendam, uti modò à nobis quoque dictum; neque ullus qui cum Cartesio ex verò philosophatur, hæc regulâ cum in finem abusus est. Res fidei enim credi debent, etiam si lumen intellectus nostri finiti longè exsuperent. Et si contingeret Deum aliquid nobis revelare, quod ex lumine naturæ fortassis deducere non possimus, firmissimè tamen credere debemus quodcunque nobis revelatur, & quidem propterea quia clarè & distinctè id à Deo revelatum esse percipimus. Nam hætenus in rebus fidei clara & distincta perceptio locum etiam habet. ex. gr. S. Scripturæ propterea fidem adhibemus de infallibili veritate, quia clarè & distinctè intelligimus à Deo esse revelatam. Cum enim Deus sit verissimus, imò ipsa potius veritas, quicquid ipsi placet nobis revelare, sine ullâ cōparatione aliis rebus perceptis est certius; & cum insuper sapientissimus est, mirum nobis videri nequaquam debet, ipsum multa posse facere & actu fecisse, quæ comprehendere non possumus, & quæ vires ingenii nostri excedunt. Sed propterea non existimandum, id quod revelatum est, repugnare lumini naturali;

nam

nam cum Deus non sit deceptor, uti nihil revelare potest, quod non sit verum; ita non potuit quoque dare lumen naturale, quod in falsum tendit, dum eo bene utimur, id est, cum iudicia nostra evidenti intellectus perceptioni respondent. Sed neutiquam tamen hoc postremum ita capiendum est, ac si assereremus veritatem semper ubique hominem posse assequi; certissimum enim est neminem semper justam adhibere, vel etiam posse adhibere in omnibus & ubique cautelam; & proinde sæpius unumquemque errori esse obnoxium. Nequaquam enim, quod secundo loco monendum est, hæc regula ita explicanda, ac si jactaret author ejusque asseclæ, nos omnia clarè & distinctè posse percipere. Non enim sonat: *Quicquid verum est, clarè & distinctè percipimus*. Sed, *Quicquid clarè & distinctè percipimus, id verum est*. Nec tertio ita pervertenda est, ac si vellent, rem propterea ita se habere, & veram esse, quia quis asserit se eam rem ita clarè & distinctè percipere, aut quia clarè & distinctè eam percipit; non enim intellectus noster est norma veritatis rerum, (quod Aristoteles in Ethicis disertè tamen affirmat, dum hominem καλὴν καὶ μέτρον ἔχον ἀληθείας constituit) sed veritas rerum, ut in se sunt, est norma & mensura veritatis perceptionum; idè enim novi & asserere tandem possum me rem probè percipere quia perceptio mea rei naturæ conformis est. Adeo ut quarto denique hæc regula asserat, tum demum aliquem certum esse se veritatem rei istius, quam considerat, probè perspexisse, cum non modò clarè & perspicuè intelligit illud quod in illâ re animadvertit illi revera convenire, sed præterea ita convenire ut illi distinctim ab aliis conveniat, aut ad minimum, quod hæc res distincta ab aliis ita percipiatur, ut nullius alterius essentia in illo conceptu necessariò includatur.

Quæstio VII. *An possimus, modo velimus, cavere ab omnibus erroribus?*

**H**æc objecta Cartesio ejusque sectatoribus criminatio affinis est precedenti, quâ affinxerunt Philosopho cum jactitare, omnia & singula clarè & distinctè ab homine percipi posse: sed veluti illa mera mentis sensusque Cartesii perverio fuit, ita non minor & hæc impostura est.

Quod ut pateat inspiciamus & penitemus verba Cartesii, ex quibus hanc suam accusationem proguderunt. Excerptum eum in finem ex Medit. IV. sequentia verba. *Exterior quondam in me esse judicandi facultatem, quam certe, ut & reliqua omnia, quæ in me sunt, à Deo accepi; cumque ille nolis me fallere, talem profecto non dedit, ut, dum eâ recte utor, possim unquam errare.* Quibus addunt insuper ultima ejusdem Meditationis verba: *Nec hodie tantum didici quid mihi sit cavendum ut nunquam fallar, sed simul etiam quid agendum ut assequar veritatem; assequar enim illam profecto si tantum ad omnia quæ perfectè intelligo satis attentam, atque illa à reliquis, quæ confusius & obscurius apprehendo, sæcernam.*

II. In citatis illis verbis ajunt Philosophum disertè sibi facultatem non errandi ascribere, dum talem se facultatem nactum esse à Deo profiteatur, quâ omnes errores evitare valeat; Imò præterea cum asserere se veritatem ubivis assequi posse. Cæterum qui mente ab affectibus & præjudiciis vacuo hæc verba allegata ex æquo pensat, satis videt in illis nihil malefani, nihil perversi contineri; annon eo quod homines sumus judicandi facultatem habemus? annon illam habemus à Deo? an non immunes sumus ab erroribus, dum illâ rectè utimur? Nam si tunc adhuc erremus cum judicandi facultate à Deo nobis concessâ rectè utimur, id est, dum non nisi clarè & distinctè perceptis assentimur; si, inquam, adhuc erremus, nulla via, nulla ratio veritatem in judiciis assequendi uspiam superest, merusque restat Scepticismus, omni veritatis certitudo penitus sublato. Quin imò



imò ipse Deus accusandus foret, quod perversam judicandi facultatem homini indidisset, eumque deciperet; quæ execranda in Deum foret blasphemia. Quod verò ex dictis Cartesii elicere conantur andabat, Philosophum omnem penitus non errandi potentiam, & assequendi in omnibus & ubique veritatem homini arroganter ascribere, adco ut, si modo studium adhibeat, ab omni errore & peccato (huc enim trahunt Cartesii verba) hominem liberum posse esse pronunciet, naturæque viribus bonum, ut ajunt, morale assequi, perversa & falsa est interpretatio. Nam primò sapius jam antea monuimus & dilertè pramonet in Synopsi Meditationis IV. *Nulla modo agi de peccato vel errore, qui committitur in persecutione boni & mali, sed de eo tantum qui contingit in dijudicatione veri & falsi; idque non in eis, qua ad fidem pertinent, vel ad vitam agendam, sed tantum ad speculationes & solius luminis naturalis ope cognitæ veritates.* Quâ providâ cautelâ omnis Pelagianismi suspicio & impacta Philosopho calumnia longissimè prosligatur, & orthodoxia aperte vindicatur.

III. Cæterum, an in rebus naturæ lumine cognitæ eam sibi arroget perspicaciam & judicii perfectionem, ut non modò non errandi, sed & veritatem semper assequendi potentiam sibi superesse jactitet, dispiciamus. Asserit quidem facultatem judicandi, à Deo nobis tributam, quatenus ab illo nobis concessa est, non tendere in falsum, & ideo nos in errores non inducere: quid verius? Nam judicandi facultas quatenus à Deo in nobis est, bona & vera, seducere igitur nos non potest, in quantum à boni fonte est; alioquin enim Deus, qui boni veritatisque fons est, nos ipse seduceret & deciperet; cum tamen ab illo summè bono & summè verace Ente omnis seductio, fraus & deceptio planè aliena sit. Eodem prorsus sensu quo Martil. Ficin. inquit: *Neque enim potest Deus, qui summa veritas & bonitas est, humanum genus, prolem suam decipere.* Non tamen propter jam dicta affirmat Philosophus nos ab erroribus prorsus immunes esse, dum

Relig.  
Christian.  
cap. I.

enim inquit; *nos non errare, dum judicandi facultate rectè utimur*: non asserit, nos eâ semper rectè uti; sed ab illâ rectè judicandi facultate multis modis deficere, uti passim ex Meditatione iv. palam est; ait enim: *primò*, quatenus à summo Ente sumus creati, in nobis nihil quidem esse, per quod fallamur, aut in errorem inducamur; sed quatenus etiam quodammodo de nihilo, sive de non ente participamus, hoc est quatenus non sumus ipsi summum ens, desuntque nobis quàm plurima, nullatenus mirum esse quod fallamur: certè enim nos intelligere errorem, quatenus error est, non esse quid reale quod à Deo dependeat, sed tantummodo esse defectum; *nec* proinde ad errandum nobis *opus esse aliquâ facultate* in hunc finem à Deo tributâ, sed contingere ut erremus, ex eo quod facultas verum judicandi, quam ab illo habemus, non sit infinita. Facultas igitur judicandi quatenus à Deo tributa, bona est, & quantum in homine requiritur, integra; sed defectus, corruptio, error in judicando à nobis est. Nam *secundò* affirmat, nec vim volendi, quam à Deo habemus, per se spectatam esse causam errorum nostrorum; est enim amplissima, atque in suo genere perfecta: neque etiam vim intelligendi; nam quicquid intelligimus, cum à Deo habeamus, ut intelligamus, procul dubio rectè intelligimus, nec in eo fieri potest, ut fallamur. Unde ergò nascuntur nostri errores? nempe ex hoc uno quod cum latius pateat voluntas quam intellectus, illam non intra hujus limites continemus, sed etiam ad illa, quæ non intelligimus, extendimus; atque ità fallimur & peccamus. Tales autem errores à nobis committi asserit *tertiò*, dum illam in nobis imperfectionem esse scribit, quod istâ libertate assentiendi vel non assentiendi non benè utamur, & de iis, quæ non rectè intelligimus, judicium feramus. Imò *quartò* ait nos non posse ab erroribus, abstinere, quia evidentem perceptionem in omnibus obtinere non possumus. Nec his dictis repugnat quod *quintò* & postremò ibidem ait; *se hodie non tantum didicisse, ut nunquam fallatur; sed simul etiam quid agendum sit, ut asse-*

*assequatur veritatem.* Nihil enim aliud illic affirmat, quam quod duplicem ex Meditatione IV. assecutus sit utilitatem, nempe duplicem observavit regulam; prima est quæ docet cavere ab erroribus, estque hæc: *Quoties de veritate non liquet, à judicio abstinendum est.* Altera est quæ docet viam quâ veritatem assequi possumus: *Quoties ad omnia quæ perfectè intelligimus, satis attendimus, atque illa à reliquis, quæ confusius & obscurius percipimus, secernimus, voluntatemque in judicio ferendum ad hæc clare & distinctè percepta extendimus, veritatem infallibiliter assequimur.* Hæc inquam regulæ cum antecedentibus, in quibus non omnia clare & distinctè percipi à nobis posse ostendit, & in quibus nostram in judicando præcipitantiam accusavit, neutiquam pugnant: longe enim aliud est præscribere regulas quibus servatis errores evitari & veritatem obtineri affirmes; longe aliud est, affirmare illam regulam à te vel quocunque alio accuratè observari posse. Prius agit Philosophus, posterius neutiquam de se vel de ullo affirmat.

IV. Et sanè non culpandus in eo est quod tales præscribat regulas quas homo tamen propter impotentiam servare perfectè non potest, quippe regulæ intendunt semper finem in suo genere planè perfectum, & media ad illum finem obtinendum exquisitissima; cum tamen à nullo unquam vel finis in hac vitâ absolute perfectus obtineatur, nec præstantissima omnium adhibeantur media. Præscribunt Jurisconsulti consummatæ justitiæ regulas, nemo tamen unquam consummatè justus evadit. Præscribunt Medici sanitatis pancraticæ præcepta, nemo tamen ea vel accuratè observat, vel absolute integerrimâ unquam sanitate vivit. Præscribit ipse Deus consummatam ad salutem viam, quam homines nec perfectè tenent nec tenere possunt. Sed an idèò vel Juriconsulti, vel Medici, vel Deus ipse accusandus & sugilandus, quod ea præcipiant, quæ ab homine servari non possunt? Absit atrox illa calumnia. Sed pari ratione, an ne igitur culpandus, obtestandus & calumniandus Philosophus, quod rectam viam & media evitandi errores & veri-

tatem assequendi monstraverit, eò quod nec ipse, nec alii eam sequi unquam accuratè valeant. Optimus ille est, qui recte monenti optimè paruerit; licet nemo omnimodò rectè parcat.

V. Mirari autem satis nequeo lynceam antagonistarum Cartesii in scriptis ipsius censendis perspicaciam quod Pelagianismum in illis, ubi ne ulla quidem istius semina reperiuntur, deprehendere valeant; & è contra cæcam in evolvendâ Aristotelis philosophiâ stupiditatem, quod in illâ, ubi istius hæreseos manifestissima semina, & robur & *ἀντικειμένη* continentur, ea observare nequeant. Ille enim *ἡ φύσις καὶ ἡ αἰτία καὶ τὸ τέλος*, judicandi & discernendi facultatem & intelligentiam habere hominem *τῆς φύσεως αἰτίας ὄντος*, ab ipsâ naturâ tanquam à causâ docet, Ethic. VI. c. 12. Asserit porrò intellectum in senectute maximè nobis natura viribus accrescere, *παρὰ φύσιν*, & perfici, In Problematis sect. xxx. q. v. Hac enim veluti sata erumpunt & progerminant: at si institutio & exercitatio temporì accesserint, virtutes istæ; ut appellat; intellectiva facillimè acquiruntur, Ethic. II. c. i. Imò & ipsa virtutum semina & ad illas dispositiones nobis innasci & ob ipso ortu inesse statuit, Ethic. VI. Cap. 13. adeo ut ad habitum intellectualium & moralium consecutionem & spontaneam electionem bonâ naturâ affectione nobis insitâ apti nascamur, & finem seu bonum natura ductu, impulsu & viribus appetamus, ut disertè scribit, Ethic. III. c. 7. Ubi autem hæc *ἐν φύσει* nobis inest nostris actionibus earumque assuetudine præcipue perficimur ac virtutes obtemus, uti tradit. Ethic. II. c. i. Et quia ex pravis actionibus vitia, ex bonis virtutes sunt, hinc solâ assuetudine educationis, in quâ totum hoc possum est, boni aut mali evadimus. Actiones enim quibus vel boni vel mali evadimus, virtutes vel vitia contrahimus, in nostrâ absolutè sunt (juxta ipsum,) potestate & in manu nostrâ, adeo ut nos earum Domini & causamur, non necessitas, non natura, non fortuna, (de Deo altissimum est silentium,) & nos eas pro lubitu vel facere vel

*vel non facere valeamus.* Ethic. III. c. 7. Atque ita ἐφ' ἡμῶν τὸ ἀγαθὸν καὶ κακὸν εἶναι, καὶ ἐφ' ἡμῶν τὸ ὁρῶναι καὶ φέυλαις εἶναι. In nostrâ, inquit, potestate, ut boni & mali simus; & in nostrâ potestate ut frugi simus & nequam. Ex Aristotelis itaque doctrinâ penes hominem est, ut rectè dirigat vias & actiones suas, suisquè viribus citra opem Divinam ( nulla enim illius uspiam mentio ) iussus evadat: nec mirum, tantâ enim iudicii perspicaciâ & prudentiâ pollet, ut in singulis rectum perspicere & eligere valeat, quinimo ut ipse sit norma & regula virtutum, uti disertis scribit, Ethic. III. c. 6. Ὁ σπουδαῖος ὁ ἕκαστα κρῖναι ὀρθῶς, καὶ ἐν ἐκάστοις τέλει ἵκεν αὐτῷ φαίνεται ὡς περ κανὼν καὶ μέτρον αὐτῶν ὢν. singula enim probus vir rectè iudicat, & in singulis verum ipsi apparet: quippe qui tanquam regula ac mensura ipsorum est. Sin contingat, ut plerumque quidem fieri solet, ut ad vitia procliviores quodammodo nascamur, facile quidem virtutem rectumque assequemur modo in contrariam nos inclinemus partem, quod appellat, Εἰς τὴν ἀντίθετον ἀφίλκεν ἡμᾶς, quod qui ligna distorta dirigunt, facere consueverunt. Ethic. III. c. 8. & 9.

VI. Adè Aristoteles omnia in universum naturæ ascribit & assuetudini. Homines ex sese artium, -scientiarum & virtutum primos fontes & earundem perfectiores constituit: à propriis enim ipsorum viribus principium, medium & finem omnis cognitionis & omnium omnino virtutum dependere affirmat. Quin hominem ipsum virtutum normam & regulam disertè pronunciat. Nuspiam ad Deum oculos attollit, causis mediis mordicus defixus hæret. Originem & causam boni & mali prorsus ignorat. Naturam enim, per quam temperamentum singulorum hominum intelligit, omnium, quæcunque sunt, virtutum & vitiorum causam procreantem, efficientem & conservantem esse statuit. Quosdam enim naturâ adè integros & incorruptos nasci, utad virtutem à nativitate proni sint, quosdam verò ad malum quidem proniores à naturâ produci, sed hos ipsos tamen suis viribus, non secus ac illi, qui ligna distorta industriâ

ac

ac arte recta efficiunt, corruptam hanc suam naturam posse emendare & suapte curâ ad virtutem emergere. Aded ut nullatenus Dei auxilio hominibus in sapientiæ & prudentiæ studio opus sit, posse enim eos ex se & per se sine Deo omnia bona & velle & operari. Qui autem in his ipsissimum non videt Pelegianismum & dilucidissima Atheismi fundamenta, nã datâ operâ cæcutit. Nemini autem quicquam obtrudimus, nulli fucum facimus: introspiciat veritatis cupidus ipsum Aristotelem, eumque hæc ipsa & plura his similia docuisse abunde observaturus est.

Quæstio VIII. & ultima; *An sensum natura sit nunquam non fallere; & semper errare?*

**H**anc sententiam totidem verbis aded crudè & ruditer propositam Cartesio obtrudere non verentur homines malevoli & in scriptis hujus Philosophi parum exercitati, scilicet per fas & nefas Scepticismi reus & agendus & convincendus est: Scepticorum enim vesanus error est, nec intellectui nec sensibus ullam certitudinem inesse, ideòque eis nunquam tutò fidem adhibendam esse.

II. Nos autem ut criminationem hanc perperam & malignè Cartesio impingi ostendamus, primò luculentissimis ex ipso Cartesio testimoniis ejus falsitatem ob oculos posituri, & deinde ratiocinia quædam, quibus Philosophum hujus erroris convinci existimant examinaturi & dissoluturi: & denique genuinum de sensibus eorumque valore Philosophi mentem explicaturi sumus.

III. Et primum quod attinet, audiant & legant ipsum Cartesium conquerentem à calumniatoribus imperitis inter cætera objectum sibi fuisse, quòd docuisset, fidem omnem sensibus esse abrogandam; cum è contra expressissimis, ut scribit, verbis ea rejecerit validissimisque argumentis, imò validioribus, quam ab ullo ante ipsum refutata fuerint, refutaverit, & hunc in finem ut commodius & efficacius illud præstaret, se proposuisse initio Meditationum suarum ista omnia tanquam dubia, quæ non ipse primus in-

invenisset, sed à Scepticis dudum decantata essent. Quam maximè autem iniquum esse scriptori alicui tribuere opinionones, quas cò sine tantum refert, ut eas refutet. Ad his *Notas ad Programmam Regii circa finem.*

IV. Quam verè autem dixerit & scripserit se nunquam docuisse omnem sensibus fidem esse abrogandam sequentia satis dilucidè demonstrant. *Postquam*, inquit, *incipio meipsum meaque auctorem originis melius nosse, non quidem omnia quæ habere videor à sensibus temerè puto esse admittenda; sed neque etiam omnia in dubium revocanda.* Audis cum disertè profitentem, se quidem antè ex hypothesi Scepticorum, (quà eorum argumenta resolvere nondum poterat, utpote cum nondum ordine philosophandi detexisset nec demonstrâisset Deum esse veracissimum) omnia quæ per sensus habemus, ut falsa rejecisse; sed jam è contra, postquam in *Medis.* 111. Dei existentiam invictis rationibus demonstrâisset, Deique naturam paulò penitius insuper indagâisset, nempe eundem summè esse veracem non modò, sed & omnis veritatis fontem & datorem, qui cum & ipsos sensus & sensibilibus rerum ideas indidit; necessum exinde esse, omnia, quæ à sensibus offeruntur & per eosdem haurimus, nequaquam ut dubia esse rejicienda, sed quædam ut omninò vera esse admittenda.

V. Et hinc ex sensuum perceptionibus, quas habemus mediantibus rebus sensibilibus, ab autore naturæ nostræ Deo, fallere nescio, *rerum corporearum existentiam* solidè demonstrat. Cum enim nobis passiva quædam facultas sit indita sentiendi sive ideas rerum sensibilibus recipiendi & cognoscendi, nullumque ejus usum habere possimus, nisi quædam etiam activa, vel in nobis vel in alio facultas existeret ideas rerum sensibilibus producendi vel efficiendi. Atque cum nec in nobis ipsis, sanè quatenus sumus, facultas illa activa ideas rerum sensibilibus producendi, (utpote quæ nullam in suo conceptu intellectionem includunt, secus quam ipsa mens & omnia quæ menti propria sunt) dari manifestum sit; nec in Deo, nec in Ange-

lo formaliter vel eminenter reperiatur facultas illa activa imprimendi nobis dictas rerum sensibilibus ideas: non formaliter quidem, quia nec Deus nec angelus nec mens corporea est; nec eminenter, quia Deus, utpote de quo jam constat cum esse summè veracem, si per se immediatè ideas illas nobis immittieret, earum vicem supplendo, fallax eisset, quod absurdum: nec mediante angelo vel mente immitti permittit ob eandem rationem; hinc igitur necessariò concludit revera à rebus corporeis eandem ideas (species) emitti, nobisque immitti; & proinde res corporeas eandem emittentes nobisque imprimentes infallibiliter in rerum naturà existere.

V I. Atque ita ex istis sensuum perceptionibus, quæ in nobis sunt, demonstratà rerum corporearum ex stentià, porro demonstrat nos habere corpus, quo mediante dolore, fame sitique afficimur, & hinc quoque arctissimam nos, quemque suo cum corpore, unionem habere, adeò ut unum quid cum illo componamus; adeoque corpus nostri partem essentialem esse; neque nos eo uti tantum, ut separato aliquo organo & instrumento, quod volebant Platonici; nec adesse mentem corpori instar formæ, ut ajunt, assistentis, quæ puro intellectu saltem percipiat incommoda corporis, non vero dolore; quâ ratione nauta percipit visu, siquid in navi frangatur: sed revera mentem corpori suo συμπα-  
9εiv.

V I I. Insuper ex iisdem sensuum perceptionibus nos doceri ostendit circa corpus nostrum alia corpora existere, ex quibus nonnulla nobis sunt prosequenda, nonnulla verò fugienda: nam cum aliquæ ex sensuum perceptionibus, quæ occasione corporum circumjacentium excitantur, nobis gratæ, aliæ ingratiæ sunt, planè certum est corpus nostrum aut potius nos, qui ex mente & corpore constamus, variis commodis & incommodis ab illis affici.

V I I I. Et quandoquidem admodum diversis sensuum perceptionibus utimur, & alio quidem modo colores, alio sonos, alio odores, alio sapes, alio calorem, duritiem, molli-  
res,



res, sapores, calores cæterasque, quas vocant, tactiles qualitates adeò varias experimur: hinc concludit & infert Philosophus, in corporibus ipsis diversas varietates & modos inesse, à quibus varix istæ sensuum perceptiones nobis adveniunt.

Hæc autem omnia fusius & accuratè deducta & demonstrata reperies in dictâ Meditatione Sextâ, & carptim proposita PP. part. 2. art. 1. 2. & 3.

I X. Non pigebit interim ascribere τὸ πρῶτον ipsius Philosophi sub finem Meditationis Sextæ verba, ut Lector à partium studio immunis ὀφθαλμοφανῶς perspiciat, quanta Renato fiat injuria, dum adversarii fingunt eum docuisse omnem sensibus fidem derogandam esse. Nam sanè, inquit, cum sciam omnes sensus circa ea quæ ad corporis commodum spectant, multo frequentius verum indicare quam falsum; possimque uti ferè semper pluribus ex iis ad eandem rem examinandam; & insuper memoria; quæ præsentia cum præcedentibus connectit; & intellectu, qui iam omnes errandi causas perspexit, non amplius vereri debeo, ne illa, quæ mihi quotidie à sensibus exhibentur, sint falsa, sed hyperbolica superiorum dierum dubitationes (inter quas & illa fuit ex mente Scepticorum, an omnis sensibus fides sit deroganda?) ut risu digna sunt explodenda. &c. Et paucis interjectis denuò. Nec de rerum veritate debeo vel minimum dubitare, si postquam omnes sensus, memoriam & intellectum ad illas examinandas convocavi, nihil mihi quod cum cæteris pugnet ab ullo ex his nuncietur. Ex eo enim quod Deus non sit fallax, sequitur omnino in talibus me non falli. Audi hæc antagonista & tuæ te falsæ criminationis pudeat.

X. Et hanc ob causam in Physicis ad sensus tanquam testes satis fidos, sæpius provocat, & sensus experimenta allegat. Quid durum & fluidum sit; & quâ ratione omnis motus sit ex naturâ suâ rectus; & quod omne corpus circulariter motum perpetuo tendat, ut à centro circuli, quem describit, recedat, ex sensu Tactus ratione adjuto il- PP. p. 2. §. 39. & 54.

circumire spatio viginti sex dierum. Stellas Fixas aliis superiores esse pariter ex sensu visus probat, ait enim: *situs inæqualitatem unicuique cælum nostro intuitu, tam clarè apparere, ut negari planè non possit.* Sic porro de magnitudine, figurâ, motu juxta ea quæ sensibus obvia sunt ratiocinatur, uti & de Cometis, de Plangtis, de Igne, Aquâ, aliisque, quæ omnia recensere nimis longum foret.

Quinimò veritas demonstrationum universæ speculationis Physicæ certitudini sensuum quodammodo innititur. *Nihil, inquit, inter Naturæ phænomena est recensendum, nisi quod sensu apprehenditur. Nempe figuras, & motus, & magnitudines corporum consideravi, atque secundum leges Mechanicæ, certis & quotidianis experimentis confirmatis, quidnam ex istorum corporum mutuo concursu sequi debeat, examinavi. Quis autem unquam dubitavit, quin corpora moveantur, variasque habeant magnitudines & figuras, pro quarum diversitate ipsorum etiam motus variensur, atque ex mutuâ collisione, qua majuscula sunt in multa minora dividantur, & figuras mutant? Hoc non uno tantum sensu, sed pluribus visu, tactu, auditu apprehendimus: hoc etiam distinctè imaginamur & intelligimus.* Et deinde subjungit: *Nec puto quemquam ratione utentem negaturum, quin longè melius sit, ad exemplum eorum quæ in magnis corporibus accidere sensu percipimus, judicare de iis quæ accidunt in minutis corpusculis, ob solam suam parvitatem sensum effugientibus, quam adhuc explicanda novas res nescio quas, nullam cum iis quæ sentiuntur similitudinem habentes, excogitare.*

XI. Imò rationem redditurus, quorsum insensibilibus corporum particulis, determinatas figuras & magnitudines & motus assignat, tanquam si eas vidisset: ad effectus, quos in rebus sensibilibus animadvertit, recurrit; & arte facta in subsidium vocat, & per ea rem explicat. *Ad hoc (effectus scilicet corpusculorum insensibilium explicandos) arte facta scribit, non parum me adjuverunt; nullum enim aliud, inter ipsa*

*ipsa & corpora naturalia discrimen agnosco, nisi quod arte factorum operationes, ut plurimum peraguntur instrumentis adeò magnis, ut sensu facile percipi possint: hoc enim requiritur ut ab hominibus fabricari queant. Contra autem naturales effectus, ferè dependent ab aliquibus organis adeò minutis, ut omnem sensum effugiant. Et sanè nulla sunt in Mechanicâ rationes, quæ non etiam ad Physicam, cuius pars vel species est, pertineant: nec minus naturale est horologio, ex his vel illis rotis composito, ut horas indicet, quam arbori ex hoc vel illo semine orta, ut tales fructus producat. Quamobrem ut ii, qui in considerandis automatis sunt exercitati, cum alicujus machinæ usum sciunt, & nonnullas ejus partes aspiciunt, facile ex istis, quo modo alia quas non vident sint facta, conjiciunt; ità ex sensibilibus effectibus, & partibus corporum naturalium, quales sint eorum causa & particula insensibiles, investigare conatus sum Et hinc tantam sensibus excellentiam in Dioptricæ initio ascribit, ut ab iis totum vitæ regimen dependere affirmet. Hæc ex ipso Cartesio carptim deducta abunde sufficiunt ad ostendendum, quam falsa sit illa de sensuum omnimodâ & perpetuâ fallaciâ ab adversariis Cartesio obtrusa criminatio; atque ut ipsi antagonistæ, si ulla forsitan ingenui sanguinis gutta in corde supersit, tot mendacia effutire tandem erubescant.*

XII. *Obnituntur tamen contrâ frivolis quibusdam objectionibus, quas ex perfunctoriâ scriptorum Philosophi lectione efformare solent, clamantes Cartesium omnem omninò fidem sensibus denegandam esse docere; nempe id volunt satis patere ex Cartesii Medit. Sextæ verbis sequentibus: Multa experimenta fidem omnem, quam sensibus habebam, labefactarunt: nam & interdum turres quæ rotundæ visæ fuerant è longinquo, quadratæ apparebant è propinquo; & statuae permagna in earum fastigiis stantes, non magna è terrâ spectanti videbantur; & talibus aliis innumeris in rebus sensuum externorum judicia falli deprehendebam; &c.*

Resp. 1. *Utinam hi homines mente veritatis cupidâ scripta Authoris evolissent! intellexissent sanè, nisi sponte ex-*

cutire eligerent, hanc esse ex Scepticorum lententiâ prolatam de omnimodâ sensuum fallaciâ hyperbolicam dubitationem; id disertè, uti jam ostendimus, legere potuissent sub finem *Responsionis ad programma Regii*, nempe hæc à Scepticis sæpius decantata in eum finem tantum proponi, ut refutentur; & quam iniquum est obtrudere alicui authori eas, quas refutandi animo saltem proponit dubitationes? quam ægrè ferrent hi homines & in quantum stomacharentur, si quis ipsis contra Atheos, Scepticos, Judæos, Socinianos, Pontificos cæterosque ab orthodoxâ fide prævaricatores scribentibus, omnia argumenta & ratiocinia ex adversariorum sententiâ formata & proposita obtrudere vellet, & pertinaciter insuper contenderet, esse revera eadem omnia ex ipsorum propriâ mente conscripta & consignata; quam indignabundo hæc jure ferrent animo? reputent itaque secum quantam injuriam Philosopho, & quam justæ indignationis causam ipsius vindicibus præbeant, nisi iræ & affectibus moderari didicissent. Sed & ipse se satis vindicavit, ut superius ostendimus, ibidemque calumnia hæc funditus eversa & sublata est. 2. Verissimum interim est judicia secundum sensus formata, præsertim in particularibus, nos sæpe fallere & ab ineunte ætate fefellisse, ut vel millenis exemplis probari posset, nisi, id jam crebrò factitatum esset, & apud omnes, quibus sanum sinciput est, in confesso foret.

XIII. *Instant porro*, Certissimum tamen est Cartesium multiplicium fallaciarum & errorum sensus passim agere reos, & sollicitè, nequis secundum eos philosophetur, inculcare.

Resp. 1. En quam imbecilla & fallax consequentia: Docet sensus multiplicibus erroribus esse obnoxios, & secundum illos non esse philosophandum; ergo statuit eorundem naturam esse nunquam non fallere, & semper errare. Quis non videt subdolum pervertendi & fallendi in tali argutatore animum? Ferres-ne adversarie quempiam hoc modò ratiocinantem? Omnis homo mendax est, ergo semper mentitur. Non ferres utique, & meritò; meritò igitur

tur & te non ferimus. Sed Sophistarum est Sophismatis uti & *παρολογίζεσθαι*. Fatemur equidem sensus sæpè fallere in multis, semper & in omnibus fallere pernegamus. 2. Gravissimæ fuere rationes Philosopho, cur adeò sollicitè inculcaret sensuum fallacias, & secundum eos philosophandum non esse admoneret. Quippe cum universa Philosophiæ veteris structura adeò labilis & caduca, solis lentum iudicii suffulta esset, adeò, ut quicquid se scire putarent, solis sensibus acceptum ferrent, & ab his ac per hos se, quicquid cognoscerent, hausisse affirmarent, utpote cum Epicuro ingeminantes assiduò, *Nihil esse in intellectu, quod non prius fuisset in sensibus*. Hinc protectò necesse habuit Philosophus, veræ cognitionis & quidem Metaphysicæ certitudinem studiosè inquirens, ut à sensibus sæpius seducentibus & animo occasionem fallendi præbentibus homines veritatis cupidos abduceret, & proinde varios sensuum errores ostenderet; & hunc in finem ipsa Scepticorum argumenta, utpote quæ noverat per priscae Philosophiæ fundamenta refutari non posse, adduxit, ut sensuum fidem omninò quasi labefactaret, quo tandem homines iis ut certissimis ad veritatem ducibus renunciare discerent: quod quam ægrè fiat ab iis, qui secundum eisdem philosophari sunt assueti, ipse Philosophus de se conqueritur inquit, *assidue recurrunt consueæ opiniones, ex præjudiciis nempe sensuum haustæ, occupantque credulitatem meam tanquam longo usu & familiaritatis jure sibi devinctam*. Quam manifestò id liquet ad calcem Sextarum Objectionum, ubi carum autores profitentur se septies Meditationes Cartesii perlegisse, & licet mentem Angelorum instar, ut loquuntur, pro viribus extulerint, & Metaphysicis rebus jam inde à triginta annis assueti fuerint, rationes tamen in illis propositas ut veras admittere non potuerint. Quæ ratio tantæ stupiditatis, ut docti homines & à tam multis annis in Metaphysicis speculationibus versati, cum jam vel septies evolissent Meditationes, nondum rationibus in iis contentis assentiri potuerint? quæ, inquam, ratio, quam inveterata secundum sensuum præjudi-

judicia judicandi consuetudo, ut rectè eis respondit Renatus. Hæc enim plurimos ne verum perspiciant captivos quasi detinet; hæc plerosque Lectores harum Meditationum adeò cæcutire efficit, ut fuitiles plurimas, scopum nullatenus ferientes, sed perpetuâ Ignoracione Elenchi, ut loquuntur Logicorum filii, laborantes comminiscantur adversus has veritates paralogismos.

XIV. Cæterum ut veritatis amantibus satisfaciamus necesse erit ut brevibus, quantum scopo huic nostro convenit, exponamus in quibus, & in quantum sensibus fides adhibenda sit, vel etiam deneganda. Atque hoc ut commodè fieri possit tria in sensibus sunt distinguenda. Primò Motus, qui nervis eorumque fibrillis ab objecto imprimitur, & qui merè corporeus est. Deinde Perceptio ex illo motu, quando ad sedem animæ mediantibus istis nervis defertur. Et denique Judicium, quod post perceptionem illam ferimus, ex. gr. Cum videmus Turrin, illa nervos oculi movet motu corporeo in oculis excitato per lumen à se reflexum; & hinc mox ex illo motu ad sedem mentis delato mens concipit ideam Turris; unde judicium fert de certâ istius turris magnitudine, figurâ & distantia. Tres autem isti gradus, qui omnes *sensus & sensationis* nomine solent exprimi, & quia perquam celeriter se invicem sequuntur, rarò à maximâ parte hominum, & à vulgo, saltem quoad scientiam, nunquam solent distingui, cum tamen maximè in se diversi sint. Nam quando oculus dicitur videre, auris audire, de iis tantum motibus id intelligendum est, qui in organo corporeo excitantur, cui tantum primus gradus propriè competit; quum manifestum sit oculum objecta sua non percipere, nec de illis judicare. E' contra dicimus nos hunc vel illum non vidisse, si mens aliò avocata, ad eum non attenderit, licet ille se nobis obtulerit, præsensque oculis obversatus fuerit: quo casu *visus* vox usurpatur pro ea cogitatione, quæ formatur in mente, ex occasione eorum, quæ in oculo & cerebro fiunt; & juxta hanc visus notionem, *vīs cōpā*, *vīs dīvisi*, non corpus,

pus ejusque membra, & clarè apparet secundum gradum menti proprium esse. Unde à Platone, & post eum atque ex eo à Cicerone verè assertum est: *Nos enim ne nunc quidem ea oculis cernimus, qua videmus; neque enim est ullus sensus in corpore. Via quasi quadam sunt ad oculos, ad aures, ad nares à sede animi perforata; itaque saepe aut aliquà vi morbi impediti, apertis atque integris & oculis & auribus nec videmus, nec audimus, Ut facile intelligi possit animum & videre, & audire, non eas partes, qua quasi fenestra sunt animi.* Denique usurpantur hæ voces visus, auditus, gustus, tactus, olfactus pro judiciis post perceptiones rerum talium factas, occasione eorum, quæ in organis corporeis efficiuntur.

XV. Bestiæ non nisi primi gradus capaces sunt, & nihil in ipsis observamus vel intelligimus, quod nobis persuadere possit eas in secundo gradu sentire id est propriè percipere: nam licet illa impressio objecti externi deferatur per fibras nervorum usque ad cerebrum; impressio tamen illa, quæ cerebrum afficitur, quia mente & ratione carent, non perceptionem quandam causatur, sed saltem à cerebro exinde varii motus excitantur in corporibus earum per spiritus, secundum varias bestiarum species & dispositiones, quæ in singularum istarum corpore pro eo tempore reperiuntur. Primus & secundus gradus nunquam in homine sunt separati, quando impressio sive motus satis efficaciter ad sedem mentis deferatur. Secundus autem & tertius non semper simul inveniuntur, præsertim in sapientioribus, qui, quoniam observarunt sensus sæpius eos fallere sive erroris occasionem præbere, non mox de omnibus rebus, quas sensus eos percipere faciunt, judicium ferre solent, sed, donec accurate examinerint sive dubitaverint, illud suspendunt.

XVI. Indubium autem est in sensibus nullum errorem aut falsitatem reperiri, quatenus in organis corporeis fiunt, neque etiam in nudâ mentis perceptione, quæ simplex tantum apprehensio est. Sed omnis error exinde proficitur,

X x

quod

quod malè judicemus affirmantes vel negantes. Manifestum enim est, quamdiu nihil affirmamus, vel negamus; nos non errare; sed quod aliqui in simplici apprehensione errorem statuerint ex eo contigit, quod eandem à judicio non satis accuratè distinxerint. Superest igitur error sive falsitas tantum timenda in judiciis juxta sensus latis; de quibus jam videndum in quantum valent, vel secus se habent.

XV II. Et proinde jam dicendum est, quando & quomodò juxta sensus judicare licet, quando non; sive quando seductionis metus iisdem subest, aut non; adeoque quando tutò iis fides adhiberi potest, aut non potest.

Primò autem quod attinet ad res spirituales sive potius intellectuales, quia ex antedictis constat omnes sensus ex motu corporeo & ab objecto corporeo excitari; & porro certum est res intellectuales corporum prorsus expertes esse, nec proinde motus corporeos excitare posse, ideoque per sensus de rebus intellectualibus judicium ferri nec posse nec debere; nam profectò graviter hallucinantur, qui existimant & ipsarum rerum intellectualium puta mentis nostræ & Dei cognitionem à sensu oriri, pronunciantes absolute, *Nihil esse in intellectu, quin fuerit in sensu.*

XV III. Contingit equidem ut sono aliquo audito, mentem subeat cogitatio, & exinde notitia multarum rerum: atque ut ex lumine ex chartâ reflexo oculos diversimodè movente, & in mente ideas colorum excitante, quibus characteres varii repræsentantur, sequatur idea seu cogitatio de Deo, de animâ, postea de aliis. Item ut cum esuriens, sitiens, frigens cogitem de mentis & corporis mei inopiâ, & Dei plenissimâ sibi sufficientiâ. Sed si quis exinde colligat se ex coloris vel soni perceptione, vel ex alio etiam affectu, cui sensus corporeus occasionem præbuit, spiritualium rerum notitiam consequi, adeò ut hæc sensibus in tantum alligata sit, ut hi sine ejus non causa quidem, vel exemplar, sed vel occasio, quæ prærequiritur, ut notitia talis exinde sequatur; si quis, inquam, hoc existimet, longè fallitur. Si enim nil magis perfectum, quam quod est in sen-



sibus eorumque ideis, aliunde adesset, nemo unquam ex his in Dei aut mentis notitiam deveniret. Id testantur tot infantes; tardi, plebei, barbari qui verba de Deo, & mente vel audiunt vel legunt, & tamen nunquam justam ullam exinde perceptionem in mente de iis formant. Rerum igitur spiritualium ideæ aliunde, quam à sensibus adsunt menti, quas contemplatur attentè, multa studio multo in iis detegens, quæ demum labore & industriâ coloribus, characteribus, verbis, sonis alligat, ut cum per corporea à spiritualibus sit sæpe avocata & impedita, vice versâ per illa etiam quandoque minus quam per alia impediatur, memineritque hâc ratione sui ad se reditus: secus autem si foret, in legendo vel audiendo omnis luderetur opera. Verborum exteriorum plaustra inepta sunt, ut per sepositione suâ nudâ, vel visu vel auditu inferant verba interna & notiones, quæ demum verè verba sunt, quæque nemo hominum alteri loquendo insinuare aptus est, sed impressit solus mentium author Deus, ad quæ capienda mente in se reflexâ, cæteris relictis; seriò est attendendum. Id si negent sensuum patroni, exponant igitur quâ ratione fieri possit, ut infantes cum primum fari addiscunt, auditis modo nudis vocibus, res per illas designatas intelligant, quas nemo unquam ipsis ingessit, nec ingerere potuit hominum. Patet itaque sensus in rerum spiritualium cognitione nihil nos adjuvare; sed mentem sibi attentam posse iis rebusque corporeis ita uti, ut quæ sibi sine illorum ope & vi impressa habet, quæque cogitat, eorum occasione non naturali, sed studio multò acquisitâ, iterum in cogitationem possit revocare. Uti videmus pios ex occasione rerum, quas vident corporalium, ilicò assurgere ad Dei virtutes deprædicandas, non virtute istarum rerum corporearum, sed assuetudine crebrâ, qua mentem in contemplando Divino Numine detinuerunt & defixerunt.

XIX. Res igitur corporeæ objectum sensus sunt & de iis secundum sensus vel bene vel malè ferimus iudicium, sive rectè iis fidem adhibemus, vel erroneè.

XX 2

Et

Et rectè quidem sensuum judicio stamus. Primò quoad rerum existentiam sive, ut appellare solent, quoad *res*; non enim metuendus est in eo error, quod sensibus nostris externis adferentibus nobis ideam rei alicujus corporeæ fidem adhibeamus, affirmemusque rem illam extra nos revera existere. ex. gr. Cum sol luce suâ radianti oculos nostros afficit, absolum esset negare solem splendere. Hoc interim tenendum est, illud testimonium à sensibus petitum valere tantum affirmativè, ut loquuntur, sed non negativè; nempe valet illatio: Visus dicitur turrin esse; ergo Turris extat: At non valet: Visus non experitur in aëre materiam. Ergo aër est materiæ omnis expertus.

XX. Deinde sensuum perceptiones satis infallibiliter docent menti nostræ conjunctum esse Corpus, & nos siti ac fami, dolori ac titillationi esse obnoxios, nosque cum corpore arctissimam habere unionem, ut & supra diximus.

XXI. Tertiò sensus corporei valent, iisque rectè assentimur, cum de iis quæ corpori, commoda vel incommoda sunt, & proinde (quæ corpus nostrum pars nostri est) cum quid ex eis toti composito, ex mente & corpore constanti, prosit vel oblit judicaturi sumus; hic enim primarius sensuum scopus est, propter quem ab autore naturæ nobis concessi sunt: nam pro diversitate graduum jucunditatis vel molestiæ, perceptiones sensuum diversam arguunt dispositionem & habitum objectorum externorum, alimentorum, sanguinis & spiritum animalium, ad corporis totius compagem, & inde ad conservationem totius hominis. Externis enim sensibus lux & colores, soni, odores, sapor, frigus & calor, durities & mollietates, gravitas & levitas: alimentis, sitis & fames; sanguinis, passionibus; & denique spiritibus animalibus, eorumve vasculis dolores & titillationes vehementiores ut plurimum respondent; idèque sensus sufficient, ut juxta eisdem de commodo & incommodo, quoad conservationem compositi & præcipuè corporis judicemus. Et quia perceptionibus istis sensuum qualitates, quas vocant *Tactiles*, non  
raro

rarò respondent, præsertim in rebus arte factis, utpote majoris molis, & proinde aptioribus sensuum objectis; hinc in Physicis sensuum judicia sæpè subternuntur fundamenti loco, ut de rebus per rationem dijudicemus. Cavendum tamen est, ne confusas & tumultuarias illas perceptiones esse putemus ipsarum rerum schematismos, rebus omninò similes & conformes; si enim rerum naturas juxta easdem præcisè dijudicemus in infinitos prolapsuri sumus errores.

XXII. Quartò standum est sensuum judicio in civili conversatione, & in regimine Reipublicæ; nam si in rebus agendis summam evidentiam & certitudinem rationis semper investigare vellemus, rerum agendarum occasio sæpius præteriret: præterquam quod in colloquiis mutuis, in contractibus civilibus plurimisque aliis negotiis id summo opere noxium & ridiculum esset: in administratione autem Reip. inevitabilem totius boni publici ruinam procul dubio secum traheret, siquis adventantibus ad regionis limites hostibus, nunciis certissimis, oculatis testibus, imò propriis sensibus rem verissimam annunciantibus non crederet.

XXIII. Ut autem uno verbo omnia complectar, in primâ philosophiâ ubi mentis nostræ & Dei existentia & essentia investigantur, in Mathesi quoque purâ sensus externi nihil valent, licet in hâc imaginatio magnæ efficaciz sit. In Physicis autem, quia de rebus corporeis scientia est, aliqua ratione iis standum est, aliqua neutiquam, quod & in ipsâ Medicinâ locum habet. At in Ethicis, Politicis, Oeconomicis, hisque cognatis disciplinis Jurisprudentiâ, Historicis, aliisque maximi usus sunt. Illud tamen assiduò memori mentē tenendum est rationi semper, quantum fieri potest, primas esse tribuendas; sensus enim rationi repugnantes nunquam audiendi, quoniam bruti affectus, cœci que sunt impulsus.

XXIV. Eant nunc Censores Philosophi eumque sequentium, objiciant S. Scripturam ad sensuum certitudinem sæpius provocantem; at nos ex animo gratulamur no-

bis de sensibus à Deo concessis; probamusque multò efficacius, quàm ipsi criminatores qui accidentia realia cum ipso Papatu introducunt, in Canâ Domini peractâ benedictione, revêra remanere panem & vinum, ipsamque μετεωσιαν Pontificiam merum figmentum esse; sed concedant pariter, nisi omnem cultum λογικόν repudiant, potissimas partes rationi & intellectui in actu hoc sacro ritè peragendo deberi, utpote mentem ab externis illis signis, quæ in sensus se ingerunt, ad intelligibilia esse avocandam & supra signâ illa materialia ad rem signatam putâ Christum cum suis beneficiis esse elevandam.

F I N I S.



I N-

# I N D E X RERUM PRÆCIPUARUM

In Proœmio & Exegesi

*Numerus Paginam indicat.*

A.



**A**cademia quis locus  
 & ubi. 52. 55.  
 Academici quinam  
 & undedicti. 33.  
 eorundem ut &  
 Scepticorum ἀκαταλυσία con-  
 victa. 173.  
 Accidentia realia explosa. 15. 17.  
 18. & refutata. 20. ad 23. ex-  
 terna corporis naturam non con-  
 sistunt. 224. 225. eis enim sub-  
 latis corpus remanet idem. 225.  
 Adversarii Cartesii cur adeo acri-  
 ter eum impugnarint. 6. 7. 8. 9.  
 Ægeon seu Briareus quis & qua-  
 lis. 98.  
 Analysis quid sit. 3. quos partibus  
 constet. 2. 5. 6.  
 Angeli solo intellectu cognoscuntur.  
 239. 240. appellantur antiquis  
 Genibus. Genii. 145. 146.  
 Anima vox est ambigua. 196. ejus  
 definitio ab Aristotele proposita  
 obscura & vitiosa, ut & in-  
 tegra ipsius de eâ doctrina. 205.  
 206. 207. 208. cur eo nomine

Cartesius à Gassendo appellatus.  
 199.  
 Animadverto quid denotet. 32.  
 Animalia ab æterno fuisse statu-  
 runt Aristoteles & Pythagoras.  
 121. animal rationale perperam  
 definitur homo. 187.  
 Animi nostri cognitio est divina  
 & necessaria. 173. 174. ani-  
 mos hominum ex atomis esse con-  
 flatos statuunt Epicurei. 129.  
 Archimedis generosum propositum.  
 153.  
 Argus quis sit. 98.  
 Aristoteles docet dubitare 45. 46.  
 ejus de astra bilis viribus erro-  
 neæ opiniones. 77. 78. refutata.  
 79. continuatam rerum seriem  
 impie induxit. 130. 131. 132.  
 Aristoteles impia erga præ-  
 ceptorem reverentia & devotio.  
 13.  
 Arithmetica aliquid veri continet.  
 104.  
 Athei quinam 112. 114. Multi  
 fuerunt antiquitus & quinam  
 112. usque ad 120. cur adeo  
 impie. ibid. Scepticis quæ ratio-  
 ne

# I N D E X.

ne contrarii. *ibid.* cur iis falsa  
de Deo opinio ad tempus à Car-  
tesio concessa. 120. 136. 137.  
ad 141. nec in eo fides pericli-  
tatur. 120. 121. contra eos so-  
lidissime scripsit Cartesius. 114.  
115. nullum habent fundamen-  
tum veritatis. 121. & 132. nec  
scientiam certam. 135. cur eo-  
rum argumenta Cartesius propo-  
suerit. 57.  
Atheismi minimè insimulandus Car-  
tesius. 30. 31.  
Atomi quid sint, & quomodo  
ex iis mundum coisse statuat  
Epicurus. 128. 129.  
Attributa Divina probant mentis  
immortalitatem. 246. Mentis  
quomodo distinguenda. 237. 238.  
Augustini consensus cum Carte-  
sio de primâ veritate Philoso-  
phica, Ego Cogito, Ego sum.  
157. 158.

## B.

**B**onum quid. 102.  
Bruta saepe magis pollent sen-  
su, quam homines. 232. 233.  
Briareus, vide *Ægeon*.

## C.

**C**artesius an præ cæteris quid  
in Meditationibus Meta-  
physicis præstiterit, & cur.

8. 9. 11. Ejus modestia. 9. 142.  
non est novator in epodo. 14.  
15. nec favet transsubstantia-  
tioni, sed eam variis rationibus  
evertit. 14. usque ad 21. Ortho-  
doxè de sacramento Cena loqui-  
tur, facientibus ipsis Pontificiis.  
21. 22. Si defendere transub-  
stantiationem conatus est, sibi  
ipsi est contrarius. 22. & in eo  
erravit. 23. ab Atheismo &  
Scepticismo alienissimus. 30. 31.  
41. 42. 49. & eorum antago-  
nista maximus. 49. 165. est dog-  
maticus. 49. Secessit in Belgium,  
& cur. 55.  
Caro cur Gasendus à Cartesio ap-  
pellatus. 200.  
Causa causa mundi Epicuro. 128.  
explosus. 129.  
Caula nostri non sunt parentes, nec  
nos ipsi. 133. quò nostri imper-  
fectior, tantò major suspicio &  
necessitas errorum. 133. 134.  
135.  
Cerberus quid sit. 97.  
Certitudo in scientiis non à sensu,  
sed ab intellectu pender. 41.  
Moralis & Metaphysica quid  
sint & quomodo differant. 57.  
106. cur non modo moralem,  
sed metaphysicam quasiverit Car-  
tesius. 106.  
Cicero ubi philosophatus. 53. do-  
cet dubitationem. 143.  
Chimæra quale figmentum. 97.  
unde

# I N D E X.

unde originem traxerit.

Cogitare quid denotet & includat. 212. 214. 215. in eo consistit mentis essentia & existentia. 216. ad 221. ejus dua species. 216. cogitare variatur mente cogitante invariata. 219. 220.

Cogitatio sola pertinet proprie ad mentem. 193. 194. quid sit. 194.

Cognitio Dei insita cur opinio distat. 107. 120.

Conciliatio Cartesii cum aliis Philosophis cur a nobis facta. 12. non fit contra mentem Cartesii, sed ipso prorsus consentiente. 12. exempla ejus apud philosophum ibid. non est impossibilis. 13.

Corpus in genere quid sit ejusque synonyma. 101. male definitur à Scholasticis. 189. 190. non dignoscuntur sensu corpora. 225. 228. nec imaginatione. 227. 228. 229. 231. 238. 239. nec ex accidentibus externis. 224. 225. natura corporis in quo consistat. 226. corpora sola cognosci multi existimant. 223. unum in aliud potest à Deo converti. 20. 21. in mixta si fieret non esset corpus transmutatum corpus Christi. 21. partes corporis humani externa. 188. corpus & anima partes essentielles hominis. 244. corpus non potest

cogitare.

Curæ & affectus noxii in studiis. 245. 52. 98.

Cyclops quid sit.

Continuata rerum series seu fatum physicum quid 130. impia est ejus assertio. 131. nihil veri vel certi per eam statui potest ac inveniri. 132.

## D.

**D**emonstrandi ratio quotumplex. 2. qua in meditationibus adhibita. 3.

Deus est omnipotens & nostri creator. 107. est bonus. 109. 110. nec fallax. 111. 137. summum bonum & verum 111. 134. qui serio de Dei existentia dubitant sunt athei. 112. solus sapiens & omnis sapientia ac scientiarum fons. 137. per genium malignum non intelligitur Deus. 46. 147. nunquam serio de Deo dubitavit Cartesius. 163. 164. 165. solo intellectu cognoscitur. 239. 240.

Dii duo finguntur à Manicheis, Magis & Pythagorâ. 133.

Diabolus non est creator carnis nostra. 134. 135. inventor sui sibi mali, nostri suavor. 134.

Dubitatio quare propofita & admiffa in principio Meditationum. 3. 4. ejus utilitas & necessitas. 40.

## Y y

40.

# I N D E X.

40. 41. 43. 143. remedium  
est aduersus dubitationem 41.  
Discrepantia inter Atheorum,  
Scepticorum & Cartesii dubi-  
tationem 41. 4. dubitationem  
docet Aristoteles. 44. 45. item  
Eustathius & Plato. 46. ut &  
Cicero. 143. seria de Deo est  
atheismus. 112. quamdiu conti-  
nuanda. 142. 143. ad quas res  
sit extendenda. 144. quis præ-  
cipuus finis. 153. 154. an ab eâ  
producenda melius abstinisset  
Cartesius. 161.  
Duratio quid sit. 102.

## E.

**E**mpula, quæ sit. 98.  
Empedocles se mentitus est  
Deum. 115. ad 118.  
Epicuri error de insomniis. 87.  
88. 89. de Diis. 100. eius opi-  
nio, ut & Leucippi ac Demo-  
criti de conditu mundi fortuito  
per casum explicatur & per-  
stringitur. 128. 129.  
Errores varii in Philosophiâ ve-  
terum à Cartesio detecti. 34. U-  
nus alterius est causa & origo.  
36. & 39. Eorum quæ sit me-  
tela. 39. 40.  
Essentia quid sit. 102. mentis cer-  
tius, distinctius & clarius est  
cognita quam corporis. 236.  
237. 239.

Existentia quid sit. 102. mentis  
quomodo detegatur. 156. quam-  
diu duret. 195. est certior faci-  
lior & evidentior quam corpo-  
ris. 233. 235. quomodo ex quâ-  
libet actione nostrâ certissime  
probetur & non probetur. 234.  
Extensio quid sit. 102.

## F.

**F**acultates nutriendi, mouen-  
di, sentiendi perperam à  
Peripateticis menti ascriptæ.  
188. 189. 191. 192.  
Fatum quatuorplex 122. Stoicum  
quid. 123. est impium. ibid.  
Masi-maticum sive Astrologi-  
cum quid sit. 125. eius assertio-  
res impii. 126. 127. nihil veri  
& certi inducit. 127. 128. Fa-  
tum & Casus e diametro re-  
pugnant. 128. Theologicum quid  
sit. 130. Physicum quid sit. ibid.  
Figmentum quid sit, & quomodo  
fiat. 94. nullum ab homine pla-  
ne novum potest excogitari. ibid.  
varia eorum exempla. 94. ad  
100.  
Figura quid sit & unde resultet.  
100.



# I N D E X.

## G.

**G** Eni quinam. 145. boni vel mali. 146. custodes hominum. 146. cur malus à Car-tesio introductus. 145. 146. 147. 148. mas & femina. 146. Geometria aliquid veri continet. 104.

## H.

**H** Aepyia qua sint. 97. Homo propriè dormit ac somniat. 85. imò insomnia fin-gulis noctibus habet, licet eorum sit immemor. 86. 87. eius defi-nitio in Scholis usitata multis modis vitiosa. 176. 187. Humanum corpus quid sit ejusque partes. 188. Hypotheses in Meditationibus Cartesii ex aliorum sententiâ re-feruntur, & quæ. 1. 3. 4. & cur 3. Esse revera aliorum hy-potheses probatur. 4.

## I.

**I** Dololætiæ fundamentum de Deo velle judicare per phan-tasiam. 241. 242. Imaginari quomodo pertineat ad mentem. 199. 215. imaginatio-ne mentis natura non potest per-

cipi. 210. 211. 212. quid sit & quomodo fiat. 211. 212.

Imagines Martis & Veneris è ma-gnete & ferro. 230. rerum ter-porcarum obsunt in cognitione rerum intellectualium. 242. 241. 242.

Impossibile est aliquid simul esse & non esse non est primum in Metaphysicis principium. 170. ad 173.

Inscriptio Meditationum cur tan-tum Dei Existentiâ & A-nimâ à corpore Distinctionem proficitur. 29. 30.

Insomnia qui fiant generaliter ex-plicatur. 82. varia eorum exem-pla enarrantur. 83. 84. eorum cause magis particulares expo-nuntur. 84. 85. 86. in omni ho-mine quovis somni tempore dan-tur. 86. 87. Democriti, Epi-curi & Lucretii error de causis insomniorum. 87. 88. 89. per insomnia veritas non est inqui-renda. 212.

Intellectu puro multa sunt dijudi-canda. 105. per eum veri & certi aliquid indubitato cogno-scitur seu vigilemus seu somnie-mus. 106.

## L.

**L** Atini sermonis puritatem se-ctatus est Cartesius præ Scholasticis. 32.

Y y 2

Magi

M.

**M** Agi duos Deos Oromazen  
& Arimanium finxerunt  
133.

Mali veram originem ignorant  
Stoici. 123. & Manichæi.

133. 134.  
Manichæi duos Deos Dyovemet Ve-  
jovem impiè statuunt. 133. 134.

Materia prima, vide Corpus.

Materiem Deo rebellem fingunt  
Stoici, unde mala interna & ex-  
terna originem traxerint. 123.  
124.

Maresius Cartesium ab omni A-  
theismi suspitione liberum decla-  
rat. 166.

Meditationes quâ methodo con-  
scripta. 3. 5. 6. cur ita dicta.  
25. cur sex sint. 6. quo ætatis  
anno à Cartesio conscripta 50.  
51. cur adeo serò ibid. medita-  
tionis prima & secunda mase-  
ries carptim proposita. 158.

Melancholia unde oriatur 75.  
quomodo ab irâ differat. 76.

Melancholici quinam & eorum  
mira phantasmata. 75. cur in-  
sani, amentes & dementes di-  
cuntur. 76. causa imaginatio-  
num erronearum in melancholi-  
cis. 80. 81.

Membra corporis cur ad tem-  
pus rejecta à Cartesio 147. qua-

nam sint externa præcipua. 188.

Mens nostra est aliquid, ens ali-  
quod. 174. est substantia. 196.  
ejus existentia quomodo demon-  
stretur. 156. 175. ejus essentia  
indaganda & quomodo. 175.  
187. quomodo necessario sit.  
175. facultates nutriendi, &  
incedendi & sentiendi perpe-  
ram illi olim ascripta. 188.  
189. 191. 192. 197. est aser-  
na. 192. cogitatio sola illi pro-  
priè competit. 193. 194. men-  
tis synonyma. 126. quid sit pro-  
pria. 198. cur principium quo  
cogitamus mentem, non verò  
animam appellamus. 196. non est  
corpus humanum, nec aliud ali-  
quod subtile corpus. 199. 200.  
201. 202. & c. erronea genti-  
lium de mente humanâ opiniones.  
199 ad 209. se cognoscit per  
se. 217. 218. cogitat etiam in  
somno. 218. præjudiciis assueta  
recta ratione agerrimè obsequi-  
tur. 223. ejus attributa quomo-  
modo distinguenda. 237. 238.  
seipsam ex suis attributis distin-  
ctissime cognoscit. 238. à rebus  
sensibilibus abstrahendo. 241.  
ab eâ corpus totâ naturâ est di-  
stinctum. 243. 244. cur id multi  
non percipiunt. 243. 244. quo-  
modo humana immortalis. 245.  
& quare. 245. 146.

Mentes solo intellectu dignoscun-  
tur

# I N D E X.

tur. 239. 240.  
 Metaphysica unde dicta & cur.  
28. 29. cur Aristoteli *Μεταφυσική*  
 appellata. 29. res metaphysica  
 quomodo intelligenda. 241.  
 Methodus Cartesii multos offendit  
 & cur. 1. quoduplex. 2. 161.  
162. quā methodo conscripta  
 sunt meditationes. 3. 50. 61. phi-  
 losophandi aliquā ratione missior  
 quam in meditationibus propo-  
 sita. 190. 162. 163.  
 Morbi animi cur nomine insania  
 veniunt. 46.  
 Mors quomodo fingatur à poetis.  
 100.  
 Mori (Henr.) iudicium de Car-  
 tesio. 166. 167.  
 Motus & moveri quid sit. 102.

## N.

**N**osce teipsum, quid signi-  
 ficet. 174. 235.  
 Numina bona & mala finxit an-  
 tiquitas. 133.

## O.

**O**ntologia & οντολογία mi-  
 nus recte philosophia pri-  
 ma dicitur. 28.  
 Opiniones veteres abdicanda. 33.  
40. 141. 149. 175. agere de-  
ponuntur. 222. 223.

## P.

**P**receptio est perfecta vel im-  
 perfecta, clara & distin-  
 cta, confusa & obscura. 218.  
232. intellectualis vel sensualis.  
 232.  
 Perturbationes animi cur insania  
 nomine à philosophis dicuntur.  
 76.  
 Philosophia quid sit. 25. 26. me-  
 ditatio moris quomodo à Pla-  
 tone dicta. 25. 26. quomodo à  
 Socrate distinguatur. 26. 27. ve-  
 tus ad quem gradum sapientia  
 pervenit. 47. 48. Academica &  
 Peripatetica unde ortum habent.  
48. utriusque principium funda-  
 mentum sensus. ibid. Cur Aca-  
 demica & Sceptica non diu vi-  
 guerunt. ibid. Peripatetica cur  
 diu vixerit licet falsis nitatur  
 principiis. 48. 49. Peripatetica  
 qualis. 10. est nova. 13. Carte-  
 siana quatenus nova & quate-  
 nus antiqua. 12. 13. 14. Stoi-  
 ca, Platonis & Trismegisti fal-  
 sis nituntur principiis & nihil  
 certi possunt affirmare. 125.  
 Philosophus quis primo dictus, &  
 cur. 27. veterum Philosophorum  
 qualia sint scripta & cur. 10.  
11. eorum Schola. 52. 53.  
 Phantasia non est effectrix rerum.  
 105. nec de existentia rerum per  
 Y y 3 cam

eam iudicandum. ibid. prater eam  
est in nobis intellectus purus. ibid.  
Phantasmata quid sint. 91. semper  
aliquid veri representant. 93.  
94. 101. 104. ex his de rerum  
existentia non est iudicandum.

105.  
Physica Generalis aliquid veri con-  
tinet. 106.

Plato docet dubitationem. 46. ma-  
teriam Deo rebellem finxit. 123.

Præiudicii plurimis ab ineuntibus  
causis sumus obnoxii. quæ earum  
causæ. 34. ad 38. ea deponenda  
in limite philosophia. 39. 40.

140. 141. & possunt exurderet  
386. 43. 56. 149. 150. 222.

223. cur non necesse sit ea in li-  
mite philosophia considerare.

57. nec recedere. 58. quomodo  
exui possint. 56. 141. 142.

Prima philosophia autem ita dicta.  
28. quibus nominibus aliis appel-  
latur. ibid. aliquid veri continet.

104.  
Principia falsa dubiam & fluctuan-  
tem pariunt opinionem. 39. 40.

vetæ philosophia cur diruenda,  
& nova querenda. 47. 49.

58. quod factu difficile. 49. 50.  
vetæ philosophia quam finit.

59. 60. suis fallacia. 61. ad 72.  
duo rerum à Platone Stoicis &

Trifonegisto erroneè statuntur.  
122. 125.

Proteus quis & qualis. 98. unde

origo istius fabulæ. 99.

Productio nostri non est à nobis ip-  
sis, nec à parentibus. 133. qui  
hoc statuunt nihil certo affirma-  
re possunt. 134.

134.  
Q. 102.

Q. 102.

Q. 102.

R. 102.

R. 102.

R. 102.

R. 102.

R. 102.

S. 102.

S. 102.

S. 102.

S. 102.

S. 102.

S. 102.

S. 102.

S. 102.

S. 102.

• sentia iuxta phantasmata & phantasia. 104.

Sentire quomodo ad mentem spectat. 194. 195. 199. 215.

Sensus Philosophia veteris principia. 59. 60. sunt fallaces. 61. ad 72. fallunt etiam circa res proximas. 82. & proinde non sunt genuina Philosophia Principia. 72. non tamen semper fallunt, sed quedam iudicia iuxta eos sunt vera. 54. Docent quod res sint, quid sint docere nequeunt. 229. cur negati a Cartesio. 147. brutis sensibus externis magis sepe possunt, quam homines. 232. 233. omnes eorum certitudo ab Epicuro, Leucippo & Democrito prorsus profigatur. 129. 130.

Sicenses quae sint. 94. 95.

Somnus a vigilia a quibusdam non potest discerni. 82. 90. 91. eius quedam descriptio & a vigilia distinctio. 85. vulgares distinctionis nota inter somnum & vigiliam non sunt sufficientes. 92. quomodo fingatur a Poetis. 100.

Spectacula admiranda. 230.

Stoici mali originem ignorant. 123.

Stupor quid sit, & eius causa. 93. duplex est. 92. 93.

Synthesis quid sit. 2.

T.

**T**ranssubstantiatio a Pontificiis imprudenter inuenta & defensa. 15. 16. 18. 19.

Trismegisti error de origine mali. 124.

Tusculanum quis locum. 53

V.

**V**E particula in compositione quam vim habeat. 133.

Veritas post opiniones veteres abdicatas serio querenda. 148.

151. ad 154. prima, ego cogito, ego sum. 156. 157. oppugnata & defensa. 167. ad 173. veritates quam firmiter a Cartesio demonstrata. 5. 7. cur tamen adeo vehementer ab adversariis oppugnata. 7. veritatu inveniente prima ratio 39. quales veritates a Cartesio qualita. 106.

142.

Verum quid sit. 102. per intellectum cognoscitur. 106.

Virtilis aetas rebus agenda & veritatibus eruendis aptissima. 50.

Vita solitaria & otium convenit philosopho. 52. hac elegerunt omnes antiqui Philosophi cum Cartesio. 52. 53. 54.

Vivere philosophi quid. 52.

Urbes populoae in studiis noxia, & cur. 55.

Utrum quid. 102.

# I N D E X: RERUM PRÆCIPUARUM

I N

## Quæstionibus ad Primam Phi- losophiam.

*Numerus Paginam indicat.*

**A.**



**A**ccidens nequit esse  
sine subiecto.

292.

**A**ctiones voluntatis  
nostra dependent à Deo, licet respectu  
nostri indeterminata sint 313.  
ad 323. Difficile id explicatu.

314. ad 316.

**A**ctus alii corporei, alii cogita-  
tivi.

292.

**A**ntagonistæ Cartesii relabuntur  
ad Scepticismum 334. 336.

**A**pprehensio simplex non est obno-  
xia errori 355. 356.

**A**rbitrii Libertas vide Libertas  
Arbitrii.

**A**ristoteles nova finxit vocabula.  
287. 291. Pelagianismum do-  
cet.

344. ad 346.

**A**rtisfacta juvant in consideratione

rerum physicarum 350. 351.

**A**thei impie arrogantes. 76.

**A**utòs à quæ non admittit Cartesius;  
exigit Aristoteles. 334.

**B.**

**B**estiz quomodo sentiunt. 355.

**C.**

**C**artesius quomodo & quo  
principio contra Atheos  
& Scepticos Dei existentiam  
demonstrat. 262. 263. 269.  
Non dubitat sibi. 260. Dubi-  
tat ex cognitione veritatis. 264.  
Dubitat ut alios ad veritatem  
perducatur. 265. Non dubitat de  
rebus agendis, credendis, nec  
de clare & distinctè perceptis.  
266. 267. Dubitat ut dubita-  
tionem tollat. 268. Scepticismi &  
Atheismi neutiquam reus. 270.  
Menti;

# I . N . D . E . X . I

*Menti ascribit quicquid ulli Philosophi unquam illi rectè ascripserunt.* 288. *Quidam eius assecta menti naturam perperam concipiunt.* 293. *Ejus doctrina de libero arbitrio convenit cum Augustini.* 307. 322. *Cum Calvinii & Synodi Dordracena.* 323. *Nunquam docuit dubitationem de Deo.* 252. ad 258. *Eius philosophia laudatur a Martesio.* 270. 271.

*Cavere ab omnibus erroribus non possumus.* 340. ad 346.

*Cogitatio quæ essentiam mentis constituit est invariabilis.* 288. *quatenus variabilis.* ibid. *Cur non semper earum sumus memores.* 289. *Includit omnia mentis attributa.* 291. & *actus.* 292. 293. *Probat animæ rationalis existentiam.* 283. *Est animæ attributum essentiale; in quo eius essentia consistit.* ibid.

*Cogitatio & mens quomodo à se invicem distinguantur.* 285. *quo sensu ipsa mens cogitatio appellatur.* 285. 286.

*Cognitio Dei adequata non est in nobis.* 271. ad 282. *Dei in hac vita est imperfecta.* 271. ad 273.

*Gentilium respectu Cartesii merita tenebra.* 272. *ullius rei adequata an sit ignoramus.* 274. *Naturalis de Deo summam proposita* 282. *Cartesii & aliorum*

*Philosophorum Christianorum de Deo eadem.* ibid.

*Claudius Mamercus consentit cum Cartesio de essentia mentis.* 293. 294.

*Comprehendere Deum non possumus.* 273. & seqq.

## D.

**D**efinitio genuina mentis quomodo formanda. 290.

*Disputatio de infinito non est instituenda.* 272.

*Determinatio est extrinseca vel intrinseca.* 315. 316. & *quomodo illa locum habet in libero arbitrio, hac vero non.* ibid.

*Deus potest intelligi, non comprehendi à nobis.* 276. 277. *Eius imaginem quomodo homo gerit.* 325. 327. 330. 331. 332. *Eius existentia demonstratur ex ipsius ideâ menti humana insita.* 262. 263. *Nihil in hominem de sua substantiâ transfudit.* 331.

*Deus Filius quâ ratione imago Patris.* 325. 327. 330. 331. 332.

*Dubitatio seria de Deo nunquam à Cartesio fuit instituta.* 252. *Non ab omnibus instituenda.* 267. *Cartesiana & Sceptica quomodo differant.* 260. ad 270.

*Dubitare in limine Philosophiæ oportet de iudiciis per sensus la-* 222.



# I N D E X.

tis. 253. 254. Et de rebus sensibilibus, siue materialibus. ibid.

¶ 255. Ratione: cur id fieri oportet assignantur. ibid. ¶ 262.

Cur etiam licitum de Mathematicis demonstrationibus. 255.

256. 262. Non dubitandum de rebus credendis, agendis, clare & distincte perceptis. 266.

267. 268.

E.

**E**rror omnis à nobis nequit evitari. 346. Quà error non dependet à Deo. 342. unde promanet. 342.

Essentia omnium rerum & veritatum dependet à Deo. 316. 317.

Extensio constituit naturam corporis. 287. Ad eam omnia corporis attributa referri possunt. 291.

G.

**G**assendi iudicium de Philosophiâ Scholasticâ. 335.

Gratia Divina nequitiam tollitur à Cartesio. 304. 305. 306. Non minuit sed augeat libertatem arbitrii. ibid.

H.

**H**omo non agit ut brutum, aut automaton. 304. Non est conditus ad imaginem angelorum. 331. Nihil in eam de

suâ substantiâ transfudit Deus.

ibid. Gerit imaginem Dei, & quomodo. 325. 327. 330. 331.

332. Non est canon & mensura veritatis. 339.

Hypotheses Scepticorum & Atheorum cur tanquam suas Cartesius proposuit. 258. 259.

Cur & quamdiu & quomodo admissa à Cartesio. 257. 258. falsis quandoque ipse Spiritus S.

utitur & Mathematici. 258.

259.

I.

**I**dea Dei quomodo differat ab aliis ideis. 262. 263. Demonstrat Deum esse. ibid.

Substantia creata & increata est distincta. 291. 292. Quomodo utraque formanda. ibid.

Jesuitæ falsam de libero Arbitrio docent doctrinam. 305. 306.

307. 311. 312. Scientiam mediam fingunt. 306. 307.

Imago Dei quatenus in homine. 315. 327. 330. 331. 332.

Indifferentia quâ ratione in voluntate nostrâ reperitur. 305. ad 313.

Est positiva vel negativa. 310. 311. Est infimus gradus Libertatis Arbitrii. 307.

Intelligere Deum possumus. 267. 277. 278. Quomodo differat à comprehendere. 278. ad 281.

In



# I N D E X.

**I**n *Intellectus proprietates in entis, quae alia dicitur facultas cognoscendi.* 294. *Est potentia passiva.* 302. *Est circumscriptus ac limitatus in nobis.* 324. 329. *Quomodo in eo relucet imago Dei.* 330. 331. *Quatenus à Deo non est causa erroris.* 342. *Noster est corruptus.* 332. 333. *Judicandi Facultas quatenus à Deo est per se non tendit in falsum, nec est causa erroris.* 340. 341. *Nec erramus cum ea recte utimur.* 342. *Judicium pertinet ad voluntatem.* 302. *quando erroribus obnoxium.* 356.

## L.

**L**ibertas Arbitrii in quo consistat. 296. *Perperam à quibusdam negatur.* 297. *Ob quam causam id fiat.* 298. 299. 300. *Quomodo probetur.* 298. *Ad quae objecta se extendat.* 299. 300. *Ea diversimodè consideranda in actionibus antequam exercentur; & eo quo exercentur momento.* 300. *Quando maxima.* ibid. *Ejus exercitium aliquando noxium.* 301. *Non habet locum in rebus spiritualibus, nec fidei; sed tantum in disjudicatione veri & falsi.* 303. 304. *Alio modo à Cartesio, alio à Jesuitis docetur.* 305. 306. *Dependet à Deo.* 306. 307. 313. *Forgei de ea error.* 320.

*Vide Voluntas.*

## M.

**M**editationis prima & secunda argumentum. 161. *Mens est substantia.* 284. *Ejus Synonyma.* ibid. *Semper cogitat.* 284. 288. 289. *Cur, & quomodo Cogitatio potest dici.* 285. 286. *In quo cum corpore convenit.* 289. 291. *Quomodo ab eo distinguitur.* 292.

*Ejus integra definitio.* 290. *Cur genus in ejus descriptione saepe omittitur.* 290. 291. *Ejus duae proprietates generales.* 294. *Videt & audit.* 354. 345.

## O.

**O**piniones omnes veteres abdicanda. 253.

## P.

**P**erceptio clara & distincta est norma veritatis. 332. ad 340. *Quae sit genuinus hujus regulae sensus.* 333. 334. 338. 339. *Quae sit clara & quae distincta.* 336. 337. 338. *Potest intelligi & haberi ab homine.* 335. *Nec est inexplicabilis.* 336. *Pelagianismus docetur ab Aristotele.* 344. 345. 346. *Philosophandi optima ratio.* 270. 272. *Scholasticorum inutilis.* 335.

## R.

**R**atio naturalis non capit mysteria Fidei. 266. *sensibus praefrenda,* 359. 360. *Cedere debet revelationi.* 266. 267. *Regulae in summa perfectione praescribendae, licet ita accurate observari non possint.* 343. 344. *Res Fidei credendae licet minus clare à nobis percipiuntur.* 266. *intellectuales sensu non percipiuntur.* 356. *quomodo ex occasione verum corporum & sensuum externorum intelligantur.* 356. 357.

## S.

**S**ceptici. *Cur, quomodo & quantum eorum & Atheorum sententiae à Cartesio admittantur.* 257. 258. *Conantur persuadere omnimodam dubi-*

# I N D E X

rationem. 268. 270. Dubitant ex  
diffidentia & ignorantia. 264. Qui-  
bus verbis suam dubitationem expri-  
mant. ibid. Dubitant ex pertinacia.  
264. 365. Dubitant de rebus agen-  
dis, credendis, clarè & distinctè percep-  
tis. 266. 267. Dubitant sibi & ut  
dubitent. 268.  
Scholastici horribilem euderint Meta-  
physicam. 318. 319. Et inutilem  
Philosophiam. 335. De eù iudicium  
Gassendi. ibid. Terminis utuntur ob-  
scuris. 335.  
Scientia media Jesuitarum commen-  
tum. 306. 307.  
Scopus Authoris in decidendis qua-  
estionibus metaphysicis. 25.  
Scripta Cartesii quæ ratione ab inimi-  
cis oppugnata. 251.  
Sensus non semper fallunt. 346. ad 360.  
Sæpe fallunt, & in quibus præci-  
pue. 352. Eorum fallacias cur descri-  
bat Cartesius. 346. 347. 353. 354.  
Ex iis quomodo probetur existentia  
corporum seu rerum materialium.  
337. 348. Quomodo corpus nostrum  
menti esse coniunctum. 343. Quomo-  
do probentur corporibus inesse diver-  
sæ varietates, modi & qualitates.  
349. 358. Quem usum habent in  
Physicis. 349. 350. 351. In quan-  
tum iis fides adhibenda & dene-  
ganda. 354. ad 360. In veritate inqui-  
renda sæpe nocui. 353. 354. Tres  
in iis gradus distinguendi. 354. 355.  
Eorum objecta res corporeæ. 358. Hæc  
per eos rectè probantur existere. 358.  
Ut & corpus nostrum. 358. Item

affectus corporei. ibid. Nec non com-  
moda & incommoda toti composito  
& corpori. ibid. In quibus discipli-  
nis potissimum usum habeant. 359.  
360.  
Substantia non cognoscitur per se, sed  
ex aliquo attributo. 291. 292. Cu-  
jusque substantiæ est una præcipua.  
291.

## V

Veritas quomodo ab inimicis solet op-  
pugnari. 251. Omnis quæcunque  
est dependet à Deo. 316. ad 318.  
Vitæ beatæ felicitas in quo consistat.  
271.  
Vocabula nova quandoque fingere licet.  
287.  
Voces sunt signa conceptuum. 287.  
Cur minus aptæ rebus sæpe im-  
ponuntur. 287.  
Voluntas sive Facultas eligendi sive  
Arbitrii Libertas est proprietas men-  
tis. 294. Quid sit. 294. 296. Quo-  
modo à libero arbitrio possit distingui.  
294. 295. Quomodo rem amplectitur.  
295. 296. Quando est indifferens.  
296. Quando minimè indifferens.  
300. Est potentia activa. 302. Cur  
aliqui eam passivam dicunt. ibid.  
Latissime se extendit. 324. 325.  
329. Quomodo libera. 325. 326.  
Humana in quo cum Divina conven-  
it. 327. 328. Ejus ratione potissi-  
mum gerimus imaginem Dei. 325.  
Et quomodo. 327. In quo formaliter  
consistit. 325. 316. Quomodo causa  
erroris. 330.

# F I N I S.









